

**IUSTINI  
HISTORIARUM  
EX POMPEIO  
TROGO LIB. 44**

---

Marcus Iunianus  
Iustinus



10

S-C

62



24









BIBLIOTECA NAZIONALE

IVSTINI  
HISTORIARVM

EX POMPONIO TROGO  
LIB XLIII

VENETIIS  
1676

Apud Paulum Balleonium







HISTORIA RVM  
EX POMPEIO TROGO  
EPI TOM E.  
LIBRO I.

**C**ontinentur hæc : Imperium Assyrio-  
rum à Nino rege , vsque ad Sardana-  
palum. Post quem translatum est per Arba-  
cem ad Medos , vsque ad vltimum regem  
Astyagen. Is à nepote suo Cyro pulsus regno  
est : & Persæ regno potiti . Vt Cræso Lydiæ  
regi bellum intulit Cyrus; victumque cepit.  
Hic in excessu dicti Æolicarum & Ionica-  
rum vrbium situs ; origineſque Lydorum  
& in Italia Tuscorum . Post Cyrum filius  
Cambyſes Ægyptum domuit . Repetitæ  
Ægypti origineſ vrbium . Extincto Cam-  
byſe , Darius occiſis Magis regnum Perſi-  
cum accepit ; captaque Babylone , bella  
Scythica molitus est .

LIBRO II.

**C**ontinentur hæc : Scythiæ & Ponti si-  
tus; origineſque Scythiæ vsque ad bel-  
lum quo est inde pulſus Darius : qui poſt  
hanc fugam Græciæ bellum intulit per Da-  
tin & Tiſſafernem , quod ſoli Athenienſes  
tenuere. Hic origineſ Athenarum repetitæ ,  
& reges vsque ad Piſiſtrati tyrannidem , qua  
extincta , ratione vicere Perſas . Vt mortuo  
Dario filius eius Xerxes bellum Græciæ in-  
tulit :

#### 4 HIST. EX P. TROGO

tulit: ac repetitæ origines Thessaliæ: expulsoque Græcia Xerxe, bellum ab Atheniensibus translatum in Asiam, usque ad Xerxis interitum.

#### LIBRO III.

**C**ontinentur hæc: Vt mortuo Xerxe filius Artaxerxes, ultus interfectorem patris Artabanum, bellum cum interfectore Ægypti habuit: primoque dux eius Achæmenes victus est: iterum per Agabazum Ægypto recepta. Vt Græcis cum rege pacificatis, bella inter ipsos orta sint. Inde repetitæ Peloponnensium origines: vt ab Herculis posteris Dorico populo sit occupata. Deinde bella Argolica & Messeniana: coalitique Sicyoniæ & Corinthi tyranni. Bellum Criseum & quod Athenienses primo cū Bœotis, dein cum Peloponnesijs gesserunt.

#### LIBRO IV.

**C**ontinentur res Siculæ, ab vltima origine, usque ad deletam Syracusis Atheniensium classem.

#### LIBRO V.

**C**ontinentur hæc: Bellum inter Athenienses & Lacedæmonios, quod Deceleicum vocatur, usque ad captas Athenas. Vt expulsi sunt Athenis triginta tyranni. Bellum quod Lacedæmonij in Asia cum Artaxer-

## E P I T O M E.

taxerxe gesserunt, propter Cyrum initium. Hinc repetitum in excessu Cyrium fratre bellum: & Gracorum, qui sub eo militauerunt.

## L I B R O V I.

**C**ontinentur hæc: Bellum Lacedæmoniorum gestum in Asia cum Persicis præfectis, ducibus belli, Herculide & Agésilao, vsque ad prælium nauale factum Cnidi, quo victis illis, Athenienses repetiere imperium. Dein bellum Corinthiacum, & bellum Bœotium, quo Leuctris & Mantineæ victi Spartani amisere imperium. In Thesalia deinde Iasonis, & post illum Alexandri Epirei coalitum atque extinctum imperium. Tum sociale bellum gestum aduersus Athenienses Achæis & Rhodijs, & Byzantijs. Transitushinc ad res Macedonicas.

## L I B R O V I I.

**C**ontinentur hæc: origines Macedonicae, regesque à conditore gentis Carano, vsque ad Magnum Philippum: ipsius Philippi res gestæ vsque ad captam urbem Methonem. Additæ in excessu Illyriorum & Pæonum origines.

## L I B R O V I I I.

**C**ontinentur hæc: res gestæ Philippi Magni, post captam urbem Methonem,

A 3 à prin-

## 6 HIST. EX P. TROGO

à principio belli Phocensis, quod sacrum vocant, vsque ad finem eius: interiectumque huic bellum, quod Philippus cum Chalcedonijs vrbibus gessit, quarum clarissimam deleuit Olynthon: Vt Illyrici reges ab eo victi sunt; & Thracia atque Thessalia ab eo subactæ: & rex Epiro datus Alexander, eiecto Aryba: & frustra Perinthos oppugnata.

## LIBRO IX.

**C**ontinentur hæc: Vt Philippus à Perintho summotus. Bizantij origines, à cuius obsidione summotus Philippus, Scythiæ bellum intulit. Repetita inde Scythicæ res, ab his temporibus, in quibus illas prius finierat, vsque ad Philippi bellum, quod cum Mathea, Scythiæ rege, gessit. Vnde reuersus, Græciæ bellum intulit: victorque Cheroneæ, cum bella Persica moliretur, præmissa classe cum ducibus, à Pausania occupatis angustijs, solemnibus nuptiarum filia occisus est, priusquam bella Persica inchoaret. Repetita res inde Persicæ à Dario notho, cui successit filius Artaxerxes cognomine Mnemon: qui post fratrem Cyrum victum, pulsaque Cnido per Conoua classe Lacedæmoniorum, bellum cum Euagora rege Cyprio gessit: originesque Cypri repetita.



## L I B R O X .

**C**ontinentur Persicæ res , vt Artaxerxes Mnemon pacificatus cum Euagora rege Cyprio , bellum Ægyptium in vrbe Ace compararit, ipse in Cadusijs victor: defectores in Asia purpuratos suos persequutus , primum Dopanem præfectum Paphlagonum . Paphlagonum origo repetita . Dein præfectum Hellesponti Ariobarzanen, deinde in Syria præfectum Armeniæ Orontem : omnibusque victis decesserit, filio successore Ocho . Is deinde occisis optimatibus Sidona cepit : Ægypto bellum ter intulit . Vt post mortem Ochi regnarit Arsen: Dein Darius , qui cum Alexandro Macedonum rege bello confligit .

## L I B R O X I .

**C**ontinentur res gestæ Alexandri Magni, vsque ad interitum regis Persarum Darij. Dictæque in excessu origines & reges Caria .

## L I B R O X I I .

**C**ontinentur Alexandri Magni bella Bætriana & Indica , vsque ad interitum eius . Dictæque in excessu res à præfecto eius Antipatro in Græcia gestæ, & ab Archidamo rege Lacedæmoniorum, Molossoque

## HIST. EX P. TROGO

Alexandro in Italia, quorum ibi est vterque cum exercitu deletus . Additæ his origines Italicae Apulorum, Lucanorum, Samnitum, Sabinorum ; & vt Zopyrion in Ponto cum exercitu perijt .

### LIBRO XIIII.

**C**ontinentur hæc: Vt mortuo Alexandro optimates castrorum eius prouinciarum imperia sint partiti: vt veterani, qui ab eodem lecti erant in colonias , moliti relictis illis in Græciam redire à Phytone sint deleti . Bellum Lamiacum , quod Antipater in Græcia gessit . Bellum quo Perdiccas regem Ariarathem occidit, & occisus est . Bellum quo Eumenes Neoptolemum & Craterum occidit . Additæ in excessu origines regesque Cyrenarum .

### LIBRO XV.

**C**ontinentur hæc : Bellum inter Antigoni & Eumenem gestum : Quem vt Cappadocia expulit Antigonus , sic Phrygia maiore Aridaum & Cliton: victus in Helle-sponto nauali bello , repetitum rursus bellum ab Eumene per Argyraspidas : quo victus ab Antigono, interijt . Vt in Macedonia Cassander victo Polyperchonte , receptaque à defectore Munichia , matrem Alexandri Olympiada Pydnæ obsessam interfecit .

### LIBRO XVI.

**C**ontinentur hæc: Vt Demetrius Antigoni filius Gazæ victus est ab Ptolemæo .

vt

vt Cassander in Macedonia filium Alexandri regis interfecit : ac alterum Polyperchontes . Vt Ptolemæum vicit classe Demetrius : idemque ab obsidione Rhodi summotus est . Repetita in excessu origo Rhodiorum : vnde digressus Demetrius liberavit à Cassandro Græciam . Dein pater eius Antigonus bellum cum Lysimacho & Seleuco habuit . Repetitæ Seleuci res , & regis Indiæ Sandrocoti . Vt victus bello Antigonus interijt , reliquiæque imperij sunt à filio collectæ : & Leonidæ inde Spartani res gestæ Corcyræ & Illyrici , & in Italia , qui , ablata Corcyra , rex Cassander interijt .

## L I B R O XVI.

**C**ontinentur hæc : Vt mortuo Cassandro , ortisque inter filios eius certaminibus , Demetrius adiutor alteri adhibitus , occiso eo , Macedoniæ regnum tenuit : qui mox devictus à Pyrrho Epiri rege , translatis in Asiam bellis , captus à Seleuco decessit . Ptolemæus nuncupato successore filio Philadelpho decessit . Vt Lysimachus in Ponto captus ac missus ab Dromichæte , rursus in Asia , ciuitates quæ sub Demetrio fuerant , & in Ponto Heracleam occupavit . Repetitæ inde Bithyniæ & Heracleoticæ origines ; tyrannique Heracleæ Clearchus & Satyrus & Dionysius , quorum filijs interfectis Lysimachus occupavit urbem .

## LIBRO XVII.

**C**ontinentur hæc : Vt Lyſimachus occiſo filio Agathocle per nouercam Arſinoen bellum cum rege Seleuco habuit , quo victus interijt: vltimumque certamen commilitonum Alexandri fuit . Vt Seleucus amiſſis in Cappadocia cum Diodoto copijs , interfectus eſt ab Ptolemæo fratre Arſinoes vxoris Lyſimachi, in cuius vicem Ptolemæus cognomine Ceraunus creatus ab exercitu rex, Macedoniam occupauit: Bella cum Antiocho & Pyrrho composuit , datis Pyrrho auxilijs , quibus iret contra Romanos deſenſum Tarentum . Inde répétitæ origines regum Epiroticorum , vſque ad Pyrrhum : ipſiusque Pyrrhi res geſtæ , priuſquam in Italiam traiecit .

## LIBRO XVIII.

**C**ontinentur res à Pyrrho Epirota: in Italia geſtæ contra Romanos : poſtque id bellum , tranſitus eius in Siciliam aduerſus Carthaginienſes . Inde origines Phœnicum , & Sidonis , & Velix , Carthaginienſiumque res geſtæ in exceſſu dictæ .

## LIBRO XIX.

**C**ontinentur res Carthaginienſium in Africa per Haſdrubalem & Hamilcarem geſtæ :



gestæ : & in Sicilia cum Senuntem & Agrigentum & Camerinam & Gelam ceperunt : quo bello Dionysius Syracusanus Siciliae regnum occupavit. Bellum quod cum eo Poeni per Imilconem gesserunt, qui ad obsidionem Syracusarum exercitum & classem amisit .

## L I B R O   X X .

**C**ontinentur res gestæ Dionysij Siculi patris . Vt pulsus Poenis Italica bella sit molitus . Inde repetitæ origines Venetorum & Græcorum , & Gallorum qui Italiam incolunt . Deductisque Dionysij rebus ad interitum eius , dictæ quas Hanno Poenus in Africa gessit .

## L I B R O   X X I .

**C**ontinentur hæc . Vt in Sicilia Dionysius filius patre amisso tractarit imperium . Vt per Dionem eiectus bellum cum Siculis gessit : donec amissis liberis & fratribus Corinthum secessit . Vt à Timoleonte Carthaginensium bello sit liberata Sicilia, mortuoque Pisistrato, iterum facta seditione accessit ad bellum Carthaginenses obsederunt Syracusas: quo bello Agathocles nactus imperium est .

## L I B R O   X X I I .

**C**ontinentur hæc: Res gestæ Agathoclis :  
 ut, à Poenis nactus imperium, bellum  
 A 6 cum

cum ipsis gessit, primum in Sicilia, dehinc victus traiecit in Africam: Vbi possessa provincia Aphellam regem Cyrenarum interfecit. Vt rursus in Siciliam reuersus, occupata totius insulæ dominatione, cum reuertisset in Africam, amissis copijs, solus inde profugit in Siciliam: belloque ibi repetitus, & cum Pœnis pacem composuit, & dissidentes à se Siculos subiecit.

## LIBRO XXIII.

**C**ontinentur hæc: Vt Agathocles domita Sicilia, bellum in Italia Bruttijs intulerit. Repetita inde Bruttiorum origines: omnibus subactis, rex, seditione filij exheredatus ac nepotis oppressus, interijt. Inter peregrinos deinde milites eius & Siculos bellum, motum: quæ causa Pyrrhum regem Epiri in Siciliam adduxit: bella quæ Pyrrhus cum Pœnis & Mamertinis ibi gessit. Et à Sicilia reuersus in Italiam, victusque prælio à Romanis reuertit Epirum.

## LIBRO XXIV.

**C**ontinentur hæc: bellum, quod inter Antigonum, & Antiochum Seleuci filium in Asia gestum est. Bellum quod Ptolemæus Ceraunus in Macedonia cum Menio Illyrio & Ptolemæo Lysimachi filio habuit: utque Arsinoen sororem suam imperio Macedonicarum urbium exiit. Ipse, cum Belgio Gallo-

Iorum duce congressus, interijt. Repetitæ inde Gallorum origines qui Illyricum occupauerunt: atque vt ingressi Græciam, Brenno duce, Delphis victi deletique sint.

## L I B R O XXV.

**C**ontinentur hæc: Vt Antigonus Gallos deleuit: deinde cum Apollodoro Cassandriæ tyranno bellum habuit. Vt Galli transferint in Asiam, bellumque cum rege Antigono & Bithynio gesserint. quas regiones Felini occuparint. Vt Pyrrhus ex Italia reuersus, regno Macedoniae Antigoni exuerit; Lacedæmonem obsederit; Argis interierit; filiusque eius Alexander Illyricum cum Mytilo bellum habuerit.

## L I B R O XXVI.

**C**ontinentur hæc: Quibus in vrbibus Græciæ dominationem Antigonus Gonnatas constituerit: Vt defectores Gallos Megaris deleuit: regemque Lacedæmonium Arean Corinthi interfecit. Dehinc cum fratre sui Crateri filio Alexandro, bellum habuerit. Vt princeps Achaiae Aratus Sicyonem & Corinthum, & Megaram occuparit. Vt in Syria rex Antiochus cognomine Soter, altero filio occiso, altero rege nuncupato Antiocho, decesserit. Vt in Asia filius Ptolemæi regis socio Timarcho descinerit à patre. Vt frater Antigoni Demetrius, occu-  
pa-

## 14 HIST. EXP. TROGO

pato Cyrenis regno interijt . Vt mortuo rege Antigono, filius eius Seleucus Gallinicus regnum acceperit .

### LIBRO XXVII.

**C**ontinentur hæc : Seleuci bellum in Syria aduersus Ptolemæum . Item in Asia aduersus fratrem suum Antiochum Hieracem : quo bello Anguræ victus est à Gallis . Vtque Galli Pergamo victi ab Attalo . Lambitunum occiderint : Vt Ptolemæus eum denuo captum interfecerit , & Antigonum proelio nauali vicerit : Et à Gallinico fusus in Mesopotamia Antiochus , insidiantem sibi effugit Artamenem . Dein postea custode Stryponio , quo à Gallis occiso ; Seleucus quoque frater eius decesserit , maioremque filiorum eius Epacorios occiderit .

### LIBRO XXVIII.

**C**ontinentur hæc . Vt mortuo rege Epiri Alexandro, Eudamiâ Epirotæ occiderint . Dictique in excessu Bastarnarum motus . Vt rex Macedoniae Demetrius sit à Dardanis fusus , quo mortuo , tutelam filij eius Philippi suscepit Antigonus, qui Thessaliâ , Mœsiâ , Cariam subiecit : & adiutis Achæis contra regem Spartanum Cleomenem, cepit Lacedæmona : amissoque regno Cleomenes Spartanus confugit Alexandriam , atque ibi interijt . Dictum in excessu bellum Illyricum , quod Romani gessere cum Teuta .

LI.



# EPITOME.

15

## LIBRO XXIX.

**C**ontinentur hæc: Res gestæ Philippi regis aduersus Dardānes & Ætolos: Repetitaque inde Creticæ origines: Post cuius insulæ societatem, Philippus cum Illyrijs & Dardanis: & rursus Ætolis bello congressus est: adiuuantibus Ætolos Romanis: Quo finito intulit Ætolis bellum.

## LIBRO XXX.

**C**ontinentur hæc: Vt mortuo Ptolemæo Vtruphonæ, filius eius Philopater Antiochum regem vicit. Utque captus amore Agathocleæ corruptus discessit, relicto filio pupillo: in quem cum Philippo rege Macedonum consensit Antiochus. Philippi deinde gesta in Asia cum mouisset Ætola bella. A quibus reuersus bellum habuit cum ducibus Romanis, Sulpicio & Flaminio, à quibus victus, pax. Transitus deinde ad res Antiochi, qui post regnum acceptum persequutus defectores, in Media Molonem, in Asia Macheum, quem obsedit Sardibus; pacata superiore Asia Bactris tenus, in Romana bella descendit.

## LIBRO XXXI.

**C**ontinetur bellum, quod cum Lacedæmonio Nabide Titus Flaminius & Philo-

## 16 HIST. EX P. TROGO

Iopœmen dux Achæorum gessit. Item bellum quod cum Antiocho in Achaia per Acilium consulem, & in Asia per Scipionem gestum est. Denique Annibalis ad regem à Carthagine fuga. Bellum cum Ætolis gestum per eundem Acilium, quo Antiochum Græcia expulerat.

## LIBRO XXXII.

**C**ontinentur hæc : Defectio ab Achæis Lacedæmoniorum & Messeniorum, qua Philopœmen interiit. Romanorum in Asia duce Manlio aduersus Gallos bellum Regis Philippi, propter ablatas sibi ciuitates, alienatus in Romanos animus; & ob hoc alter filiorum Demetrius occisus: Concitatique ab eo Basternæ, transire conati in Italiam. Inde in excessu dictæ res Illyricæ, ut Galli qui occupant Illyricum, rursus redierint in Galliam, originesque Pannoniorum, & incrementa Dacorum, per Rubobosten regem. In Asia bellum à rege Eumene gestum aduersus Gallum Ortiagontem, & Pharnacem Ponticum, & Prusiam, adiuuante Prusiam Annibale Peno. Res gestæ Annibalis post victum Antiochum & mors. Mortuo Seleuco filio Magni Antiochi successit regno frater Antiochus.

## LIBRO XXXIII.

**C**ontinentur hæc : Ut cum Perse Philippi filio rege Macedonum Romani bellum  
gef

## E P I T O M E. 17

gesserint: quo capto deleta est Epiros: Ætolicæ ciuitates ab vnitate corporis deductæ; inter Achæos & Lacedæmonios certamine orto. Bellum rursus in Macedonia gestum à Romanis cum Pseudophilippo.

### LIBRO XXXIV.

**C**ontinentur hæc: Bellum Achaicum, quod Romani per Marcellum & Mummiū gessere: quo diruta est Corinthus. Bellum regis Eumæis cum Gallogræcis, & in Pisidia cum Selgenſibus. Res, quas gessit Syriæ rex Antiochus, & rex Ægypti Ptolemæus Epiphanes. Repetitæ inde origines regum Cappadocum. Vt mortuo Ptolemæo relictī ab eo filij duo Philometor & Euergetes, primum cum Antiocho habuere bellū, quod per Romanos finitum est; deinde inter se, quo maior est expulsus: restitutoque, Romani inter fratres regna diuiserunt. Vt mortuo rege Syriæ Antiocho Demetrius cognomine Soter, qui Romæ fuerat obses, clam fugit; occupataque Syria, bellum cum Timarcho Medorum rege habuit, & Ariarathe rege Cappadocum. Vt habita inter Ariarathē & Orophernem regni certamina. Vt mortuo rege Asiæ Eumene succēctus Attalus bellum cum Selgenſibus habuit & cum rege Prusia,

### LIBRO XXXV.

**C**ontinentur hæc: Bellū Piraticum inter Cretas & Rhodios; seditio Gnidiōrum aduer-

aduersus Cerinenses. Et aduersus Demetrium Sotera subornatus est Alexander, tanquam genitus Epiphane Antiocho, quo bello victus Demetrius, inuisum stultitia Alexandrum bello vicit: adiuuante Ptolemæo Philometore, qui eo bello interijt. Vt deinde orta Demetrio bella sint cum Diodoro Tryphone: expulsusque à Tryphone regno Syriæ Demetrius. Repetit inde superioris Asiæ motus, factos per Aretheum & Arsacem Parthum.

## LIBRO XXXVI.

**C**ontinentur hæc: Vt Trypho pulso Syria Demetrio; captoque à Parthis, bellum gessit cum fratre eius Antiocho cognomine Sedetc. Vt Antiochus interfecto Hircano, Iudæos subegit. Repetita inde in excessu origo Iudæorum. Vt rex Asiæ Attalus Cenostracas subegit: successoremque imperij Attalum Philometora reliquit. Mortuo denique Philometore, Aristonicus regno Asiæ occupato bellum cum Romanis gessit, quo captus est.

## LIBRO XXXVII.

**C**ontinentur hæc: Repetitis regum Ponticorum originibus, vt vltimum in Mithridatem Eupatoria series imperij deducta sit. Atque vt ingressus ille regnum, subegit Pontum & Paphlagoniam, priusquam in bella Romana descendit. Dictæ in excessu regum Bosphoranorum & Colchorum, origines & res gestæ.

## LIBRO XXXVIII.

**C**ontinentur hæc : Vt Mithridates Eupator occiso Ariarathe, Cappadociam occuparit; victoque Nicomede & Maltino Bithyniam. Vt mortuo Ptolemæo Philometore, frater eius Physcon accepit regnum. Ægypti seditione populi: deinde bellum cum vxore sua Cleopatra, & cum rege Syriæ Demetrio habuit. Inde repetitum, vt Demetrius captus sit à Parthis, (bellumque) intulerit, qui cum exercitu suo delerus est.

## LIBRO XXXIX.

**C**ontinentur hæc: Vt extincto à Parthis Antiocho Sedete, frater eius Demetrius dimissus regnum Syriæ recepit: subornatoque in bellum aduersus eum Alexandro Zabbineo interijt: filiusque Antiochus Gripos victo Zabbineo, regnum occupauit. Dehinc cum fratre suo Antiocho Cyziceno bellum in Syria Ciliciaque gessit. Vt Alexandria, mortuo rege Ptolemæo Physcone, filius eius Ptolemæus Lathyros accepto regno expulsus est à matre Cyprum, & in Syria bello petitus ab eadem, suffecto in locum eius Alexandro, donec occisa per Alexandrum matre recepit Ægypti regnum. Vt post Lathyrum filius Alexandri regnarit, expulsoque eo suffectus sit Ptolemæus Notus. Vt Syriam Iudæi & Arabes terrestribus latrocinijs infestarent. Mari Cilices Piraticum bellum mouerunt, quod in Cilicia

Romani

Romani Per Antonium gesserunt. Vt in Syria Eracleotæ post mortem regis occuparint imperium.

## LIBRO XL.

**C**ontinentur hæc : vt mortuo Grypo rege, Cyzicenus cum filijs eius bello congressus, interiit. Hi deinde à filio Cyziceni Eusebe : extinctaque regali Antiochorum domo, Tigranes Armenius Syriam occupavit. Cui mox victo, Romani dispulere eam. Vt Alexandria post interitum Ptolemæi Lathyri substituti sint eius filij; alteri data Cyprus, cui post Claudij rogationem Romani abstulerunt eam; alter seditione agitatus Alexandria Romam profugit: belloque per Gabinium gesto, recepit imperium; quo mortuo successit filius, qui cum sorore Cleopatra certamine insumpto, & Pompeium Magnum interfecit, & bellum cum Cæsare Alexandria gessit. Vt successit eius soror regno Cleopatra, quæ inligato in amorem suum M. Antonio, belli Actiaci fine extinxit regnum Ptolemæorum.

## LIBRO XLI.

**C**ontinentur res Parthicæ, & Bactrianæ. In Parthicis vt est constitutum imperium, per Arsacem Regem. Successores deinde eius Artabanus, & Tigranes cognomine Deus: à quo subacta est Media & Mesopotamia. Dictusque in excessu Arabiæ situs. In Bactria-



Bactrianis autem rebus, ut à Diodoto regnum constitutum est: deinde quo repugnante Scythicæ gentes Saranæ & Arriani Bactra occupauere & Sogdianos. Indicæ quoque res additæ, gestæ per Apollodotum & Menandrum reges eorum.

## LIBRO XLII.

**C**ontinentur Parthicæ res. Ut præfectus Parthis Apræteus Messenis bellum intulit in Babylonios & Seleucinisse, victusque Phrahates, successit rex Mithridates cognomine Magnus, qui Armenijs bellum intulit. Inde repetitæ origines Armeniorum, & situs. Ut varia complurium regum in Parthis successione, imperium accepit Orodus, qui Crassum deleuit; & Syriam per filium Pacorum occupauit. Illi successit Phrahates qui & cum Antonio bellum habuit, & cum Tiridate. Additæ res Scythicæ, Reges Thoclarorum Asiani, iuteritusque Sarducarum.

## LIBRO XLIII.

**C**ontinentur hæc: Origines (Priscorum) Latinorum; situs vrbs Romæ, & res usque ad Priscum Tarquinium. Origines (deinde) Liguriæ, & Massiliensium res gestæ.

## LIBRO XLIV.

**C**ontinentur res Hispanicæ & Punicæ.  
IN-



# I N C I P I T P R Æ F A T I O I V S T I N I.

**C**um multi ex Romanis, etiam Consularis dignitatis viri, res Romanas Græco, peregrinoque sermone in historiam contulissent, siue amulatione gloria, siue varietate & nouitate operis delectatus, vir prisca eloquentiæ Trogus Pompeius, Græcas, & totius orbis historias Latino sermone composuit: ut cum nostra Græcè, Græca quoque nostra lingua legi possent: prorsus rem magni & animi, & corporis aggressus. Nam cum plerisque auctoribus, singulorum regum vel populorum res gestas scribentibus, opus suum ardui laboris videatur, nonne nobis Pompeius Herculeæ audaciæ orbem terrarum aggressus videri debet, cuius libris omnium seculorum, regum, nationum, populorumque res gestæ continentur? Et quæ historici Græcorum prout commodum cuique fuit, inter se segregati occupauerunt, omissis quæ sine fructu erant, ea omnia Pompeius diuisa temporibus, & serie rerum digesta composuit. Horum igitur quatuor & quadraginta voluminum (nam totidem edidit) per otium, quo in urbe versabamur, cognitione quæque dignissima excerpti. Et omissis his quæ nec cognoscendi voluptate iucunda, nec exemplo erant necessaria, breue veluti florum corpusculum feci: ut haberent & qui Græca didicissent, quo admonerentur, & qui non didicissent, quo instruerentur. Quod ad te, non tam cognoscendi magis quam emendandi causa transmisi: simul & ut otij mei, cuius & Cato reddendam operam putat, apud te ratio constaret. Sufficit enim mihi in tempore iudicium tuum, apud posteros, cum obtreccionis inuidiæ decesserit, industriæ testimonium habituro.

POM-

POMPEII TROGI  
HISTORIARVM  
EPITOME.  
LIBER I.

**P**RINCIPIO rerum, gentium, nationumque imperium penes reges erat; quos ad fastigium huius maiestatis non ambitio popularis, sed spectata inter bonos moderatio prouchebat. Populus nullis legibus tenebatur; arbitria principum pro legibus erant: Fines imperij tueri magis, quam proferre mos erat: Intra suam cuique patriam regna finiebantur. Primus omnium Ninus rex Assyriorum, veterem, & quasi auitum gentibus morem noua imperij cupiditate mutauit. Hic primus intulit bella finitimis, & rudes adhuc ad resistendum populos terminos vsque Libyæ perdomuit. Fuere quidem temporibus antiquiores. Vexoris Ægypti, & Scythiæ rex Tanaus, quorum alter in Pontum, alter vsque Ægyptum excessit. Sed longinqua non finitima bella gerebant, nec imperium sibi, sed populis suis gloriam quærebant, contentique victoria, imperio abstinebant. Ninus magnitudinem quæsitæ dominationis continua possessione firmavit. Domitis igitur proximis, cum accessione virium fortior ad alios transiret, & proxima quæque victoria instrumentum sequentis

quentis esset, totius Orientis populos subegit. Postremum illi bellum cum Zoroastre, rege Bactrianorum fuit, qui primus dicitur artes magicas inuenisse, & mundi principia, siderumque motus diligentissime spectasse. Hoc occiso, & ipse decessit, relicto impubere adhuc filio Ninia, & vxore Semiramide. Hæc nec imminuto ausa tradere imperium, nec ipsa palam tractare, tot ac tantis gentibus vix patienter vni viro, nedum feminæ parituris, simulat se pro vxore Nini, filium, pro femina puerum. Nam & statura vtrique mediocris, & vox pariter gracilis, & lineamentorum qualitas matri ac filio similis. Igitur brachia ac crura velamentis, caput tiara tegit, & ne nouo habitu aliquid occultare videretur, eodem ornatu & populum vestiri iubet: quem morem vestis exinde gens vniuersa tenet. Sic primis initijs sexum, mentita, puer esse credita est. Magnas deinde res gessit: quarum amplitudine, vbi inuidiam superatam putat, quæ sit fatetur, quemue simulasset. Nec hoc illi dignitatem regni ademit, sed admirationem auxit; quod mulier non feminas modo virtute, sed etiam viros anteiret. Hæc Babyloniam condidit, murumque vrbi costato latere circumdedit, arenæ vice bitumine interstrato: quæ materia in illis locis passim è terra exæstuat. Multa & alia præclara huius reginæ fuere. Siquidem non contenta acquisitos viro regni terminos tueri, Æthiopiam quoque imperio adiecit. Sed & Indiæ bellum intulit; quo præter

præter illam & Alexandrum Magnum nemo intrauit. Ad postremum cum concubitus filij petisset, ab eodem interfecta est. duos & XL. annos post Ninum regno potita. Filius eius Ninya contentus elaborato à parentibus imperio, belli studia deposuit, & veluti sexum cum matre mutasset, raro à viris visus, in feminarum turba consenuit. Posterique quoque eius, id exemplum sequuti. responsa gentibus per internuntios dabant. Imperium Assyrij qui postea Syri dicti sunt mille trecentis annis tenuere. Postremus apud eos regnavit Sardanapalus, vir muliere corruptior. Ad hunc videndum ( quod nemini ante eum permissum fuerat ) præfectus ipsius, Medis præpositus, nomine Arbactus, cum admitti magna ambitione ægre obtinuisset, inuenit eum inter scortorum greges purpuram colorentem, & muliebri habitu, cum molitia corporis, & oculorum lasciuia omnes feminas anteiret, pensa inter virgines partientem. Quibus visis indignatus tali feminæ tantum virorum subiectum, tractantique lanam, ferrum & arma portantes parere, progressus ad socios, quid viderit, refert: Negat se ei parere posse, qui se feminam malit esse, quam virum. Fit igitur coniuratio; bellum Sardanapalo infertur; quo ille audito, non vt vir regnum defensurus, sed vt metu mortis mulieres solent, primo latebras circumspicit: mox deinde cum paucis & incompositis, in bellum progreditur. Victus in regiam se recipit, & exstructa incensaque pyra,

B

&amp;

& se & diuitias suas in incendium mittit : hoc solo imitatus virum. Post hunc rex constituitur interfecto eius Arbactus, qui præfectus Medorum fuerat. Is imperium ab Assyrijs ad Medos transfert. Post multos deinde reges, per ordinem successionis, regnum ad Astyagen descendit. Hic per somnum vidit ex naturalibus filia, quam vnicam habebat, vitem enatam, cuius palmite omnis Asia obumbraretur. Consulti harioli, ex eadem filia nepotem ei futurum, cuius magnitudo prænuntiatur, regnique ei amissionem portendi, responderunt. Hoc responso exterritus, neque claro viro, neque cui filiam, ne paterna maternaque nobilitas nepoti animos extolleret, sed ex gente, obscura tunc temporis, Persarum, Camby si mediocri viro in matrimonium tradidit. Ac ne sic quidem somnij metu deposito, grauidam ad se filiam arcessit, vt sub aui potissimum oculis partus necaretur. Natus infans datur occidendus Harpago, regis arcum participi. Is veritus, si ad filiam mortuo rege venisset imperium, quia nullum Astyages virilis sexus genuerat, ne illa necari infantis vltionem, quam à patre non potuisset, à ministro exigeret, pastori regij pecoris puerum exponendum tradit. Forte eodem tempore & ipsi pastori filius natus erat. Eius igitur vxor audita regij infantis expositione summis precibus rogat, sibi afferri ostendique puerum : cuius precibus fatigatus pastor, reuersus in siluam, inuenit



uenit iuxta infantem canem feminam paruulo vbera præbentem, & à feris alitibusque defendentem. Motus & ipse misericordia, qua notam etiam canem viderat, puerum defert ad stabula, eadem cane anxie prosequente: quem vbi in manum mulier accepit, veluti ad notam puer allusit: tantusque in illo vigor, & dulcis quidam blandientis infantis risus apparuit, vt pasto em vxor vltro rogaret, quo suum partum pro illo exponeret, permetteretque sibi, siue fortunæ ipsius siue spei suæ puerum nutrire. Atque ita permutata sorte paruulorum, hic pro filio pastoris educatur; ille pro nepote regis exponitur. Nutrici Spacos postea nomen fuit, quia canem Persæ sic vocant. Puer deinde cum inter pastores esset, Cyri nomen accepit, Mox rex inter ludentes sorte delectus, cum per lasciuiam contumaces flagellis cæcidisset, à parentibus puerorum querela est regi delata, indignantibus à seruo regio ingenuos homines seruilibus verberibus affectos. Ille arcessito puero & interrogato, cum nihil mutato vultu fecisse se vt regem respondisset: admiratus constantiam in memoriam somnij responsique reuocatur. Atque ita cum & vultus similitudo, & expositionis tempora, & pastoris confessio conuenirent, nepotem agnouit. Et quoniam defunctus sibi somnio videretur, agitato inter pastores regno, animum minacem duntaxat in illo fregit. Cæterum Harpago amico suo infestus, in vltionem seruati nepotis, filium



eius interfecit, epulandumque patri tradidit. Sed Harpagus ad præsens tempus dissimulato dolore, odium regis in vindictæ occasionem distulit. Interiecto deinde tempore cum adoleuisset Cyrus, dolore orbitatis admonitus, scribit ei, ut ablegatus in Persas ab auo fuerit, ut occidi eum paruulum auus iusserit, ut beneficio suo seruatus sit, ut regem offenderit, ut filium amiserit. Hortatur exercitum paret, & pronam ad regnum viam ingrediatur, Medorum transitionem pollicitus; epistola, quia palam ferri nequibat, regis custodibus omnes aditus obsidentibus, exenterato lepori inseritur, lepusque in Persas Cyro ferendus, fido seruo traditur: addita retia, ut sub specie venatoris dolus lateret. Lectis ille epistolis eadem somnio aggredi iussus est: sed præmonitus, ut quem primum postera die obuium habuisset, socium cœptis assumeret. Igitur antelucano tempore ruri iter ingressus, obuium habuit seruum de ergastulo cuiusdam Medi, nomine Sybarem. Huius requisita origine, ut in Persis genitum audiuit, demptis compedibus, assumptoque comite, Persepolim regreditur. Ibi conuocato populo, iubet omnes præsto cum securibus esse, & siluam viæ circumdatam excidere. Quod cum strenue fecissent, eosdem postera die ad paratas epulas inuitat; deinde cum alacriores ipso conuiuio factos videret, rogat si conditio proponatur, vtrius vitæ fortem legant, hesterni laboris, an presentium epula-

epularum : præsentium , vt acclamauere omnes ; ait, Hesterno similem labori omnem vitam acturos, quoad Medis pareant : se secutos , hodiernis epulis . Lætis omnibus , Medis bellum infert . Astyages meritù sui in Harpagum oblitus , summam belli eidem , committit : qui exercitum acceptum statim Cyro per deditionem tradidit, regisque crudelitatem perfidia defectionis vlciscitur. Quod vbi Astyages audiuit , contractis vndique auxilijs , ipse in Persas proficiscitur , & repetito alacrius certamine, pugnantibus suis, partem exercitus à tergo ponit, & tergi versantes ferro agi in hostes iubet: ac denuntiat suis, ni vincerent , non minus fortes etiam post terga inuenturos , quam à frontibus viros ; proinde videant fugientibus hæc, an illa pugnantibus acies rumpenda sit . Ingens, post necessitatem pugnandi, animus exercitui eius accessit . Pulsa itaque cum Persarum acies paulatim cederet , matres & vxores eorum obuiam occurrunt , orant in prælium reuertantur : cunctantibus, sublata veste, obscœna corporis ostendunt , rogantes num in vteros matrum vel vxorum , velint refugere. Hac repressi castigatione, in prælium redeunt , & facta impressione , quos fugiebant , fugere compellunt . In eo prælio Astyages capitur ; cui Cyrus nihil aliud quam regnum abstulit; nepotemque in illo magis, quam victorem egit, eumque maximæ genti Hircanorum præposuit. Nam in Medos reuerti ipse noluit . Hic finis Medorū

imperij fuit. Regnauerunt annis CCCL. Initio regni, Cyrus Sybarem coëptorum socium, quem iuxta nocturnum visum erga stulo liberauerat, comitemque in omnibus rebus habuerat, Persis præposuit, sororemque suam ei in matrimonium dedit. Sed ciuitates, quæ Medorum tributariæ fuerant, mutato imperio, etiam conditionem suam mutatam arbitantes, à Cyro defeccerunt; quæ res multorum bellorum Cyro causa & origo fuit. Domitis demum plerisque, cum aduersus Babylonios bellum gereret, Babylonijs rex Lydorum Cræsus, cuius opes & diuitiæ insignes ea tempestate erant, in auxilium venit: victusque, iam de se sollicitus, in regnum refugit. Cyrus quoque post victoriam, compositis in Babylonia rebus, bellum transfert in Lydiam. Ibi fortuna prioris prælij percussam iam Cræsi exercitum, nullo negotio fundit: Cræsus ipse capitur. Sed quanto bellum minoris periculi, tanto & mitior victoria fuit. Cræso & vita, & patrimonij partes, & vrbs Barce concessa sunt; in qua etsi non regiam vitam, proximam tamen maiestati regiæ degeret. Hæc clementia non minus victori, quam victo utilis fuit. Quippe ex vniuersa Græcia, cognito quod illatum Cræso bellum esset, auxilia velut ad commune extinguendum incendium confluebant. Tantus Cræsi amor apud omnes vrbes erat passurusque Cyrus graue bellum Græciæ fuit, si quid in Cræsum crudelius consuluisset.

Inter-

Interiecto deinde tempore, occupato in alijs bellis Cyro, Lydi rebellauere; quibus iterum victis arma & equi adempti, iussique cauponas, & ludicras artes, & lenocinia exercere. Et sit gens industria quondam, potens, & manu strenua, effeminata mollicie, luxuriaque, virtutem pristinam perdidit; & quos ante Cyrum inuictos bella praestiterant, in luxuriam lapsos otium ac desidiosa superauit. Fuere Lydis multi ante Croesum reges, variis casibus memorabiles, nullus tamen fortunae Candauli comparandus. Hic vxorem, quam propter formae pulchritudinem deperibat, praedicare omnibus solebat, non contentus voluptatum suarum tacita conscientia, nisi etiam matrimonij reticenda publicaret, prorsus quasi silentium damnum pulchritudinis esset; ad postremum vt affirmationi suae fidem faceret, nudam sodali suo Gygi ostendit. Quo facto & amicum in adulterium vxoris sollicitatum, hostem sibi fecit, & vxorem veluti tradito alij amore, à se alienauit. Namque breui post tempore caedes Candauli, nuptiarum praemium fuit, & vxor mariti sanguine dotata, regnum viri & se pariter adultero tradidit. Cyrus subacta Asia, & vniuerso Oriente in potestatem redacto, Scythis bellum infert. Erat eo tempore Scytharum regina Tamyris; quae non muliebriter aduentu hostium territa, cum prohibere eos transitu Araxis fluminis posset, transire permisit, & sibi faciliorem pugnam intra regni sui termi-

nos rata, & hostibus obiectu fluminis fugam  
difficiliorem. Itaque Cyrus traiectis copijs,  
cum aliquantis per in Scythiam processisset,  
castra metatus est. Dein postera die, simula-  
to metu, quasi refugiens castra deseruisset,  
ita vini assatim, & ea quæ epulis erant ne-  
cessaria, reliquit. Quod cum nuntiatum re-  
ginæ esset, adolescentulum filium, ad inse-  
quendum eum cum tertia parte copiarum,  
mittit. Cum ventum ad Cyri castra esset,  
ignarus rei militaris adolescens, veluti ad  
epulas, non ad prælium venisset, omissis ho-  
stibus, infuetos barbaros vino se onerare pa-  
titur: priusque Scythæ ebrietate quam bel-  
lo vincuntur. Nam cognitis his, Cyrus re-  
uersus per noctem, faucios opprimit, omnes-  
que Scythas cū reginæ filio interficit. Amisso  
tanto exercitu, & quod grauius dolendum,  
vnico filio, Tamyris orbitatis dolorem non in  
lacrymas effudit; sed in vltionis solatia in-  
tendit, hostesque recenti victoria exultan-  
tes, pari insidiarum fraude circumuenit.  
Quippe simulata diffidentia propter vulnus  
acceptum, refugiens, Cyrum ad angustias vs-  
que perduxit. Ibi compositis in montibus in-  
sidijs, ducenta millia Persarum cum ipso re-  
ge trucidauit. In qua victoria etiam illud  
memorabile fuit, quod ne nuncius quidem  
tantæ cladis superfuit. Caput Cyri amputa-  
tum in vtrem humano sanguine repletum,  
conijci regina iubet, cum hac exprobratione  
crudelitatis, SATIA te, inquit, sanguine quæ  
sitisti, cuiusque insatiabilis semper fuisti.

Cyrus



Cyrus regnavit annos xxx. non initio tantum regni, sed continuo totius temporis successu, admirabiliter insignis. Huic successit filius Cambyfes, qui imperio patris Ægyptum adiecit: sed offensus superstitionibus Ægyptiorum, Apis, cæterorumque deorum ædes dirui iubet. Ad Ammonis quoque nobilissimum templum expugnandum exercitum mittit, qui tempestatibus & arenas molibus oppressus, interiit. Post hæc per quietem vidit fratrem suum Mergim regnaturum: quo somnio exterritus, non dubitavit post sacrilegia etiam parricidium facere.

ERAT enim difficile ut parceret suis, qui cum contemptu religionis, grassatus etiam aduersus deos fuerat. Ad hoc tam crudele ministerium magum quendam ex amicis delegit, nomine Cometen. Interim ipse, gladio sua sponte euaginato, in femore graviter vulneratus occubuit; pœnasque luit, seu imperati parricidij, seu sacrilegij perpetrati. Quo nuntio accepto, magus ante famam amissi regis occupat facinus; prostratoque Mergide, cui regnum debebatur, fratrem suum subiecit Oropasten. Erat enim decorus, & corporis lineamentis persimilis; ac nemine subesse dolum arbitrans, pro Mergide rex Oropasta constituitur. Quæ res eo occultior fuit, quod apud Persas persona regis sub specie maiestatis occultitur. Igitur magi ad fauorem populi conciliandum, tributa & militiæ vacationem in triennium permittunt.

tunt, vt regnum quod fraude quæsierant, indulgentia & largitionibus confirmarent. Quæ res suspecta primo Ostiani viro nobili, & in coniecturis sagacissimo, fuit. Itaque per internuntios quærit de filia, quæ inter regias pellices erat, an Cyri filius rex esset. Illa nec se ipsam scire ait, nec ex alia posse cognoscere: quia singulæ separatim recludantur. Tum pertractare dormienti caput iubet: nam mago Cambyfes aures vtrasque præciderat. Factus deinde per filiam certior, sine auribus regem esse, optimatibus Persarum rem indicat: & in cædem falsi regis impulsos sacramenti religione obstringit. Septem tantum conscij fuere huius coniurationis, qui ex continenti, ne dato in poenitentiam spatio, res per quenquam narraretur, occultato sub veste ferro, ad regiam pergunt. Ibi obuijs interfectis, ad Magos perueniunt: quibus ne ipsis quidem animus in auxilium sui defuit: siquidem stricto ferro duos de coniuratis interficiunt. Ipsi tamen corripuntur à pluribus: quorum alterum Gobryas medium amplexus, cunctantibus socijs, ne ipsum pro mago transfoderet, quia res obscuro loco gerebatur; vel per suum corpus adigi mago ferrum iussit: fortuna tamen ita regente, illo incolumi magus interficitur. Occisis magis, magna quidem gloria recepti regni principum fuit: sed multo maior in eo, quod cum de regno ambigerent, concordare potuerunt. Erant enim virtute & no-



& nobilitate ita pares, vt difficilem ex his populo electionem æqualitas faceret. Ipsi igitur viam inuenerunt, qua de se iudicium religioni & fortunæ committerent: partique inter se sunt, vt die statuta omnes equos ante regiam primo mane perducerent: & cuius equus inter solis ortum hinnitum primus edidisset, is rex esset. Nam & solem Persæ vnum Deum esse credunt, & equos eidem Deo sacratos ferunt. Erat inter coniuratos Darius Hytaspis filius, cui de regno sollicito, equi custos ait, si ea res victoriam moraretur, nihil negotij superesse: per noctem deinde equum pridie constitutam diem ad eundem locum ducit, ibique equæ admittit, ratus ex voluptate Veneris futurum quod euenit. Postera die itaque cum ad statutam horam omnes conuenissent, Darij equus cognito loco ex desiderio feminae hinnitum statim edidit: & segnibus alijs felix auspicium domino primus emisit. Tanta moderatio cæteris fuit, audito auspicio, vt confestim equis desilierint, & Darium regem salutauerint; populus quoque vniuersus sequutus iudicium principum, eundem regem constituit. Sic regnum Persarum, septem nobilissimorum virorum virtute quæsitum, tam leui momento in vnum collatum est. Incredibile prorsus tanta patientia cessisse eos, quod vt eriperent magis, mori non recusauerint. Quamquam præter formam, virtutemque hoc imperio dignam, etiam cognatio

tio Dario iuncta cum pristinis regibus fuit . Principio igitur regni Cyri regis filiam in matrimonium recepit , regalibus nuptijs regnum firmaturus: vt non tam in extraneum translatus, quam in familiam Cyri reuersum videretur . Interiecto deinde tempore, cum Assyrij descuiissent, & Babyloniam occupassent, difficilisque vrbis expugnatio esset; æstuante rege, vnus de intersectoribus magorum, Zopyrus, domi se verberibus lacerari toto corpore iubet; na sum, aures, & labia sibi præcidi: atque ita regi inopinanti se offert . Attonitum, & quærentem Darium causas, auctoremque tam scædæ lacerationis, tacitus quo proposito fecerit, edocet; formatoque in futura consilio, transfugæ titulo Babyloniam proficiscitur . Ibi ostendit populo laniatum corpus: queritur crudelitatem regis, à quo in regni petitione, non virtute, sed auspicio, non iudicio hominum, sed hinnitu equi superatus sit: Iubet illos ex amicis exemplum capere, quid hostibus cauendum sit . Hortatur eos moenibus magis quam armis confidant, patianturque se commune bellum recentiore ira gerere . Nota nobilitas viri pariter & virtus omnibus erat: nec de fide timebant, cuius veluti pignora, vulnera corporis, & iniuriæ notas habebant . Constituitur ergo dux omnium suffragio: & accepta parua manu, semel atque iterum credentibus consulto Persis, secunda prælia facit. At postremo vniuersum sibi creditum exercitum Da-

rio

rio prodit, urbemque ipsam in potestatem eius redigit. Post hæc Darius bellum Scythis infert, quod sequenti volumine refertur.

## LIBER II.

**I**N relatione rerum ab Scythis gestarum, quæ satis amplæ magnificæque fuerunt, principium ab origine repetendum est. Non enim minus illustria initia, quam imperium habuere: nec virorum imperio magis, quam feminarum virtutibus claruere. Quippe cum ipsi Parthos, Bactrianosque, feminae autem eorum Amazonum regna, condiderint: prorsus ut res gestas virorum mulierumque considerantibus incertum sit, vter apud eos sexus illustrior fuerit. Scytharum gens antiquissima semper habitata: quanquam inter Scythas & Ægyptios diu contentio de generis vetustate fuerit: Ægyptijs prædicantibus, initio rerum, cum aliæ terræ nimio feruore solis arderent, aliæ rigerent frigoris immanitate, ita ut non modo primæ generare homines, sed ne aduenas quidem recipere ac tueri possent, priusquam aduersus calorem vel frigus velamenta corporis inuenirentur, vel locorum vitia quæsitis arte remedijs mollirentur, Ægyptum ita temperatam semper fuisse, ut neque hiberna frigora nec æstiuæ solis ardores incolas eius premerent: solum ita secundum, ut alimentorum in usum hominum nulla terra feracior fuerit.

Iure

ture igitur ibi primum homines natos videri debere, vbi educari facillime possent. Contra, Scythæ cœli temperamentum nullum esse vetustatis argumentum putabant: quippe naturam, cum primum incrementa caloris & frigoris, regionibus distinxit, statim ad locorum patientiam animalia quoque generasse: sed & arborum atque frugum pro regionum conditione, apte generata variata. Et quanto Scythis sit cœli asperius quam Ægyptijs, tanto & corpora & ingénia esse duriora. Cæterum si mundi, quæ nunc partes sunt, aliquando vnitas fuit, siue illuies aquarum principio rerum terras obrutas tenuit, siue ignis, qui & mundum genuit, cuncta possedit: vtriusque primordij Scythas origine præstare. Nam si ignis prima possessio rerum fuit, qui paulatim extinctus, sedem terris dedit, nullam prius quam Septentrionalem partem, hyemis rigore ab igne secretam, adeo vt nunc quoque nulla magis rigeat frigoribus. Ægyptum vero, & totum orientem tardissime temperatum: quippe qui etiam nunc torren- ti calore solis exestuet. Quod si omnes quondam terræ submersæ profundo fuerunt, profecto editissimam quamque partem decurrentibus aquis primum detectam; humillimam autem solo eandem aquam diutissime immorata. Et quanto prior quæque pars terrarum siccata sit, tanto prius animalia generare cœpisse. Porro Scythiam adeo editiorem omnibus terris esse, vt cuncta flumina ibi nata in

ta in

ta in Mæotim , tum deinde in Ponticum , & Ægyptum mare decurrant . Ægyptum autem, quæ tot regum, tot seculorum cura impensa que munita sit, & aduersum vim incurrentium aquarum tantis structa molibus , tot fossis conscissa; vt cum hisce arceantur, illis recipiantur aquæ : nihilominus coli nisi excluso Nilo, non potuerit , non posse videri hominum vetustate vltimam , quæ siue exaggerationibus regum, siue Nili trahentis limum , terrarum recentissima videatur . His igitur argumentis superatis Ægyptijs antiquiores semper Scythiæ visi. Scythia autem, in Orientem porrecta, includitur ab vno latere Ponto , & ab altero montibus Riphæis , à tergo Asia & Phasi flumine . Multum in longitudinem & latitudinem patet. Hominibus inter se nulli fines : neque enim agrum exercent , nec domus illis vlla , aut tectum , aut sedes est , armenta & pecora semper pascentibus , & per incultas solitudines errare solitis . Vxores liberosque secum in plaustris vehunt: quibus , corijs imbrium hyemisque causa tectis, pro domibus vtuntur. Iustitia , gentis ingenijs culta , non legibus . Nullum scelus apud eos furto grauius: quippe siue re-cti munimento pecora & armenta habentibus, quid inter siluas superesset , si furari liceret? Aurum & argentum non perinde ac reliqui mortales appetunt. Lacte & melle vescuntur. Lanæ ijs vsus ac vestium ignotus: & quanquam continuis frigoribus vrantur , pellibus tamen ferinis ac murinis vtuntur .

tur. Hæc continentia illis morum quoque iustitiam edidit, nihil alienum concupiscen-  
tibus : QVIPPE ibidem diuitiarum cu-  
pido est, vbi & vsus. Atque vtinam reliquis  
mortalibus similis moderatio, & abstinentia  
alieni foret : profecto non tantum bellorum  
per omnia secula terris omnibus continua-  
retur, neque plus hominum ferrum & ar-  
ma, quam naturalis fatorum conditio rape-  
ret. Prorsus vt admirabile videatur, hoc  
illis naturam dare, quod Græci longa sa-  
pientium doctrina, præceptisque philoso-  
phorum consequi nequeunt, cultosque  
mores incultæ barbariæ collatione supera-  
ri. Tanto plus in illis proficit vitiorum  
ignoratio, quam in his cognitio virtutis.  
Imperium Asiæ ter quæsuere, ipsi perpe-  
tuo ab alieno imperio aut intacti, aut inuicti  
mansere. Darium regem Persarum turpi  
ab Scythia submouerunt fuga : Cyrum cum  
omni exercitu trucidauerunt. Alexandri  
Magni ducem Sopyrionem parâ ratione cum  
copiis vniuersis deleuerunt : Romanorum au-  
diuere non sensere arma. Parthicum & Ba-  
ctrianum imperium ipsi condiderunt. Gens  
laboribus & bellis aspera : vires corporum  
immensæ : nihil parare quod amittere ti-  
meant : nihil victores præter gloriam concu-  
piscunt. Primus Scythiis bellum indixit Ve-  
xoris rex Ægyptius, missis primo lenonibus,  
qui hostibus parendi legem dicerent. Sed  
Scythæ iam ante de aduentu regis à finitimis  
certiores facti, legatis responderunt ; tam  
opulen-



opulenti populi ducem stolidè aduersus inopes occupasse bellum, quod magis domuerit illi timendum: quod belli certameniceps, præmia victoriæ nulla, damna manifesta sint. Igitur non expectaturos Scythas dum ad se veniatur, cum tanto sibi plura in hoste concupiscenda sint: vltroque prædæ ituros obuiam. Nec dicta res morata: quos cum tanta celeritate venire rex addidicisset, in fugam vertitur, exercituque cum omni apparatu belli relicto, in regnum se recepit. Scythas ab Ægypto paludes prohibuere: Inde reuersi, Asiam perdomitam vectigalem fecere, modico tributo magis in titulum imperij, quam in victoriæ præmium imposito. Quindecim annis pacandæ Asiæ immorati, vxorum flagitatione reuocantur, per legatos denunciantibus, ni redeant, sobolem se ex finitimis quæsituras, nec passuras vt in posteritatem Scytharum genus per feminas intercidat. His igitur Asia per mille quingentos annos vectigalis fuit. Pendendi tributi finem Ninus rex Assyriorum imposuit. Sed apud Scythas medio tempore duo regij iuuenes, Ylinos & Scolopitus, per factionem optimatum domo pulsi, ingentem iuuentutem secum traxere, & in Cappadociæ ora, iuxta amnem Thermodonta condescenderunt, subiectosque Themiscyreos campos occupauere. Ibi per multos annos spoliare finitimos affueti, conspiratione populorum per insidias trucidantur. Horum vxores, cum viderent exilio additam orbitatem, arma  
su-



sumunt : finesque suos, summoventes primo, mox etiam inferentes bella defendunt. Nubendi quoque finitimis animum omisere, seruitutem non matrimonium appellantes : singulare omnium seculorum exemplum. Auxere rem publicam sine viris ; iam etiam cum contemptu virorum se tuentur. Et ne feliciores alix alijs viderentur, viros qui domi remanserunt, interficiunt. Vltionem quoque caesorum coniugum excidio finitimorum consequuntur. Tum pace armis quaesita, ne genus interiret, concubitus finitimorum iueunt. Si qui mares nascerentur, interficiebant. Virgines in eundem ipsis morem non otio neque lanificio, sed armis, equis, venationibus exercebant, iniustis infantum dexteris mammis, ne sagittarum iactus impediretur ; vnde Amazones dictae sunt. Duæ huius reginae fuere, Marthesia & Lampeto quæ in duas partes agmine diuisæ, inclytae iam opibus, vicibus gerebant bella, solæ terminos alterno defendentes : & ne successibus deesset auctoritas, genitas se Martis prædicabant. Itaque maiore parte Europæ subacta, Asiæ quoque nonnullas ciuitates occupauere. Ibi Epheso, multisque alijs vrbibus conditis, partem exercitus cum ingenti præda domum dimittunt. Reliquæ, quæ ad tuendum Asiæ imperium remanserant, concursu barbarorum cum Marthesia regina interficiuntur. In huius locum filia eius Orithya regno succedit : cui præter singularem belli scientiam,

tiam, eximia seruata in omne auum virginitatis admiratio fuit. Huius virtute tantum additum gloriæ & famæ Amazonum est, vt Herculi Rex, cui xii. stipendia debebat, quasi impossibile imperauerit, vt arma reginæ Amazonum sibi afferret: Eo igitur profectus longis nouem nauibus, comitante principum Græciæ iuuentute, inopinantes aggreditur. Duæ tum sorores Amazonum regna tractabant. Antiope & Orithya, sed Orithya foris bellum gerebat. Igitur cum Hercules ad litus Amazonum applicuit, infrequens multitudo cum Antiope regina, nihil hostile metuente, erat. Quare effectum est, vt paucæ repentino tumultu excitæ, arma sumerent, facilemque victoriam hostibus darent: multæ itaque cæsæ, captæque. In his duæ Antiope sorores captæ sunt. Menalippe ab Hercule, Hippolyte à Theseo. Sed Theseus obtenta in præmium captiua, eandem in matrimonium assumpsit, & ex ea genuit Hippolytum. Hercules post victoriam Menalippen captiuam sorori reddidit, & pretium arma reginæ accepit. Atque ita functus imperio ad regem reuertitur. Sed Orithya, vbi comperit bellum sororibus illatum, & raptorem esse Atheniensium principem, hortatur comites; frustra que & Ponti sinum & Asiam edomitam esse dicit, si Græcorum non tam bellis quam rapinis pateant. Auxilium deinde à Sagillo rege Scythiæ petit: genus se Scytharum esse, cladem virorum, ne-

necessitatem armorum, belli causas ostendit, assequutaque virtute ne segniores viris feminas habere Scythæ viderentur. Motus ille domestica gloria, mittit cum ingenti equitatu filium Panasagorum in auxilium. Sed ante prælium dissensione orta, ab auxilijs desertæ, bello ab Atheniensibus vincuntur: receptaculum tamen habuere castra sociorum, quorum auxilio intactæ ab alijs gentibus in regnum reuertuntur. Post Orithyam Penthesilea regno potita est, cuius Troiano bello inter fortissimos viros, cum auxilium aduersus Græcos ferret, magna virtutis documenta extitere. Interfecta demum Penthesilea, exercituque eius absumpto pauca quæ in regno remanserant, ægre se aduersus finitimos defendentes, usque tempora Alexandri Magni durauerunt. Harum Minithya, siue Thalestris regina, concubitu Alexandri per dies xxi. ad sobolem ex eo generandam obtento, reuersa in regnum, breui tempore cum omni Amazonum nomine intercidit. Scythæ autem tertia expeditione Asiana, cum annis octo à coniugibus & liberis absuissent, seruili bello domi excipiuntur. Quippe coniuges eorum longa expectatione virorum fessæ, nec iam teneri bello, sed deletos ratæ, seruis ad custodiam pecorum relictis nubunt: qui reuersos cum victoria dominos velut aduenas armati finibus prohibent. Quibus cum varia victoria fuisset, admonentur Scythæ mutare genus pugnae, memores non cum hosti-

stibus, sed cum seruis præliandum: nec armorum, sed dominorum iure vincendos: verbera in aciem, non arma adferenda, omissoque ferro, virgas ac flagella, cæteraque seruilis metus paranda instrumenta. Probato omnes consilio instructi, sicut præceptum erat. postquam ad hostem accessere, inopinantibus verbera intentant: adeoque illos perculerunt, ut quos ferro non poterant, metu verberum vincerent; fugamque non ut hostes victi, sed ut fugitivi serui capesserent. Quicumque capi potuerunt, supplicia crucibus luerunt. Mulieres quoque male sibi consciæ partim ferro, partim suspendio vitam finierunt. Post hæc pax apud Scythas fuit, usque tempora Iancyri regis. Huic Darius rex Persarum, sicut supra dictum est, cum filia eius nuptias non obtinisset, bellum intulit: & armatis septingentis millibus hominum Scythiam ingressus, non facientibus hostibus pugnae potestatem, metuens, ne interrupto ponte Istri reditus sibi intercluderetur, amissis octoginta millibus hominum trepidus refugit: quæ iactura abundante multitudine, inter damna numerata non est. Inde Asiam & Macedoniam domuit: Ionas quoque nauali prælio superat. Dein cognito, quod Athenienses Ionijs auxilium contra se tulissent, omnem impetum belli in eos conuertit. Nunc quoniam ad bella Atheniensium ventum est, quæ non modo ultra spem gerendi, verum etiam ultra gesti fidem peracta sunt;

sunt : operaque Atheniensium effectu maiora , quam voto suere , paucis vrbis origo repetenda est , & quia non vt cæteræ , à sordidis initijs ad summa creuere . Soli enim præterquam incremento , etiam origine gloriantur : quippe non aduenæ , neque passim collecta populi colluies originem vrbi dedit : sed eodem innati solo , quod incolunt , & quæ illis sedes , eadem origo est . Primi lanificij , & olei & vini vsum docuere : arare quoque , & ferere frumenta , glandem vescentibus monstrarunt . Literæ certe ac facundia , & hic ciuilis ordo disciplina , veluti templum Athenas habent . Ante Deucalionis tempora regem habuere Cecropem , : quem , vt omnis antiquitas fabulosa est , biforem tradidere , quia primus marem feminæ matrimonio iunxit . Huic successit Cranaus , cuius filia Atthis regioni nomen dedit . Post hunc Amphyction regnavit , qui primus Mincruæ urbem sacrauit , & nomen ciuitati Athenas dedit . Huius temporibus aquarum illuies maiorem partem populorum Græciæ absumpsit . Superfuerunt , quos refugia montium receperunt , aut ad regem Thessaliæ Deucalionem ratibus euecti sunt ; à quo propterea genus hominum conditum dicitur . Per ordinem deinde successionis regnum ad Erichtheum descendit , sub quo frumenti satio apud Eleusin à Triptolemo reperta est , in cuius muneris honorem noctes initiorum sacratæ . Tenuit & Ægeus Thesei pater Athenis  
re-



regnum, à quo per diuortium decedens Medea, propter adultam priuigni ætatem, Colchos cum Medo filio ex Ægeο suscepto, concessit. Post Ægeum Theseus, ac deinceps Thesei filius Demophoon, qui auxilium Græcis aduersus Troianos tulit, regnum possedit. Erant inter Athenienses & Dorienses simultatum veteres offensæ, quas vindicaturi bello Dorienses, de euentu prælij oracula consuluerunt: Responsum, superiores fore, nisi regem Atheniensium occidissent. Cum ventum esset in bellum, militibus ante omnia custodia regis præcipitur. Atheniensibus eo tempore rex Codrus erat; qui & responso Dei, & præceptis hostium cognitis, permutato regis habitu, pannosus, sarmenta collo gerens, castra hostium ingreditur: ibi in turba obfistentium, à milite, quem falce astu conuulnerat, interficitur. Cognito regis corpore, Dorienses sine prælio discedunt. Atque ita Athenienses virtute ducis, pro salute patriæ morti se offerentis, bello liberantur. Post Codrum nemo Athenis regnauit: quod memoriæ nominis eius tributum est. Administratio reipublicæ annuis magistratibus permixta. Sed ciuitati nullæ tunc leges erant; quia libido regum pro legibus habebatur. Legitur itaque Solon, vir iustitiæ insignis, qui velut nouam ciuitatem legibus conderet: qui tanto temperamento inter plebem senatumque egit (cum, si quid pro altero ordine tulisset, alteri displicitu-

rum

rum videretur ) vt ab vtriusque parē m grā-  
tiam traheret . Huius viri inter multa e-  
gregia illud memorabile fuit : Inter Athe-  
nienſes & Megarenſes de proprietate Sala-  
minæ inſulæ , prope vſque interitum armis  
dimicatum fuerat . Poſt clades multas capi-  
tale eſſe apud Athenienſes cœpit , ſi quis le-  
gem de vindicanda inſula tuliffet . Sollicitus  
igitur Solon , ne aut tacendo parum reipu-  
blicæ conſuleret , aut cenſendo , ſibi : ſubi-  
tam dementiam ſimulat , cuius venia non  
dicturus modo prohibita , ſed & facturus  
erat . Deformis habitu , more vecordium  
in publicum euolat ; factoque concuſſu ho-  
minum , quo magis conſilium diſſimularet ,  
inſolitis ſibi verſibus ſuadere populo cœpit ,  
quod vetabatur : omniumque animos ita  
cepit , vt extemplo bellum aduerſus Mega-  
renſes decerneretur , inſulaque , deuictis  
hoſtibus , Athenienſium fieret . Interea  
Megarenſes memores illati Athenienſibus  
belli & deſerti , ne fruſtra arma mouiſſe vi-  
derentur , matronas Athenienſium in Eleu-  
ſinis ſacris noctu oppreſſuri , naues conſcen-  
dunt . Quare cognita , dux Athenienſium  
Piſiſtratus iuuentutem in inſidijs locat , iuſ-  
ſis matronis ſolito clamore ac ſtrepitu , e-  
tiam in acceſſu hoſtium , ne intellectos ſe  
ſentiant , ſacra celebrare : egreſſosque nau-  
ibus Megarenſes inopinantes aggreſſus , de-  
leuit : ac protinus claſſe captiua intermixtis  
mulieribus , vt ſpeciem captarum matrona-  
rum præberent , Megaram contendit . Illi  
cum



cum & nauium formam , & petitam prædam cognoscerent , obuij ad portum procedunt : quibus cæsis , Pisistratus paulum à capienda vrbe abfuit . Ita Megarenfes suis dolis hosti victoriam dedere . Sed Pisistratus , quasi sibi , non patriæ vicisset , tyrannidem per dolum occupat : quippe voluntarijs verberibus domi affectus , laceratoque corpore in publicum progreditur : aduocata concione , vulnera populo ostendit ; de crudelitate principum , à quibus hæc se passum simulabat , queritur : adduntur vocibus lacrymæ , & inuidiosa oratione multitudo credula accenditur : amore plebis inuisum se senatui affirmat ; obtinet ad custodiam corporis sui satellitum auxilium ; per quos occupata tyrannide , per annos xxxiii. regnavit . Post eius mortem Diocles , alter ex filijs , per vim stuprata virgine , à fratre puellæ interficitur . Alter Hippias nomine , cum imperium paternum teneret , interfectorem fratris comprehendi iubet : qui cum per tormenta conscios cædis nominare cogeretur , omnes amicos tyranni nominauit : quibus interfectis , quærenti tyranno , an adhuc aliqui conscij essent , neminem ait superesse , quem amplius mori gestiât , quam ipsum tyrannum : qua voce eiusdem se tyranni victorem , post vindictam pudicitiae sororis ostendit . Huius virtute cum admonita ciuitas libertatis esset , tandem Hippias regno pulsus , in exilium agitur : qui profectus in

C

Per-

Persas , ducem se Dario , inferenti Atheniensibus bellum , sicuti supra significatum est , aduersus patriam suam offert . Igitur Athenienses , audito Darij aduentu , auxilium à Lacedæmonijs sociatum ciuitate petiuerunt . Quos ubi viderunt quatruidi teneri religione , non expectato auxilio , instructis decem millibus ciuium , & Plataënsibus auxiliaribus mille , aduersus sexcenta millia hostium , in campos Marathonios in prælium egrediuntur . Miltiades & dux belli erat ; & auctor non expectandi auxilij , quem tanta fiducia ceperat , vt plus præsidij in celeritate , quam in socijs duceret . Magna igitur in pugnam euntibus alacritas animorum fuit , adeo vt cum mille passus inter duas acies essent , citato cursu ante iactum sagittarum ad hostem venerint , nec audaciæ eius euentus defuit . Pugnatum est enim tanta virtute , vt hinc viros , inde pecudes putares . Victi Persæ in naues confugerunt : ex quibus multæ suppressæ , multæ captæ sunt . In eo prælio tanta virtus singulorum fuit , vt cuius laus prima esset , difficile iudicium videretur . Inter ceteros tamen Themistoclis adolescentis gloria emicuit , in quo iam tunc indoles futuræ imperatoris dignitatis apparuit . Cynegiri quoque militis Atheniensis gloria magnis scriptorum laudibus celebrata est ; qui post prælij innumeras cædes , cum fugientes hostes ad naues egisset , onustam nauim dextra manu tenuit , nec prius dimisit , quam  
 [ ma-

[manum] amitteret : tum quoque amputata dextra nauem sinistra comprehendit ; quam & ipsam cum amisisset, ad postremum morsu nauem detinuit . Tantam in eo virtutem fuisse , vt non tot cædibus fatigatus ; non duabus manibus amissis victus, truncus ad postremum, & veluti rabida fera, dentibus dimicauerit . Ducenta millia Persæ eo prælio sine naufragio amittere . Cecidit & Hippias tyrannus Atheniensis, auctor & conditor eius belli, dijs patriæ ultoribus poenas repetentibus . Interea & Darius, cum bellum restauraret, in ipso apparatu decedit, relictis multis filiis, & in regno, & ante regnum susceptis . Ex his Artemenes maximus natus, ætatis priuilegio, regnum sibi vendicabat, quod ius, & ordo nascendi, & natura ipsa gentibus [dedit .] Porro Xerxes controuersiam non de ordine, sed de nascendi felicitate referebat . Namque Artemenem primum quidem Dario, sed priuato prouenisse ; se regi primum natum . Fratres itaque suos, qui ante geniti essent, priuatum patrimonium, quod eo tempore Darius habuisset, non regnum sibi vindicare posse : se esse quem primum in regno iam rex pater sustulerit . Huc accedere, quod Artemenes non patre tantum, sed & matre priuatæ adhuc fortunæ, auo quoque materno priuato procreatus sit : se vero & matre regina natum, & patrem non nisi regem vidisse : auum quoque maternum, Cyrum se regem habuisse, non here-

dem, sed conditorem tanti regni: & si in æquo iure vtrumque fratrem pater reliquisset, materno tamen se iure & auxilio vincere. Hoc certamen concordæ animo ad patrum suum Artapharnem veluti ad domesticum iudicem, deferunt; qui domi cognita causa, Xerxem præposuit: adeoque fraterna contentio fuit, ut nec victor insultauerit: nec victus doluerit, ipsoque litis tempore inuicem munera miserint: iucunda quoque inter se non solum, sed credula conuiuia habuerint, iudicium quoque ipsum sine arbitris, sine conuitio fuerit. Tanto moderatius tum fratres inter se regna maxima diuidebant, quam nunc exigua patrimonia partiuntur. Igitur Xerxes bellum à patre ceptum aduersus Græciam, quinquennium instruxit. Quod ubi primum didicit Demaratus rex Lacedæmoniorum, qui apud Xerxem exulabat, amicior patriæ post fugam, quam regi post beneficia, ne inopinato bello opprimerentur, omnia in tabellis ligneis magistratui perscribit, easdemque cera superinducta delet: ne aut scriptura sine tegmine indicium daret, aut recens cæra dolum proderet: fido deinde seruo perferendas tradit, iussu magistratui Spartanorum tradere. Quibus perlatis, Lacedæmone quæstioni res diu fuit, quod neque scriptum aliquod viderent, nec frustra missas suspicarentur, tantoque rem maiorem, quanto sit occultior, putabant. Hærentibus in coniectura viris, soror regis Leonide  
con-

consilium scribentis inuenit. Erasa igitur  
cera, belli consilia deteguntur. Iam Xerxes  
septingenta millia de regno armaue-  
rat, & trecenta millia de auxilijs: vt non  
immerito proditum sit, flumina ab exerci-  
tu eius siccata. Græciamque omnem vix  
capere exercitum eius potuisse. Naues  
quoque decies centum millia numero ha-  
buisse dicitur. Huic tanto agmini dux de-  
fuit. Cæterum si regem spectes; diuitias,  
non ducem laudes: quarum tanta copia in  
regno eius fuit, vt cum flumina multitudi-  
ne consumerentur, opes tamen regię super-  
essent. Ipse autem primus in fuga, postre-  
mus in prælio semper visus est; in periculis  
timidus; sicubi metus abesset, inflatus; de-  
nique ante experimentum belli, fiducia vi-  
rium, veluti naturæ ipsius dominus, &  
montes in planum deducebat; & conuexa  
vallium æquabat, & quædam maria ponti-  
bus sternebat, quædam ad nauigationis  
commodum per compendium ducebat. Cu-  
ius introitus in Græciam quam terribilis,  
tam turpis ac fœdus discessus fuit. Namque  
cum Leonida rex Spartanorum cum quatuor  
millibus militum angustias Thermopyla-  
rum occupasset, Xerxes contemptu paucita-  
tis, eos pugnam capeßere iubet, quorum co-  
gnati Marathonia pugna interfecti fuerant;  
qui dum vlscisci suos quærent, principium  
cladis fuere: succedente deinde inutili turba,  
maior cædes editur. Triduo ibi cum dolore  
& indignatione Persarum dimicatum:



quarta die cum nuntiatum esset Leonidæ à XX. millibus hostium summum cacumen teneri, tunc hortatur socios recedant, & se ad meliora patriæ tempora referuent: sibi cum Spartanis fortunam experiendam; plura se patriæ quam vitæ debere: ceteros ad præsidia Græciæ seruandos. Audito regis imperio discessere ceteri. soli Lacedæmonij remanserunt. Initio huius belli sciscitantibus Delphis oracula, responsum fuerat, aut regi Spartanorum, aut vrbi cadendum. Et idcirco rex Leonida, cum in bellum proficisceretur, ita suos firmauerat, vt ire se parato ad moriendum animo scirent. angustias propterea occupauerat, vt cum paucis aut maiore gloriâ vinceret, aut minore damno reipublicæ caderet. Dimissis igitur socijs, hortatur Spartanos, meminerint qualitercunque præliantibus, cadendum esse; cauere, ne fortius mansisse quam dimicasse videantur; nec expectandum vt ab hoste circumuenirentur, sed dum nox occasionem daret, securis & lætis superueniendum: nusquam victores honestius quam in castris hostium perituros. Nihil erat difficile persuadere persuasis mori: statim arma capiunt; & sexcenti viri castra quingentorum millium irrumpunt; statimque regis prætorium petunt, aut cum illo, aut si ipsi oppressi essent, in ipsius potissimum sede morituri. Tumultus totis castris oritur. Spartani posteaquam regem non inueniunt, per omnia castra victores



vagantur; cædunt, sternuntque omnia: ut qui sciant se pugnare non spe victoriæ, sed in mortis ultionem. Prælium à principio noctis in maiorem partem diei tractum. Ad postremum non victi, sed vincendo fatigati, inter ingentes stratorum hostium cæteruas occiderunt. Xerxes duobus vulneribus terrestri prælio acceptis, experiri maris fortunam statuit. Sed Atheniensium dux Themistocles, cum animaduertisset Ionas, propter quos bellum Persarum susceperant, in auxilium regis classe venisse, sollicitare eos in partes suas statuit. Et cum colloquendi copiam non haberet, quo applicituri erant, symbolos proponi, & saxis proscribi curat. QVÆ vos Iones dementia tenet? quod facinus agitis? bellum inferre olim conditoribus vestris, nuper etiam vindicibus cogitis? An ideo mœnia vestra condidimus, ut essent qui nostra delerent? quid si non hæc & Dario prius & nunc Xerxi belli causa nobiscum foret, quod vos rebellantes non destituimus? Quin vos in hæc nostra castra ex ista obsidione transitis? Aut si hoc parum tutum extat, vos commisso prælio ite cessim; inhibete remos, & à bello discedite. Antenaualis prælij congressionem miserat Xerxes quatuor millia armatorum Delphos, ad templum Apollinis diripiendum: prorsus quasi non cum Græcis tantum, sed cum Dijs immortalibus bellum gereret: quæ manus tota imbribus & fulmi-

nibus deleta est: vt intelligeret, **QVAM** nullæ essent hominum aduersus Deos vires. Post hæc Thespias, & Plataeas, & Athenas vacuas hominibus incendit: & quoniam ferro in homines non poterat, in ædificia igne grassatur. Namque Athenienses post pugnam Marathoniam, præmonente Themistocle, victoriam illam de Persis, non finem, sed causam maioris belli fore, CC. naues fabricauerunt. Aduentante igitur Xerxe, consulentibus Delphis oraculum, responsum fuerat: salutem muris ligneis tuerentur. Themistocles nauium præsidium demonstratum ratus, persuadet omnibus, patriam municipes esse, non moenia, ciuitatemque non in ædificijs, sed in ciuibus positam. Melius itaque salutem nauibus, quam vrbi commissuros: huius sententiæ etiam Deum auctorem esse. Probato consilio, coniuges liberosque cum pretiosissimis rebus, abditis insulis, relicta vrbe, demandant: ipsi naues armati conscendunt. Exemplum Atheniensium & aliæ vrbes imitatae. Itaque cum adunata omnis sociorum classis, & intenta in bellum nauale esset; angustiasque Salaminij freti, ne circumueniri à multitudine posset, occupassent; dissensio inter ciuitatum principes oritur: qui cum deserto bello ad sua tuenda dilabi vellent, timens Themistocles, ne discessu lociorum vires minuerentur, per seruum fidum Xerxi nuntiat, vno in loco eum contractam Græciam capere

fa-

facillime posse . Quod si ciuitates , quæ iam abire vellent , dissipentur , maiore labore ei singulas conſectandas . Hoc dolo impellit regem ſignum pugnæ dare . Græci quoque aduentu hoſtium occupati , prælium collatis viribus capeſſunt . Interea rex , veluti ſpectator pugnæ , cum parte nauium in littore remanet . Artemiſia , autem regina Halicarnaſſi , quæ in auxilium Xerxi venerat , inter priuos duces bellum acerrime ciebat : quippe vt in viro muliebrem timorem , ita in muliere virilem audaciam cerneret . Cum anceps prælium eſſet , Iones iuxta præceptum Themiftoclis , pugnæ ſe paulatim ſubtrahere cœperunt , quorum defectio animos cæterorum fregit . Itaque circumſpicientes fugam pelluntur Perſæ , & mox prælio victi in fugam vertuntur . In qua trepidatione , multæ captæ naues , multæ merſæ , plures tamen non minus ſcæuitiam regis , quam hoſtem timentes , domum dilabuntur . Hac glade percuſum , & dubium conſilij Xerxem Mardonius aggreditur . Hortatur vt in regnum abeat , ne quid ſeditionis moueat fama aduerſi belli & in maius , ſicuti mos eſt , omnia extollens : ſibi CCC. millia armatorum lecta ex omnibus copijs relinquat ; qua manu aut cum gloria eius perdomiturum ſe Græciam , aut ſi aliter euentus ferat , ſine eiufdem infamia hoſtibus ceſſurum . Probato conſilio Mardonio exercitus traditur ; reliquas copias rex ipſe reducere

in regnum parat. Sed Græci audita régis fuga, consilium ineunt pontis interrumpendi, quem ille Abydo veluti victor maris fecerat; ut intercluso reditu; aut cum exercitu deleteretur, aut desperatione rerum, pacem victus petere cogeretur. Sed Themistocles timens, ne interclusi hostes desperationem in virtutem verterent, & iter, quod aliter non pateret, ferro patefacerent, satis multos hostes in Græcia remanere dictitans, nec augeri numerum retinendo oportere: cum vincere consilio cæteros non posset, eundem seruum ad Xerxem mittit, certioresque consilij facit; & occupare transitum maturata fuga iubet. Ille perculsus nuntio, tradidit ducibus milites perducendos, ipse cum paucis Abydon contendit. Vbi cum solutum pontem hibernis tempestatibus offendisset, piscatoria scapha trepidus traiecit. Erat res spectaculo digna, & æstimatione sortis humanæ, rerum varietate miranda, in exiguo latentem videre nauigio, quem paulo ante vix æquor omne capiebat, carentem etiam omni seruorum ministerio, cuius exercitus propter multitudinem terris graues erant. Nec pedestribus copijs, quas ducibus assignauerat, felicius iter fuit: siquidem quotidiano labori (NEQVE enim vlla est metuentibus quies) etiam fames accesserat. Multorum deinde dierum inopia contraxerat & pestem; tantaque foeditas morientium fuit, ut viæ cadaueribus

ribus implerentur, alitesque & bestię illecebris sollicitatę exercitum sequerentur. Interim Mardonius in Gręcia Olynthum expugnat. Athenienses quoque in spem pacis, amicitiamque regis sollicitat, spondens incensę eorum vrbis etiam in maius restitutionem. Posteaquam nullo pretio libertatem videt his venalem, incensis, quę ædificare cęperant, copias in Bęotiam transfert. Eo & Gręcorum exercitus, qui centum millium fuit, secutus est: ibique pręlium commissum, sed fortuna regis cum duce mutata non est. Nam victus Mardonius, veluti ex naufragio cum paucis profugit: castra referta regalis opulentię capta. Vnde primum Gręcos, diuiso inter se auro Persico, diuitiarum luxuria cępit. Eodem forte die, quo Mardonij copię deletę sunt, etiam nauali proelio in Asia sub monte Mycale, aduersus Persas dimicatum est. Ibi ante congressionem, cum classes ex aduerso starent, fama ad vtrumque exercitum venit, vicissę Gręcos, & Mardonij copias occidione cęcidissę. Tantam famę velocitatem fuisse, vt cum matutino tempore pręlium in Bęotia commissum sit, meridianis horis in Asiam, per tot maria, & tantum spatij, tam breui horarum momento, de victoria nunciatum sit. Confecto bello, cum de pręmijs ciuitatum ageretur, omnium iudicio Atheniensium virtus cęteris pręlata. Inter du-



ces quoque Themistocles, princeps, ciuitatum testimonio iudicatus, gloriam patriæ suæ auxit. Igitur Athenienses aucti & præmijs belli & gloria, urbem ex integro condere moliuntur. Cum moenia maiora complexi fuissent, suspecti esse Lacedæmonijs cœpere, recte reputantibus, quibus ruina vrbis tantum incrementi dedisset, quantum sit datura munita ciuitas. Mittunt ergo legatos, qui monerent, ne munimenta hostibus, & receptacula futuri belli exstruant. Themistocles, ut vidit spei vrbis inuideri, non existimans abrupte agendum, respondet legatis, ituros Lacedæmonem, qui de ea re pariter cum illis consulant. Sic dimissis Spartanis, hortatur, suos, ut opus maturent. Dein ipse interiecto tempore in legationem proficiscitur, & nunc in itinere infirmitate simulata, nunc tarditatem collegarum accusans, sine quibus agi iure nihil possit, diem de die proferendo, spatium consummando operi quærebat: cum interim nuntiatur Spartanis, opus Athenis maturari, propter quod denuo legatos mittunt ad inspiciendam rem. Tum Themistocles per feruum magistratibus scribit Atheniensium, legatos vinciant, pignusque teneant, ne in se grauius consulatur. Adit deinde concionem Lacedæmoniorum; indicat permunitas Athenas esse, & posse iam illatum bellum non armis tantum, sed etiam muris sustinere. Si quid ob eam rem de se crudelius

sta-



statuerent , legatos eorum in hoc pignus Athenis retentos . Grauitèr deinde castigat eos quod non virtute, sed imbecillitate sociorum potentiam quærent . Sic dimissus , veluti triumphatis Spartanis , à ciuibus excipitur . Post hæc Spartani , ne vires otio corrumpèrent , & vt bis illatum à Persis Græciæ bellum vlciscerentur , vltro fines eorum depopulantur . Ducem suo , sociorumque exercitui deligunt Pausaniam , qui pro ducatu regnum Græciæ affectans , proditiōis præmium cum Xerxe , nuptias filix eius paciscitur , redditis captiuis , vt fides regis aliquo beneficio obstringeretur . Scribit præterea Xerxi , quoscunque ad se nuntios misisset , interficeret , ne res loquacitate hominum proderetur . Sed dux Atheniensium Aristides belli socius , collegæ conatibus obuiam eundo , simul & in rem sapienter consulendo , proditiōis consilia discussit . Nec multo post accusatus Pausanias , damnatur . Igitur Xerxes , cum proditiōis dolum publicatum videret , ex integro bellum instituit . Græci quoque ducem constituunt Cimonem Atheniensem , filium Miltiadis , quo duce apud Marathonem pugnatum est , iuuenem , cuius magnitudinem futuram pietatis documenta prodiderunt . Quippe patrem ob crimen peculatus in carcerem coniectum , ibique defunctum , translatis in se vinculis ad sepulturam redemit . Nec in bello iudicium deligentium fefellit : siquidem non inferior vir-

virtutibus patris, Xerxem: terrestri nauali-  
que bello superatum, trepidum recipere se  
in regnum coegit.

### LIBER III.

**X**erxes, res Persarum, terror antea-  
gentium, bello in Græcia infelici-  
ter gesto, etiam suis contemptui esse  
cepit: Quippe Artabanus præfectus eius,  
deficiente quotidie regis maiestate, in-  
spem regni adductus, cum septem robu-  
stissimis filiis, regiam vesperti ingreditur,  
nam amicitiae iure semper illi patebat; tru-  
cidatoque rege, voto suo obsistentes filios  
eius dolo aggreditur. Securior de Artaxer-  
xe puero admodum, fingit regem à Da-  
rio, qui erat adolescens, quo maturius  
regno potiretur, occisum; impellit Artaxer-  
xem parricidium parricidio vindicare.  
Cum ventum ad domum Darij esset, dor-  
miens inuentus, quasi somnum fingeret,  
interficitur. Dein cum vnum ex regis fi-  
liis sceleri suo superesse Artabanus vide-  
ret, metueretque de regno certamina  
principum; assumit in societatem consilij  
Bacabasum, qui præsentis statu contentus,  
rem prodit Artaxerxi, ut pater eius occi-  
sus sit; ut frater falsa parricidij suspitione  
oppressus; ut denique ipsi pararentur insi-  
dia. His cognitis Artaxerxes, verens Ar-  
tabani numerum filiorum, in posterum  
diem paratum esse armatum exercitum  
iubet,

iubet, recogniturus & numerum militum, & in armis industriam singulorum. Itaque cum inter cæteros ipse Artabanus armatus assisteret; rex simulat se breuiorem Ioricam habere: iubet Artabanum secum commutare: exuentem se, ac nudatum, gladio traiecit: tum & filios eius corripit iubet. Atque ita egregius adolescens & cædem patris, & se ab insidijs Artabani vindicauit. Dum hæc in Persis geruntur, interea Græcia omnis ducibus Lacedæmonijs & Atheniensibus in duas diuisa partes, ab externis bellis, velut in viscera sua, arma conuertit. Fiunt igitur de vno populo duo corpora, & eorundem castrorum homines in duos hostiles exercitus diuiduntur. Hinc Lacedæmonij communia quondam ciuitatum auxilia ad vires suas trahebant: inde Athenienses & vetustate gentis, & gestis rebus illustres proprijs viribus confidebant. Aque ita duo potentissimi Græciæ populi, institutis Solonis & Lycurgi legibus pares, ex æmulatione, virium in bellum ruebant. Namque Lycurgus cum fratri suo Polybitæ Spartano regi successisset, regnumque sibi vindicare potuisset, Charillo filio eius, qui natus postumus fuerat, cum ad ætatem adultam peruenisset, regnum summa fide restituit: vt intelligerent omnes, QVANTO plus apud bonos pietatis iura, quam omnes opes valerent. Medio igitur tempore dum infans conualescit, tutelamque eius ad-

mini-

ministrat, non habentibus, Spartanis leges instituit; non inuentione earum magis, quam exemplo clarior: Siquidem nihil lege vlla in alios sanxit, cuius non primus in se documenta daret. Populum in obsequia principum, principes ad iustitiam imperiorum firmavit. Parcimoniam omnibus suavit, existimans laborem militiae, assidua frugalitatis consuetudine faciliorem fore. Emi singula non pecunia, sed compensatione mercium iussit: auri argentique usum, velut omnium scelerum materiam, sustulit. Administrationem reipublicae per ordines diuisit, Regibus potestatem bellorum, magistratibus iudicia, & annuos successores; Senatui custodiam legum; populo sublegendi Senatum, vel creandi quos vellet magistratus potestatem permisit. Fundos omnium aequaliter inter omnes diuisit, ut aequata patrimonia neminem potentiorum altero redderent, Conuiuari omnes publice iussit, ne cuius diuitiae, vel luxuria in occulto essent. Iuuenibus non amplius vna veste vti toto anno permissum, nec quemquam cultius, quam alterum progredi, nec epulari opulentius, ne imitatio in luxuriam verteretur. Pueros puberes non in forum, sed in agrum deduci praecepit, ut primos annos non in luxuria, sed in opere, & in laboribus agerent. Nihil eos somni causa substernere, & vitam sine pulmento degere, neque prius in urbem redire, quam viri facti essent, statuit. Virgines sine dote nubere iussit, ut uxores eligerentur, non pecuniae, seueriusque

matr-

matrimonia sua viri coercerent, quum nullis dotis frænis tenerentur. Maximum honorem non diuitum & potentium, sed pro gradu ætatis senum esse voluit: Nec sane vsquam terrarum locum honoratiorem senectus habet. Hæc quoniam primo, solutis antea moribus, dura videbat esse, auctorem eorum Apollinem Delphicum fingit, & inde se ea ex præcepto numinis detulisset, vt consuefcendi tædium metus religionis vincat. Dein vt æternitatem legibus suis daret, iureiurando obligat ciuitatem, nihil eos de eius legibus mutatu-  
 ros, priusquam reuerteretur: & simulat se ad oraculum Delphicum proficisci, consulturum quid addendum, mutandumque legibus videretur. Proficiscitur autem Cretam: ibique perpetuum exilium egit, abijcique in mare ossa sua moriens iussit, ne relatis Lacedæmonem, solutos se Spartani religione iurifiurandi in dissoluendis legibus arbitrarentur. His igitur moribus ita breui ciuitas conualuit, vt cum Messenijs propter stupratas virgines suas, in solenni Messeniorum sacrificio, bellum intulissent, grauissima se execratione obstrinxerint, non prius quam Messeniam expugnassent, reuersuros; tantum sibi vel de viribus suis, vel de fortuna spondentes. Quæ res initium dissensionis Græciæ, & intestini belli causa & origo fuit. Itaque cum contra præsumptionem suam annis decem in obsidione vr-  
 bis tenerentur, & querelis vxorum post tantum  
 longum



longam viduitatem reuocarentur : veriti,  
ne hac perseverantia belli, grauius sibi quam  
Messenijs nocerent : quippe illis quantum  
iuuentutis bello intercidat, mulierum fe-  
cunditate suppleri ; sibi & belli damna assi-  
dua, & fecunditatem vxorum ; absentibus  
viris, nullam esse . Itaque legunt iuuenes  
ex eo genere militum, qui post iusiurandum  
in supplementum venerant, quibus Spar-  
tam remissis promiscuos omnium femina-  
rum concubitus permiscere : maturiorem,  
futuram conceptionem rati, si eam singulæ  
per plures viros experirentur . Ex his nati,  
ob notam materni pudoris, Partheniæ vo-  
cati : qui cum ad annos xxx peruenis-  
sent, metu inopiæ, nulli enim pater exi-  
stebat, cuius in patrimonium successio spe-  
raretur, ducem Palantum assumunt, fi-  
lium Araci, qui auctor Spartanis fuerat,  
iuuentutis ad generandam sobolem domum  
remittendæ : vt sicuti dudum patrem eius  
nascendi auctorem habuissent, sic ipsum  
spei ac dignitatis suæ haberent . Itaque  
nec salutatis matribus, è quarum adulterio  
infamiam collegisse videbantur, ad sedes  
inquirendas proficiscuntur : diuque & per  
varios casus iactati, tandem in Italiam  
deferuntur ; & occupata arce Tarentino-  
rum, expugnatis veteribus incolis, sedes  
ibi constituunt . Sed post annos plurimos  
dux eorum Palantus, per seditionem in  
exilium proturbatus, Brundisium se con-  
tulit, quo expulsi sedibus suis veteres Ta-  
renti-



rentini concesserant : Is moriens persuadet ,  
 ut ossa sua , postremasque reliquias conte-  
 rant , & tacite spargi in foro Tarentinorum  
 curent : hoc enim modo recuperare illos  
 patriam suam posse , Apollinem Delphis  
 cecinisse . Illi arbitantes eum in ultionem  
 sui , ciuium fata prodidisse , præceptis pa-  
 ruere : sed oraculi diuersa sententia fuerat ;  
 perpetuitatem enim vrbs , non amissionem  
 hoc facto promiserat . Ita ducis exulis con-  
 silio , & hostium ministerio , possessio Ta-  
 rentina Parthenijs in æternum fundata : ob  
 cuius beneficij memoriam Palanto diuinos  
 honores decreuere . Interea Messenij , cum  
 virtute non possent , per insidias expugnan-  
 tur . Dein cum per annos LXX. gra-  
 uia seruitutis verbera , plerumque & vincu-  
 la , cæteraque capte ciuitatis mala perpes-  
 si essent , post longam pœnarum patien-  
 tiam , bellum restaurant . Lacedæmonij  
 quoque eo conspiratius ad arma concurrunt,  
 quo aduersus seruos dimicaturi videbantur .  
 Itaque cum hinc iniuria , inde indignitas  
 animos acueret , Lacedæmonij de belli  
 euentu oraculo Delphis consulto , iuben-  
 tur ducem belli ab Atheniensibus petere .  
 Porro Athenienses cum responsum cogno-  
 uissent , in contemptum Spartanorum  
 Tyrtæum poetam claudum pede misere :  
 qui tribus prælijs fusus , eo vsque despera-  
 tionis Spartanos adduxit , ut ad supplemen-  
 tum exercitus , seruos suos manumitterent ,  
 hisque interfectorum matrimonia pollice-  
 rentur ,

rentur, vt non numero tantum amissorum  
cuium, sed & dignitati succederent. Sed re-  
ges Lacedæmoniorum, ne contra fortunam  
pugnando, maiora detrimenta ciuitati in-  
funderent, reducere exercitum voluerunt, nō  
interuenisset Tyrtaeus, qui composita car-  
mina exercitui pro concione recitauit; in  
quibus hortamenta virtutis, damnorum  
solatia, belli consilia conscripserat. Ita-  
que tantum ardorem militibus iniecit, vt  
non de salute, sed de sepultura solliciti, tes-  
feras, in sculptis suis & patrum nominibus,  
dextro brachio deligarent: vt si omnes ad-  
uersum prælium consumpsisset, & temporis  
spatio confusa corporum lineamenta essent,  
ex indicio titulorum tradi sepulturæ pos-  
sent. Cum sic animatum reges exercitum  
viderent, curant rem hostibus nuntiari.  
Messenijs autem non timorem res, sed æ-  
mulationem mutuam dedit. Itaque tan-  
tis animis concursus est, vt raro vnquam  
cruentius prælium fuerit: Ad postremum  
tamen victoria Lacedæmoniorum fuit. In-  
teriecto tempore tertium quoque bellum  
Messenij reparauere: in cuius auxilium La-  
cedæmonij, inter reliquos socios etiam  
Athenienses adhibuere, quorum fidem  
cum suspectam haberent, superuacaneos  
simulantes, à bello eosdem dimiserunt.  
Hanc rem Athenienses grauiter ferentes,  
pecuniam quæ erat in stipendium Persici  
belli ab vniuersa Græcia collata, à Delo A-  
thenas transferunt, ne deficientibus à fide so-  
cietatis

cietatis Lacedæmonijs, prædæ ac rapiæ esset. Sed nec Lacedæmonij quievere: qui cum Messeniorum bello occupati essent, Peloponneses immisere, qui bellum Atheniensibus facerent. Paræ tum temporis, classe in Ægyptum missa, vires Atheniensibus erant: Itaque nauali prælio dimicantes, facile superantur. Interiecto deinde tempore, post reditum suorum aucti, & classis, & militum robore, prælium reparauere. Iam & Lacedæmonij, omissis Messenijs, aduersus Athenienses arma verterant. Diu varia victoria fuit: ad postremum æquo Marte vtrinque discessum. Inde reuocati Lacedæmonij ad Messeniorum bellum, ne medium tempus otiosum Atheniensibus relinquerent, cum Thebanis paciscuntur, ut Bœotiorum imperium his restituerent, quod temporibus Persici belli amiserant, ut illi Atheniensium bella susciperent. Tanta furor Spartanorum erat, ut duobus bellis impliciti, suscipere tertium non recusarent, dummodo inimicis suis hostes acquirerent. Igitur Athenienses, aduersus tantam tempestatem belli, duos duces deligunt, Periclem spectatæ virtutis virum, & Sophoclem scriptorem tragædiarum: qui diuiso exercitu, & Spartanorum agros vastauerunt, & multas Achaia ciuitates Atheniensium imperio adiecerunt. His malis fracti Lacedæmonij, in annos XXX. pepigerunt pacem: sed tam longum otium inimicitia non tulerunt. Itaque quintodecimo anno ru-

pto

pto foedere, cum contemptu deorum hominumque, fines Atticos populantur: Et ne prædam potius, quam pugnam expectasse viderentur, hostes ad prælium provocant. Sed Athenienses, consilio Periclis ducis, populationis iniuriam differunt in tempus ultionis; superuacuum pugnam existimantes, cum vlcisci hostem sine periculo possent. Deinde interiectis diebus, naues conscendunt, & nihil sentientibus Lacedæmoniis, totam Spartam deprædantur; multoque plura auferunt quam amiserant. Prorsus ut in comparatione damnorum, longe pluris fuerit ultio, quam iniuria. Clara quidem hæc Periclis expeditio habita; sed multo clarior priuati patrimonij contemptus fuit. Huius agros, in populatione cæterorum, intactos reliquerant, sperantes acquirere se illi posse, aut periculum ex inuidia, aut ex suspicionem proditoris infamiam. Quod ante prospiciens Pericles; & futurum populo prædixerat; & ad inuidiæ impetum declinandum, agros ipsos dono reipublicæ dederat: Atque ita vnde periculum quaesitum fuerat, ibi maximam gloriam inuenit. Post hæc interiectis diebus, nauali prælio dimicatum est: victi Lacedæmonij fugerunt. Nec cessatum deinceps est, quin aut terra, aut mari varia præliorum fortunam inuicem se trucidarent. Denique fessi tot malis, pacem in annos quinquaginta, fecere, quam non nisi sex annis seruaerunt,

ruunt. Nam inducias quas proprio nomine condixerant, ex sociorum persona rumpebant: quippe quasi minus periurij contraherent, si ferentes socijs auxilia, potius quam si aperto prælio dimicassent. Hinc bellum in Siciliam translatum: quod prius quam exponam, de Siciliae situ pauca dicenda sunt.

## LIBER IV.

**S**iciliam ferunt angustis quondam faucibus Italiae adhæsisse, direptamque velut à corpore, maiore impetu Superi maris, quod toto vndarum onere illuc vehitur. Est autem ipsa terra tenuis ac fragilis; & cauernis quibusdam fistulisque ita penetrabilis, ut ventorum tota ferme flatibus pateat; nec non & ignibus generandis nutriendisque soli ipsius naturalis materia: quippe intrinsecus stratum sulphure & bitumine traditur: quæ res facit, ut spiritu cum igne inter interiora luctante, frequenter & compluribus locis nunc flammæ, nunc vaporem, nunc fumum eructet. Inde denique Ætnæ montis per tot secula durat incendium. Et ubi acrior per spiramenta cauernarum ventus incubuit, arenarum moles egeruntur. Proximum Italiae promontorium, Rhegium dicitur, ideo quia Græce abrupta hoc nomine pronuntiantur. Nec mirum, si fabulosa est loci huius antiquitas, in quem res  
tot



tot coiere miræ . Primum quod nusquam alias tam torrens fretum , nec solum citato impetu , verum etiam sæuo ; neque experientibus modo terribile , verumetiam procul videntibus : Vndarum porro in se concurrentium tanta pugna est , vt alias veluti terga dantes in imum desidere , alias quasi victrices in sublime ferri videas : nunc hic fremitum feruentis æstus , nunc illic gemitum in voraginem desidentis exaudias . Accedunt vicini , & perpetui Ætnæ montis ignes , & insularum Æolidum , veluti ipsis vudis alatur incendium . Neque enim in tam angustis terminis aliter durare tot seculis tantus ignis potuisset , nisi humoris nutrimentis aleretur . Hinc igitur fabulæ Scyllam & Charybdim peperere ; hinc latratus auditus ; hinc monstri credita simulacra , dum nauigantes magnis vorticibus pelagi desidentis exterriti , latrare putant vndas , quas sorbentis æstus vorago conludit . Eadem causa etiam Ætnæ montis perpetuos ignes facit . Nam aquarum ille concursus , raptum secum spiritum in imum fundum trahit ; atque ibi suffocatum tamdiu tenet , donec per spiramenta ( terræ diffusus, nutrimenta ) ignis incendat . Iam ipsa Italiæ, Siciliaque vicinitas, ( iam ) promontoriorum altitudo ipsa ita similis est , vt quantum nunc admirationis , tantum antiquis terroris dederit ; credentibus , coeuntibus in se promontorijs , ac rursus discedentibus , solida intercipi absumique nauigia . Neque hoc



hoc ab antiquis in dulcedinem fabulæ compositum, sed metu & admiratione transfuentium: Ea est enim procul insipientibus natura loci, ut sinum maris, non transitum putes, quo cum accesseris, discedere, ac seiungi promontoria, quæ antea iuncta fuerant, arbitrere. Siciliæ primo Trinacriæ nomen fuit; postea Sicania cognominata est. Hæc à principio patria Cycloperum fuit: quibus extinctis, Cocalus regnum insulæ occupavit: post quem singulæ ciuitates in tyrannorum imperium concesserunt, quorum nulla terra feracior fuit. Horum ex numero Anaxilaus iustitia cum cæterorum crudelitare certabat; cuius moderationis haud mediocrem fructum tulit: Quippe decedens, cum filios paruulos reliquisset, tutelamque eorum Micalo, spectatæ fidei seruo, commisisset, tantus amor memoriæ eius apud omnes fuit, ut parere seruo, quam deserere regis filios mallent: principesque ciuitatis obliti dignitatis suæ, regni maiestatem administrari per seruum paterentur. Imperium Siciliæ etiam Carthaginenses tentauere; diuque varia victoria cum tyrannis dimicatum: At postremum, amisso Hamilcare imperatore cum exercitu, aliquantisper quievere, victi. Medio tempore cum Rheginis discordia laborarent, ciuitasque per dissensionem diuisa in duas partes esset, veterani ex altera parte ab Himera in auxilium vocati, pulsæ ciuitate, contra quos implorati fuerant; & mox cæsis, quibus tulerant auxilium,

D

urbem

urbem cum coniugibus & liberis sociorum occupauere; ausi facinus nulli tyranno comparandum: quippe vt Rheginis melius fuerit vinci, quam vicisse. Nam siue victoribus captiuitatis iure seruissent, siue amissa patria exulare necesse habuissent, non tamen inter aras & patrios lares trucidati, crudelissimis tyrannis patriam cum coniugibus ac liberis prædam reliquissent. Catinienes quoque, cum Syracusanos graues paterentur: diffisi viribus suis, auxilium ab Atheniensibus petiuere: qui seu studio maioris imperij, quod Asiam Græciamque penitus occupauerant; seu metu factæ pridem à Syracusanis classis, ne Lacedæmonijs illæ vires accederent, Lamponium ducem cum classe in Siciliam misere, vt sub specie ferendi Catinienensibus auxilij, tentarent Sicilia imperium. Et quoniam prima initia, frequenter cæsis hostibus, prospera fuerant; maiore deinde classe, & robustiore exercitu, Lachete & Cariade ducibus, Siciliam petiuere: sed Catinienes siue metu Atheniensium, siue tædio belli, pacem cum Syracusanis, remissis Atheniensium auxilijs, fecerant. Interiecto deinde tempore, cum fides pacis à Syracusanis non seruaretur, denuo legatos Athenas mittunt, qui sordida veste, capillo barbaque promissis, & omni squaloris habitu ad misericordiam commouendam acquisito, concionem deformes ad-eunt; adduntur precibus lacrymæ: & ita misericordem populum supplices mouent,

vt

vt damnarentur duces , qui ab his auxilia deduxerant . Igitur classis ingens decernitur; creantur duces Nicias, & Alcibiades, & Lamachos; tantisque viribus Sicilia repetitur, vt ipsis terrori essent, in quorum auxilia mittebantur . Breui post tempore , reuocato ad reatum Alcibiade , duo prælia pedestria secunda Nicias & Lamachos faciunt: munitionibus deinde circumdatis, hostes etiam marinis com meatibus in vrbe clausos intercludunt . Quibus rebus fracti Syracusani, auxilium à Lacedæmonijs petiuerunt . Ab his mittitur Gylippus, solus, sed ( in quo ) instar omnium auxiliorum erat . Is audito genere belli, iam inclinato flatu, auxilijs partim in Græcia, partim in Sicilia contractis, opportuna bello loca occupat . Duobus deinde prælijs victus, congressus tertio, occiso Lamacho & hostes in fugam compulit, & socios obsidione liberauit . Sed cum Athenienses à bello terrestri in nauale se transtulissent, Gylippus classem Lacedæmone cum auxilijs arcessit: quo cognito, & ipsi Athenienses in locum amissi ducis Demosthenem, & Eurymedonta, cum supplemento copiarum, mittunt: Peloponnesij quoque communi ciuitatum decreto, ingentia Syracusanis auxilia misere; & quasi Græciæ bellum in Siciliam translatum esset, ita ex vtraque parte summis viribus dimicabatur . Prima igitur congressione naualis certaminis, Athenienses vincuntur . Castra quoque cum omni

publica ac priuata pecunia amittunt . Super hæc mala , cum etiam terrestri prælio victi essent , tunc Demosthenes censere cœpit, vt abirent Sicilia , dum res quamuis afflictæ , nondum tamen perditæ forent ; neque in bello male auspicato amplius perseuerandum esse ; domi grauiora , & forsitan infeliciora bella , in quæ seruare hos vrbis apparatus oporteat . Nicias seu pudore , male actæ rei , seu metu destitutæ spei ciuium , seu impellente fato manere contendit . Reparatur igitur nauale bellum , & à nimia prioris fortunæ procella , ad spem certaminis reuocantur : sed inscitia ducum , qui inter angustias maris tuentes se , Syracusanos aggressi fuerant , facile vincuntur . Eurymedon dux in prima acie fortissime dimicans , primus cadit : triginta naues , quibus præfuerat , incenduntur . Demosthenes & Nicias , & ipsi victi , exercitum in terram deponunt , tutiorem fugam rati itinere terrestri . Ab his relictas centum triginta naues Gylippus inuasit ; ipsos deinde insequitur ; fugientes partim capit , cædit partim . Demosthenes amisso exercitu , à captiuitate , gladio , & voluntaria morte se vindicat : Nicias autem ne Demosthenis quidem exemplo, vt sibi consuleret admonitus , cladem suorum auxit dedecore captiuitatis .

## LIBER V.

**D**Vm Athenienses in Sicilia bellum per biennium cupidius, quam felicius gerunt, interim concitor & dux eius Alcibiades absens Athenis insimulatur, mysteria Cereris initiorum sacra, nullo magis quam silentio solennia, enuntiauisse. Reuocatusque à bello ad iudicium, siue conscientiam, siue indignitatem rei non ferens, tacitus in exilium Elidem profectus est: Inde ubi non damnatum se tantum, verum etiam diris, per omnium sacerdotum religiones deuotum cognouit, Lacedæmonia se contulit: ibique regem Lacedæmoniorum impellit, turbatis Atheniensibus aduerso Siciliæ prælio ultro bellum inferre. Quo facto, omnia Græciæ regna, velut ad extinguendum commune incendium concurrunt. Tantum odium Athenienses immoderati imperij cupiditate contraxerant. Darius quoque rex Persarum, memor paterni autique in hanc urbem odij, facta cum Lacedæmonijs per Tissafernem præfectum Lydiæ societate, omnem sumptum belli pollicetur. Et erat hic quidam titulus cum Græcis cocundi: re autem vera timebat, ne victis Atheniensibus ad se Lacedæmonij arma transferrent. Quis igitur miretur, tam florentes Atheniensium opes ruisse, cum ad opprimendam vnam urbem totius Orientis vires concurrerent? Non, tamen inertem, neque incruento cedere bel-

lo, sed præliati ad vltimum, victores etiam interdum consumpti magis fortunæ varietate quam victi sunt. Principio belli omnes, ab his etiam socij desciuerant, vt fit: Quo se fortuna, eodem etiam fauor hominum inclinât. Alcibiades quoque motum aduersus patriam bellum, non gregarij militis opera, sed imperatorijs virtutibus adiuuat: quippe acceptis quinque nauibus in Asiam contendit, & tributarias Atheniensium ciuitates auctoritate nominis sui, ad defectionem compellit: Sciebant enim domi clarum, nec exilio videbant factum minorem; nec tam ablatum Atheniensibus ducem, quam Lacedæmonijs traditum; parataque cum amissis imperia pensare. Sed apud Lacedæmonios virtus Alcibiadis plus inuidiæ quam gratiæ contraxit: Itaque cum principes velut æmulum gloriæ suæ interficiendum insidijs mandassent, cognita re Alcibiades per vxorem Agidis regis, quam adulterio cognouerat, ad Tissafernem præfectum Darij regis profugit, cui se celeriter officij comitate, & obsequendi gratia insinuauit: erat enim & ætatis flore, & formæ veneratione, nec minus eloquentia etiam inter Athenienses insignis, sed in conciliandis amicitiarum studijs, quam in retinendis vir melior: quia morum vitia sub vmbra eloquentiæ primo latebant. Igitur persuadet Tissaferni, ne tanta stipendia classi Lacedæmoniorum præberet: Vocandos enim in portionem muneris Ionios, quorum pro libertate, cum  
tributa



tributa Atheniensibus penderent, bellum susceptum sit : Sed nec auxilijs nimis enixe Lacedæmonios iuandos . Quippe memorem esse debere alienam se victoriam , non suam instruere . Et eatenus bellum sustinendum, ne inopia deseratur; Nam regem Persarum, dissentientibus Græcis, arbitrum pacis ac belli fore, & quos suis non possit, ipsorum armis victurum; perfecto autem bello, statim ei cum victoribus dimicandum . Domesticis itaque bellis Græciam obterendam, ne externis vacet, exæquandasque vires partium, & inferiores auxilio leuandos . Non enim, quieturos post hanc victoriam Spartanos, qui vindices se libertatis Græciæ professi sunt . Grata oratio Tissaferni fuit . Itaque commeatus maligne præbere, classem regiam non totam mittere, ne aut victoriam daret, aut necessitatem deponendi belli imponeret . Interea Alcibiades hanc operam ciuibus venditabat : ad quem cum legati Atheniensium venissent, pollicetur his amicitiam regis, si respublica à populo translata ad senatum foret : sperans vt aut concordante ciuitate, dux belli ab omnibus legeretur, aut discordia inter ordines facta, ab altera parte in auxilium vocaretur. Sed Atheniensibus imminente periculo belli maior salutis quam dignitatis cura fuit . Itaque permittente populo, imperium ad senatum transfertur : qui cum insita genti superbia, crudeliter in plebem consuleret, singulis tyrannidis sibi impotentiam vindicantibus, ab

exercitu Alcibiades exul reuocatur, duxque classi constituitur. Statim igitur Athenas mittit, ex continenti se cum exercitu venturum, recepturumque à quadringentis iura populi, ni ipsi redderent. Hac denuntiatione optimates territi, primo urbem prodere Lacedæmonijs tentauere: dein cum id nequissent, in exilium profecti sunt. Igitur Alcibiades intestino malo patria liberata, summa cura classem instruit, atque ita in bellum aduersus Lacedæmonios pergit. Iam Mindarus & Pharnabazus Lacedæmoniorum duces, instructis nauibus expectabant: prælio commisso, victoria penes Athenienses fuit. in eo bello maior pars exercitus, & omnes ferme hostium duces cæsi, naues LXXX. captæ. Interiectis quoque diebus, cum bellum Lacedæmonij à mari in terram transtulissent, iterato vincuntur. His malis fracti, pacem petiere, quam ne acciperent, opera eorum effectum est, quibus ea res questum præbebat. Interea & Syracusanorum auxilia, illatum à Carthaginienfibus Siciliæ bellum, domum reuocauit: quibus rebus destitutis Lacedæmonijs, Alcibiades cum classe victrici Asiam vastat, multis locis prælia facit; vbique victor recipit ciuitates, quæ defecerant, nonnullas capit, & imperio Atheniensium adiicit: Atque ita prisca nauali gloria vindicata, adiecta etiam laude terrestris belli, desideratus ciuibz suis Athenas reuertitur. His omnibus prælijs ducentæ naues hostium, & præda ingens capta. Ad  
hunc

hunc redeuntis exercitus triumphum, effusa omnis multitudo obuiam procedit: & vniuersos quidem milites, præcipue tamen Alcibiadem mirantur: in hunc oculos ciuitas vniuersa, in hunc suspensa ora conuertit: hunc quasi de cælo missum, & vt ipsam victoriam contuentur, laudant quæ pro patria, nec minus admirantur quæ exul contra gesserit, excusantes ipsi, iratum, prouocatumque fecisse. Enimuero tantum in vno viro fuisse momenti, vt maximi imperij subuersi, & rursum recepti auctor esset, & vnde stetisset, eo se victoria transferret, fieretque cum eo mira quædam fortunæ inclinatio. Igitur omnibus non humanis tantum, verum, & diuinis eum honoribus onerant: certant secum ipsi, vtrum contumeliosius eum expulerint, an reuocauerint honoratius. Ipsos illi deos gratulantes tulere obuiam, quorum execrationibus erat deuotus. Et cui paulo ante omnem humanam opem interdixerant, eum si queant, in cælo posuisse cupiunt. Explent contumelias honoribus, detrimenta, muneribus, execrationes precibus: Non Sicilia illis aduersa pugna in ore est, sed Græciæ victoria; non classēs per illum amissæ, sed acquisita; nec Syracusarum, sed Ionix, Hellepontique meminerunt. Sic Alcibiades nunquam mediocribus, nec in offensa, nec in fauore studijs suorum exceptus est. Dum hæc aguntur, & à Lacedæmonijs Lysander classi belloque præficitur, & in locum Tifsaernis, Darius rex Persarum filium suum.

D. 5

Cy-

Cyrum Ioniæ Lydiæque præposuit : qui Lacedæmonios auxilijs opibusque ad spem fortunæ prioris erexit . Aucti igitur viribus , Alcibiadem cum centum nauibus in Asiam profectum , dum agros longa pace diuites , securus populatur , & prædæ dulcedine sine insidiarum metu sparfos milites habet , repentino aduentu oppressere : tantaque cædes palantium fuit , vt plus vulneris eo prælio Athenienses acciperent , quam superioribus dederant : & tanta desperatio apud Athenienses erat , vt ex continenti Alcibiadem ducem Conone mutarent : arbitantes victos se non fortuna belli , sed fraude imperatoris : apud quem plus prior offensa valuisset , quam recentia beneficia . Vicisse autem eum priore bello ideo tantum , vt ostenderet hostibus , quem ducem spreuissent , & vt carius eis ipsam victoriam venderet . Omnia enim credibilia in Alcibiade , vigor ingenij , & morum luxuria faciebat . Veritus itaque multitudinis impetum , denuo in voluntarium exilium proficiscitur . Itaque Conon Alcibiadi succedens , habens ante oculos cui duci successisset , classem maxima industria exornat : sed nauibus exercitus deerat , fortissimis quibusque in Asiæ populatione amissis : Armantur tamen senes , aut impuberes pueri , & numerus militum sine exercitus robore expletur . Sed non magnam bello moram xras fecit imbellis : cæduntur passim , aut fugientes capiuntur ; tantaque strages , aut occisorum , aut captiuorum fuit , vt Atheniensium de-

deletum non imperium tantum, verum etiam nomen videretur. Quo prælio perditis & desperatis rebus, ad tantam inopiam rediguntur, ut consumpta militariæ, peregrinis ciuitatem, seruis libertatem, damnatis impunitatem darent. Eaque ex colluione hominum, domini antea Græciæ, conscripto exercitu, vix libertatem tuebantur. Iterum tamen fortunam maris experientiam decernunt. Tanta virtus animorum, erat, ut cum paulo ante salutem desperauerint, nunc non desperent victoriam. Sed neque is miles erat, qui nomen Atheniensium tueretur; neque eæ vires, quibus vincere consuerant, neque ea scientia militaris in his, quos vincula, non castra continuerant. Itaque omnes aut capti, aut occisi: cum dux Conon eo prælio superfuisset, solus crudelitatem ciuium metuens, cum octo nauibus ad regem Cyprium concedit Euagoram. At dux Lacedæmoniorum rebus feliciter gestis, fortunæ hostium insultat; captiuas naues cum præda bellica, in triumphi modum ornatas, mittit Lacedæmona; ac tributarias Atheniensium ciuitates, quas metus dubiæ belli fortunæ in fide tenuerat, voluntarias recepit; nec aliud ditionis Atheniensium præter urbem ipsam reliquit. Quæ cuncta cum Athenis nuntiata essent, omnes relictis domibus, per urbem discurrere pauidi; alius alium sciscitari; auctorem nuntij requirere: non pueros imprudentia; non senes debilitas; non mulieres, sexus imbecillitas domi-



tenet : adeo ad omnem ætatem tanti mali  
sensus penetrauerat . In foro deinde cœunt ;  
atque ibi perpeti nocte fortunam publicam  
questibus iterant : Alij fratres , aut filios ,  
aut parentes deflent , cognatos alij , alij ami-  
cos cognatis cariores , & cum priuatis casibus  
querelam publicam miscent : iam seipfos ,  
iam ipsam patriam perituram , misero-  
remque incolumium , quam amissorum for-  
tunam iudicantes : sibi quisque ante oculos  
obsidionem , famem , & superbum victorem-  
que hostem proponentes : iam ruinam vrbis  
& incendia , iam omnium captiuitatem &  
miserrimam seruitutem recordantes : feli-  
ciores prorsus priores vrbis ruinas ducentes ,  
quæ incolumibus filijs parentibusque , tecto-  
rum tantum ruina taxatæ sint . Nunc autem  
non classem , in quam , sicuti pridem , confu-  
giant , superesse ; non exercitum , cuius virtute  
seruati pulchriora possent mœnia extruere .  
Sic defletæ ac prope perditæ vrbi hostes su-  
perueniunt , & obsidione circumdata obsef-  
sos fame vrgent . Sciebant enim neque ex ad-  
uectis copijs multum superesse , & ne no-  
uæ aduehi possent , prouiderant . quibus malis  
rebus Athenienses fracti , post longam fa-  
mem , & assidua suorum funera , pacem peti-  
uere : quæ an dari deberet diu inter Sparta-  
nos , sociosque deliberatum . Cum multi de-  
lendum Atheniensium nomen , urbemque  
incendio consumendam censerent , negarunt  
se Spartani , ex duobus Græciæ oculis al-  
terum eruturos : pacem polliciti , si demissa

Py-



Pyreum versus muri brachia deijcerent ; navesque quæ reliquæ forent , traderent ; resque publica ex semetipsis xxx. rectores acciperet . In has leges traditam sibi urbem , Lacedæmonij formandam Lyfandro tradiderunt . Insignis hic annus expugnatione Athenarum , & morte Darij regis Persarum , & exilio Dionysij Siciliæ tyranni fuit . Mutato statu Athenarum , etiam ciuium conditio mutatur . Triginta rectores reipublicæ constituuntur , qui fiant tyranni : quippe à principio tria millia sibi satellitum statuunt , quantum ex tot cladibus prope nec ciuium supersuerat : & quasi paruus hic ad continendam ciuitatem exercitus esset , septingentos milites à victoribus accipiunt . Cædes deinde ciuium ab Alcibiade auspicantur , ne iterum rempublicam sub obtentu liberationis inuaderet . Quem cum profectum ad Artaxerxem Persarum regem comperissent , citato itinere miserunt , qui eum interciperent : à quibus occupatus , cum occidi aperte non posset , viuus in cubiculo in quo dormiebat , crematus est . Liberati hoc vltoris metu tyranni , miseras vrbis reliquias cadibus & rapinis exhauriunt . Quod cum duplicere vni ex numero suo Therameni didicissent , ipsum quoque ad terrorem omnium interficiunt . Fit igitur ex vrbe passim omnium fuga ; repleturq; Græcia Atheniensium exsulibus : quod etiam ipsum auxilium vnicum cum miseris eriperetur ( nam Lacedæmoniorum edicto , ciuitates exules recipere pro-

prohibebantur) omnes se Argos & Thebas contulere: ibi non solum tutum exilium egerunt, verum etiam spem recuperandæ patriæ receperunt. Erat inter exules Thrasylbulus vir strenuus, & domi nobilis, qui audendum aliquid pro patria, & pro salute communi, etiam cum periculo ratus; adunatis exulibus castellum Phyllen Atticorum finium occupat: nec deerat quarundam civitatum tam crudelis casus miserantium fauor: Itaque Ismenias Thebanorum princeps, etsi publicis non poterat, priuatis tamen viribus adiuuabat: & Lysias Syracusanus orator, exul tunc, quingentos milites stipendio suo instructos, in auxilium patriæ communis eloquentiæ misit. Fit itaque a spe- rum proelium: sed cum hinc pro patria sum- mis viribus, inde pro aliena dominatione se- curius pugnaretur, tyranni vincuntur: victi in urbem refugerunt, quam exhaustam ca- dibus suis, etiam armis spoliant. Deinde cum omnes Athenienses proditoris suspectos haberent, demigrare eos ex vrbe iubent, & in brachijs muri, quæ diruta fuerant, habi- tare, extraneis militibus imperium tuentes. Post hæc Thrasylbulum corrumpere, imperij societatem pollicentes, conantur: quod cum non contigisset, auxilia à Lacedæmonijs pe- tiuere: quibus accitis, iterato proeliantur. In eo bello Critias & Hippolochus omnium tyrannorum sæuissimi, cadunt. Cæteris vi- ctis cum exercitus eorum, ex quibus maior pars Atheniensium erat, fugeret, magna voce Thra-

Thrasylbulus exclamat: Cur se victorem fugiant potius, quam ut vindicem communis libertatis adiuuent? Ciuium illam meminerrint aciem, non hostium esse; nec se ideo arma cepisse, ut aliqua victis adimat, sed ut ademta restituat; xxx. se dominis, non ciuitati bellum inferre: Admonet deinde cognationis, legum, sacrorum; tum vetusti per tot bella commilitij: orat misereantur exulum ciuium, si tam patienter ipsi seruiant: reddant sibi patriam, accipiant libertatem. His vocibus tantum promotum est, ut reuersus in urbem exercitus, xxx. tyrannos emigrare Eleusina iuberet, substitutis decem, qui rempublicam regerent: qui, nihil exemplo prioris dominationis territi, eandem viam crudelitatis aggressi sunt. Dum hæc aguntur, nuntiatur Lacedæmone, in bellum Athenienses exarsisse: ad quod comprimendum, Pausanias rex mittitur: qui misericordia exulis populi permotus, patriam miseris ciuibus restituit, & decem tyrannos ex urbe Eleusina migrare ad ceteros iubet. Quibus rebus cum pax statuta esset, interiectis diebus, repente tyranni non minus restitutos exules, quam se in exilium actos indignantes, quasi vero aliorum libertas sua seruitus esset, bellum Atheniensibus inferunt: sed ad colloquium, veluti dominationem recepturi, progressi, per insidias comprehensi, ut pacis victimæ trucidantur: populus, quem emigrare iusserant, in urbem reuocatur. Atque ita per multa membra ciuitas dissipata, in vnum tandem

cor-

corpus redigitur; & ne qua dissensio ex antea actis nasceretur, omnes iureiurando obstringuntur, discordiarum obliuionem fore. Interea Thebani, Corinthijque legatos ad Lacedæmonios mittunt, qui ex manubijs, portionem prædæ communis belli periculi-que peterent; quibus negatis, non quidem aperte bellum aduersus Lacedæmonios decernunt, sed tacitis animis tantam iram concipiunt, ut subesse bellum intelligi posset. Eodem forte tempore Darius rex Persarum moritur. Artaxerxe & Cyro filijs relictis. Regnum Artaxerxi, Cyro ciuitates, quarum præfectus erat, testamento legauit. Sed Cyro iudicium patris iniuria videbatur. Itaque occulte aduersus fratrem bellum parabat: quod cum nuntiatum Artaxerxi esset, arcescitum ad se fratrem, & innocentiam dissimulatione belli simulantem, compedibus aureis vinxit; interfecissetque, ni mater prohibuisset. Dimissus igitur Cyrus, iam non occulte bellum, sed palam; nec per dissimulationem, sed aperta professione parare coepit: auxilia undique contrahit. Lacedæmonij memores Atheniensium bello enixe se eius opera adiutos; vel ignorantes contra quem bellum pararetur, decernunt auxilia Cyro mittenda, ubi res eius exegisset: quærentes apud Cyrum gratiam, & apud Artaxerxem, si vicisset, veniæ patrociniâ, cum nihil aduersus eum aperte decreuissent. Sed cum in bello fors prælii, vtrumque fratrem pugna obtulisset, prior Artaxerxes à fratre vulneratur: quem cum equi

equi fuga periculo subtraxisset, Cyrus à cohorte regia oppressus, interficitur: sic victor Artaxerxes, & præda fraterni belli, & exercitu potitur. In eo prælio decem millia Græcorum in auxilio Cyri fuere: quæ & in cornu, in quo steterant, vicerunt; & post mortem Cyri, neque armis à tanto exercitu vinci, neque dolo capi potuerunt; reuertentesque inter tot indomitas nationes, & barbaras gentes, per tanta itineris spatia virtute se vsque terminos patriæ defenderunt.

## LIBER VI.

**L**acedæmonij more ingenij humani, quo plura habent, eo ampliora cupientes, non contenti accessione Atheniensium opum vires sibi duplicatas, totius Asiæ imperium affectare cœperunt: sed maior pars sub regno Persarum erat. Itaque Hercyllides dux in hanc militiam electus, cum videret sibi aduersus duos præfectos Artaxerxis regis, Pharnabazum & Tissafernem, maximarum gentium viribus succinctos, dimicandum, pacificandum cum altero statuit: Aptior virus Tissafernes, vir & industria potior, & militibus Cyri quondam regis instructior: in colloquium vocatur, & statutis conditionibus, ab armis dimittitur. Hanc rem Pharnabazus apud communem regem criminatur, vt Lacedæmonios Asiam ingressos nō repulerit armis, sed impensis regijs aluerit merce-

merceturque ab his vt differant bella ,  
 quam gerant , tanquam non ad vnius sum-  
 mam imperij detrimentum omne perue-  
 niat : Indignum ait bella non perfici : sed  
 redimi hostem precio , non armis summo-  
 u ri . His vocibus regem Tiffaserni aliena-  
 tum hortatur , vt in locum eius naualis  
 belli ducem eligat Conona Atheniensem ,  
 qui amissa bello patria Cypri exulabat ,  
 quippe Atheniensibus , etsi fractæ sint opes ,  
 mancre tamen naualem vsum , nec , si eli-  
 gendus sit ex vniuersis , meliorem alium  
 esse . Acceptis igitur quingentis talentis ,  
 iussus est Conona classi præficere . His co-  
 gnitis , Lacedæmonij & ipsi à rege Ægy-  
 pti Hercynione auxilia naualis belli per  
 legatos petunt , à quo centum triremes , &  
 sexcenta millia modum frumenti missa : à  
 cæteris quoque socijs ingentia auxilia con-  
 tracta sunt . Sed tanto exercitui , & contra  
 tantum ducem deerat dignus imperator .  
 Itaque postulantibus socijs Agesilaum du-  
 cem , regem tunc Lacedæmoniorum ; pro-  
 pter responsum oraculi Delphici , diu La-  
 cedæmonij , an eum summæ rei præpone-  
 rent , deliberauerunt : quibus futurum im-  
 perij finis denuntiabatur , cum regium  
 claudicasset imperium : erat enim pede  
 claudus . Ad postremum statuerunt , me-  
 lius esse incessu regem , quam imperio re-  
 gnum claudicare . Postquam Agesilaum  
 cum ingentibus copijs in Asiam misere :  
 non facile dixerim quod aliud par ducum  
 tam



ram bene comparatum fuerit quippe ætas, virtus, consilium, sapientia vtrique prope vna, gloria quoque rerum gestarum eadem; quibus cum paria omnia fortuna dederit, inuictum tamen ab altero vtrumque seruauit. Magnus igitur amborum apparatus belli, magnæ res gestæ fuerunt. Sed Cononem seditio militum inuadit, quos præfecti regis fraudare stipendio soliti erant, eo instantius debita poscentibus, quo grauiorem sub magno duce militiam præsumebant. Itaque Conon diu rege per epistolas frustra fatigato; ad postremum ipse ad eum pergit: à cuius aspectu & colloquio prohibitus est, quod eum more Persarum adorare nollet: agit tamen cum eo per internuntios, & queritur opulentissimi regis bella inopia delabi: & qui exercitum parem hostibus habeat, pecunia vinci, qua præstet; inferioremque eum ea parte virium, inueniri, qua longe superior sit: postulat dari sibi ministrum impensæ, quia pluribus id mandare perniciosum sit. Dato stipendio ad classem remittitur: nec moram agendis rebus facit; multa fortiter, multa feliciter agit: agros hostiles vastat; vrbes expugnat, & quasi tempestas quædam cuncta prosternit. Quibus rebus territi Lacedæmonij, ad patriæ subsidium, reuocandum ab Asia Agesilaum decernunt. Interim Pisandrus ab Agesilao proficiente dux patriæ relictus, ingentem classem summis viribus instruit; fortunam belli tentaturus,  
Nec

Nec non & Conon tunc primum cum hostium exercitu concursurus, magna cura ordinat suos. Summa igitur non tam ducum in eo proelio, quam militum æmulationis fuit. Nam & ipse dux Conon tam Persis, quam patriæ studebat; & sicut afflictis Atheniensium rebus, auctor amissæ dominationis fuerat, sic volebat idem haberi redditæ, patriamque vincendo recipere, quam victus amiserat: eo speciosius, quod ne ipsorum quidem Atheniensium, sed alieni imperij viribus dimicet, pugnaturus periculo regis, victurus præmio patriæ; gloriamque diuersis artibus, quam priores ciuitatis suæ duces consecuturus: quippe illos vincendo Persas, patriam defendisse; se Persas victores faciendo, restitutum patriam esse. Porro Pisandrus pro coniunctione Agesilai, etiam virtutum æmulator erat, contendebatque ne à rebus gestis eius, & gloriæ splendore decederet; neue tot bellis ac seculis quæsitum imperium, brevis momenti culpa subuerteret. Eadem [ militum ] & omnium regum cura erat, quos maior sollicitudo cruciabat, non tam ne ipsi quæsitæ opes amitterent, quam ne pristinas Athenienses reciperent. Sed quanto maius prælium fuit, tanto & clarior victoria Cononis. Victi Lacedæmonij fugam capefferunt; præsidia hostium Athenis deducuntur; populo restituta dignitate conditio seruilis eripitur, murræ quoque ciuitates recipiuntur. Hoc initium Atheniensibus resumendæ potentia, &

La-

Lacedæmonijs habendæ finis fuit . Namque velut cum imperio etiam virtutem perdidissent, contemni à finitimis cœpere . Primi igitur Thebani auxiliantibus Atheniensibus, bellum his intulere : quæ ciuitas ex infimis incrementis, virtute Epaminondæ ducis, ad spem imperij Græciæ crecta est . Fit itaque terrestre prælium , eadem Lacedæmoniorum fortuna, qua pugnatum aduersus Conona nauali prælio fuerat : In eo bello Lysander, quo duce Athenienses victi a Lacedæmonijs fuerant, interficitur . Pausanias quoque alter dux Lacedæmoniorum proditoris accusatus, in exilium abiit . Igitur Thebani potiti victoriam, vniuersum exercitum ad urbem Lacedæmoniorum ducunt, facilem expugnationem rati, quoniam deserti à socijs omnibus erant : quod metuentes Lacedæmonij, regem suum Agesilaum ex Asia, qui ibi magnas res gerebat, ad defensionem patriæ arcessiunt : Occiso enim Lysandro, nullius alterius fiduciam ducis habebant : Cuius quoniam ferus aduentus erat, conscripto exercitu, obuiam hosti procedunt . Sed victis, aduersus paulo ante victores, nec animus, neque vires pares fuere . Prima igitur congressione funduntur . Deletis iam suorum copijs, superuenit rex Agesilaus, qui restituto prælio, non difficulter, recenti & multis expeditionibus indurato milite, hostibus victoriâ crispuit; ipse tamen grauius sauciatur . Quibus rebus cognitis, Athenienses verè res,

ne

ne iterum Lacedæmonijs victoribus, in  
pristinam sortem seruitutis redigerentur,  
exercitum contrahunt, eumque in auxilium  
Bœotiorum per Iphicratem, viginti qui-  
dem annos natum, sed magnæ indolis iu-  
uenem, duci iubent. Huius adolescentis  
supra ætatem virtus admirabilis fuit; nec  
vnquam ante eum Athenienses, inter tot  
tantosque duces, aut spei maioris, aut in-  
dolis maturioris imperatorem habuerunt,  
in quo non imperatoriæ tantum, verum  
& oratoriæ artes fuere. Conon quoque au-  
dito reditu Agesilai, & ipse ex Asia ad de-  
populandos Lacedæmoniorum agros reuer-  
titur: atque ita, vndique belli formidine  
circumstrepente, clausi Spartani, ad sum-  
mam desperationem rediguntur. Sed Co-  
non vastatis hostium terris, Athenas per-  
git: vbi magno ciuium gaudio exceptus,  
plus tamen tristitiæ ipse ex incensa, & di-  
ruta à Lacedæmonijs patria, quam lætitiæ  
ex recuperata post tantum temporis, cepit.  
Itaque quæ incensa fuerant, prædarum  
sumptu & exercitu Persarum restituit; quæ  
diruta, reficit. Fatum illud Athenarum  
fuit, vt ante à Persis crematæ, manibus  
eorum; & nunc à Lacedæmonijs dirutæ,  
ex spolijs Lacedæmoniorum restituerentur;  
versa quoque vice, haberent nunc socios,  
quos tunc hostes habuerant, & hostes nunc  
paterentur, cum quibus iuncti tunc artifi-  
cis societatis vinculis fuerant. Dum hæc  
gererentur, Artaxerxes rex Persarum lega-  
tos

tos in Græciam mittit, per quos iubet omnes ab armis discedere, qui aliter fecisset, eum se pro hoste habiturum; ciuitatibus libertatem, suaque omnia restituit: quod non Græciæ laboribus, assiduisque bellorum interneciuus odijs consulens fecit; sed ne occupato sibi Ægyptio bello, quod propter auxilia, aduersus præfectos suos Lacedæmonijs missa, susceperat, exercitus sui in Græcia detinerentur. Fessi igitur tot bellis Græci, cupide paruere. Hic annus non eo tantum insignis fuit, quod repente pax tota Græcia facta est, sed etiam eo quod eodem tempore vrbs Romana à Gallis capta est. Sed Lacedæmonij securis insidiantes, absentiam Arcadum speculati, castellum eorum expugnant, occupatoque præsidium imponunt. Itaque armato instructoque exercitu, Arcades adhibitis in auxilium Thebanis, amissa bello repetunt. In eo prælio Archidamus dux Lacedæmoniorum vulneratur: qui cum cædi suos iam vt victos videret, per præconem corpora interfectorum ad sepulturam poscit: Hoc est enim signum apud Græcos victoriæ traditæ; Qua confessione contenti Thebani, signum pacendi dedere. Paucis deinde post diebus, neutris quicquam hostile facientibus, cum quasi tacito consensu induciæ essent, Lacedæmonijs alia bella aduersus finitimos gerentibus, Thebani Epaminonda duce, occupandæ vrbis eorum spem ceperunt. Igitur principio noctis, taciti Lacedæmona profisciscuntur:

non

non tamen aggredi incautos potuerunt : Quippe senes, & cætera imbellis ætas, cum aduentum hostium præsensissent, in ipsis portarum angustijs armati occurrunt ; & aduersus quindecim millia militum, non amplius centum iam effoetæ ætatis viri, pugna sese offerunt ; tantum animorum viriumque patriæ, & penatium conspectus subministrat : tantoque præsentia, quam recordatione sui, maiores spiritus largiuntur . Nam vt videre inter quæ, & pro quibus starent, aut vincendum sibi, aut moriendum censuerunt . Pauci igitur sustinere senes aciem, cui par ante diem vniuersa iuuentus esse non potuit . In eo prælio duo duces hostium cecidere . Cum interim, Agefilai aduentu nuntiato, Thebani recessere, nec bellum diu dilatum ; siquidem Spartanorum iuuentus, senum virtute & gloria incensa, teneri non potuit, quin ex continenti acie decerneret : Cum victoria Thebanorum esset, Epaminondas dum non ducis tantum, verum etiam fortissimi militis officio fungitur, grauitè vulneratur . Quo audito, his ex dolore metus, & illis ex gaudio stupor inijcitur ; atque ita veluti ex placito consensu à prælio disceditur . Post paucos deinde dies Epaminondas decedit, cum quo vires quoque reipublicæ ceciderunt : Nam sicuti telo si primam aciem, perfregeris, reliquo ferro vim nocendi sustuleris ; sic illo velut mucrone teli ablato duce, Thebanorum rei quoque publicæ vires



vires hebetatæ sunt : vt non tam illum amis-  
 sisse ; quam cum illo interisse omnes viderentur . Nam neque hunc ante ducem vllum  
 memorabile bellum gessere ; nec postea virtutibus , sed cladibus insignes fuere , vt manifestum sit , patriæ gloriam & natam , & extinctam cum eo fuisse . Fuit autem incertum ,  
 vir melior , an dux esset : nam & imperium non sibi semper , sed patriæ quæsiuit ; & pecuniæ adeo parcus fuit , vt sumptus funeri defuerit : gloriæ quoque non cupidior , quam pecuniæ : quippe recusanti , omnia imperia ingesta sunt : honoresque ita gessit , vt ornamentum non accipere , sed dare ipsi dignitati videretur : iam litterarum studium , iam philosophiæ doctrina tanta , vt mirabile videretur , vnde tam insignis militiæ scientia homini inter litteras nato . Neque ab hoc vitæ proposito mortis ratio dissensit . Nam vt relatus in castra semianimis , vocem spiritumque collegit , id vnum à circumstantibus requisivit , num cadenti sibi scutum ademisset hostis : quod vt seruatum audiuit , alatumque velut laborum gloriæque socium osculatus est . Iterum quæsiuit , vtri vicissent ; vt audiuit Thebanos , Bene habere , se rem , dixit : atque ita velut gratulabundus patriæ , exspirauit . Huius morte etiam Atheniensium virtus intercidit , siquidem amisso cui æmulari consueuerant , in segnitiam , torporemque resoluti , non vt olim in classem & exercitus , sed in dies festos , apparatusque ludorum redditus publicos

E effun-

effundunt ; & cum actoribus nobilissimis poetisque theatra celebrant , frequentius scenam quam castra visentes ; versificatoresque , meliores , quam duces laudantes . Tunc vectigal publicum , quo antea milites & remiges alebantur , cum urbano populo diuidi cœptum est . Quibus rebus effectum est , vt inter otia Græcorum , sordidum & obscurum antea , Macedonum nomen emergeret ; & Philippus obses triennio Thebis habitus , Epaminondæ & Pelopidæ virtutibus eruditus , regnum Macedoniae , Græciæ & Asiæ ceruicibus , velut iugum seruitutis imponeret .

## LIBER VII.

**M**acedonia ante nomine Emathionis regis , cuius prima virtutis experimenta in illis locis extant , Emathia cognominata est . Huius sicuti incrementa modica , ita termini perangusti fuere , Populus Pelasgus , regio Bœotia dicebatur . Sed postea virtute regum , & gentis industria , subactis primo finitimis , mox populis , nationibusque , imperium vsque extremos Orientis terminos prolatum . In regione Præonia , quæ nunc portio est Macedoniae , regnasse fertur Telegonus pater Asteropæi , cuius Troiano bello , inter clarissimos vindices vrbis , nomen accepimus . Ex alio latere in Europa regnum Europus nomine tenuit . Sed & Caranus cum magna multitudine Græcorum , sedes in Macedonia

donia responso oraculi iussus quærere, cum in Emathiam venisset, urbem Ædessam non sentientibus oppidanis, propter imbrium & nebulæ magnitudinem, gregem caprarum, imbrem fugientium, secutus occupauit: reuocatusque in memoriam oraculi, quo iussus erat, ducibus capris imperium quærere, regni sedem statuit; religioseque postea obseruauit, quocunque agmen moueret, ante signa easdem capras habere, coëptorum duces habiturus, quas regni habuerat auctores. Urbem Ædessam ob memoriam muneris Ægeas; populum Ægeadas, vocauit. Pulso deinde Mida (nam is quoque portionem Macedoniæ tenuit) alijsque regibus pulsus, in locum omnium solus successit; primusque adunatis gentibus variorum populorum, veluti vnum corpus Macedoniæ fecit; crescentique regno, valida incrementorum fundamenta constituit. Post hunc Perdicca regnauit, cuius & vita illustris, & mortis postrema, veluti ex oraculo præcepta memorabilia fuere. Siquidem senex moriens, Argæo filio monstrauit locum, quo condi vellet, ibique non sua tantum, sed & succedentium sibi in regnum ossa poni iussit; præfatus, quoad ibi conditæ posterorum reliquiæ forent, regnum in familia mansuram: creduntque hac superstitione extinctam in Alexandro stirpem, quia locum sepulturæ mutauerit. Argæus moderate, & cum amore popularium administrato regno, successorem filium Philippum reliquit: qui imma-

tura morte raptus, Europum paruulum admodum instituit heredem. Sed Macedonibus assidua certamina cum Thracibus & Illyrijs fuere: quorum armis veluti quotidiano exercitio indurati, gloria bellicæ laudis finitimos terrebant. Igitur Illyrij infantiam regis pupilli contemnentes, bello Macedonas aggrediuntur: qui prælio pulsi, rege suo in cunis prolato, & pone aciem posito, acrius certamen repetiuere: tanquam ideo victi fuissent antea, quod bellantibus sibi regis sui auspicia defuissent; futuri vel propterea victores, quod ex superstitione animum vincendi ceperant; simul & miseratio eos infantis tenebat, quem si victi forent, captiuum de rege facturi videbantur. Conserto itaque prælio, magna cæde Illyrios fudere; ostenderuntque hostibus suis, priore bello regem Macedonibus, non virtutem defuisse. Huic Amyntas succedit, & propria virtute, & Alexandri filij egregia indole insigniter clarus: cui Alexandro tanta omnium virtutum natura ornamenta extitere; vt etiam Olympio certamine, vario ludicrorum genere contenderit. Cum interim Darius rex Persarum, turpi ab Scythia fuga sumnotus, ne vbique deformis militiæ damnis haberetur, mittit cum parte copiarum Megabazum ad subigendam Thraciam, ceteraque eius tractus regna: quibus pro ignobili momento erat accessura Macedonia. Qui breui tempore exsequuto regis imperio, legatis ad Amyntam regem Macedonia missis, obsides in pignus futu-

futurae pacis dari sibi postulabat . Sed legati benigne excepti , inter epulas ebrietate crescente , rogant Amyntam vt apparatus epularum adijciat ius familiaritatis, adhibitis in conuiuium suum filijs & vxoribus : id apud Persas haberi pignus ac foedus hospitij. Quae vt venerunt , petulantius Persis eas contrectantibus , filius Amyntae Alexander rogat patrem , respectu ætatis ac grauitatis suae abiret conuiuium; pollicitus se hospitum temperaturum iocos . Quo digresso , mulieres quoque paululum è conuiuium euocat, cultius exornaturus , gratioresque reducturus . In quarum locum matronali habitu exornatos iuuenes supponit, eosque petulantiam legatorum ferro, quod sub veste gerebant , compescere iubet. Atque ita interfectis omnibus ignarus rei Megabazus, cum legati non redirent, mittit eo cum exercitus parte Bubarè , vt in bellum facile & mediocre : dedignatus ipse ire , ne dehonestaretur proelio tam sedae gentis . Sed Bubares ante bellum amore filiae Amyntae captus, omisso bello nuptias facit, depositisque hostilibus animis , in affinitatis iura succedit. Post discessum à Macedonia Bubaris, Amyntas rex decedit , cuius filio & successorì Alexandro cognatio Bubaris non Darij tantum temporibus pacem praestitit, verum etiam Xerxem adeo conciliauit, vt cum Graciam veluti tempestas quaedam occupasset, inter Olympum Hæmumq; montes totius regionis eum imperio donauerit . Sed nec virtute minus, quàm Persarum liberalitate

regnum ampliauit . Per ordinem deinde successionis regnum Macedonia ad Amyntam fratris eius Menelai filium peruenit . Hic quoque insignis industria , & omnibus imperatorijs virtutibus instructus fuit : qui ex Eurydice tres filios sustulit : Alexandrum , Perdiccam , & Philippum Alexandri Magni Macedonis patrem , & filiam Euryonem . Ex Cygnæa autem Archelaum , Archideum , Menelaum . Cum Illyrijs deinde , & cum Olynthijs grauius bella gessit . Infidijs autem Eurydices vxoris , quæ nuptias generi pacta , occidendum virum regnumque adultero tradendum susceperat , occupatus fuisset , ni filia pellicatum matris & sceleris consilia prodidisset . Functus itaque tot periculis , senex decessit , regno maximo ex filijs Alexandro tradito . Igitur Alexander inter prima initia regni bellum ab Illyrijs pacta mercede , & Philippo fratre dato obside , redemit . Interiecto quoque tempore per eundem obsidem cum Thebanis gratiam pacis reconciliat : quæ res Philippo maxima incrementa egregiæ indolis dedit . Si quidem Thebis triennio obses habitus , prima pueritiæ rudimenta , in vrbe seueritatis antiquæ , & in domo Epaminondæ , summi & philosophi & imperatoris , deposuit . Nec multo post Alexander infidijs Eurydices matris appetitus occumbit : cui Amyntas in scelere deprehensæ , propter communes liberos , ignarus eisdem quandoque exitiosam fore , pepercerat . Frater quoque eius Perdicca



dicca pari insidiarum fraude decipitur. Indignum prorsus, libidinis causa liberos à matre vita priuatos, quam scelerum suorum supplicijs liberorum contemplatio vindicauerat. Perdiccæ hoc indignior cades videbatur quod ei apud matrem misericordiam nec paruulus quidem filius conciliauerat. Itaque Philippus diu non regem, sed tutorem pupilliegit. At vbi grauiora bella imminebant, serumque auxilium in expectatione infantis erat, compulsus à populo, regnum suscepit. Vt est ingressus imperium, magna de illo spes omnibus fuit; & propter ipsius ingenium quod magnum, spondebat virum, & propter vetera Macedoniae fata: quæ cecinerant, vno ex Amyntæ filijs regnante, florentissimum fore Macedoniae statum: cui spei scelus maris hunc residuum fecerat. Principio regni cum hinc cades fratrum indigne peremptorum, inde hostium multitudo, hinc insidiarum metus, inde inopia continui belli & exhausti regni immaturam ætatem tyronis vrgerent: bellaque velut conspiratione quadam ad opprimendam Macedoniam, multarum gentium ex diuersis locis hoc tempore confluebant: quoniam omnibus par esse non poterat, dispensanda ratus, alia interposita pactione componit, alia redimit, facillimis quibusque aggressis, quorum victoria & militum trepidos animos firmaret, & contemptum sibi hostium demeret. Primum illi cum Atheniensibus certamen fuit: quibus per in-

fidias victis, metu belli grauioris, cum interficere omnes posset, incolumes sine pretio dimisit. Post hæc bello in Illyrios translato, multa millia hostium cædit. Urbem nobilissimam Larissam capit: hinc Thessaliani non prædæ cupiditate, sed quod exercitui suo robur Thessalorum equitum adiungere gestiebat, nihil minus quam bellum metuentem, improuisus expugnat: vnumque corpus equitum pedestriumque copiarum inuicti exercitus fecit. Quibus rebus feliciter prouenientibus, Olympiadem Neoptolemi regis Molossorum filiam uxorem ducit, conciliante nuptias fratre patruele, altore virginis Arruba rege Molossorum, qui sororem Olympiadis Troadam in matrimonium habebat: quæ causa illi exitij, maiorumque omnium fuit: Nam dum regni incrementa affinitate Philippi acquisiturum sperat, proprio regno ab eodem priuatus, in exilio consenuit. His itaque gestis, Philippus iam non contentus summouere bella, vltro etiam quietos laceffit. Cum Methonam urbem oppugnaret, in prætereuntem de muris sagitta iacta, dextrum oculum regis effodit: Quo vulnere nec segnior in bellum, nec iracundior aduersus hostes factus est: adeo vt interiectis diebus pacem deprecantibus dederit; nec moderatus tantum, verum etiam mitis aduersus victos fuerit.

## LIBER VIII.

**G**RÆCIÆ ciuitates, dum imperare singula cupiunt, imperium omnes perdidērunt: quippe in mutuum exitium sine modo ruentes, omnibus perire, quod singula amitterent, non nisi oppressæ senserunt. Siquidem Philippus rex Macedoniæ, velut è specula quadam, libertati omnium insidiatus, dum contentiones ciuitatum alit, auxilium inferioribus ferendo, victos pariter victoresque subire regiam seruitutem coegit. Causa & origo huius mali Thebani fuere: qui cum rerum potirentur, secundam fortunam imbecillo animo ferentes, victos armis Lacedæmonios & Phocenses, quasi parua supplicia cædibus & rapinis luissent, apud commune Græciæ concilium superbe accusauerunt. Lacedæmonijs crimini datum, quod arcem Thebanam induciarum tempore occupassent: Phocensibus, quod Bœotiam depopulati essent: prorsus quasi post arma & bellum locum legibus reliquissent. Cum iudicium arbitrio victorum exerceretur, tanta pecunia damnantur quanta exsolui non posset. Igitur Phocenses, cum agris, liberis coniugibusque priuarentur, desperatis rebus, Philomelo quodam duce, velut Deo irascentes, templum ipsum Apollinis Delphis occupauere. Inde auro & pecunia diuites, conducto mercenario milite, bellum Thebanis intulerunt. Factum Phocensium, tamen

E 5 omnes.

omnes execrarentur propter sacrilegium, plus tamen inuidiæ Thebanis, à quibus ad hanc necessitatem compulsi fuerant, quam ipsis intulit. Itaque auxilia his & ab Atheniensibus, & à Lacedæmonijs missa. Prima igitur congressione Philomelus Thebanos castris exiit. Sequenti prælio primus interfertissimos dimicans cecidit, & sacrilegij pœnas impio sanguine luit. In huius locum dux Onomarchus creatur. Aduersus quem Thebani Thesalique non ex ciuibus suis: ne victoris potentiam ferre non possent, sed Philippum Macedoniæ regem ducem eligunt; & externæ dominationi, quam in suis timuerant, sponte succedunt. Igitur Philippus quasi sacrilegij, non Thebanorum ultor esset, omnes milites coronas laureas fumere iubet; atque ita veluti Deo duce, in prælium pergit. Phocenses insignibus Dei conspectis, conscientia delictorum territi, abiectis armis fugam capessunt, pœnasque violatæ religionis sanguine & cædibus suis pendunt. Incredibile quantum ea res apud omnes nationes Philippo gloriæ dedit. Illum vindicem sacrilegij, illum ultorem religionum, quod orbis viribus expiari debuit, solum qui piacula exigeret extitisse, dignum. Itaque à dijs proximus habetur, per quem deorum maiestas vindicata sit. Sed Athenienses audito belli cueutu, ne in Græciam Philippus transfret, angustias Thermopylarum pari ratione, sicuti antea aduenientibus Persis occupauere; sed nequaquam simili

mili aut virtute, aut causa: siquidem tunc pro libertate Græciæ, nunc pro sacrilegio publico, tunc à rapina hostium templa vindicaturi, nunc aduersus vindices, templorum raptores defensuri: aguntque propugnatores sceleris, cuius turpe erat alios vindices fuisse: immemores prorsus, quod in dubijs rebus suis, illo deo etiam consiliorum auctore, vti fuerant; quod illo duce tot bella victores inierant, tot vrbes auspicato condiderant, tantum imperium terra marique quæsierant; quod nihil sine maiestate numinis eius aut priuatæ vnquam, aut publicæ rei gesserant. Tantum facinus admisisse ingenia omni doctrina exculta pulcherrimis legibus institutisque formata, vt quid posthac succensere iure barbaris possent, non haberent. Sed nec Philippus melioris fidei aduersus socios fuit, quippe veluti timens ne ab hostibus sacrilegij scelere vinceretur, ciuitates quarum paulo ante dux fuerat, quæ sub auspicijs eius militauerant, quæ gratulatæ illi, sibi que victoriam fuerant, hostiliter occupatas diripuit: Coniuges liberosque omnia sub corona vendidit: non deorum immortalium templis, non ædibus sacris, non dijs penatibus publicis priuatisque ad quos paulo ante ingressus hospitaliter fuerat, perpercit: prorsus vt non tam sacrilegij vltor extitisse, quam sacrilegiorum licentiam quæfisse videretur. Inde veluti rebus egregie gestis, in Cappadociam traiecit: vbi bello pari perfidia gesto, captisque per dolum &

occisis finitimis regibus , vniuersam prouinciam imperio Macedoniae adiungit . Deinde ad abolendam inuidiae famam , qua insignis praeter ceteros tunc temporis habebatur , per regna mittit & opulentissimas ciuitates , qui opinionem fererent , regem Philippum magna pecunia locare , & muros per ciuitates , & fana , & templa facienda ; & ut per praecones susceptores sollicitarent : qui cum in Macedoniam venissent , varijs dilationibus frustrati , vim regiae maiestatis timentes , taciti proficiscebantur . Post haec Olynthios aggreditur . Receperant enim per misericordiam post caedem vnus , duos fratres eius , quos Philippus ex nouerca genitos , veluti participes regni interficere gestiebat . Ob hanc igitur causam urbem antiquam & nobilem exscindit ; & fratres olim destinato supplicio tradit ; praedaeque ingenti pariter & parricidij voto fruitur . Inde quasi omnia , quae agitasset animo , ei licerent , auraria in Thessalia , argenti metalla in Thracia occupat . Et ne quod ius vel fas inuiolatum praetermitteret piraticam quoque exercere instituit . His ita gestis , forte euenit ; ut eum fratres duo , reges Thraciae , non contemplatione iustitiae eius , sed inuicem metuentes ne alterius viribus accederet , disceptationum suarum iudicem eligerent . Sed Philippus more ingenij sui , ad iudicium veluti ad bellum , inopinantibus fratribus , instructo exercitu superuenit : & regno utrumque non iudicis more , sed fraude latronis ac scelere



scelere spoliauit . Dum hæc aguntur legati  
 Atheniensium petentes pacem ad eum vene-  
 runt. Quibus auditis, & ipse legatos Athenas  
 cum pacis conditionibus misit : ibique ex  
 commodo vtrorumque pax facta. Ex cæteris  
 quoque Græciæ ciuitatibus, non pacis amo-  
 re, sed belli metu legationes venere . Siqui-  
 dem crudescente ira, Thesiali, Bœotique  
 orant, vt professum aduersum Phocenses du-  
 cem Græciæ exhibeat ; tanto odio Phocen-  
 sium ardentes, vt obliti cladium suarum, per-  
 ire ipsi, quam non pendere eos præoptarent,  
 expertamque Philippi crudelitatem pati,  
 quam parcere hostibus suis mallent. Contra  
 Phocensium legati adhibitis Lacedæmonijs  
 & Atheniensibus, bellum deprecabantur,  
 cuius ab eo dilationem ter iam emerant .  
 Fœdum prorsus, miserandumque specta-  
 culum Græciam etiam nunc & viribus, &  
 dignitate orbis terrarum principem ; regum  
 certe gentiumque semper victricem, & mul-  
 tarum adhuc vrbiū dominam, alienis  
 excubare sedibus ; aut rogantem bellum, aut  
 deprecantem ; in alterius ope omnem spem  
 posuisse orbis terrarum vindices, eoque di-  
 scordia sua, ciuilibusque bellis redactos, vt  
 adulentur vltro fordidam paulo ante clien-  
 telæ suæ partem : & hæc potissimum facere  
 Thebanos, Lacedæmoniosque, antea inter se  
 imperij, nunc Græciæ imperantis æmu-  
 los . Philippus venditatione gloriæ suæ, tan-  
 tarum vrbiū fastidium agitat ; atque vtros  
 potius dignetur æstimat . Secreto igitur au-  
 ditis

ditis vtrisque legationibus, his veniam belli pollicetur, iureiurando adactis responsum, nemini prodituros, illis contra venturum se, auxiliumque laturum. Vtrosque vetat parare bellum aut metuere. Sic variato responso, securis omnibus, Thermopylarum angustias occupat. Tunc primum Phocenses, captos se fraude Philippi animaduertentes, trepidi ad arma confugiunt. Sed neque spatium erat instruendi belli, nec tempus ad contrahenda auxilia; & Philippus excidium minabatur, ni fieret deditio. Victi igitur necessitate, pacta salute se dedunt. Sed pactio eius fidei fuit, cuius antea fuerat deprecati belli promissio. Igitur caduntur passim, rapiunturque, non liberi parentibus, non coniuges maritis, non deorum simulacra templis suis relinquuntur: Vnum tantum miseris solatium fuit; quod cum Philippus portione prædæ socios fraudasset, nihil rerum suarum apud inimicos viderunt. Reuersus in regnum, vt pecora pastores nunc in hibernos, nunc in æstiuos saltus traiciunt, sic ille populos & vrbes, vt illi vel replenda, vel derelinquenda quæque loca videbantur, ad libidinem suam transfert. Miseranda, vbique facies, & excidia similis erat: Non quidem pavor ille hostilis, nec discursus per urbem militum erat, non tumultus armorum, non bonorum atque hominum rapina: sed tacitus moeror & luctus, verentibus ne ipsæ lacrymæ pro contumacia haberentur: Crescit dissimulatione ipsa dolor, hoc altius demis-

demissus, quo minus profiteri licet. Nunc sepulcra maiorum, nunc veteres penates, nunc tecta, in quibus geniti erant, in quibusque genuerant, considerabant: miserantes nunc vicem suam, quod in eam diem vixissent, nunc filiorum, quod non post eam diem nati essent. Alios populos in finibus ipsis hostibus opponit; alios in extremis [regni terminis] statuit; quosdam bello captos in supplementis urbium diuidit: Atque ita ex multis gentibus nationibusque vnum regnum populumque constituit. Compositis, ordinatisque in Macedonia rebus, Dardanios, ceterosque finitimos fraude captos expugnat. Sed nec à proximis manus abstinet. Siquidem Arrubam regem Epiri, uxori suæ Olympiadi artificissima cognatione iunctum, pellere regno statuit, atque Alexandrum priuignum eius uxoris Olympiadis fratrem, puerum honestæ pulchritudinis, in Macedoniam nomine sororis arcessit, omnique studio sollicitatum spe regni, simulato amore ad stupri consuetudinem perpulit, maiora in eo obsequia habiturus, siue conscientię pudore, siue regni beneficio. Cum igitur ad xx. annos peruenisset, ereptum Arrubæ regnum puero admodum tradit, scelestus in utroque: nam nec in eo ius cognationis seruauit, cui ademit regnum, & eum cui dedit, impudicum fecit antequam regem.

## LIBER IX.

**I**N Græciam Philíppus cum venisset, sollicitatus paucarum ciuitatum direptione; & ex præda modicarum urbium, quantæ opes vniuersarum essent animo prospiciens, bellum toti Græciæ inferre statuit: Ad cuius emolumentum egregie pertinere ratus, si Bizantium, nobilem & maritimam urbem, receptaculum terra marique copijs suis futurum, in potestatem redegisset: eandem claudentem sibi portas, obsidione cinxit. Hæc namque urbs condita primo à Pausania rege Spartanorum, & per vii annos possessa fuit: deinde variante victoria, nunc Lacedæmoniorum, nunc Atheniensium iuris habita est. Quæ incerta possessio effecit, ut nemine quasi suam auxilijs iuuante, libertatem constantius tueretur. Igitur Philíppus longa obsidionis mora exhaustus, pecuniæ commercium de piratica mutuatur. Captis itaque centum septuaginta nauibus mercium, & distractis, anhelantem inopiam paululum recreauit. Deinde, ne vnius urbis oppugnatione tantus exercitus tereretur, profectus cum fortissimis, multas Chersonensium vrbes expugnat. Filiumque Alexandrum decem & octo annos natum, ut sub militia patris tyrocinij rudimenta deponeret, ad se arcessit. In Scythiam quoque prædandi causa profectus est, more negotiantium impensas belli alio bello refecturus. Erat eo tempore Rex Scythæ-

Scytharum Atheas, qui cum bello Istriano-  
rum premeretur, auxilium à Philippo per  
Apollonienses petit, in successionem eum re-  
gni Scythiæ adoptaturus: cum interim Istra-  
norum rex decedens, & metu belli, & auxi-  
liorum necessitate Scythas soluit. Itaque  
Atheas remissis Macedonibus renuntiari  
Philippo iubet, neque auxilium eius se peti-  
se, neque adoptionem mandasse. Nam neque  
vindicta Macedonum egere Scythas, quibus  
meliores forent: neque heredem sibi incolu-  
mi filio deesse. His auditis, Philippus legatos  
ad Atheam mittit, impensæ obsidionis por-  
tionem petentes, ne inopia deferere bellum  
cogatur. Quod eo promptius eum facere de-  
bere, quod missis à se in auxilium eius milī-  
tibus, ne sumptum quidem viæ, non modo  
officij pretia dederit. Atheas inclementiam  
cœli, & terræ sterilitatem causatus, quæ non  
patrimonijs ditet Scythas, sed vix alimenta  
exhibeat, respondit, nullas sibi opes esse, qui-  
bus tantum regem expleat; & turpius pu-  
tare paruo defungi, quam totum abnuere:  
Scythas autem virtute animi & duritia cor-  
poris, non opibus censerī. Quibus derisus  
Philippus, soluta obsidione Byzantijs, Scythi-  
ca bella aggreditur, præmissis legatis quo se-  
curiores faceret, qui nuntient Atheæ, dum  
Byzantium obsidet, vouisse se statuam Her-  
culi: ad quam in ostio Istri ponendā se veni-  
re, pacatum accessum ad religionem dei pe-  
tens, amicus ipse Scythis venturus. Ille, si vo-  
to fungi vellet, statuam sibi mitti iubet;  
non

non modo ut ponatur, verum etiam ut in-  
 uiolata maneat pollicetur: Exercitum au-  
 tem fines ingredi negat se passurum. Ac si  
 inuitis Scythis statuam ponat, eo digresso  
 sublaturum, versurumque æs statuæ in a-  
 culeos sagittarum. His utrinque irritatis  
 animis, prælium committitur. Cum vir-  
 tute & animo præstarent Scythæ, astu Phi-  
 lippi vincuntur. Viginti millia puerorum  
 ac feminarum capta, pecoris magna vis,  
 auri argentique nihil. Ea fides primum,  
 inopiæ Scythicæ fuit. Viginti millia nobi-  
 lium equarum ad genus faciendum in Mace-  
 doniam missa. Sed reuertenti ab Scythia,  
 Triballi Philippo occurrunt; negant se  
 transitum duros, nisi portionem prædæ ac-  
 cipiant. Hinc iurgium, & mox prælium;  
 in quo ita in femore vulneratus est Philip-  
 pus, ut per corpus eius equus interficeretur.  
 Cum omnes occisum putarent, præda  
 amissa est. Ita Scythica, velut deuota, spo-  
 lia pene luctuosa Macedonibus fuere. Vbi  
 vero ex vulnere primum conualuit, diu dis-  
 simulatum bellum Atheniensibus infert:  
 quorum causæ Thebani se iunxere, me-  
 tuentes ne victis Atheniensibus, veluti vici-  
 num incendium belli ad se transfret. Facta  
 igitur inter duas paulo ante infestissimas ci-  
 uitates societate, legationibus Græciam fa-  
 tignant, communem hostem putant commu-  
 nibus viribus summouendum: necque enim  
 cessarurum Philippum, si prospere prima  
 successerint, nisi omnem Græciam domue-  
 rit.



rit . Motæ quædam ciuitates Atheniensibus se iungunt ; quasdam autem ad Philippum belli metus traxit . Prælio commissio , cum Athenienses longe maiore militum numero præstarent , assiduis bellis indurata virtute Macedonum vincuntur : non tamen immemores pristinæ gloriæ cecidere : quippe aduersis vulneribus omnes loca quæ tuenda à ducibus acceperant , morientes corporibus texerunt . Hic dies vniuersæ Græciæ & gloriam dominationis , & vetustissimam libertatem finiuit . Huius victoriæ callide dissimulata lætitia est . Denique non solita sacra Philippus illa die fecit ; non in conuiuio risit : non ludos inter epulas adhibuit ; non coronas aut vnguenta sumpsit ; & quantum in illo fuit , ita vicit , vt victorem nemo sentiret . Sed nec regem se Græciæ , sed ducem appellari iussit . Atque ita inter tacitam lætitiā , & dolorem hostium temperauit , vt neque apud suos exultasse , neque apud victos insultasse videretur . Atheniensibus quos passus infestissimos fuerat , & captiuos gratis remisit , & bello consumptorum corpora sepulturæ reddidit ; reliquiasque funerum vt ad sepulchra maiorum deferrent , vltro hortatus est . Super hæc Alexandrum filium cum amico Antipatro , qui pacem cum his , amicitiamque iungeret , Athenas misit . Thebanorum porro non solum captiuos , verum etiam interfectorum sepulturam vendidit : Principes ciuitatis alios securi percussit , alios in exilium

lium redegit, bonaque omnium occupauit: Pulsos deinde per iniuriam, in patriam restituit; ex horum numero CCC. exules iudices, rectoresque ciuitati dedit: apud quos cum potentissimi quique rei eius ipsius criminis postularentur, quod per iniuriam se in exilium egissent, huius constantiæ fuerunt, ut omnes se auctores faterentur, meliusque, cum republica actum cum damnati essent, quam cum restituti, contenderent. Mira, prorsus audacia: de iudicibus vitæ necisque suæ, quemadmodum possunt, sententiam ferunt, contemnuntque; absolutionem, quam dare inimici possunt; & quoniã rebus nequeunt vlcisci, verbis vsurpant libertatem. Compositis in Græcia rebus, Philippus omnium ciuitatum legatos ad formandum rerum præsentium statum euocari Corinthum iubet. Ibi pacis legem vniuersæ Græciæ pro meritis singularum ciuitatum statuit; conciliumque omnium veluti vnum senatum, ex omnibus elegit. Soli Lacedæmonij, & regem, & leges contempserunt: seruitutem non pacem rati, quæ non ipsis ciuitatibus conueniret, sed à victore ferretur. Auxilia deinde singularum ciuitatum describuntur; siue adiuuandus ea manu rex oppugnante aliquo foret, seu duce illo bellum inferendum: neque enim dubium erat, imperium Persarum his apparatibus peti. Summa auxiliorum ducenta millia peditum fuere, & equitum quindecim millia. Extra hanc summam & Macedoniæ exercitus erat, & confinis domitarum gentium barba-

ba-

baries. Initio veris tres duces in Asiam Persarum iuris præmittit, Parmenionem, Amyntam, & Attalum, cuius sororem, nuper expulsa Alexandri matre Olympiade, propter stupri suspicionem, in matrimonium receperat. Interea dum auxilia à Græcia coeunt, nuptias Cleopatæ filię, & Alexandri, quem regem Epiri fecerat, celebrat. Dies erat pro magnitudine duorum regum & collocantis filiam, & vxorem ducentis, apparatibus insignis. Sed nec ludorum magnificentia deerat: ad quorum spectaculum Philippus cum sine custodibus, medius inter duos Alexandros, filium generumque contenderet, Pausanias nobilis ex Macedonibus adolescens, nemini suspectus, occupatis angustiis Philippum in transitu obtruncat; diemque lætitię destinatum fœdum luctu funeris facit. Hic primis pubertatis annis stuprum per iniuriam passus ab Attalo fuerat; cuius indignitati hæc etiam fœditas accesserat: nam perductum in conuiuium, solutumque mero Attalus, non suæ tantum, verum & conuiuiarum libidini, velut scortum vile subiecerat, ludibriumque omnium inter æquales reddiderat. Hanc rem ægre ferens Pausanias, querelam Philippo sæpe detulerat. Cum varijs frustrationibus non sine risu differretur, & honoratum insuper ducatu aduersarium cerneret, iram in ipsum Philippum vertit; ultionemque quam ab aduersario non poterat, ab iniquo iudice exegit. Creditum est etiam inmissum ab Olympiade matre Alexandri fuisse, nec ipsum  
Ale-

Alexandrum ignarum paternæ cædis exitisse: quippe non minus Olympiadem repudium, & prælatam sibi Cleopatram, quam stuprum Pausaniam doluisse. Alexandrum quoque, regni æmulum fratrem ex nouerca susceptum timuisse: eoque actum, ut in conuiuium antea primum cum Attalo, mox cum ipso patre iurgaret, adeo ut etiam stricto gladio eum Philippus confectatus sit, ægreque à filij cæde amicorum precibus exoratus. Quamobrem Alexander ad auunculum, se in Epirum cum matre, inde ad regem Illyriorum contulerat: vixque reuocanti mitigatus est patri, precibusque cognatorum ægre redire compulsus. Olympias quoque fratrem suum Alexandrum Epiri regem in bellum subornabat, peruicissetque ni filix nuptiis pater generum occupasset. His stimulis irarum utrique Pausaniam de impunitate stupri sui querentem, ad tantum facinus impulisse creduntur: Olympias certe fugienti percussori, equos quoque præparatos habuit. Ipsa deinde audita regis nece, cum titulo officij ad exequias cucurrisset, in cruce pendentis Pausaniæ capiti, eadem nocte qua venit, coronam auream imposuit: quod nemo alius audere, nisi hæc, superstiti Philippi filio potuisset. Paucos deinde post dies, refixum corpus interfectoris super reliquias mariti cremauit, & tumulum ei eodem fecit in loco, parentari-  
que

que eidem quotannis, incussa populo superstitione, curauit. Post hæc Cleopatram à qua pulsa Philippi matrimonio fuerat, in gremio eius prius filia interfecta, finire vitam suspendio coegit; spectaculoque pendens ultionem potita est, ad quam per parricidium festinauerat. Nouissime gladium, quo rex percussus est, Apollini sub nomine Myrtalis consecrauit: Hoc enim nomen ante Olympiadis paruulæ fuit. Quæ omnia ita palam facta sunt, vt timuisse videatur, ne facinus ab ea commissum non probaretur. Decessit Philippus 40. & 7. annorum, cum annis 25. regnasset. Genuit ex Larissæa saltatrice filium Aridæum, qui post Alexandrum regnauit. Habuit & alios multos ex varijs matrimonijs regio more susceptos, qui partim fato, partim ferro periere. Fuit rex armorum quam conuiuiorum apparatibus studiosior; cui maximæ opes erant instrumenta bellorum; diuitiarum quæstu, quam custodia solertior: Itaque inter quotidianas rapinas semper inops erat. Misericordia in eo & perfidia pari iure dilectæ: Nulla apud eum turpis ratio vincendi: blandus pariter, & insidiosus alloquio; qui plura promitteret, quam præstaret: in seria & iocos artifex. Amicitias utilitate, non fide colebat. Gratiâ fingere in odio, instruere inter concordantes odia, apud vtrumque gratiam quærere, solennis illi consuetudo. Inter hæc eloquentia, & insignis oratio, acuminis &

fo-

Solertia plena, vt nec ornatui facilitas, nec facilitati inuentionum deesset ornatus. Huic Alexander filius successit, & virtute & vitijs patre maior. Itaque vincendi ratio vtrique diuersa. Hic aperte, ille artibus bella tractabat. Deceptis ille gaudere hostibus, hic palam fufis. Prudentior ille consilio, hic animo magnificentior. Iram pater dissimulare, plerumque etiam vincere; hic vbi exarsisset, nec dilatio vltionis, nec modus erat. Vini nimis vterque auidus, sed ebrietatis diuersa vitia: Patri mos erat etiam de conuiuio in hostem procurrere, periculis se temere offerre; Alexander non in hostem, sed in suos saeuiebat. Quamobrem Philippum saepe vulneratum proelia remissere, hic amicorum interfector, conuiuio frequenter excessit. Regnare ille cum amicis volebat, hic in amicos regna exercebat. Amari pater malle, hic metui. Literarum cultus vtrique similis. Solertiae pater maioris, hic fidei. Verbis atque oratione Philippus, hic rebus moderatior. Parcendi victis filio animus & promptior & honestior. Frugalitati pater, luxuriae filius magis deditus erat. Quibus artibus orbis imperij fundamenta, pater iecit, operis totius gloriam filius consummauit.

## L I B E R X.

**A**Rtaxerxi regi Persarum ex pellicibus cxv. filij fuere, sed tres tantum iusto  
ma-



matrimonio suscepti, Darius, Ariarathes, & Ochus. Ex his Darium contra morem Persarum, apud quos rex non nisi morte mutatur, per indulgentiam pater Regem viuis fecit, nihil sibi ablatum existimans, quod in filium contulisset, sinceriusque gaudium ex procreatione capturus, si insignia maiestatis suæ viuis in filio conspexisset. Sed Darius post noua paternæ pietatis exempla, interficiendi patris consilium cepit. Sceleratus, si solus parricidium cogitasset, tanto sceleratior, quod in societatem facinoris assumptos, quinquaginta fratres fecit parricidas. Ostenti prorsus genus, ubi in tanto populo non solum sociari, verum etiam fileri parricidium potuit, ut ex quinquaginta liberis nemo inuentus sit, quem aut paterna maiestas, aut veneratio senis, aut indulgentia patris à tanta immanitate reuocaret. Adeone vile paternum nomen apud tot numero filios fuit, ut quorum præsidio tutus etiam aduersus hostes esse debuerat, eorum insidijs circumuentus tutior ab hostibus, quam à filiis fuerit? Causa parricidij sceleratior ipso parricidio fuit. Occiso quippe Cyro fraterno bello, cuius mentio supra habita est, Aspasiæ pellicem eius rex Artaxerxes in matrimonium receperat. Hanc patrem credere sibi sicut regnum Darius postulauerat: qui pro indulgentia sua in liberos, primo facturum se dixerat, mox pœnitentia ductus, ut honeste negaret, quod temere promiserat, Solis eam sacerdotio præfecit, quo per-

F                      petua

petua illi ab omnibus viris pudicitia imperabatur . Hinc exacerbatus iuuenis in iurgia primo patris erupit ; mox facta cum fratribus coniuratione , dum patri insidias parat , deprehensus cum socijs , pœnas parricidij dijs paternæ maiestatis ultoribus dedit . Coniuges quoque omnium cum liberis , ne quod vestigium tanti sceleris extaret , interfectæ . Post hæc Artaxerxes morbo ex dolore contracto decedit , rex quam pater felicior . Hereditas regni Ocho tradita , qui timens parem coniurationem , regiam cognatorum cæde , & strage principum replet , nulla non sanguinis , non sexus , non ætatis misericordia permotus , scilicet ne innocentior fratribus parricidis haberetur . Atque ita , velut purificato regno , bellum Cadusij infert . In eo aduersus prouocatorem hostium Codomannus quidam , cum omnium fauore processisset , hoste cæso , victoriam suis pariter , & prope amissam gloriam restituit . Ob hæc decora idem Codomannus præficitur Armenijs . Interiecto deinde tempore , post mortem Ochi regis , ob memoriam pristinæ virtutis , rex à populo constituitur , Darij nomine , ne quid regiæ maiestati deesset , honoratus , bellumque cum Alexandro Magno , diu variante fortuna , magna virtute gessit : Postremo victus ab Alexandro , & à cognatis occisus , vitam pariter cum Persarum regno finiuit .

## LIBER XI.

**I**N exercitu Philippi, sicuti variae gentes erant, ita eo occiso diuersi motus animorum fuere. Alij quippe iniusta seruitute oppressi ad spem se libertatis erigebant, alij tædio longinquæ militiæ remissam sibi expeditionem gaudebant, nonnulli facem nuptijs filiae accensam rogo patris subditam dolebant. Amicos quoque tam subita mutatione rerum, haud mediocris metus ceperat, reputantes nunc prouocatam Asiam, nunc Europam nondum perdomitam, nunc Illyrios, & Thracas, & Dardanos, ceterasq; barbaras gentes fidei dubiæ, & mentis infidæ; qui omnes populi si pariter deficiant, resisti nullo modo posse. Quibus rebus, veluti medela quædam interuentus Alexandri fuit: qui pro concione ita vulgus omnes consolatus, hortatusque pro tempore est, vt & metum timentibus demeret, & in spem omnes impelleret. Erat hic annos xx. natus: in qua ætate ita moderate de se multa pollicitus est, vt apparet plura eum experimentis reseruare. Macedonibus immunitatem cunctarum rerum, præter militiæ vacationem dedit; quo facto tantum sibi fauorem omnium conciliauit, vt corpus hominis, non virtutem regis mutasse se dicerent. Prima illi cura paternarum exequiarum fuit: in quibus ante omnia, cædis conscios ad tumulum patris occidi iussit; soli Alexandro Lyncistarum fratri pepercit,

seruans sane auspiciū dignitatis suæ , nam regem eum primus salutauerat . Æmulum quoque imperij Catanum fratrem ex nouerca susceptum , interfici curauit . Inter initia multas gentes rebellantes compescuit , orientes nonnullas seditiones extinxit . Quibus rebus erectus, citato gradu in Græciam contendit: vbi exemplo patris Corinthum euocatis ciuitatibus , dux in locum eius substituitur . Inchoatum deinde à patre Persicum bellum aggreditur ; in cuius apparatu occupato nuntiatur , Athenienses & Lacedæmonios ab eo ad Persas defecisse , auctoremque eius defectionis magno auri pondere à Persis corruptum , Demosthenem oratorem extitisse: qui Macedonum deletas omnes cum rege copias à Triballis affirmauerit , producto in concionem auctore qui in eo prælio , in quo rex ceciderit, se quoque vulneratum diceret . Quā opinione mutatos omnium ferme ciuitatum animos esse , præsidia Macedonum obsideri . Quibus motibus occursum , tanta celeritate instructo paratoque exercitu Græciam oppressit , vt quem venire non senserant , videre se vix crederent . In transitu hortatus Thessalos fuerat, beneficiorumque Philippi patris, maternæque suæ cum his sub Æacidarum gente necessitudinis admonuerat . Cupide hæc Thessalis audientibus, exemplo patris dux vniuersæ gentis creatus erat: & vectigalia omnia, redditusque suos ei tradiderant . Sed Athenienses, sicuti primi defecerant, ita primi poenitere cepe-

perunt; contemptum hostis in admirationem vertentes, pueritiamque Alexandri spretam antea, supra virtutem veterum ducum extollentes. Missis itaque legatis bellum deprecantur: quibus auditis & grauiter increpatis, Alexander bellum remisit. Inde Thebas exercitum conuertit, eadem indulgentia vrsurus, si parem poenitentiam inuenisset. Sed Thebani armis, non precibus, nec deprecatione vti sunt. Itaque victi grauissima quæque supplicia miserrimæ captiuitatis experti sunt. In consilio dum de excidio vrbs deliberaretur, Phocenses, & Plataenses, & Thespienses, & Orchomenij, Alexandri socij, victoriaeque participes, excidia vrbiū suarū, crudelitatemque Thebanorum referebant, studia in Persas non praesentia tantum, verum & vetera aduersus Græciæ libertatem increpantes. Quamobrem odium eos omnium populorum esse; quod vel ex eo manifestari, quod iureiurando se omnes obstrinxerint, vt victis Persis, Thebas diruerent. Adijciunt & scelerum priorum fabulas, quibus omnes scenas repleuerunt: vt non praesenti tantum perfidia, verum & vetere infamia inuisi forent. Tunc Cleadas vnus ex captiuis, data potestate dicendi, non à rege defecisse, quem interfectum audierint, sed à regis heredibus, quicquid in eo sit admissum, credulitatis, non perfidiæ culpam esse, cuius tamen iam magna se supplicia pepēdisse: delecta iuuentute nunc fenum seminarumque sicuti infirmum, ita innoxium restare vulgus,

quod ipsum stupris contumelijsque ita vexatum esse, vt nihil amarius vnquam sint passi : nec iam pro ciuibus se, qui tam pauci remanserint orare, sed pro innoxio patriæ solo, & pro vrbe; quæ non viros tantum, verum & deos genuerit. Priuata etiam regem superstitione depræcatur, geniti apud ipsos Herculis, vnde originem gens Æacidarum trahat; actaque Thebis à patre eius Philippo pueritia : rogat vrbi parcat, quæ maiores eius partim apud se genitos, deos adoret, partim educatos summæ maiestatis reges viderit. Sed potentior fuit ira, quam preces. Itaque vrbs diruitur, agri inter victores diuiduntur, captiui sub corona venduntur, quorum pretium non ex euentium commodo, sed ex inimicorum odio extenditur. Miseranda res Atheniensibus visa. Itaque portas refugijs profugorum contra interdictum regis aperuere. Quam rem ita grauitè tulit Alexander, vt secunda legatione denuo bellum deprecantibus, ita demum remisit, vt oratores & duces, quorum fiducia toties rebellent, sibi dedantur : paratisque Atheniensibus, ne cogantur subire bellum, eo res deducta est, vt retentis oratoribus, duces in exilium agerentur; qui ex continenti ad Darium profecti, non mediocri momentum Persarum viribus accessere. Proficiscens ad Persicum bellum, omnes nouercæ suæ cognatos, quos Philippus in excelsiorem dignitatis locum prouehens, imperijs præfecerat, interfecit : sed nec suis, qui apti regno videbantur, peper-



percit, ne qua materia seditionibus, procul se agente, in Macedonia remaneret: & reges stipendiarios conspectioris ingenij, ad commilitium, secum trahit: segniores ad tutelam regni relinquit. Adornato deinde exercitu naues onerat, vnde conspecta Asia, incredibili ardore mentis accensus, duodecim aras deorum in belli vota statuit. Patrimonium omne suum, quod in Macedonia Europaque habebat, amicis diuidit, sibi Asiam sufficere præfatus. Priusquam vlla naus litore excederet, hostias cædit, petens victoriam bello, quo toties à Persis petita Græciæ victor electus sit: quibus longa iam satis, & matura imperia contigisse, quorumque tempus esse vices excipere melius acturos. Sed nec exercitus eius alia quam regis animorum præsumptio fuit: quippe obliti omnes coniugum, liberorumque, & longinquæ domo militiæ, Persicum aurum, & totius Orientis opes, iam quasi suam prædam ducebant: nec belli, periculorumque, sed diuitiarum meminerant. Cum delati in continentem essent, primus Alexander iaculum velut in hostilem terram iecit; armatusque de naui tripudianti similis profluit, atque ita hostias cædit, precatus; ne se regem illæ terræ inuitæ accipiant. In Illo quoque ad tumulos eorum, qui Troiano bello ceciderant, parentauit. Inde hostem petens, milites à populatione Asiæ prohibuit, parcendum suis rebus præfatus, nec perdenda ea quæ possesuri venerint. In exercitu eius fuere peditum

XXX. duo millia , equitum quatuor millia quingenti , naues CLXXXII. Hac tam parua manu vniuersum terrarum orbem , vtrum sit admirabilius , vicerit , an aggredi ausus fuerit , incertum est . Cum ad tam periculosum bellum exercitum legeret , non iuvenes robustos , nec primum florem ætatis , sed veteranos ; plerosque etiam emeritæ militiæ , qui cum patre , patruisque militauerant , elegit : vt non tam milites , quam magistros militia electos putares . Ordines quoque nemo nisi sexagenarius duxit : vt si principia castrorum cerneret , senatum te alicuius priscae reipublicæ videre diceret . Itaque nemo in prælio fugam , sed victoriam cogitauit , nec in pedibus cuiquam spes , sed in laertis fuit . Contra rex Persarum Darius , fiducia virium , nil astu agere , affirmans suis occulta consilia victoriæ furtivæ non conuenire ; nec hostem regni finibus arcere , sed in intimum regnum accipere : gloriosius ratus repellere bellum , quam non admittere . Prima igitur congressio in campis Adraftijs fuit . In acie Persarum sexcenta millia militum fuere , quæ non minus arte Alexandri , quam virtute Macedonum superata , terga verterunt . Magna itaque cædes Persarum fuit . De exercitu Alexandri nouem pedites , centum viginti equites cecidere , quos rex impense ad cæterorum exemplum humatos , statuis sequestribus donauit , cognatisque eorum immunitates dedit . Post victoriam maior pars Asiæ ad eum defecit .

Gessit

Gessit & plura bella cum præfectis Darij ,  
quos iam non tam armis , quam terrore  
nominis sui vicit . Dum hæc aguntur , in-  
terim indicio captiui ad eum defertur , in-  
sidias ei ab Alexandro Lyncistarum , genero  
Antipatri , qui præpositus Macedonia erat ,  
parari . Ob quam causam timens , ne quis  
interfecto eo in Macedonia motus oriretur ,  
in vinculis eum habuit . Post hæc Gordium  
urbem petit , quæ posita est inter Phrygiam  
maiores & minores : cuius urbis potun-  
dæ , non tam propter prædam cupido eum  
cepit , sed quod audierat in ea urbe in tem-  
plo Iouis iugum Gordij positum ; cuius ne-  
xum si quis soluisset : eum tota Asia regna-  
turum , antiqua oracula eecinisse . Huius rei  
causa & origo illa fuit . Gordius cum in his  
regionibus bubus conductis araret , aues  
eum omnis generis circumuolare cœperunt :  
profectus ad consulendos augures vicinæ  
urbis , obuiam in porta habuit virginem ex-  
imia pulchritudinis : percontatus eam ,  
quem potissimum augurem consuleret ; il-  
la audita causa consulendi gnara artis ex di-  
sciplina parentum , regnum ei portendi re-  
spondit : polliceturque se & matrimonij , &  
spei sociam . Tam pulchra conditio , prima  
regni felicitas videbatur . Post nuptias in-  
ter Phrygas orta seditio est . Consulenti-  
bus de fine discordiarum oracula responderunt ,  
regem discordiis opus esse . Iterato qua-  
rentibus de persona regis , iubentur cura  
regem obseruare , quem reuersi primu-

in templum Iouis euntem plauastro reperissent. Obuius illis Gordius fuit, statimque eum regem consalutant: ille plaustrum, quo vehenti regnum delatum fuerat, in templo Iouis positum, maiestati regiae consecrauit. Post hunc filius Mida regnavit; qui ab Orpheo sacrorum solennibus initiatus, Phrygiam religionibus impleuit, quibus tutior omni vita quam armis fuit. Igitur Alexander capta vrbe, cum in templum Iouis venisset, iugum plaustri requisivit: quo exhibito, cum capita loramentorum inter nodos abscondita reperire non posset, violentius oraculo usus, gladio loramenta cædit: atque ita resolutis nexibus, latentia in nodis capita inuenit. Hæc illi agenti nuntiatur, Darium cum ingenti exercitu aduentare. Itaque timens angustias, magna celeritate Taurum transcendit: in qua festinatione quingenta stadia cursu fecit. Cum Tarsum venisset, captus Cydni fluminis amœnitate, per mediam urbem influentis, proiectis armis, plenus pulueris ac sudoris, in præfrigidam vndam se proiecit. Tum repente tantus nervos eius occupavit rigor, ut interclusa voce non spes modo remedij, sed nec dilatio periculi inueniretur. Unus erat ex medicis, nomine Philippus, qui solus remedium polliceretur: sed & ipsum, Parmenionis pridie à Cappadocia missæ epistolæ, suspectum faciebant: qui ignarus infirmitatis Alexandri scripserat à Philippo medico cauere: nam corruptum

ptum illum à Dario ingenti pecunia esse .  
Tutius tamen est ratus , dubiæ se fidei medi-  
ci credere , quam indubitato morbo perire .  
Accepto igitur poculo , epistolas medico tra-  
didit ; atque ita inter bibendum oculos in  
vultum legentis intendit : Vt securum con-  
spexit , lætior factus est , sanitatemque quar-  
ta die recepit . Interea Darius cum quadrin-  
gentis millibus peditum , ac centum milli-  
busequitum in aciem procedit . Mouebat  
hæc multitudo hostium , respectu paucitatis  
sux , Alexandrum : sed interdum reputabat,  
quantas res cum ista paucitate gessisset ;  
quantosque populos fudisset . Itaque cum  
spes metum vinceret , periculosius differre  
bellum ratus , ne desperatio suis cresceret ,  
circumuectus suos , singulas gentes diuersa  
oratione alloquitur . Illyrios & Thracas  
opum ac diuitiarum ostentatione ; Græcos  
veterum bellorum memoria , interneciuque  
cum Persis odij accendebat : Macedones au-  
tem nunc Europæ victæ admonet , nunc A-  
siæ expetitæ ; nec inuentos illis toto orbe pa-  
res viros gloriatur . Caterum & laborum  
finem hunc , & gloriæ cumulum fore . At-  
que inter hæc identidem consistere aciem iu-  
bet , vt hac mora consuecant oculis turbam  
hostium sustinere . Nec Darij segnis opera  
in ordinanda acie fuit . Quippe omnis du-  
cum officijs , ipse omnia circumire , singulos  
hortari , veteris gloriæ Persarum , imperij-  
que perpetuæ à Dijs immortalibus datæ  
possessionis admonere . Post hæc prælum

ingentibus animis committitur. In eo uterque rex vulneratur : tandem certamen anceps fuit, quoad fugeret Darius. Exinde cædes Persarum secuta est. Cæsa sunt peditum vnum & sexaginta millia, equitum X millia, capta XL. millia. Ex Macedonibus cecidere pedestres CXXX, equites CL. in castris Persarum multum auri cæterarumque opum inuentum. Inter captiuos castrorum, mater, & vxor, eademque soror, & filia dux Darij fuere. Ad quas visendas hortandasque cum Alexander venisset, conspectis armatis inuicem se amplexæ, velut statim moritura complorationem ediderunt. Prouolutæ deinde genibus Alexandri, non mortem, sed dum Darij corpus sepeliant, dilationem mortis deprecantur. Motus tanta mulierum pietate Alexander, & Darium viuere dixit; & timentibus mortis metum dempsit; easque haberi vt reginas præcepit. Filias quoque non sordidius dignitate patris sperare matrimonium iussit. Post hæc opes Darij, diuitiarumque apparatus contemplatus, admiratione tantarum rerum capitur. Tunc primum, luxuriosa conuiuia, & magnificentiam epularum sectari, tunc Barsenen captiuam diligere propter formæ pulchritudinem cœpit. A qua postea susceptum puerum Herculem vocauit. Memor tamen adhuc Darium viuere, Parmenionem ad occupandam Persicam classē, aliosque amicos ad recipiendas Asiæ ciuitates, misit : quæ statim audita



dita fama victoriæ, ipsis Darij præfectis  
 cum auri magno pondere tradentibus se,  
 in potestatem victorum venerunt. Tunc  
 in Syriam proficiscitur, vbi obuios cum  
 insulis multos Orientis reges habuit. Ex  
 his pro meritis singulorum, alios in socie-  
 tatem recepit; alijs regnum ademit, suffe-  
 ctis in loca eorum nouis regibus. Insignis  
 præter cæteros fuit Abdalonimus, rex ab  
 Alexandro Sidoniæ constitutus. Quem A-  
 lexander, cum operas oblocare ad puteos  
 exhauriendos, hortosque irrigandos solitus  
 esset, misere vitam exhibentem, regem  
 fecerat, spretis nobilibus, ne generis id,  
 non dantis beneficium putarent. Tyriorum  
 ciuitas, cum coronam auream magni pon-  
 deris per legatos in titulum gratulationis  
 Alexandro misisset, grate munere accepto,  
 Tyrum se ire velle ad vota Herculi reddenda,  
 dixit. Cum legati rectius id eum in  
 Tyro vetere, & antiquiore templo factu-  
 rum dicerent, deprecantes eius introitum,  
 ita exarsit, vt vrbi excidium minaretur:  
 confestimque exercitus insulæ applicato,  
 non minus animosis Tyrijs fiducia Cartha-  
 ginensium, bello excipitur. Augebat enim  
 Tyrijs animos Didonis exemplum, quæ  
 Carthagine condita, tertiam partem orbis  
 quæssisset; turpe ducentes, si feminis suis  
 plus animi fuisset in imperio quærendo,  
 quam sibi in tuenda libertate. Amota igitur  
 imbelli ætate Carthaginem, & arcessitis  
 mox auxilijs, non magno post tempore per-  
 prodi-

proditionem capiuntur. Inde Rhodum Alexander, Ægyptum, Ciliciamque sine certamine recipit; ad Iouem deinde Hammonem pergit, consulturus & de euentu futurorum, & de origine sua. Namque mater eius Olympias confessa viro suo Philippo fuerat, Alexandrum non ex eo se, sed ex serpente ingentis magnitudinis concepisse. Denique Philippus ultimo prope vitæ suæ tempore, filium suum non esse, palam prædicauerat. Quæ ex causa Olympiadem velut stupri compertam repudio dimiserat. Igitur Alexander cupiens originem diuinitatis acquirere, simul & matrem infamia liberare, per præmissos subornat antistites, quid sibi responderi vellet. Ingredientem templum statim antistites ut Hammonis filium salutant. Ille lætus dei adoptione, hoc se patre censeri iubet. Rogat deinde, an omnes interfectores parentis sui sit ultus, respondetur patrem eius nec posse interfici, nec mori; regis Philippi peractam plene ultionem esse. Tertiam interrogationem, poscenti victoriam omnium bellorum, possessionemque terrarum dari respondetur. Comitibus quoque suis responsum, ut Alexandrum pro deo, non pro rege colerent. Hinc illi aucta insolentia, mirusque animo increuit tumor, exempta comitate, quam & Græcorum litteris, & Macedonum institutis didicerat. Reuersus ab Hammonem Alexandriam condidit, & coloniam Macedonum caput esse Ægypti iubet. Darius cum

cum Babyloniam profugisset, per epistolas Alexandrum precatur, redimendarum, sibi captiuarum potestatem faciat, inque eam rem magnam pecuniam pollicetur. Sed Alexander in pretium captiuarum regnum omne, non pecuniam petit. Interiecto tempore, aliæ epistolæ Darij Alexandro redduntur, quibus filia matrimonium, & regni portio offertur: sed Alexander sua sibi dari rescripsit; iussitque supplicem venire, & regni arbitria victori permittere. Tum spe pacis amissa, bellum Darius reparat: cum quadringentis millibus peditum, & centum millibus equitum obuiam vadit Alexandro. In itinere nuntiatur, vxorem eius ex collisione abiecti partus decessisse; eiusque morte illachrymatum Alexandrum, exequiasque benigne prosecutum; idque eum non amoris, sed humanitatis causa fecisse. Nam semel tantum eam Alexandro visam esse, cum matrem filiasque eius paruulas frequenter consolaretur. Tunc feratus vere victum, cum post tot prælia, etiam beneficijs ab hoste superaretur; gratumque sibi esse, si vincere nequeat, quod à tali potissimum vinceretur. Scribit itaque & tertias epistolas, & gratias agit, quod nihil in suos hostile fecerit. Offert deinde maiorem partem regni vsque flumen Eufraten, & alteram filiam vxorem; pro reliquis captiuis triginta millia talentum. Ad hæc Alexander gratiarum actionem ab hoste superuacaneam esse respondit; nec à se

se quicquam factum in hostis adulationem, nec quod in dubios belli exitus, aut in leges pacis sibi lenocinia quæreret: sed animi magnitudine, qua didicerit aduersus vires hostium, non aduersus calamitates contendere; polliceturque præstaturum se ea Dario, si secundus sibi, non par haberi velit. Cæterum nec mundum posse duobus solibus regi, neque orbem summa duo regna saluo statu terrarum habere: proinde aut deditionem ea die, aut in posteram, aciem parat; nec polliceatur sibi aliam quam sit expertus, victoriam. Postera die aciem producunt: tum repente ante prælium confectum eurus Alexandrum sonitus arripuit. Cum ad pugnam solus rex deesset, à Parmenione ægre excitatus, quærentibus somni causas omnibus inter pericula, cum etiam in otio semper parcior fuerit: Magno se æstu liberatum, ait, somnumque sibi à repentina securitate datum, quod liceat cum omnibus Darij copijs confligere; veritum se longam belli moram, si Persæ exercitum diuissent. Ante prælium vtraque acies hostibus spectaculo fuit. Mæcedones multitudinem hominum, corporum magnitudinem, armorumque pulchritudinem mirabantur: Persæ à tam paucis victa suorum tot milia stupebant. Sed nec duces circumire suos cessabant. Darius vix denis armatis singulos hostes, si diuisio fieret, euenire dicebat: Alexander Mæcedonas monebat, ne multitudinem hostium

ne

ne corporis magnitudine , vel coloris nouitate mouerentur : tantum meminisse iubet , cum ijsdem se tertio pugnare , nec meliores factos putarent fuga , cum in aciem secum tam tristem memoriam cædium suarum , & tantum sanguinis duobus prælijs fusi ferrent : & quemadmodum Dario maiorem turbam hominum esse , sic virorum sibi . Hortatur spernant illam aciem auro & argento fulgentem , in qua plus prædæ , quam periculi sit ; cum victoria non armorum decore , sed fer i virtute quaratur . Post hæc prælium committitur . Macedones in ferrum cum contemptu toties à se victi hostis ruebant : contra Persæ mori , quam vinci præoptabant . Raro vllò prælio tantum sanguinis , fusum est . Darius cum vinci suos videret , mori voluit & ipse , sed à proximis fugere compulsus est . Suadentibus deinde quibusdam , vt pons Cydni fluminis ad iter hostium impediendum , intercluderetur : non ita se salutis suæ velle consultum ait , vt tot millia sociorum hosti obijciat , debere & alijs fugæ viam patere , quæ patuerit sibi . Alexander autem periculossissima quæque aggrediebatur , & vbi confertissimos hostes acerrime pugnare conspexisset , eo se semper immergebat , periculaque sua esse , non militum volebat . Hoc prælio Asiæ imperium rapuit , quinto post acceptum regnum anno ; cuius tanta felicitas fuit , vt post hoc nemo rebellare ausus sit : patienterque Persæ post imperium tot annorum , iugum seruitutis acceperint .

Dona-

Donatis refeſtiſque militibus XXXIV. diebus prædam recognouit. In vrbe deinde clauſa XL. millia talentum inuenit; expugnat & Perſepolim, caput Perſici regni, urbem multis annis illuſtrem; reſertamque orbis terrarum ſpolijs, quæ interitu eius primum apparuere. Inter hæc DCCC. admodum Græci occurrunt Alexandro, qui pœnam captiuitatis truncata corporis parte tulerant; rogantes, vt ſicuti Græciam, ſe quoque ab hoſtium crudelitate vindicaret. Data poteſtate redeundi, agros accipere maluerunt, ne non tam gaudium parentibus, quam deteſtandum ſui conſpectum, reportarent. Interea Darius in gratiam victoris à cognatis ſuis aureis compedibus, catenisque in vico Parthorum Thara vincitur. Credo ita dijs immortalibus vindicantibus, vt in terra eorum, qui ſucceſſuri imperio erant, Perſarum regnum finiretur. Alexander quoque citato curſu poſtera die ſuperuenit: ibique cognouit, Darium clauſo vehiculo per noctem exportatum. Iuſſo itaque exercitu ſubſequi, cum VI. millibus equitum fugientem inſequitur: in itinere multa & periculofa prælia facit. Emenſus deinde multa millia paſſuum, cum nullum Darij indicium reperiſſet, reſpirandi equis data poteſtate, vnus ex militibus, dum ad fontem proximum pergit, in vehiculo Darium multis quidem vulneribus confoſſum, ſed ſpirantem adhuc inuenit: qui applicito captiuo, cum ciuem ex  
voce



voce cognouisset, id saltem præsentis fortunæ solatium habere se dixit, quod apud intellecturum locuturus esset, nec incassum postremas voces emissurus. Perferri hæc Alexandro iubet, se nullis in eum meritorum officijs, maximorum illi debitorem mori, quod in matre liberisque suis regium eius, non hostilem animum expertus, felicius hostem quam cognatos sortitus sit: quippe matri & liberis suis ab eodem hoste vitam datam; sibi à cognatis ereptam, quibus & vitam, & regna dederit. Quamobrem gratiam illis eam futuram, quam ipse victor volet. Alexandro referre se, quam solam moriens potest gratiam: precari superum inferumque numina & regales deos, ut illi terrarum omnium victori contingat imperium: pro se iustam magis quam grauem sepulturæ veniam orare. Quod ad vltionem pertineat, iam non suam, sed exempli, communemque omnium regum esse causam quam negligere, illi & indecorum, & periculosum esse: quippe cum in altero iustitiæ eius, in altero etiam vtilitatis causa versetur. In quam rem vnicum pignus fidei regiæ dextram se ferendam Alexandro dare. Post hæc porrecta manu exspirauit. Quæ ubi Alexandro nuntiata sunt, viso corpore defuncti, tam indignam illo fastigio mortem lachrymis prosecutus est; corpusque regio more sepeliri, & reliquias eius maiorum tumulis inferri iussit.

## L I B E R X I I .

**A**lexander in persequendo Dario amissos milites magnis funerum impensis extulit : reliquis expeditionis eius socijs tredecim millia talentum diuisit. Equorū maior pars æstu amissa , inutilesque etiam qui superfuerant, facti . Pecunia omnis centum nonaginta millia talentum Ecbatana nuper congesta ; ei que Parmenio præpositus . Dum hæc aguntur , epistolæ Antipatri è Macedonia ei redduntur , quibus bellum Agidis regis Spartanorum in Græcia, bellum Alexandri regis Epiri in Italia , bellum Sopyrionis præfecti eius in Scythia continebatur . Quibus varie affectus, plus tamen lætitiæ cognitis mortibus duorum æmulorum regum , quam doloris amissi cum Sopyrione exercitus suscepit . Namque post profectionem Alexandri Græcia ferme omnis in occasionem recuperandæ libertatis, ad arma concurrerat, auctoritatem Lacedæmoniorum secuta, qui Philippi Alexandrique pacem soli spreuerant , & leges respuerant . Dux huius belli Agis rex Lacedæmoniorum fuit ; quem mortum Antipater contractis militibus , in ipso ortu oppressit . Magna tamen vtrinquè credes fuit . Agis rex, cum suos terga dantes videret, dimissis satellitibus, vt Alexandro felicitate non virtute inferior videretur, tantam stragem hostium edidit, vt agmina interdum fugaret . Ad postremum , etsi à multitudine victus ,

victus, gloria tamen omnes vicit. Porro Alexander rex Epiri, in Italiam à Tarentinis, auxilia aduersus Brutios deprecantibus, sollicitatus, ita cupide profectus fuerat, veluti in diuisione orbis terrarum Alexandro Olympiadis sororis suæ filio Oriens, sibi Occidens sorte contigisset; non minorem rerum materiam in Italia, Africa, Siciliaque, quam ille in Asia & in Persis habiturus. Huc accedebat, quod sicut Alexandro Magno Delphica oracula insidias in Macedonia, ita huic responsum Dodonæi Iouis urbem Pandosiam, amnemque Acherusium prædixerat. Quæ vtræque cum in Epiro essent, ignarus eadem & in Italia esse, ad declinanda fatorum pericula, peregrinam militiam cupidius elegerat. Igitur cum in Italiam venisset, primum illi bellum cum Appulis fuit; quorum cognito urbis facto, breui post tempore pacem & amicitiam cum rege eorum fecit. Erat namque tunc temporis urbs Appulis Brundisium, quam Ætoli, secuti tum fama rerum in Troia gestarum clarissimum ac nobilissimum ducem Diomedem, condiderant. Sed pulsi ab Appulis, consulentes oracula, responsum acceperant, locum quem repetissent perpetuo possessuros. Hac igitur ex causa per legatos cum belli comminatione, restitui sibi ab Appulis urbem postulauerant. Sed ubi Appulis oraculum innotuit, interfectos legatos in urbe sepelierant, perpetuam ibi sedem habituros.

[Atque

Atque ita defuncti responso, diu urbem possederunt . Quod factum cum cognouisset Alexander, antiquitatis fata veneratus, bello Appulorum abstinuit . Gessit & cum Brutijs Lucanisque bellum ; multasque vrbes cepit ; tum & cum Metapontinis, & Pediculis, & Romanis fœdus, amicitiamque fecit . Sed Brutij Lucanisque cum auxilia à finitimis contraxissent , acrius bellum repectuere . Ibi rex iuxta urbem Pandosiam , & flumen Acheronta , non prius fatalis loci cognito nomine, quam occideret, interficitur ; moriensque, non in patria fuisse sibi periculosam mortem, propter quam patriam fugerat , intellexit . Corpus eius Thurij publice redemptum sepulturæ tradiderunt . Dum hæc aguntur in Italia , Sopyrion quoque, præfectus Ponti ab Alexandro Magno relictus, otiosum se ratus, si nihil & ipse gessisset, adunato XXX. milium exercitu, Scythis bellum intulit; cæsusque cum omnibus copijs, poenas temere illati belli genti innoxia luit. Hæc cum nuntiata in Parthis Alexandro essent ; simulato merore , propter Alexandri cognationem, exercitui suo tridui luctum indixit . Omnibus deinde, velut perpetrato bello , reditum in patriam expectantibus, coniugesque ac liberos suos animo iam quodammodo complectentibus, ad concionem exercitum vocat : ibi nihil actum tot egregijs prælijs ait , si incolumis Orientalis barbaria relinquatur ; nec se corpus , sed regnum

regnum regnum Darij petisse ; persequen-  
dosque esse eos , qui regno defecerint . Hac  
oratione velut ex integro incitatis militum  
animis, Hyrcaniam, Mardosque subegit . Ibi  
ei occurrit Thalestris siue Minithæa Amazo-  
num regina cum CCC . mulieribus, XXV .  
dierum inter confertissimas gentes itinere  
confecto , ex rege liberos quæsitura : cuius  
conspectus aduentusque admirationi omni-  
bus fuit , & propter insolitum feminis habi-  
tum, & propter expetitum concubitum . Ob  
hoc tredecim diebus otio à rege datis , vt  
visa est vterum implese , discessit ; Post  
hæc Alexander habitum regum Persarum, &  
diadema insolitum antea regibus Macedo-  
nicis , velut in leges eorum , quos vicerat ,  
transiret , assumit . Quæ ne inuidiosius in se  
vno conspicerentur , amicos quoque suos  
longam vestem auratam , purpureamque  
sumere iubet , vt luxum quoque sicuti cul-  
tum Persarum imitaretur . Inter pellicum  
regiarum greges electæ pulchritudinis, nobi-  
litasque , noctium vices diuidit . His re-  
bus ingentes epularum apparatus adijcit .  
ne ieiuna & destructa luxuria videretur ,  
conuiuiumque iuxta regiam magnificen-  
tiam ludis exornat , immemor prorsus, tan-  
tas opes amitti his moribus , non quæri so-  
lere . Inter hæc indignatio omnium totis ca-  
stris erat, à Philippo illum patre tantum de-  
generauisse , vt etiam patriæ nomen eiura-  
ret , moresque Persarum assumeret , quos  
propter tales mores vicerat . Sed ne solus  
vitijs

vitijs eorum, quos armis subegerat, succu-  
 bulisse videretur; militibus quoque suis  
 permisit, si quarum captiuarum consuetu-  
 dine tenerentur, ducere vxores: existimans,  
 minorem in patriam reditus cupiditatem  
 futuram, habentibus in castris imaginem  
 quandam larium, ac domesticæ sedis: si-  
 mul & laborem militiæ molliorem fore dul-  
 cedine vxorum. In supplementa quoque mi-  
 litum, minus exauriri posse Macedoniam,  
 si veteranis patribus tyrones filij succede-  
 rent, militaturi in vello in quo essent na-  
 ti; constantioresque futuri, si non solum  
 tyrocinia, verum & incunabula in ipsis  
 castris posuissent: quæ consuetudo in  
 successoribus quoque Alexandri mansit. Igi-  
 tur & alimenta pueris statuta; & instrumen-  
 ta armorum, equorumque iuuenibus da-  
 ta; & patribus, pro numero filiorum,  
 præmia statuta: Si quorum patres occidif-  
 sent, nihilominus pupilli stipendia pa-  
 trum trahebant; quorum pueritia inter  
 varias expeditiones, militia erat. Itaque  
 à paruula ætate periculis laboribusque in-  
 durati, inuictus exercitus fuere: neque ca-  
 stra aliter quam patriam, neque pugnam  
 aliud vnquam, quam victoriam duxere.  
 Hæc suboles nomen habuit Epigoni. Parthis  
 deinde domitis, præfectus his statuitur ex  
 nobilibus Persarum Andragoras: vnde  
 postea originem Parthorum reges habuere.  
 Interea Alexander non regio, sed hostili odio  
 feruire in suos cœpit. Maxime indignaba-  
 tur



tur carpi se sermonibus suorum, Philippi patris, patriæque mores subuertisse. Propter quæ crimina Parmenion quoque senex, dignitate regi proximus, cum Philota filio, de utroque prius quæstionibus habitis, interficitur. Fremere itaque omnes vniuersis castris cœpere, innoxij senis, filijque casum miserantes, interdum se quoque non debere melius sperare dicentes. Quæ cum nuntiata Alexandro essent, verens ne hæc opinio etiam in Macedoniam diuulgaretur, & ne victoriæ gloria sæuitiæ macula infusceretur, simulat se ex amicis quosdam in patriam victoriæ nuntios missurum. Hortatur milites suos scribere, rariorem habituros occasionem, propter militiam remotiorem. Datos fasces epistolarum tacite ad se deferri iubet: ex quibus cognito de se singulorum iudicio, in vnam cohortem eos, qui de rege durius opinati fuerant, contribuit, aut consumpturus eos, aut in vltimis terris, in colonias distributurus. Inde Drancas, Euergetas, Parymas, Parapammenos, Adasprios, cæterosque populos, qui in radice Caucaſi morabantur, subegit. Interea vnus ex amicis Darij Bessus vinctus perducitur, qui regem non solum prodiderat, verum & interfecerat. Quem in vltionem perfidiæ excruciantum fratri Darij tradidit; reputans non tam hostem suum fuisse Darium, quam amicum eius, à quo esset occisus. Et vt his terris nomen relinqueret, urbem Alexandriam super amnem Tanaim condidit, intra diem

G

septi-

Septimumdecimum muro VI. millium passuum consummato, translatis eo trium ciuitatum populis, quas Cyrus condiderat. In Bactrianis quoque Sogdianisque XII. vires condidit, distributis his, quoscunque in exercitu seditiosos habebat. His ita gestis solenni die amicos in conuiuium vocat. Vbi orta inter ebrios rerum à Philippo gestarum mentione, præferre se patri ipse rerumque suarum magnitudinem extollere cælo tenus cœpit, assentante maiore conuiuarum parte. Itaque cum vnus è senibus Clitus, fiducia amicitiae regiae, cuius palmam tenebat, memoriam Philippi tueretur, laudaretque eius res gestas, adeo regem offendit, vt telo à satellite rapto, eodem in conuiuium trucidauerit. Qua cæde exultans mortuo patrocinium Philippi, laudemque paternae militiae obiectabat. Postquam satiatu cæde animus conquieuit, & in iræ locum successit existimatio: modo personam occisi, modo causam occidendi considerans, pigere eum facti cœpit: quippe paternas laudes tam iracunde accepisse se, quam ne conuitia debuisset; amicumque senem & innoxium à se occisum, inter epulas & pocula, dolebat. Eodem igitur furore in pœnitentiam, quo pridem in iram versus, mori voluit. Primum in fletus progressus, amplecti mortuum, vulnera tractare, & quasi audienti confiteri dementiam; arreptum telum in se vertit: peregissetque facinus, nisi amici interuenissent. Mansit hæc voluntas moriendi

riendi etiam sequentibus diebus . Accesserat enim poenitentiae , nutricis suae , & sororis Cliti recordatio ; cuius absentis eum maxime pudebat : tam foedam illi alimentorum suorum mercedem redditam , ut in cuius manibus pueritiam egerat , huic iuuenis , & victor , pro beneficijs funera remitteret . Reputabat deinde , quantum in exercitu suo , quantum apud deuictas gentes fabularum atque inuidiae , quantum apud ceteros amicos metum & odium sui fecerit ; quam amarum & triste reddiderit conuiuium suum ; non armatus in acie , quam in conuiuiuo terribilior . Tunc Parmenion & Philotas , tunc Amyntas consobrinus , tunc nouerca fratresque interfecti : tunc Attalus , Eurylochus , Pausanias , alijque Macedoniae extincti principes occurrebant . Ob hac illi quadriduo perseverata inedia est , denec exercitus vniuersi precibus exoratus est , precantis , ne ita mortem vnius doleat , ut vniuersos perdat , quos in ultimam deductos Barbariam , inter infestas , & irritatas bello gentes , destituat . Multum profuere Callisthenis philosophi preces , condiscipulatu apud Aristotelem familiaris illi , & tunc ab ipso rege ad prodenda memoriae acta eius accitus . Reuocato igitur ad bella animo , Chorasmos & Dahas in deditionem accepit . Deinde quod primo ex Persico superbiae regiae more distulerat , ne omnia pariter inuidiosiora essent , non salutari , sed adorari se iubet . Acerrime inter recusantes

Callisthenes fuit, Quæ res & illi, & multis principibus Macedonũ exitio fuit: siquidem sub specie insidiarum omnes interfecti. Retentus tamen est à Macedonibus mos salutandi regis, explosa adoratione. Post hæc Indiam petit, vt Oceano, vltimoque Oriente finiret imperium. Cui gloriæ, vt etiam exercitus ornamenta conuenirent, phaleras equorum, & arma militum argento inducit; exercitumque suum, ab argenteis clypeis, Argyraspidas appellauit. Cum ad Nysam urbem venisset, oppidanis non repugnantibus, fiducia religionis Liberi patris, à quo condita vrbs erat, parcì iussit: lætus non militiam tantum, verum & vestigia se Dei sequutum. Tunc ad spectaculum sacri montis duxit exercitum, naturalibus bonis, vite, hederaque non aliter vestiti, quam si manu cultus, colentiumque industria exornatus esset. Sed exercitus eius, vbi ad montem accessit, repentino impetu mentis, in sacros Dei vlulatus instinctus, cum stupore regis, sine noxa discurrit: vt intelligeret, non tam oppidose, parcendo, quam exercitui suo consuluisse. Inde montes Dædalos, regnaque Cleofidis reginæ petit. Quæ cum se dedidisset ei, concubitu redemptum regnum ab Alexandro recepit, illecebris consecuta, quod virtute non potuerat, filiumque ab eo genitum, Alexandrum nominauit, qui postea regnum Indorum potitus est. Cleofis regina, propter prostratam pudicitiam, scortum regium ab Indis exinde appellata est.

Pera-

Peragrata India, cum ad saxum miræ asperitatis & altitudinis, in quod multi populi confugerant, peruenisset, cognoscit Herculem ab expugnatione eiusdem saxi terræmotu prohibitum. Captus itaque cupidine, Herculis acta superare, cum summo labore ac periculo potitus saxo, eius omnes loci gentes in deditiōem accipit. Vnus ex regibus Indorum fuit, Porus nomine, viribus corporis, & animi magnitudine pariter insignis, qui bellum iampridem, audita Alexandri opinione, in aduentum eius parabat. Commisso itaque prælio, exercitum suum Macedonas inuadere iubet; sibi regem eorum priuatum hostem deposcit. Nec Alexander pugnæ moram fecit: sed prima congressione vulnerato equo, cum præceps ad terram decidisset, concursu satellitum seruatur. Porus multis vulneribus obrutus capitur. Qui victum se adeo doluit, vt cum veniam ab hoste accepisset, neque cibum sumere voluerit, neque vulnera curari passus sit, ægreque sit ab eo obtentum, vt vellet viuere. Quem Alexander ob honorem virtutis, incolumem in regnum remisit. Duas ibi vrbes condidit, vnā Niceam, alteram ex nomine equi Bucephalen vocauit. Inde Adrestas, Gesteanos, Præsidas, Gangaridas, cæsis eorum exercitibus expugnat. Cum ad Cuphites venisset, vbi cum hostium ducenta millia equitū opperiebantur, exercitus omnis non minus victoriarū numero, quam laboribus fessus, lacrymis eum deprecatur,

finem tandem belli faceret ; aliquando patriæ , reditusque meminisset ; respiceret militum annos, quibus vix ætas ad reditum sufficeret : ostendere alius caniciem , alius vulnera , alius ætate consumpta corpora , alius cicatricibus exhausta : solos se esse, qui duorum regum , Philippi Alexandrique , continuam militiam pertulerint . Tandem orare , vt reliquias saltem suas paternis sepulchris reddat , quorum non tam studiis deficiatur, quam annis : Ac si non militibus , vel ipse sibi parcat , ne fortunam suam nimis onerando fatiget . Motus his tam iustis precibus, velut in finem victoriæ , castra solito magnificentiora fieri iussit, quorum molitionibus & hostis terreretur, & posteris admiratio sui relinqueretur . Nullum opus milites lætius fecere . Itaque cæsis hostibus , cum gratulatione in eadem reuerterunt . Inde Alexander ad amnem Acesinem pergit : per hunc in Oceanum deuehitur . Ibi Hiacensanas Sileosque quos Hercules condidit , in deditionem accepit . Hinc in Ambros & Sugambros nauigat. Quæ gentes eum armatis L X X X. millibus peditum, & L X. millibus equitum excipiunt. Cum prælio victor esset , exercitum ad urbem eorum ducit . Quam desertam à defensoribus, cum de muro, quem primus ceperat, animaduertisset, in urbis planiciem sine vlllo satellite desiliit. Itaque cum eum hostes solum conspexissent , clamore edito, vndique concurrunt, si possint in vno capite orbis bella finire , & vltionem

tot



tot gentibus dare . Nec minus Alexander constanter restitit, & vnus aduersus tot millia præliatur . Incredibile dictu est , vt eum non multitudo hostium, non vis magna telorum , non tantus lacescentium clamor terruerit : solus tot millia cæciderit ac fugauerit . Vbi vero obrui multitudinem vidit , trunco se , qui tunc propter murum stabat , applicuit : cuius auxilio tutus , cum diu agmen sustinuisset , tandem cognito periculo eius, amici ad eum desiliunt: ex quibus multi cæsi, præliumque tamdiu anceps fuit, quoad omnis exercitus, muris deiectis, in auxilium veniret. In eo prælio sagitta sub mamma traiectus , cum sanguinis fluxu deficeret , genu posito tamdiu præliatus est, donec eum à quo vulneratus fuerat, occideret. Curatio vulneris grauior ipso vlneris fuit. Itaque ex magna desperatione tandem saluti redditus , Polyperchonta cum exercitu Babyloniam mittit; ipse cum lectissima manu nauibus conscensis Oceani littora peragrat. Cum venisset ad urbem Ambigeri regis , oppidani inuictum ferro audientes , sagittas veneno armant : atque ita gemino mortis vulnere , hostem à muris summoventes , plurimos interficiunt. Cum inter multos vulneratus etiam Ptolemæus esset , moriturusque iam iam videretur , per quietem regi monstrata in remedia veneni herba est; qua in potu accepta, statim periculo liberatus est , maiorque pars exercitus hoc remedio seruata. Expugnata deinbe vrbe, reuersus in naues, Oceano libamen-

ra dedit, prosperum in patriam reditum pre-  
 catus, ac veluti curru circa metam acto,  
 positis imperij terminis, qua sinus aut terra-  
 rum solitudines prodire passæ sunt, aut ma-  
 re nauigabile fuit, secundo æstu ostio flumi-  
 nis Indi inuehitur. Ibi in monumenta rerum  
 à se gestarum urbem Barcem condidit: aras-  
 que statuit, relicto ex numero amicorum, lit-  
 toralibus Indis præfecto. Inde iter terrestre  
 facturum, cum arida loca medij itineris dice-  
 rêtur, puteos opportunis locis fieri præcipit,  
 quibus ingenti dulci aqua inuenta Babylo-  
 niam redit. Ibi multæ deuictæ gentes præse-  
 ctos suos accusauerunt; quos sine respectu  
 amicitiae Alexander in conspectu legatorum  
 necari iussit. Filiam post hæc Darij regis,  
 Statiram in matrimonium recepit: sed &  
 optimatibus Macedonum lectas ex omni-  
 bus gentibus nobilissimas virgines tradidit,  
 vt communi facto crimen regis leuaretur.  
 Hinc ad concionem exercitus vocat: & pro-  
 mittit se æs alienum omnium propria in-  
 pensæ soluturum, vt prædam præmiaque in-  
 tegra domos ferant. Insignis hæc munificen-  
 tia non summa tantum, verumetiam titulo  
 muneris fuit, nec à debitoribus magis, quam  
 à creditoribus gratius excepta: quoniam,  
 vtrisque exactio pariter ac solutio difficilis  
 erat, viginti millia talentum in hos sumptus  
 expensæ. Dimissis veteranis, exercitum iu-  
 nioribus supplet. Sed retenti veteranorum di-  
 scessum egre ferentes, missionē & ipsi flagita-  
 bant, nec annos, sed stipendia sua numerari  
 iube-

iubebant, pariter in militiam lectos, pariter sacramento solui æquum censentes; nec iam precibus, sed conuitio agebant, iubentes eum solum cum patre suo Hammone inire bella, quatenus milites suos fastidiat. Contra ille nunc castigare milites, nunc lenibus verbis monere, ne gloriosam militiam seditionibus infuscarent. Ad postremum cum verbis nihil proficeret, ad corripiendos seditionis auctores, e tribunali in concionem armatâ inermis ipse desiliit, & nemine prohibente, tredecim correptos, manu sua ipse ad supplicia duxit; tantâ vel illis moriendi patientiam metus regis, vel huic exigendi supplicij constantiam disciplina militaris dabat. Inde separatim auxilia Persarum in concione alloquitur. Laudat perpetui illorum tum in se, tum in pristinos reges fidem, sua in illos beneficia commemorat, ut nunquam quasi victos, sed veluti victoriæ socios habuerit, deniq; se in illorum, non illos in gentis suæ morê transisse, affinitatibus conubiorum victos victoribus miscuisse. Nunc quoq; ait, custodiam corporis sui nō Macedonibus tantum se, verum & illis crediturū. Atq; ita mille ex his iuvenes in numerum satellitū legit; auxiliorum quoq; portionem, formatam in disciplinam Macedonū, exercitui suo miscet. Quam rem ægre Macedones tulerunt, iactantes hostes suos in officium suum a rege subiectos. Tunc vniuersi flentes, regem ad eunt, orant supplicijs suis potius saturet se, quā contumelijs. Qua modestia obtinuerunt ut XL millia militum veteranorum exaustra-

raret. Sed & ex amicis dimissi senes Polyperchon, Clytus, Gorgias, Polydamas, Amadas, Antigenes. Dimissis his, Craterus præponitur, iussus præesse Macedonibus in Antipatri locum, Antipatrumque cum supplemento tyronum in locum eius euocat: stipendia reuertentibus, veluti militantibus, data. Dum hæc aguntur, vnus ex amicis eius Ephæstion decedit, dotibus primo formæ pueritiæque, mox obsequijs regi percarus, quem contra decus regum, Alexander diu luxit, tumulumque ei XII. millium talentum fecit, eumque post mortem, coli vt deum iussit. Ab vltimis littoribus Oceani Babyloniam, reuertenti, nuntiatur legationes Carthaginiensium, cæterarumque Africæ ciuitatum, sed & Hispaniarum, Siciliæ, Galliæ, Sardinia, nonnullas quoque ex Italia eius aduentum Babyloniam opperiri. Adeo vniuersum terrarum orbem nominis eius terror inuaserrat, vt cunctæ gentes, veluti destinato sibi regi adularentur. Hac igitur ex causa Babyloniam festinanti, velut conuentum terrarum orbis acturo, quidam ex Magis prædixit, ne urbem introiret, testatus hunc locum ei fatalem fore. Ob hoc omiſſa Babyloniam in Bursiam urbem trans Eufraten, desertam olim, concessit. Ibi ab Anaxarcho philosopho compulsus est rursus Magorum prædicta, contemnere, vt falsa & incerta, & si satis consentiant, ignara mortalibus, at si naturæ debeantur, immutabilia. Reuersus igitur Babyloniam, multis diebus otio datis, intermissum olim

olim conuiuium solenniter instituit; totusque in letitiam effusus, cum diei noctem peruigilem iunxisset, recedentem iam è conuiuium medicus Thessalus, instaurata comestatione, & ipsum & sodales eius inuitat. Accepto poculo, media portione repente velut telo confixus, ingemuit, elatusque è conuiuium semianimis tanto dolore cruciatus est, ut ferrum in remedia posceret, tactumque hominum velut vulnera indolesceret. Amici causas morbi, intemperiem ebrietatis diffeminauerunt. Res autem vera insidiae fuerunt, quarum infamiam successorum potentia oppressit. Auctor insidiarum Antipater fuit, qui cum carissimos amicos eius interfectos videret; Alexandrum Lyncistarum generum suum occisum; se magnis rebus in Graecia gestis, non tam gratum apud regem, quam inuidiosum esse; à matre quoque eius Olympiade varijs se criminationibus vexatum: Huc accedebant ante paucos dies, supplicia in praefectos deuictarum nationum, crudeliter habita. Ex quibus rebus se quoque à Macedonia non ad societatem militiae, sed ad poenam euocatam arbitrabatur. Igitur ad occupandum regem, Cassandrum filium dato veneno subornat, qui cum fratribus Philippo & Iolla ministrare regi solebat: cuius veneni tanta vis fuit, ut non aere, non ferro, non testa contineretur, nec aliter ferri, nisi in ungula equi potuerit, praemonito filio, ne alij quam Thessalo, & fratribus crederet. Haec igitur ex causa, apud Thessalum

paratum, repetitumque conuiuium est. Philippus & Iollas prægustare, ac temperare potum regis soliti, in aqua frigida venenum habuerunt, quam prægustatæ iam portioni supermiserunt. Quarto die Alexander indubitatam mortem sentiens, agnoscere se fatum domus maiorum suorum ait: nam, plerosque Æacidarum intra trigesimum annum defunctos. Tumultuantes deinde milites, insidijsque perire regem suspicantes, ipse sedauit; eosque omnes, cum prolatus in editissimum vrbs locum esset, ad conspectum suum admisit, osculandamque dextram suam flentibus porrexit. Cum lacrymarent omnes, ipse non sine lacrymis tantum, verum etiam sine vlllo tristioris mentis argumento fuit, vt quosdam impatientius dolentes consolatus sit, quibusdani mandata ad parentes eorum dederit: adeo sicuti in hostem, ita & in mortem inuictus animus fuit. Dimissis militibus, amicos circumstantes percontatur, videantur ne similem sibi reperturi regem? Tacentibus cunctis, tunc ipse, vt hoc nesciat, ita illud scire, vaticinarique se, ac pene oculis videre dixit, quantum sit in hoc certamine sanguinis fusura Macedonia, quantis cadibus, quo cruore mortuo sibi parentatura. Ad postremum, corpus suum in Hammonis templo condi iubet. Cum deficere eum amici viderent, quærun, quem imperij faciat heredem: Respondit, DIGNISSIMUM. Tanta illi magnitudo animi fuit, vt cum Herculem filium, cum fratrem,

Ari-



Aridæum, cum Roxanem vxorem prægnantem relinqueret, oblitus necessitudinum, dignissimum nuncuparet hæredem. Prorsus quasi nefas esset, viro forti alium quam virum fortem succedere, aut tanti regni opes alijs, quam probatis relinqui. Hac voce velut bellicum inter amicos cecinisset, aut malum discordiæ misisset, ita omnes in æmulationem confurgunt, & ambitione vulgi tacitum fauorem militum quærunt. Sexta die, præclusa voce, exemptum digito anulum Perdicæ tradidit: quæ res gliscentem amicorum dissensionem sedauit. Nam etsi non voce nuncupatus hæres, iudicio tamen electus esse videbatur. Decessit Alexander mensem vnum, annos tres & triginta natus, vir supra humanam potentiam magnitudine animi præditus. Qua nocte eum mater Olympias concepit, visa per quietem est cum ingenti serpente volutari: nec decepta somnio est: nam profecto maius humana mortalitate opus vtero tulit: quam cum Æacidarum gens ab vltima sæculorum memoria, & regna patris, fratris, mariti, ac deinceps maiorum omnium illustrauerint, nullius tamen nomine quam filij, clarior fuit. Prodigia magnitudinis eius in ipso ortu nonnulla apparuere: nam ea die qua natus est, duæ aquilæ tota die præpetes supra culmen domus patris eius sederunt, omen duplicis imperij, Europæ Asiæque præferentes: eadem quoque die nuntium pater eius duarum victoriarum accepit, alterius belli Illyrici, alte-

rius certaminis Olympici, in quod quadrigarum currus miserat: quod omen vniuersarum terrarum victoriam infanti portendebat. Puer acerrimis litterarum studijs eruditus fuit. Exacta pueritia per quinquennium sub Aristotele, doctore inclyto omnium philosophorum, creuit. Accepto deinde imperio regem se terrarum omnium ac mundi appellari iussit: tantamque fiduciam suis militibus fecit, vt illo præsente nullius hostis arma, nec inermes, timerent. Itaque cum nullo hostium vnquam congressus est, quem non vicerit, nullam urbem obsedit, quam non expugnauerit, nullam gentem adiit, quam non calcauerit. Victus denique ad postremum est, non virtute hostili; sed infidijs suorum, & fraude ciuili.

### L I B E R X I I I.

**E**Xtincto in ipso ætatis, ac victoriarum flore Alexandro Magno, triste apud omnes, tota Babylone silentium fuit. Sed nec denictæ gentes fidem nuntio habuerant, quod vt inuictum regem, ita immortalem esse crediderant: recordantes, quoties præsenti morte ereptus esset; quam saepe pro amisso, repente se non sospitem tantum suis, verum etiam victorem obtulisset. Vt vero mortis eius fides adfuit, omnes barbaræ gentes paulo ante ab eo deuictæ, non vt hostem, sed vt parentem luxerunt. Mater quoque Darij regis, quam amisso filio, à fastigio tæ-  
maie-

maiestatis in captiuitatem redactam, indulgentia victoris, in eam diem vitæ non poenituerat, audita morte Alexandri, mortem sibi ipsa consciuit, non quod hostem filio præferret, sed quod pietatem filij in eo, quem vt hostem timuerat, experta esset. Contra Macedones versa vice, non vt ciuem, ac tantæ maiestatis regem, verum vt hostem amissum, gaudebant, seueritatem nimiam, & assidua belli pericula execrantes. Huc accedebat, quod principes regnum & imperia, vulgus militum thesauros, & grande pondus auri, velut inopinatam prædam spectabant: illi successionem regni, hi opum, ac diuitiarum hereditatem cogitantes. Erant enim in thesauris quinquaginta millia talentum, & in annuo vectigali tributo, tricena millia. Sed nec amici Alexandri frustra regnum spectabant: nam eius virtutis ac venerationis erant, vt singulos reges putares. Quippe ea formæ pulchritudo, & proceritas corporis, virium ac sapientiæ magnitudo in omnibus fuit, vt qui eos ignoraret, non ex vna gente, sed ex toto terrarum orbe electos iudicaret; neque enim vnquam ante Macedonia, vel vlla gens alia, tam clarorum virorum prouentu floruit: quos primo Philippus, mox Alexander tanta cura legerat, vt non tam ad societatem belli, quam in successionem regni, electi viderentur. Quis igitur miretur, talibus ministris, orbem terrarum victum cum exercitus Macedonum tot non ducibus, sed regibus regeretur? qui nunquam sibi reperissent

sent pares, si non inter se concurrissent: multosque Macedonia pro vno Alexandro habuisset, nisi fortuna eos æmulatione virtutis in perniciem mutuam armasset. Cæterum occiso Alexandro non vt læti, ita & securi fuere, omnibus vnum locum competentibus, nec minus milites quam inuicem se timebant, quorum & libertas solutio, & fauor incertus erat. Inter ipsos vero æqualitas discordiam augebat, nemine tantum ceteros excedente, vt ei aliquis se summitteret. Armati itaque in regiam coeunt, ad firmandum rerum præsentium statum. Perdicca censet Roxanis expectari partum, quæ exacto mense octauo, matura iam ex Alexandro erat, & si puerum peperisset, hunc dari successorem patri. Melager negat differendum in partus dubios, consiliumque expectandum dum reges nascerentur, cum iam genitis vti liceret: seu puer illis placeat, esse Pergami filium Alexandri natum ex Barsine, nomine Herculem, seu mallet iuuenem, esse in castris fratrem Alexandri Aridaum comem, & cunctis non suo tantum, verum & patris Philippi nomine acceptissimum. Cæterum Roxanem esse originis Persæ, nec esse fas, vt Macedonibus ex sanguine eorum, quorum regna deleuerint, reges constituentur: quod nec ipsam Alexandrum voluisse dicit. Denique morientem nullam de eo mentionem habuisse. Ptolemæus recusabat regem Aridaum, non propter maternas modo sordes, quod ex Larissæo scorto pasceretur, sed etiam propter

valetudinem maiorem, quam patiebatur, ne ille nomen regis, alius imperium teneret: melius esse ex his legi, qui pro virtute regis suo proximi fuerint, qui prouincias regant, quibus bella mandentur, quam sub persona regis indignorum subijciantur imperio. Vicit Perdiccæ sententia, consensu vniuersorum. Placuit itaque Roxanis expectari partum, & si puer natus fuisset, tutores Leonatum & Perdiccam, & Crateron, & Antipatrum, constituunt, confestimque in tutorum obsequia iurant. Cum equites quoque idem fecissent, pedites indignati, nullas sibi consiliorum partes relictas, Aridæum Alexandri fratrem regem appellant, satellitesque illi ex tribu sua legunt, & nomine Philippi patris vocari iubent. Quæ cum nuntiata equitibus essent, legatos ad mitigandos eorum animos, duos ex proceribus Attalum & Meleagrum mittunt, qui potentiam ex vulgi adulatione quærentes, omiſſa legatione, militibus consentiunt. Statim & seditio creuit, vbi caput & consilium habere cepit. Tunc ad delendum equitatum cuncti armati in regiam irrumpunt: quo cognito, equites trepidi ab vrbe discedunt, castrisque positis, & ipsi pedites terreri cœperunt. Sed nec procerum inter se odia cessabant. Attalus ad interficiendum Perdiccam ducem partis alterius, mittit: ad quem armatum, & vltro vocantem, cum accedere percussiones ausi non fuissent, tanta constantia, Perdiccæ fuit, vt vltro ad pedites veniret,

ret & in concionem vocates edoceret, quod facinus molirentur, respicerent contra, quos arma sumpsissent; non illos Persas, sed Macedonas; non hostes, sed ciues esse, plerosque etiam cognatos eorum, certe commilitones eorundem castrorum, ac periculorum socios; edituros deinde egregium hostibus suis spectaculum, vt quorum armis victos se doleant, eorum mutuis cædibus gaudeant, parentaturosque sanguine suo manibus hostium à se intersectorum. Hæc cum pro singulari facundia sua Perdicca perorasset, adeo mouit pedites, vt probato consilio eius, dux ab omnibus legeretur. Tum equites in concordiam reuocati, in Aridæum regem consentiunt. Seruata est portio regni Alexandri filio si natus esset. Hæc agebant, posito in medio corpore Alexandri, vt maiestas eius testis decretorum esset. His ita compositis, Macedoniæ & Graciæ Antipater præponitur: Regiæ pecuniæ custodia Cratero traditur: Castrorum, & exercitus, & rerum cura Meleagro, & Perdiccæ assignatur: iubeturque Aridæus Rex, corpus Alexandri in Hammonis templum deducere. Tunc Perdicca insensu seditiois auctoribus, repente ignaro collega, Iustrationem castrorum propter mortem regis, in posterum edicit. Postquam armatum exercitum in campo constituit, consentientibus vniuersis, euocatos, dum transit, de singulis manipulis seditiosos, supplicio tradi occulte iubet. Reuersus inde, inter



ter principes prouincias diuidit, simul vt & remoueret æmulos, & munus imperij, beneficij sui faceret. Primo Ptolemæo Ægyptus, & Africa, Arabiaque pars forte venit, quem ex gregario millite Alexander virtutis causa prouexerat: cui ad tradendam prouinciam Cleomenes, qui Alexandriam ædificauerat, datur. Confinem huic prouinciæ Syriam Laomedon Mitylenæus, Ciliciam Philotas, Phyllo Illyrios accipiunt. Mediæ maiori Acropatos, minori socer Perdiccæ præponitur. Susiana gens Scyno, Phrygia maior Antigono Philippi filio assignatur. Lyciam & Pamphiliam Nearchus, Cariam Cassander, Lydiam Menander fortitiuntur. Leonato minor Phrygia euenit, Thracia & regiones Pontici maris Lyfimacho: Cappadocia cum Paphlagonia Eumeni data. Summus castrorum tribunatus Seleuco Antiochi filio cessit. Stipatoribus regis satellitibusque Cassander filius Antipatri præficitur. In Bactriana vltiore, & Indiæ regionibus, priores præfecti retenti. Terras inter annes Hydaspem & Indum, Taxiles habebat. In colonias in Indis conditas Phyton Agenoris filius mittitur. Parapamenos, fines Caucaſi montis, Extarches accepit. Aracossi, Gédrosique Sibyratio traduntur: Drancæ & Arei Statanori: Bactrianos Amyntas fortitur, Sogdianos Scythæus, Nicanor Parthos, Philippus Hyrcanos, Phratafernes Armenios, Tlepomelus Persas, Peucestes Babylonios, Archos

chos Pelasgos, Archefilaus Mesopotamiam. Cum hæc diuifio, veluti fatale munus singulis contigiffet, iam magna incremento- rum materia plurimis fuit. Siquidem non magno post tempore, quasi regna, non præfecturas diuiffiffent, fic reges ex præfectis facti, magnas opes non fibi tantum paraue- runt, verumetiam posteris reliquerunt. Dum hæc in Oriente aguntur, in Græcia Athenienses, & Ætoli bellum, quod iam viuo Alexandromouerant, fummis viribus inftuebant. Causæ belli erant, quod reuerfus ab India Alexander, epiftolas in Græciam fcripferat, quibus omnium ciuitatum exules, præter cædis damnati, reftitueban- tur. Quæ recitata præfente vniuerfa Græcia, in mercatu Olympiaco, magnos motus fecerunt, quod plurimi non legibus pulsi pa- tria, fed per factionem principum fuerant, verentibus ijsdem principibus, ne reuocati potentiores in republica fierent. Palam igitur iam tunc multæ ciuitates, libertatem, bello vindicandam, fremebant. Principes tamen omnium Athenienses, & Ætoli fue- re. Quod cum nuntiatum Alexandro effet, mille naues longas focijs imperari præcepe- rat, quibus in Occidente bellum gereret, excursurusque cum valida manu fuerat ad Athenas delendas. Igitur Athenienses con- tracto XXX. millium exercitu, & CC. na- uibus, bellum cum Antipatro, cui Græcia forte euenerat, gerunt, eumque detectan- tem prælium, & Heracleæ vrbs mœnibus

tuen-

tuentem se, obsidione cingunt. Eodem tempore, Demosthenes Atheniensis orator, pulsus patria, ob crimen accepti ab Harpalo auri, qui crudelitatem Alexandri fugerat, quod ciuitatem in eiusdem Alexandri bellum impelleret, forte Megaras exulabat: qui vt missum ab Atheniensibus Hyperidem legatum cognouit, qui Peloponneses in societatem armorum sollicitaret, sequutus eum Sicyon, Argos & Corinthum, ceterasque ciuitates, eloquentia sua Atheniensibus iunxit. Ob quod factum, missa ab Atheniensibus obuiam naue, ab exilio reuocatur. Interim in obsidione Antipatri, Leosthenes dux Atheniensium, talo è muris in transeuntem iacto, occiditur. Quæ res tantum animorum Antipatro dedit, vt etiam vallum rescindere auderet. Auxilium deinde à Leonato per legatos petit: qui cum venire cum exercitu nuntiatus esset, obuij ei Athenienses cum instructis copijs fuere, ibique equestri prælio, graui vulnere ictus extinguitur. Antipater, tametsi auxilia sua videret victa, morte tamen Leonati lætatus est: quippe & æmulum sublatum, & vires eius accessisse sibi gratulabatur. Statim igitur exercitu eius recepto, cum par hostibus etiã prælio videretur, solutus obsidione, in Macedoniam concessit. Græcorum quoque copiarum, finibus Græciæ hoste pulso, in vrbes dilapsæ. Interea Perdicca, bello Ariarathi regi Cappadocum illato, prælioq; victor, nihil præmij præter vulnera, & pericula retulit:

Quippe

Quippe hostes ab acie in urbem recepti ,  
occisis coniugibus , & liberis , domos quis-  
que suas cum omnibus copijs incenderunt :  
Eodem congestis etiam seruitijs , & semet-  
ipsos præcipitant , vt nihil hostis victor sua-  
rum rerum , præter incendij spectaculo  
frueretur . Inde , vt viribus auctoritatem  
regiam acquireret , & nuptias Cleopatraz ,  
sororis Alexandri Magni , alterius Alexan-  
dri quondam vxoris , non aspernante ,  
Olympiade matre eius , intendit . sed  
prius Antipatrum , sub affinitatis obtentu ,  
capere cupiebat . Itaque fingit se in matri-  
monium filiam eius petere , quo facilius ab  
eo supplementum tyronum ex Macedonia  
obtineret . Quem dolum præsentiente An-  
tipatro , dum duas eodem tempore vxores  
quærit , neutram obtinuit . Post hæc bel-  
lum inter Antigonom & Perdiccam oritur .  
Antigono Craterus & Antipater auxilium  
ferebant ; qui facta cum Atheniensibus pa-  
ce , Polyperchonta Græciæ & Macedoniæ  
præponunt . Perdicca , alienatis rebus ,  
Aridæum , & Alexandri Magni filium in  
Cappadocia , quorum cura illi mandata  
fuerat , de summa belli in consilium adhi-  
bet . Quibusdam placebat bellum in Mace-  
doniam transferri , ad ipsum fontem & ca-  
put regni , vbi & Olympias esset mater Ale-  
xandri , non mediocre momentum partium ,  
& ciuium fauor , propter Alexandri , Phi-  
lippique nomina : sed in rem visum est ab  
Ægypto incipere , ne in Macedoniam pro-  
fectis ,

fectis, Asia à Ptolemæo occuparetur. Eumeni, præter prouincias, quas acceperat, Paphlagonia, & Caria, & Lycia & Phrygia adiunctione. Ibi Craterum & Antipatrum opperiri iubetur: adiutores ei dantur cum exercitibus frater Perdicæ Alcetas, & Neoptolemus. Clito iura classis traditur: Cilicia Philotæ adempta, Philoxeno datur: ipse Perdicca Ægyptum cum ingenti exercitu petit. Sic Macedonia, in duas partes discurrentibus ducibus, in sua viscera armatur; ferrumque ab hostili bello in ciuilem sanguinem vertit, exemplo furentium manus ac membra sua ipsa casura. Sed Ptolemæus in Ægypto, solerti industria, magnas opes parabat: quippe & Ægyptios insigni moderatione in fauorem sui sollicitauerat; & reges finitimos beneficijs, obsequijsque deuinxerat; terminos quoque imperij, acquisita Cyrene vrbe, ampliauerat; factusque iam tantus erat, ut non tam timeret hostes, quam timendus ipse hostibus esset. Cyrene autem condita fuit ab Aristæo, cui nomen Battos propter linguæ obligationem fuit. Huius pater Carnus, rex Theramenis insulæ, cum ad oraculum Delphos, propter dedecus adolescentis filij nondum loquentis, deum deprecaturus venisset, responsum accepit, quo iuebatur filius eius Battus Africam petere, & urbem Cyrenem condere; vsu linguæ ibi accepturus. Cum responsum ludibrio simile videretur, propter solitudinem Thera-

Theramensis insulæ, ex qua coloni ad urbem condendam in Africam tam vastæ regionis, proficisci iubebantur, res omissa est. Interiecto deinde tempore, velut contumaces, pestilentia Deo parere compelluntur: quorum tam insignis paucitas fuit, ut vix unam nauem complerent. Cum venissent in Africam, pulsos accolis, montem Cyran, & propter amœnitatem loci, & propter fontis vbertatem occupauere. Ibi Battus dux eorum, linguæ nodis solutis, loqui primum cœpit: quæ res animos eorum, ex promissis dei iam parte percepta, in reliquam spem condendæ urbis accendit. Positis igitur castris opinionem vereris fabulæ accipiunt, Cyrenem eximiam pulchritudinis virginem, à Thessaliæ monte Pelio ab Apolline raptam, perlatamque in eiusdem montis iuga, cuius collem occupauerant, à Deo repletam, quatuor pueros peperisse, Nomium, Aristæum, Authocum, Argæum: missos à patre Speo rege Thessaliæ, qui perquirerent virginem, loci amœnitate captos in iisdem terris cum virgine resedisse. Ex his pueri tres adultos in Thessaliam reuersos, auita regna cepisse. Aristæum in Arcadia late regnasse, eumque primum & apium, & mellis vsum, & lactis ad coagula hominibus tradidisse, solstitialisque ortus sideris primum inuenisse. Quibus auditis, Battus, virginis nomine ex responsis agnito, urbem Cyrenem condidit. Igitur Ptole-

maus



mæus huius vrbs auctus viribus , bellum in aduentum Perdiccæ parabat . Sed Perdiccæ plus odium arrogantia , quam vires hostium nocebant , quam exosi etiam socij , ad Antipatrum gregatim profugiebant . Neoptolemus quoque in auxilium Eumeni relictus , non solum transfugere , verum etiam prodere patrium exercitum voluit . Quam rem cum præsensisset Eumenes , cum proditore decernere , prælio necesse habuit : victus Neoptolemus , ad Antipatrum & Polypercontam profugit ; hisque persuadet , vt continuatis mansionibus , læto ex victoria & securo fuga sua , Eumeni superueniant . Sed res Eumenem non latuit : Itaque insidiæ in insidiatores versæ : & qui securum aggreßuros se putabant , securis in itinere , & peruigilio noctis fatigatis occursum est . In eo prælio Polyperchon occiditur . Neoptolemus quoque cum Eumene congressus , diu mutuis vulneribus acceptis , collatus est ; in summa victus , occumbit . Victor igitur duobus prælijs continuis Eumenes , afflictas partes transitione sociorum paululum sustentavit . Ad postremum tamen Perdicca occiso , ab exercitu hostis cum Phytone & Illyrio , & Alceta fratre Perdiccæ appellatur : bellumque aduersus eos Antigono decernitur .

## L I B E R   X I V .

**E**umenes, ut Perdiccam occisum, se hostem à Macedonibus iudicatum, bellumque Antigono decretum cognouit; ultro ea militibus suis indicauit, ne fama aut rem in maius extolleret, aut militum animos rerum nouitate terreret; simul ut circa se animati essent cognosceret, sumpturus consilium ex motu vniuersorum. Constanter tamen præfatus est, si cui hæc terrori essent, habere eum discedendi potestatem. Quæ voce adeo cunctos in studium partium suarum induxit, ut ultro illum omnes hortarentur, rescissurosque se ferro decreta Macedonum affirmarent. Tunc exercitu in Ætoliam promotò, pecunias ciuitatibus imperat; recusantes dare, hostiliter diripit. Inde Sardis profectus est ad Cleopatram, sororem Alexandri Magni, ut eius voce centuriones, principesque confirmarentur, existimatuos ibi maiestatem regiam verti, vnde soror Alexandri staret. Tanta veneratio magnitudinis Alexandri erat, ut etiam per vestigia mulierum, fauor sacrati eius nominis quæreretur. Cum reuersus in castra esset, epistolæ totis castris abiectæ inueniuntur: quibus ijs, qui Eumenis caput ad Antigonom detulissent, magna præmia definiebantur. His cognitis, Eumenes vocatis ad concionem militibus, primo gratias agit, quod nemo inuentus esset, qui spem cruenti præmij fidei  
sacra-

sacramento anteponeret: deinde callide subnectit, confictas has à se epistolas ad experiundos suorum animos esse. Cæterum salutem suam in omnium potestate esse; nec Antigonum, nec quemquam ducum sic velle vincere, vt ipse in se exemplum pessimum statuatur. Hoc facto, & in præfenti labantium animos deterruit: & in futurum prouidit, vt si quid simile accidisset, non se ab hoste corrumpi, sed ab duce tentari arbitrarentur. Omnes igitur operam suam certatim ad custodiam salutis eius offerunt. Cum interim Antigonus cum exercitu superuenit, castrisque positus, postera die in aciem procedit. Nec Eumenes moram prælio fecit: qui victus, in munitum quoddam castellum confugit: vbi cum videret, se fortunam obsidionis subiturum: maiorem exercitus partem dimisit, ne aut consensu multitudinis hosti traderetur, aut obsidio ipsa multitudine grauaretur. Legatos deinde ad Antipatrum, quod solus par Antigoni viribus videbatur, supplices mittit: à quo cum auxilia Eumeni missa Antigonus didicisset, ab obsidione recessit. Erat quidem solutus ad tempus metu mortis Eumenes; sed nec salutis, dimisso exercitu, magna spes erat. Omnia igitur circumspicienti optimum visum est, ad Alexandri Magni Argyraspidas inuidum exercitum, & tot victoriarum præfulgentem gloria, decurrere. Sed Argyraspides post Alexandrum

omnes ducēs fastidiebant, sordidam militiam sub alijs, post tanti regis memoriam existimantes. Itaque Eumenes blandimentis agere; suppliciter singulos alloqui; nunc commilitones suos, nunc patronos appellans, periculorum Orientalium socios, nunc refugium salutis suæ, & vnica præsidia commemorans: solos esse, quorum virtute Oriens sit domitus: solos qui militiam Liberi patris, qui Herculis monumenta superarint: per hos Alexandrum magnum factum: per hos diuinos honores, & immortalem gloriam consecutum: orat, vt non tam ducem se, quam commilitonem recipiant, vnumque ex corpore suo esse velint. Receptus hac lege, paulatim imperium, primum monendo singulos, mox quæ perperam facta, erant, blande corrigendo, vsurpat: nihil in castris sine illo agi, nihil administrari sine sollertia illius poterat. Ad postremum cum Antigonum venire cum exercitu nuntiatum esset, compellit eos in aciem descendere. Ibi dum ducis imperia contemnunt, hostium virtute superantur. In eo prælio non gloriam tantum tot bellorum, cum coniugibus & liberis, sed & præmia longa militia, parta, perdiderunt. Sed & Eumenes, qui auctor cladis erat, nec aliam spem salutis reliquam habebat, victos hortabatur. Nam & virtute eos superiores fuisse affirmabat: quippe ab his quinque millia hostium cæsa; & si in bello perstent, ultra hostes pacem, perituros. Damna, quibus se victos putent,  
duo

duo millia mulierū, & paucos infantes & seruitia esse, quæ melius vincendo possint reparare, quam deserendo victoriam. Porro Argyraspides neque fugam se tentaturos dicunt, post damna matrimoniorū, & post coniuges amissas, neq; bellum gesturos contra liberos suos; vltroque eum conuitijs agitant, quod se post tot annos emeritorum stipendiorum, redeuntes domū cum præmijs tot bellorum, ab ipsa missione rursus in nouam militiam, immensaq; bella reuocauerit, & à laribus quodammodo suis & ab ipso limine patriæ abductos, inanibus promissis deceiverit; nunc quoque amissis omnibus felicitis militiæ quæstibus, ne victos quidē in misera & inopi senecta quiescere sinat. Ignaris deinde ducibus, cōfestim ad Antigōnum legatos mittunt, petentes, vt sua reddi iubeat. Is redditurum se pollicetur, si Eumenem sibi tradant. Quibus cognitis, Eumenes cum paucis fugere tentauit: sed retractus, desperatis rebus, cum concursus multitudinis factus esset, petit, vt postremum sibi alloqui exercitum liceret. Iussus ab vniuersis dicere, facto silentio, laxatisque vinculis, prolatam, sicut erat catenatus, manum ostendit: CERNITIS milites, inquit, habitum atque ornamenta ducis vestri, quæ mihi non hostium quisquam imposuit: nam hoc etiam solatio foret. Vos me ex victore victū, vos me ex Imperatore captiuum fecistis, quater intra hunc annum in mea verba iureiurando obstricti estis, & ista omitto: NEQVE enim miseros conuitia decent.

Vnum oro, si propositorum Antigoni in meo capite summa consistit, inter vos me velitis mori. Nam neque illius interest, quemadmodum aut ubi cadam; & ego fuero ignominia mortis liberatus. Hoc si impetro, soluo vos iureiurando, quo toties vos sacramento mihi deuouistis. Aut si ipsos pudet roganti vim adhibere; ferrum huc date, & permittite, quod vos facturos pro imperatore iurastis, imperatorem pro vobis sine religione iurisiurandi facere: Cum non obtineret, preces in iram vertit. At vos, ait, deuota capita, respiciant dii per iuriorum vindices, talesque vobis exitus dent, quales vos ducibus vestris dedistis. Nempe vos iidem paulo ante & Perdicæ sanguine estis aspersi, & in Antipatrum eadem moliri. Ipsum denique Alexandrum, si fas fuisset eum mortali manu cadere, interempturi: quod maximum erat, seditionibus agitastis. Vltima nunc ego perfidorum victima, has vobis diras atq; inferias dico: ut inopes extorresque omne æuum in hoc castrensi exilio agatis, deuorentque vos arma vestra, quibus plures vestros, quam hostium duces absumpsistis. Plenus deinde iræ, custodes suos præcedere ad Antigoni castra cœpit. Sequitur exercitus prodito imperatore suo, & ipse captiuus, triumphumque de se ipso ad victoris sui castra ducit; omnia auspiciæ regis Alexandri, & tot bellorum palmas laureasq; vna secum victori tradentes; & ne quid deesset pompæ, elephanti quoque, & auxilia

Orien-



Orientalia subsequuntur. Tanto pulchrior hæc Antigono, quam Alexandro tot victoriæ fuerunt; ut cum ille Orientem vicerit, hic etiam eos, à quibus Oriens victus fuerat, superauerit. Igitur Antigonus domitores illos orbis exercitui suo diuidit, redditis eorum quæ in victoria ceperat. Eumenem vero verecundia prioris amicitiae, in conspectum suum venire prohibitum, assignari custodibus præcepit. Interea Eurydice, vxor Aridæi regis, ut Polyperchonta à Græcia redire in Macedoniam cognouit, & ab eo arcessitam Olympiadem, muliebri æmulatione percussa, abutens valetudine viri, cuius officia sibi vindicabat, scribit regis nomine Polyperchonti, Cassandro exercitum tradat in quem regni administrationem rex transtulerit: eadem & in Asiam Antigono per Epistolas nuntiat. Quo beneficio deuinctus Cassander, nihil non ex arbitrio muliebris audaciæ gerit. Deinde profectus in Græciam, multis ciuitatibus bellum infert: quarum excidio, veluti vicino incendio territi Spartani, urbem, quam semper armis, non muris defenderant, tum contra responsa factorum & veterum maiorum gloriam, armis diffisi, murorum præsidio, includunt. Tantum eos degenerauisse à maioribus, ut cum multis seculis murus ubi ciuium virtus fuerit, tunc ciues saluos se fore non existimaerint, nisi intra muros laterent. Dum hæc aguntur, Cassandrum à Græcia turbatus Macedonia status domum reuocauit. Nam-

que Olympias mater Alexandri Magni regis, cum ab Epiro in Macedoniam, proficiente Æacida rege Molossorum, veniret, prohiberi que finibus ab Eurydice & Aridæo rege cœpisset; seu memoria mariti, seu magnitudine filij & indignitate rei moti Macedones, ad Olympiadem transire: cuius iussu & Eurydice, & rex occiditur, sex annis post Alexandrum potitus regno. Sed nec Olympias diu regnavit. Nam cum principum passim cædes, muliebri magis, quam regio more fecisset: fauorem suum in odium vertit. Itaque audito Cassandri aduentu, diffisa Macedonibus, cum nuru Roxane & nepote Hercule, in Pydnam urbem concedit. Proficienti Deidamia Æacidæ regis filia, & Thesalonice priuigna, & ipse clara Philippi patris nomine, multæq; aliæ principum matronæ, speciosus magis, quam utilis grex comites fuere. Hæc cū nuntiata Cassandro essent, statim citato cursu Pydnam venit, & urbem obsidione cingit. Cum fame ferroque vrgeretur Olympias, longæ obsidionis tædio, pacta salute, victori se tradidit. Sed Cassander ad concionem vocato populo, sciscitaturus, quid de Olympiade fieri velint, subornat parentes intersectorum, qui sumpta lugubri veste, crudelitatem mulieris accusarent, à quibus accēsi Macedones, sine respectu pristinae maiestatis occidendā decernunt: immemores prorsus, quod per filiū eius, virumque, non solum vitā ipsi inter finitimos tutam habuissent, verū etiam tantas opes imperiumq; orbis

bis quæsisſent. Sed Olympias ubi obſtinatos venire ad ſe armatos vidit, veſte regali, duabus ancillis innixa, ultro obuiam procedit. Qua viſa, percuſſores attoniti fortuna maiestatis prioris, & tot in ea memorię occurrētibus regum ſuorum nominibus, ſubſtiterunt, donec à Caſſandro miſſi ſunt, qui eam confoderent, non reſugientem gladium, nec vulnera, aut muliebriter vociferantem, ſed viro- rum more fortium, pro gloria veteris proſapia morti ſuccumbentem, vt Alexandrum, poſſes etiam in moriente matre cognoſcere. Inſuper exſpirans, capillis & veſte crura contextiſſe fertur, ne quid poſſet in corpore eius indecorum videri. Poſt hæc Caſſander Theſſalonicen, regis Aridæi filiam, vxorem ducit, filium Alexandri cum matre, in arcem Anaphipolitanam cuſtodiendos mittit.

## LIBER XV.

**P**erdicea, & fratre eius Eumene, ac Polyperchonte, ceteriſq; ducibus diuerſę par- tis occiſis, finitum certamen inter ſucceſſores Alexandri Magni videbatur, cum repente inter ipſos victores nata diſcordia eſt: quippe poſtulantibus Ptolemæo & Caſſandro, & Lyſimacho, vt pecunia in præda capta, prouinciæq; diuiderentur; Antigonus negauit ſe in eius belli præmia ſocios admiſſurū, in cuius periculum ſolus deſcenderit. Et vt honeſtum aduerſus ſocios bellum ſuſcipere videretur, diuulgat ſe Olympiadis mortem à Caſſan-  
H 5 dro.

dro interfectæ vlcisci velle, & Alexandri regis suis filium cum matre obsidione Amphipolitana liberare. His cognitis, Ptolemæus & Cassander, inita, cum Lyfimacho & Seleuco societate, bellum terra marique enixe instruunt. Tenebat Ptolemæus Ægyptum cum Africæ parte maiore, & Cyprio, & Phœnice. Cassandro parebat Macedonia cum Græcia. Asiam & partem Orientis occupauerat Antigonus, cuius filius Demetrius, prima belli congressione, à Ptolemæo apud Galaman- vincitur. In quo prælio maior Ptolemæi moderationis gloria, quam ipsius victoriæ fuit. Siquidem & amicos Demetrii non solum, cum suis rebus, verum etiam additis insuper muneribus, dimisit; & ipsius Demetrii priuatum omne instrumentum, ac familiam reddidit, adiecto honore verborum, non se propter prædam, sed propter dignitatem inisse bellum; indignatum, quod Antigonus deuictis diuersæ factionis ducibus, solus communis victoriæ præmia corripuisset. Dum hæc aguntur, Cassander ab Apollonia rediens, incidit in Abderitas, qui propter ranarum muriumque multitudinem, relicto patrio solo, sedes quærebant: veritus ne Macedoniam occuparent, facta pactione, in societatem eos recepit. agrosque ijs vltimos Macedoniæ assignat. Deinde ne Hercules Alexandri filius, qui fere annos quatuordecim excesserat, favore paterni nominis in regnum Macedoniæ vocaretur, occidi eum tacite cum matre Barsine iubet, corporaque eorum terra obrui, ne cædes

caedes sepultura proderetur : & quasi parum facinoris in ipso primum rege, mox in matre eius Olympiade, ac filio admisisset, alterum quoque filium cum matre Roxane pari fraude interficit; scilicet quasi regnum Macedoniae, quod affectabat, aliter consequi, quam scelere non posset. Interea Ptolemæus cum Demetrio nauali prælio iterato congreditur; & amissa classe, hostique concessa victoria, in Ægyptum refugit. Demetrius filium Ptolemæi Leontiscum, & fratrem Menelaum, amicosque eius cum priuati instrumenti ministerio, pari prouocatus antea munere, Ægyptum remittit: & ut appareret eos non odij, sed dignitatis gloria accensos, donis muneribusque inter ipsa bella contendebant. TANTO honestius tunc bella gerebantur, quam nunc amicitiae coluntur. Hac victoria elatus Antigonus, regem se cum Demetrio filio appellari à populo iubet. Ptolemæus quoque, ne minoris apud suos auctoritatis haberetur, rex ab exercitu cognominatur. Quibus auditis, Cassander & Lyfimachus, & ipsi regiam sibi maiestatem vendicauerunt. Huius honoris ornamentis tam diu omnes abstinuerant, quam diu filij regis sui superesse potuerunt. Tanta in illis verecundia fuit, ut cum opes regias haberent, regum tamen nominibus æquo animo caruerint, quod Alexandro iustus heres fuit. Sed Ptolemæus & Cassander, ceterique factionis alterius duces, cum carpi se singulos ab Antigono viderent, dum priuatum singulorum, non commune vniuerso-

rum bellum ducunt, nec auxilium ferre alter alteri volunt, quasi victoria vnus, non omnium foret; per epistolas se inuicem confirmantes, tempus, locum coeundi condicunt, bellumque communibus viribus instruunt. Cui cum Cassander interesse propter finitimum bellum non posset, Lyfimachum cum ingentibus copijs, in auxilium socijs mittit. Erat hic Lyfimachus illustri quidem Macedonia loco natus, sed virtutis experimentis omni nobilitate clarior; quæ tanta in illo fuit, vt animi magnitudine, philosophia ipsa, viriumque gloria omnes, per quos Oriens domitus est, vicerit. Quippe cum Alexander Magnus Callisthenem philosophum, propter salutationis Persicæ interpellatum morem, insidiarum, quæ sibi paratæ fuerant, conscium fuisse iratus finxisset: eumque truncatis crudeliter omnibus membris, abscissisque auribus, ac naso, labijsque, deforme ac miserandum spectaculum reddidisset; insuper cum cane in cauea clausum, ad metum cæterorum circumferret: tunc Lyfimachus audire Callisthenem, & præcepta ab eo virtutis accipere solitus, miseratus tantæ viri, non culpæ sed libertatis pœnas pendentis, venenum ei in remedia calamitatum dedit. Quod adeo ægre Alexander tulit, vt eum obijci ferocissimo leoni iuberet. Sed cum ad conspectum eius concitatus leo impetum fecisset, manum amiculo inuolutam Lyfimachus in os leonis immerfit, arreptaque lingua feram exanimauit. Quod cum nuntia-

tum.



tum regi esset, admiratio in satisfactionem cessit; cariolemque eum propter constantiam tantæ virtutis habuit. Lyfimachus quoque magno animo, regis, veluti parentis contumeliam tulit. Denique omni ex animo huius facti memoria exturbata, postea in India insectanti regi quosdam palantes hostes, cum à satellitum turba, equi sui celeritate desertus esset, solus ei per immensas arenarum moles cursus comes fuit. Quod idem antea Philippus frater eius cum facere voluisset, inter manus regis expirauerat. Sed Lyfimacum defiliens equo Alexander hastæ cuspide ita in fronte vulneravit, ut sanguis aliter cludi non posset, quam diadema sibi demptum rex alligandi vulneris causa capiti eius imponeret. Quod auspiciū primum regalis maiestatis Lyfimacho fuit. Sed & post mortem Alexandri, cum inter successores eius provinciæ diuiderentur, ferocissimæ gentes, quasi omnium fortissimo assignatæ sunt: adeo etiam, consensu vniuersorum, palmam virtutis inter cæteros tulit. Priusquam bellum, inter Ptolemæum, sociosque eius, aduersus Antigonom committeretur, repente ex Asia maiore digressus Seleucus, nouus Antigono hostis accesserat. Huius quoque & virtus clara, & origo admirabilis fuit. Si quidem mater eius Laudice, cum nupta esset Antiocho, claro inter Philippī duces viro, visa est sibi per quietem ex concubitu Apollinis concepisse, gravidamque factam.

menus

munus concubitus anulum à deo accepisse, cuius gemma anchora sculpta esset: iussaque donum filio, quem peperisset, dare. Admirabilem fecit hunc visum, & anulus, qui postera die, eiusdem sculpturæ, in lecto inuentus est, & figura anchoræ, quæ in femore Seleuci nata cum ipso paruulo fuit. Quāobrem Laudice anulum Seleuco eunti cum Alexandro Magno ad Persicam militiam, edocto de origine sua, dedit. Vbi post mortem Alexandri, occupato regno Orientis, urbem condidit, ibique geminæ originis memoriam consecrauit. Nam & urbem ex Antiochi patris nomine, Antiochiam vocauit; & campos vicinos vrbi Apollini dicauit. Originis eius argumentum etiam in posteris mansit: Siquidem filij nepotesque eius anchoram in femore, veluti notam generis naturalem habuere. Multa in Oriente, post diuisionem inter socios regni Macedonici, bella gessit. Principio Babyloniam cepit: inde auctis ex victoria viribus, Bactrianos expugnauit. Transiitum deinde in Indiam fecit, quæ post mortem Alexandri, veluti ceruicibus iugo seruitutis excusso, præfectos eius occiderat. Auctor libertatis Sandrocottus fuerat: sed titulum libertatis post victoriam in seruitutem verterat. Siquidem occupato regno; populum quem ab externa dominatione vindicauerat, ipse seruitio premehat. Fuit hic quidem humili genere natus, sed ad regni potestatem maiestate numinis impulsus. Quippe cum procacitate sua Alexan-

drum

drum regem offendisset, interfici à rege iussus salutem pedum celeritate quæsierat: ex qua fatigatione, cum somno captus iaceret, leo ingentis formæ ad dormientem accessit, sudoremque profluentem lingua ei deterfit, expergefactumque blande reliquit. Hoc prodigio primum ad spem regni impulsus, contractis latronibus, Indos ad nouitatem regni sollicitauit. Molienti deinde bellum aduersus præfectos Alexandri, elephantis ferus infinitæ magnitudinis ultro se obtulit, & veluti domita mansuetudine, eum tergo excepit; duxque belli, & præliator insignis fuit. Sic acquisito regno, Sandrocottus ea tempestate, qua Seleucus futuræ magnitudinis fundamenta iaciebat, Indiam possidebat: cum quo facta pactione Seleucus, compositisque in Oriente rebus, in bellum Antigoni descendit. Adunatis igitur omnium sociorum copijs, prælium committitur: in eo Antigonus occiditur; Demetrius filius eius in fugam vertitur. Sed socij profligato hostili bello, denuo in semetipsos arma verterunt: & cum de præda non conuenirent, iterum in duas factiones deducuntur. Seleucus Demetrio, Ptolemæus Lyfimacho iunguntur. Cassandro defuncto Philippus filius succedit. Sic, quasi ex integro, noua Macedoniæ bella nascuntur.

## LIBER XVI.

**P**ost Cassandri regis, filijq; eius Philippi, continuas mortis, Thessalonice regina, vxor

vxor Cassandri, non magno post tempore, ab  
 Antipatro filio, cum vitam etiam per vbera  
 materna deprecaretur, occiditur. Causa par-  
 riciij fuit, quod post mortem mariti, in di-  
 uisione inter fratres regni, propensior fuisse  
 pro Alexandro videbatur. Quod facinus eo-  
 grauius omnibus visum est, quod nullum,  
 maternæ fraudis vestigium fuit. QV A N-  
 QV A M in parricidio nulla satis ista causa  
 ad sceleris patrocinia prætexi potest. Ob hæc  
 igitur Alexander in ultionem maternæ necis,  
 gesturus cum fratre bellum, auxilium à De-  
 metrii petit, nec Demetrius, spe inuadendi  
 Macedonici regni, moram fecit. Cuius adue-  
 num verens Lysimachus, persuadet genero  
 suo Antipatro, vt malit cum fratre in gra-  
 tiam reuerti, quam paternum hostem in Ma-  
 cedoniam admitti. Inchoatam igitur inter  
 fratres recôciliationem cum præsensisset De-  
 metrius, per insidias Alexandrum interfecit;  
 occupatoque Macedoniæ regno, eadem apud  
 exercitum excusaturus, in concionem vocat.  
 Ibi priorem se petitem ab Alexandro allegat;  
 hæc fecisse se, sed occupasse insidias Regem  
 autem se Macedoniæ, vel ætatis experimentis,  
 vel causis iustiores esse. Patrem enim suum  
 & Philippo regi, & Alexandro Magno socium  
 in omni militia fuisse: liberorū deinde Ale-  
 xandri ministrum, & ad persequendos defe-  
 ctos ducem extitisse. Contra Antipatrum  
 auum horum adolescentiū, amariorem sem-  
 per ministrum regni, quam ipsos reges fuisse.  
 Cassandrum vero patrem extinctorē regiæ  
 domus,

domus, non feminis, nō pueris pepercisse; nec cessasse, quoad omnem stirpem regiē sobolis deleret. Horum scelerum ultionem, quia nequisset ab ipso Cassandro exigere, ad liberos eius translatam. Quamobrem etiam Philippum, Alexandrumque ( si quis manium sensus est) non interfectores suos, ac stirpis suæ, sed ultores eorum Macedonia regnum tenere malle. Per hæc mitigato populo, rex Macedonia appellatur. Lyfimachus quoque cum bello Doricetis regis Thracū premeretur, ne eodem tempore & aduersus eum dimicare, necesse haberet, tradita ei altera parte Macedonia, quæ Antipatro eius genero obuenerat, pacem cum eo fecit. Igitur Demetrius totis Macedonia regni viribus instructus, cum Asiā occupare statuisset, iterato Ptolemæus, Seleucus, & Lyfimachus experti priori certamine, quantæ vires essent concordia, pacta societate, adunatisque exercitibus, bellum aduersus Demetrium transferunt in Europam. His comitem se & belli socium iungit Pyrrhus rex Epiri, sperans, non difficiliter Demetriū amittere Macedoniam posse, quā acquisierat. Nec spes frustra fuit: quippe exercitu eius corrupto, ipsoq; in fugā acto, regnum Macedonia occupauit. Dum hæc aguntur, Lyfimachus generū suum Antipatrum, regnum Macedonia ademptum sibi soceri fraude querentem, interfecit, filiamq; suam Eurydicem querelarū sociam in custodiam tradit: atque ita vniuersa Cassandri domus Alexādro Magno, seu necis ipsius, seu stirpis extinctæ poenas,

nas, partim cade, partim supplicio partim  
 parricidio luit. Demetrius quoque à tot  
 exercitibus circumuentus, cum posset ho-  
 neste mori, turpiter se dedere Seleuco ma-  
 luit. Finito bello, Ptolemæus cum magna  
 rerum gestarum gloria moriturus, contra  
 ius gentium, minimò natu ex filijs, ante  
 infirmitatem, regnum tradiderat, cuiusque  
 rei populo rationem reddiderat: cuius non  
 minor fauor in accipiendo, quam patris in  
 tradendo regno fuerat. Inter cætera patris  
 & filij mutæ pietatis exempla etiam ea res  
 amorem populi iuueni conciliauerat, quod  
 pater regno ei publice tradito, priuatus of-  
 ficiū regi inter satellites fecerat, omnique  
 regno pulchrius regis esse patrem duxerat.  
 Sed inter Lyfimachum & Pyrrhum regem,  
 socios paulo ante aduersus Demetrium,  
 ASSIDVVM inter pares discordiæ malum,  
 bellum mouerat. Victor Lyfimachus, pul-  
 so Pyrrho, Macedoniam occupauerat. Inde  
 Thraciæ, ac deinceps Heracleæ bellum intul-  
 erat: cuius vrbis & initia & exitus admira-  
 biles fuere; quippe Bœotijs pestilentia labo-  
 rantibus oraculum Delphis responderat, co-  
 loniam in Ponti regione sacram Herculi  
 conderent. Cum propter metum longæ ac  
 periculosæ nauigationis, mortem in patria  
 omnibus præoptantibus, res omiſſa eſſet,  
 bellum his Phocenses intulerunt: quorum  
 cum aduersa prælia paterentur, iterato ad  
 oraculum decurrunt; responsum, idem bel-  
 li quod pestilentia remedium fore. Igitur  
 con-



conscripta colonorum manu, in Pontum delati, urbem Herculeam condiderunt. Et quoniam fatorum auspicijs in eas sedes delati erant, breui tempore magnas opes parauere. Multa deinde huius urbis aduersus finitimos bella, multæ etiam domesticæ dissensiones fuere. Inter cætera magnifica vel præcipue illud memorabile fuit. Cum rerum potirentur Athenienses, victisque Persis, Græciæ & Asiæ tributum in tutelam classis descripsissent, omnibus cupide ad præsidium salutis suæ conferentibus; soli Heraclienses ob amicitiam regum Persicorum collationem abnuerant. Missus itaque ab Atheniensibus Lamachus cum exercitu ad extorquendum quod negabatur, dum relictis in littore nauibus, agros Heracliensium populatur, classem cum maiore parte exercitus, naufragio repentinæ tempestatis amisit. Itaque cum neque mari posset amissis nauibus, neque terra auderet, cum parua manu, inter tot ferocissimas gentes reuerti; Heraclienses honestiorem beneficii, quam ultionis occasionem rati, instructos commeatibus auxiliisque dimittunt, bene agrorum suorum populationem impensam existimantes, si quos hostes haberant, amicos reddidissent. Passi sunt inter plurima mala etiam tyrannidem: siquidem cum plebs etiam nouas tabulas, & diuisionem agrorum diuitum impotenter flagigaret, diu re in senatu tractata, cum exitus rei non inueniretur, ad postremum aduersus

sus plebem nimio otio lasciuiantem, auxilium à Timotheo Atheniensium duce, mox ab Epaninonda Thebanorum, petiuere. Vtrisque negantibus, ad Clearchum, quem ipsi in exilium egerant, decurrunt: tanta calamitatum necessitas fuit, ut cui patriam interdixerant, eum ad tutelam patriæ reuocarent. Sed Clearchus exilio facinorosior redditus, & dissensionem populi occasionem inuadendæ tyrannidis existimans, primo tacitus cum Mithridate ciuium suorum hoste colloquitur: & inita societate paciscitur, ut reuocatus in patriam, prodita ei vrbe, præfectus eius constitueretur. Postea autem insidias, quas ciuibus parauerat, in ipsum Mithridatem verterat. Namque cum velut arbiter ciuiliſ discordiæ de exilio reuersus esset, statuto tempore, quo urbem Mithridati traderet, ipsum cum amicis suis cepit, captumque accepta ingenti pecunia dimisit. Atque ut in illo subitum se ex socio fecit hostem, sic ex defensore senatoriæ causæ repente patronus plebis euasit: & aduersus auctores potentiæ suæ, à quibus reuocatus in patriam, per quos in arce collocatus fuerat, non solum plebem accendit, verum etiam nefandissima quæque tyrannicæ crudelitatis exercuit. Igitur populo ad concionem vocato, neque se affuturum amplius grassanti in populum senatui, ait; intercessurum etiam, si in pristina sæuitia perseueret: quod si pares se crudelitati senatorum arbitrarentur, abiturum cum militibus suis, neque ciuili-

uilibus discordijs interfuturum ; si vero diffidant viribus proprijs, vindictæ se ciuium non defuturum . Proinde consulant sibi ipsis, iubeant abire se si malint , vel causæ populari socium remanere. His verbis sollicitata plebs summum ad eum imperium defert ; & dum senatus potentiae irascitur , in seruitutem se tyrannicæ dominationis cum coniugibus & liberis tradit . Igitur Clearchus LX. senatores comprehensos ( nam cæteri in fugam dilapsi erant ) in vincula compingit . Lætari plebs , quod à duce potissimum senatorum, senatus deleberetur, versaque vice , auxilium eorum in exitium conuersum esset . Quibus dum mortem passim omnibus minatur , cariora eorum pretia facit : siquidem Clearchus magna pecunia ( quasi minis populi occulte eos substracturus ) accepta , spoliatos fortunis , vita quoque spoliavit . Cognito deinde , quod bellum sibi ab ijs , qui profugerant , misericordia in auxilium sollicitatis ciuitatibus , pararetur , seruos eorum manu mittit . Et ne quid mali afflictis honestissimis domibus deesset , vxores eorum , filiasque nubere seruis suis, proposita recusantibus morte , compellit ; vt eos sibi fidiore , & dominis infestiores redderet. Sed matronis tam lugubres nuptiæ grauiore , repentinis funeribus fuere . Itaque multæ se ante nuptias , multæ in ipsis nuptijs , occisis prius nouis maritis, interficiunt, & se tam funestis calamitatibus , virtute ingenui pudoris , eripiunt . Prælium deinde committitur ,

tur, quo victor tyrannus captiuos senatores in triumphi modum per ora ciuium trahit. Reuersus in urbem alios vincit, torquet alios, alios occidit; nullus locus urbis à crudelitate tyranni vacat. Accedit sauitiæ insolentia, crudelitati arrogantia: interdum enim ex successu continuæ felicitatis obliuiscitur se hominem; interdum Iouis se filium dicit. Eunti per publicum, aurea aquila velut argumentum generis præferebatur: veste purpurea, & cothurnis regum tragicorum, & aurea corona utebatur: filium quoque suum Ceraunon vocat, vt deos non mendacio tantum, verumetiam nominibus illudat. Hæc illum facere, duo nobilissimi iuuenes Chion & Leonides indignantes, patriam liberaturi, in necem tyranni conspiciunt. Erant hi discipuli Platonis Philosophi, qui virtutem, ad quam quotidie præceptis magistri erudiebantur, patriæ exhibere cupientes, quinquaginta cognatos, veluti clientes, in insidijs locant. Ipsi more iurgantium, ad tyrannum veluti ad regem in arcem contendunt: qui iure familiaritatis admissi, dum alterum priorem dicentem intentus audit tyrannus, ab altero obtruncatur. Sed & ipsi, socijs tardius auxilium ferentibus, à satellitibus obruuntur. Quare factum est, vt tyrannus quidem occideretur, sed patria non liberaretur. Nam frater Clearchi Satorus eadem via tyrannidem inuadit, multisq; annis, per gradus successio- nis, Heracienses sub regno tyrannorum fuere.

## LIBER XVII.

**P**ER idem ferme tempus in Hellesponti & Chersonesi regionibus terræmotus fuit maxime tamen Lyfimachia, vrbs ante duos & viginti annos à Lyfimacho rege condita, euerfa est. Quod portentum dira Lyfimacho, stirpique eius, ac regni ruinam, cum clade vexatarum regionum portendebat. Nec ostentis fides defuit: nam breui post tempore, Agathoclem filium suum, quem in successionem regni ordinauerat, per quem multa bella prospere gesserat, non solum patrium, verumetiam humanum vlti morem, perosus, ministra Arsinoe noberca, veneno interfecit. Hæc illi prima mali labes, hoc initium impendentis ruinæ fuit. Nam parricidium, principum secutæ cædes sunt, luentium supplicia quod occisum iuuenem dolebant. Itaque & hi, qui cædibus superfuerant, & hi, qui exercitibus præerant, certatim ad Seleucum deficiunt: eumque prouinciam ex æmulatione gloriæ, bellum Lyfimacho inferre compellunt. Vltimum hoc certamen commilitonum Alexandri fuit, & velut ad exemplum fortunæ, par reseruatum. Lyfimachus quatuor & LXX. annos natus erat. Seleucus septem & LXX. Sed in hac ætate vtrique animi iuueniles erant, imperijque cupiditatem insatiabilem gerebant. Quippe cum orbem terrarum duo soli couerent, an-

gustijs sibi met inclusi videbantur, vitæque finem non annorum spatio, sed imperij terminis metiebatur. In eo bello Lyfimachus, amissis ante varijs casibus 15. liberis, non instrenue moriens, postremus domus suæ ruinæ cumulus accessit. Lætus tanta victoria Seleucus, & quod maius victoria putabat, solum se de cohorte Alexandri remansisse, victoremque victorum extitisse, non humanum esse opus, sed diuinum munus gloriatur: ignarus prorsus, non multo post fragilitatis humanæ seipsum exemplum futurum. Quippe post menses admodum septem à Ptolemæo, cuius sororem Lyfimachus in matrimonio habuerat, per insidias circumuentus occiditur; regnumque Macedoniæ, quod Lysimacho eripuerat, cum vitæ pariter amittit. Igitur Ptolemæus cum & in gratiam memoriæ magni Ptolemæi patris, & in fauorem vltionis Lysimachi ambitiosus apud populares esset, primo Lysimachi filios conciliare sibi statuit, nuptiasque Arsinoes sororis suæ matris eorum petit, puerorum adoptione promissâ, vt cum in locum patris eorum successisset, nihil illi moliri, vel verecundia matris. vel appellatione patris auderent. Fratris quoque regis Ægypti concordiam per epistolas deprecatur; professus deponere se offensam erepti paterni regni, neque amplius à fratre quæsiturum, quod honestius à paterno hoste perceperit. Omnique arte adulatur Eumeni, & Antigono, Demetrii filijs, Antiocho, filio



filio Seleuci, cum quibus bellum habiturus erat, ne tertius sibi hostis accederet. Sed nec Pyrrhus rex Epiri omisus, ingens momentum futurus, utri parti socius accessisset, qui & ipse spoliare singulos cupiens, omnibus se partibus venditabat. Itaque Tarentinis aduersus Romanos laturus auxilium, ab Antigono naues, ad exercitum in Italiam deportandum, mutuo petit; ab Antiocho pecuniam, qui opibus quam militibus instructior erat; à Ptolemæo Macedonum militum auxilia. Sed Ptolemæus, cui nulla dilationis ex infirmitate virium venia esset, quinque millia peditum, equitum, quatuor millia, elephantos quinquaginta, non amplius, quam in biennij vsum dedit. Ob hæc Pyrrhus, filia Ptolemæi in matrimonium accepta, vindicem cum regni reliquit: ne abducta in Italiam iuuentute, prædam hostibus regnum relinqueret. Sed quoniam ad Epiri mentionem ventum est, de origine regni eius pauca narranda sunt. Molossorum primum in ea regione regnum fuit. Post Pyrrhus Achilles filius amisso per absentiam (Troianis temporibus) paterno regno, in his locis confedit, qui Pyrrhidæ primo, postea Epirotæ dicti sunt. Sed Pyrrhus cum in templum Dodonæi Iouis ad consulendum venisset, ibi Lanassam neptem Herculis rapuit: ex cuius matrimonio octo liberos sustulit. Ex his nonnullas virgines nuptum finitimis regibus tradidit, opesque affinitatum auxilio magnas parauit,

I

atque

atque ita Heleno filio Priami regis, ob industriam singularem, regnum Chaonum, & Andromachen Hectoris, quam & ipse matrimonio suo in diuisione Troianæ prædæ acceperat, vxorem tradidit; breuique post tempore, Delphis, insidijs Orestæ filij Agamemnonis, inter altaria Dei interiit. Successor huic Pialis filius fuit. Per ordinem deinde, regnum ad Arrybam descendit: cui quoniam pupillus & vnicus ex gente nobili superesset, intentiore omnium cura seruandi eius educandique, publice tutores constituuntur; Athenas quoque erudiendi gratia missus, quanto doctior maioribus suis, tanto & gratior populo fuit. Primus itaque leges, & senatum, annuosque magistratus, & reipublicæ formam composuit; & vt à Pyrrho sedes, sic vita cultior populo Arryba statuta. Huius filius Neoptolemus fuit; ex quo nata est Olympias, mater Alexandri Magni, & Alexander, qui post eum regnum Epiri tenuit, & in Italia bello gesto, in Brutijs interiit. Post eius mortem frater Æacides regno successit, qui assiduis aduersus Macedonas bellorum certaminibus populum fatigando, offensam ciuium contraxit, ac propterea in exilium actus, Pyrrhum filium, viuum, admodum paruulum in regno reliquit; qui & ipse cum à populo propter odium patris ad necem quæreretur, furtim subtractus in Illyrios defertur; traditusque est Beroæ, Glauci regis vxori nutriendus, quæ & ipsa generis Æacidarum erat. Ibi cum

eum seu misericordia fortunæ eius, seu infantilibus blandimentis inductus rex, aduersus Cassandrum Macedoniæ regem, qui eum sub belli comminatione deposcebat, diu protexit, addito in auxilium etiam adoptionis officio. Quibus rebus moti Epirotæ, odio in misericordiam verso, annorum XI. eum in regnum reuocauerunt, datis tutoribus, qui regnum vsque ad adultam eius ætatem tuerentur. Adolescens deinde multa bella gessit: tantusque rerum successu haberi cœptus est, vt Tarentinos solus aduersus Romanos tueri posse videretur.

## LIBER XVIII.

**I**gitur Pyrrhus rex Epiri, cum iterata Tarentinorum legatione, additis Samnitium & Lucanorum precibus, & ipsis auxilio aduersus Romanos indigentibus, fatigaretur, non tam supplicum precibus, quam spe inuadendi Italiæ imperij inductus, venturum se cum exercitu pollicetur. In quam rem inclinatum semel animum præcipitem agere cœperant exempla maiorum; ne aut inferior patruo suo Alexandro videretur, quo defensore iidem Tarentini aduersus Bruttios vsi fuerant, aut minores animos magno Alexandro habuisse, qui tam longa à domo militia Orientem subegit. Igitur relicto custode regni filio Ptolemaeo, annos XV. nato, exercitum in portu Tarentino exponit, duobus paruulis filiis, Alexandro & Heleno in sola-

tia longinquæ secum expeditionis adductis : Cuius audito aduentu, Consul Romanus Valerius Laevinus festinâs, vt prius cum eo congrederetur, quàm auxilia sociorum conuenirent, exercitum in aciem educit: Nec rex tamen numero militum inferior esset, certamini morâ fecit. Sed Romanos vincentes iam inusitata ante elephantorum forma stupere primo, mox cedere prælio coegit; victoresque iam noua Macedonum monstra repente vicerunt. Nec hostibus incruenta victoria fuit; nam & ipse Pyrrhus grauitèr vulneratus est, & magna pars militum eius cæsa, maioremq; gloriam eius victoriæ, quam lætitiâ habuit. Huius pugnæ euentum multæ ciuitates secutæ, Pyrrho se tradunt. Inter cæteras etiam Locri, prodito præsidio Romano, ad Pyrrhum deficiunt. Ex ea præda Pyrrhus CC. captiuos milites Romani gratis remisit, vt cognita virtute eius, Romani cognoscerent etiam liberalitatem. Interiectis deinde diebus, cum sociorum exercitus superuenisset, iterato prælium cum Romanis facit, in quo par fortuna priori bello fuit. Interea Mago, dux Carthaginiensium, in auxilium Romanorum cum CXX. nauibus missus, senatum adiit, ægre tulisse Carthaginienses, affirmans quod bellum in Italia à peregrino rege paterentur: Ob quam causam missum se, vt quoniam externo hoste oppugnarentur, externis auxilijs iuuarentur. Gratiæ à senatu Carthaginiensibus actæ, auxiliaque remissa. Sed Mago Punico ingenio, post paucos dies

ta-

tacitus, quasi pacificator Carthaginiensium, Pyrrhum adiit, speculaturus consilia eius de Sicilia, quo eum arcessiri fama erat. Nam Romanis eadem causa mittendi auxilij Carthaginiensibus fuerat, ut Romano bello, ne in Siciliam transire posset Pyrrhus, in Italia detineretur. Dum hæc aguntur, legatus à senatu Romano Fabricius Luscinus missus, pacem cum Pyrrho composuit. Ad quam confirmandam, Cyneas Romam cum ingentibus à Pyrrho donis missus, neminem, cuius domus muneribus pateret, inuenit. Huic continentiae Romanorum simile exemplum, iisdem ferme temporibus fuit. Nam missi à senatu in Ægyptum legati, cum ingentia sibi à Ptolemæo rege missa munera spreuissent, interiectis diebus ad cœnam inuitatis, aureæ coronæ missæ sunt, quas illi honoris causa receptas, postera die statuis regis imposuerunt. Igitur Cyneas cum turbatam cum Romanis pacem ab Appio Claudio renuntiasset, interrogatus à Pyrrho, qualis Roma esset, respondit, REGVM urbem sibi visam. Post hæc legati Siculorum superueniunt, tradentes Pyrrho totius insulæ imperium, quæ assiduus Carthaginiensium bellis vexabatur. Itaque relicto Locris Alexandro filio, firmatisque sociorum ciuitatibus valido præsidio, in Siciliam exercitum traiecit. Et quoniam ad Carthaginiensium mentionem ventum est, de origine eorum pauca dicenda sunt, repetitis Tyrriorum paulo altius rebus, quorum casus etiam dolendi fuerunt. Tyrriorum

gens condita à Phœnicibus fuit, qui terræ-  
motu vexati, relicto patriæ solo, Assyrium  
flagnum primo, mox mari proximum littus  
incoluerunt, condita ibi vrbe, quam à pi-  
scium vbertate Sidona appellauerunt: nam  
piscem Phœnices sidon vocant. Post multos  
deinde annos à rege Ascalaniorum expugna-  
ti, nauibus appulsi, Tyron urbem, ante an-  
num Troianæ cladis, condiderunt: ibi Persa-  
rum bellis diu varieque fatigati, victores  
quidem fuere: sed attritis viribus, à seruis  
suis multitudine abundantibus, indigna sup-  
plicia perpeffi sunt: qui conspuratione facta,  
omnem liberum populum cum dominis in-  
terficiunt: atque ita potiti vrbe, lares domi-  
norum occupant, reipub. inuadunt, coniuges  
ducunt, & quod ipsi non erant, liberos pro-  
creant. Vnus ex tot millibus seruorum fuit,  
qui miti ingenio senis domini, paruulique  
filij eius fortuna moueretur, dominosque  
non truci feritate, sed piæ misericordiæ hu-  
manitate respiceret. Itaque cum velut occi-  
sos alienasset, seruisque de statu reipub. deli-  
berantibus placuisset regem ex suo corpore  
creari, eumque potissimum quasi acceptissi-  
mum dijs, qui solem orientem primus vidis-  
set, rem ad Stratonem (hoc enim ei nomen  
erat) dominum occulte latentem detulit. Ab  
eo informatus, cum medio noctis omnes  
in vnum campum processissent, cæteris in  
Orientem spectantibus, solus Occidentis re-  
gionem intuebatur. Id primum alijs videri  
furor, in occidente solis ortum quærere, &  
vbi



ubi vero dies aduentare cœpit, editissimisque culminibus vrbs oriens splendere ; expectantibus alijs, vt ipsum solem aspicerent , hic primus omnibus fulgorem solis in summo fastigio ciuitatis ostendit. Non seruilis ingenij ratio visa ; requirentibusque auctorem , de domino confitetur. Tunc intellectum est ; **QVANTVM** ingenua seruilibus ingenia præstarent , malitiaque seruos, non sapientia vincere. Igitur venia seni filioque data est , & velut numine quodam reseruatos arbitantes, regem Stratonem creauerunt . Post cuius mortem regnum ad filium , ac deinde ad nepotes transijt . Celebre hoc seruorum facinus metuendumque exemplum toto orbe terrarum fuit. Itaque Alexander Magnus , cum interiecto tempore in Oriente bellum gereret, velut vltor publicæ securitatis, expugnata eorum vrbe , omnes qui prælio superfuerant , ob memoriam veteris cædis crucibus affixit , genus tantum Stratonis inuiolatum seruauit , regnumque stirpi eius restituit , ingenuis & innoxijs incolis insulæ attributis , vt extirpato seruili germine, genus vrbs ex integro conderetur. Hoc igitur modo Tyrij Alexandri auspicijs conditi, parcimonia & labore quærendi cito conualuere . Ante cladem dominorum cum & opibus , & multitudine abundarent , missa in Africam iuuentute , Vticam condidere : cum interim rex Tyri decedit , filio Pygmalione , & Elisâ filia , insignis formæ virgine , heredibus institutis . Sed populus

Pygmalioni admodum puero regnum tradidit. Elissa quoque Acerbæ auunculo suo, sacerdoti Herculis, qui honos secundus à rege erat, nubit. Huic magnæ, sed dissimulatæ opes erant, aurumque metu regis non tectis, sed terræ crediderat: quam rem etsi homines ignorabant, fama tamen loquebatur. Quæ incensus Pygmalion, oblitus iuris humani, auunculum suum, eundemque generum, sine respectu pietatis occidit. Elissa diu fratrem propter scelus auersata, ad postremum dissimulato odio, mitigatoque interim vultu, fugam tacito molitur, assumptis quibusdam principibus in societatem, quibus par odium in regem esse, eandemque fugiendi cupiditatem arbitrabatur. Tunc fratrem dolo aggreditur, fingit se ad eum migrare velle, ne amplius mariti domus, cupidæ obliuionis, grauem luctus imaginem renouaret, neue ultra amara admonitio oculis eius occurrat. Non inuitus Pygmalion verba sororis audiuit, existimans cum ea & aurum Acerbæ ad se venturum. Sed Elissa ministros migrationis à rege missos, nauibus cum omnibus opibus suis prima vespera imponit, prouectaque in altum, compellit eos onera arenæ pro pecunia inuolucris inuoluta, in mare deijcere. Tunc deflens ipsa, lugubrique voce Acerbam ciens; orat, vt libens opes suas recipiat, quas reliquerat, habeatque inferias, quas habuerat causam mortis. Tunc ipsos ministros aggreditur: sibi quidem ait optatam olim mortem, sed illis acer-

acerbos cruciatus, & dira supplicia imminere, qui Acerbæ opes, quarum spe parricidium rex fecerit, avaritiæ tyranni subtraxerint. Hoc metu omnibus iniecto, comites fugæ accepit. Iunguntur & senatorum in eam noctem præparata agmina, atque ita sacris Herculis, cuius sacerdos Acerbas fuerat, repetitis, exilio sedes quarunt. Primus illis appulsus terræ, Cyprus insula fuit: vbi sacerdos Iouis, cum coniuge & liberis, deorum monitu, comitem se Elisæ, sociumque præbuit, pactus sibi posterisque perpetuum honorem sacerdotij: Conditio pro manifesto omine accepta. Mos erat Cypriis, virgines ante nuptias statutis diebus dotalem pecuniam quasituras, in quæstum ad litus maris mittere, pro reliqua pudicitia libamenta Veneri soluturas. Harum igitur ex numero 80 admodum virgines raptas, nauibus imponi Elisæ iubet, vt & iuuentus matrimonia, & vrbs subolem habere posset. Dum hæc aguntur, Pygmalion cognita, sororis fuga, cum impio bello fugientem, persequi pararet, ægre precibus matris, & deorum minis victus, quieuit. cui cum inspirati vates canerent non impune laturum, si incrementa vrbs toto orbe auspiciatissimæ interpellasset, hoc modo spatium respirandi fugientibus datum. Itaque Elisæ delata in Africæ sinum, incolas loci eius, aduentu peregrinorum mutuarumque rerum commercio gaudentes, in ami-

citiam sollicitat : deinde empto loco , qui corio bouis tegi posset , in quo fessos longa nauigatione socios , quoad proficisceretur , reficere posset , corium in tenuissimas partes secari iubet , atque ita maius loci spatium quam petierat , occupat ; vnde postea ei loco Byrsæ nomen fuit . Confluentibus deinde vicinis locorum , qui spe lucri multa hospitibus venalia inferebant ; sedesque ibi statuentibus , ex frequentia hominum velut instar ciuitatis effectum est . Vticensium quoque legati dona vt consanguineis attulerunt ; hortatique sunt , urbem ibi conderent , vbi sedes sortiti essent . Sed & Afros detinendi aduenas amor cepit . Itaque consentientibus omnibus , Carthago conditur , statuto annuo vectigali pro solo urbis . In primis fundamentis caput bubulum inuentum est : quod auspiciū quidem fructuosæ terræ , sed laboriosæ , perpetuoque seruæ urbis fuit : propter quod in alium locum urbs translata . Ibi quoque equi caput repertum , bellicosum potentemque populum futurum significans , urbi auspiciatam sedem dedit . Tunc ad opinionem nouæ urbis concurrentibus gentibus , breui & populus & ciuitas magna facta . Cum successu rerum florentes Carthaginis opes essent , rex Mauritianorum Hiarbas decem Pœnorum principibus ad se arcessitis , Elissæ nuptias sub belli denuntiatione petit ; quod legati reginæ referre metuentes , Punico cum ea ingenio egerunt ; nuntiantes regem aliquem poscere , qui cultiores

tiores victus eum, Afrosque perdoceat, sed quem inueniri posse, qui ad Barbaros & ferarum more viuentes transire à consanguineis velit? Tunc à regina castigati: si pro salute patriæ asperiores vitam recusarent, cui etiam ipsa vita, si res exigat, debeatur: regis mandata aperuere, dicentes, quæ præcipiat alijs, ipsi facienda esse, si velit urbi consultum esse. Hoc dolo capta, diu Acerbæ viri nomine cum multis lachrymis & lamentatione flebili inuocato, ad postremum ituram se quo suæ urbis fata vocarent, respondit. In hoc trium mensium sumpto spatio, pyra in vltima parte urbis exstructa, velut placatura viri manes, inferiasque ante nuptias missura, multas hostias credit, & sumpto gladio pyram conscendit, atque ita populum respiciens, ituram se ad virum, sicut præceperant, dixit, vitamque gladio finiuit. Quandiu Carthago inuicta fuit, pro dea culta est. Condita est urbs hæc 72 annis ante quam Roma, cuius virtus sicut bello clara fuit, ita domi status varijs discordiarum casibus agitata est. Cum inter cætera mala, etiam peste laborarent, cruenta sacrorum religione, & scelere pro remedio vsi sunt. Quippe homines, vt victimas immolabant, & impuberes (quæ ætas etiam hostium misericordiam prouocat) aris admovebant, pacem deorum sanguine eorum exposcentes, pro quorum vita dij rogari maxime solent. Itaque auersis tanto scelere numinibus, cum in Sicilia diu feliciter diuicassent, translato in

Sardiniam bello, amissa maiore exercitus parte, gravi prælio victi sunt. Propter quod ducem suum Maleum, cuius auspicijs & Siciliae partem domuerant, & aduersus Afros magnas res gesserant, cum parte exercitus, quæ superfuerat, exfulare iusserunt. Quam rem ægre ferentes milites, legatos Carthaginem mittunt, qui reditum primo, veniamq; infelicis militiae petant; tum denuntient, quod precibus nequeant, armis se consecuturos. Cum & preces, & minæ legatorum spretæ essent, interiectis diebus, conscensis nauibus, armati ad vibem veniunt: ibi deos, hominesque testari, non se expugnatum, sed recuperatum patriam venire, ostensurosq; ciuibus suis, non virtutem sibi priore bello, sed fortunam defuisse. Prohibitis commeatibus, obsessaque vrbe, in summam desperationem Carthaginenses adduxerunt. Interea Cartalo Malei exulis ducis filius, cum præter castra patris à Tyro, quod decimas Herculi ferre, ex præda Siciliensi, quam pater eius ceperat, à Carthaginensibus missus fuerat, reuerteretur, arcessitusque à patre esset, prius publicæ se religionis officia exsecuturum quam priuæ pietatis, respondit. Quam rem etsi indigne ferret pater, non tamen vim afferre religioni ausus est. Interiectis deinde diebus, Cartalo petito commeatu à populo, cum reuersus ad patrem esset, ornatusque purpura, & insulis sacerdotij, omnium se oculis ingereret, tunc in secretum abducto pater ait, Aususne es, nefan-



nefandissimum caput, ista purpura & auro ornatus, in conspectum tot miserorum civium venire? & moesta ac languentia castra, circumfluentibus quietæ felicitatis insignibus, velut exultabundus intrare? Nusquamne te alijs iactare potuisti? Nullus locus apertior, quam sordes patris, & exilij infelicis ærumnæ fuerunt? Quid, quod paulo ante, vocatus, non dico patrem, ducem certe civium tuorum superbe spreuisti? quid porro tu in purpura ista coronisque aliud, quam victoriarum mearum titulos geris? Quoniam igitur tu in patre nihil nisi exulis nomen agnoscis: ego quoque imperatorem, me magis, quam patrem iudicabo; statuamque in te exemplum, ne quis posthac infelicibus miserijs patris illudat. Atq; ita eum, cum ornatu suo, in altissimam crucem in conspectu urbis suffigi iussit. Post paucos deinde dies Carthaginem capit: euocatoque populo ad concionem, exilij iniuriam queritur: belli necessitatem excusat; contentumque victoria sua, punitis auctoribus miserorum civium, iniuriosi exilij omnibus se veniam dare dicit. Atque ita decem senatoribus interfectis, urbem legibus suis reddidit. Nec multo post ipse affectati regni accusatus, duplicis & in filio & in patria parricidij poenas dedit. Huic Mago imperator successit, cuius industria, & opes Carthaginensium, & imperij fines, & bellicæ gloriæ laudes creuerunt.

## L I B E R XIX.

**M**ago Carthaginiensium imperator , cum primus omnium ordinata disciplina militari , imperium Poenorum condidisset , viresque ciuitatis non minus bellandi arte , quam virtute firmasset , diem , fungitur , relictis duobus filiis Hasdrubale & Hamilcare : qui per vestigia paternæ virtutis decurrentes , sicuti generi , ita & magnitudini patris successerunt . His ducibus Sardinia bellum illatum : aduersus Afros quoque vectigal pro solo urbis multorum , annorum repetentes , dimicatum : sed Afro- rum sicuti causâ iustior , ita & fortuna superior fuit ; bellumque cum his solutione , pecuniæ , non armis finitum . In Sardinia , quoque Hasdrubal grauitèr vulneratus , imperio Hamilcari fratri tradito interijt : cuius mortem , cum luctus ciuitatis , tum , & dictatura vndecim , & triumphus quatuor insignem fecere : hostibus quoque creuere animi , veluti cum duce vires Poenorum cecidissent . Itaq; Siliciæ populis propter assiduas Carthaginiensium iniurias , ad Leonidam fratrem regis Spartanorum concurrentibus , graue bellum natum : in quo & diu , & varia victoria præliatum fuit . Dum hæc aguntur , legati à Dario Persarum rege Carthaginem venerunt , afferentes edictum , quo Poeni humanas hostias immolare , & crimina vesci prohibebantur , mortuorumq; corpora crema-

cremare potius, quam terra obruere à rege iuebantur: petentes simul auxilia aduersus Græciam, cui illaturus bellum Darius erat. Sed Carthaginienses auxilia negantes propter assidua finitimorum bella, cæteris, ne per omnia contumaces viderentur, cupide paruere. Interea Hamilcar bello Siciliensi interficitur, relictis tribus filijs, Imilcone, Hannone, Gisgone. Hasdrubali quoque par numerus filiorum fuit, Annibal, & Hasdrubal, & Sappho. Per hos res Carthaginiensium ea tempestate gerebantur. Itaque & Mauris bellum illatum, & aduersus Numidas pugnatum, & Afri compulsi stipendium vrbs conditæ Carthaginiensibus remittere. Dein cum familia tanta imperatorum grauis liberæ ciuitati esset, omniaque ipsi agerent simul & iudicarent, centum ex numero senatorum iudices deliguntur, qui reuersis à bello ducibus, rationem rerum gestarum exigerent, vt hoc metu ita, in bello imperia cogitarent, vt domi iudicia legesque respicerent. In Sicilia in locum Hamilcaris, imperator Imilco succedit, qui cum nauali terrestrique bello secunda prælia fecisset, multasque ciuitates cepisset, repente pestilentis syderis vi exercitum amisit. Quæ res cum nuntiata Carthagini esset, mœsta ciuitas fuit: omnia vlulatibus, non secus ac si vrbs ipsa capta esset, personabant, clausæ priuatæ domus, clausa dcorum, templa, intermissa omnia sacra, omnia priuata officia damnata, cuncti deinde portam

portam congregantur, egredientesque paucos è nauibus, qui cladi superfuerant, de suis percontantur. Vt vero dubia antea spe, & suspenso metu, incerta orbitatis exspectatione, casus suorum miseris eluxit, tunc toto littore plangentium gemitus, tunc infelicium matrum vlulatus & flebiles querelæ audiebantur. Inter hæc prouedit inops è naui sua imperator, sordida, seruilique tunica discinctus: ad cuius conspectum plangentium agmina iunguntur. Ipse quoque manus ad cælum tendens, nunc sortem suam, nunc publicam fortunam deflet, nunc deos accusat, qui tanta belli decora, & tot ornamenta victoriarum, quæ ipsi dederant, abstulerint; qui captis tot urbibus, totiesque hostibus terrestri naualique prælio victis, exercitum victorem non bello, sed peste deleuerint: deferre se tamen ciuibus suis non modica solatia, quod malis eorum hostes gaudere, non gloriari possent. Quippe cum neque eos qui mortui sunt à se occisos, neque eos qui reuerfi sunt, à se fugatos possint dicere. Prædam quam relictis à se castris abstulerint, qua esse talem, quam velut spoliū victi hostis ostentent; sed quam possessione vacua fortuitis dominorum mortibus, sicuti caduca occuparint. Quod ad hostes pertinet, victores se recessisse, quod ad pestem, victos, nihil tamen se grauius ferre, quam quod inter fortissimos viros mori non potuerit; seruatusque sit non ad vitæ iucunditatem.

tatem , sed ad ludibrium calamitatis ; Quamquam ubi miseras copiarum reliquias Carthaginem reduxerit , se quoque secuturum commilitones suos , ostensurumque patriæ , non ideo se in eam diem vixisse , quoniam velit vivere ; sed ne hos , quibus nefanda lues pepercerat , inter hostium exercitus relictos , morte sua proderet . Tali vociferatione per urbem ingressus , ut ad limina domus suæ venit , persecutam multitudinem velut postremo alloquio dimisit ; obseratisque foribus , ac nemine ad se , ne filijs quidem admissis , mortem sibi consciuit .

## LIBER XX.

**D**ionysius è Sicilia Carthaginienſibus pulsus , occupatoque totius insulæ imperio , graue otium regno suo , periculosaque desidiam tanti exercitus ratus , copias in Italiam traiecit , simul ut militum vires continuo labore acuerentur , & regni fines proferrentur . Prima illi militia aduersus Græcos , qui proxima Italici maris littora tenebant , fuit : quibus deuictis , finitimos quoſque aggreditur , omnesque Græci nominis Italiam possidentes , hostes sibi destinat ; quæ gentes non partem , sed vniuersam ferme Italiam ea tempestate occupauerat . Denique multæ vrbes adhuc post tantam vetustatem vestigia Græci  
moris

moris ostentant . Namque Tuscorum populi , qui oram inferi maris possident , à Lydia venerunt : & Venetos , quos incolas superi maris videmus , capta & expugnata Troia , Antenore duce , misit : Adria quoque Illyrico mari proxima , quæ & Adriatico mari nomen dedit , Græca vrbs est . Arpos Diomedes , exciso Ilio , naufragio in ea loca delatus , condidit . Sed & Pisæ in Liguribus Græcos auctores habent : & in Tuscis , Tarquinij à Theffalis & Spinambris : Perusini quoque originem ab Achæis ducunt . Quid Ceren urbem dicam ? Quid Latinos populos , qui ab Ænea conditi videntur ? Iam Falisci , Nolani , Abelani , nonne Chalcidensium coloni sunt ? Quid tractus omnis Campaniæ ? Quid Brutij , Sabinique ? Quid Samnites ? Quid Tarentini ? quos Lacedæmone profectos , Spuriisque vocatos accepimus ? Thurinorum urbem condidisse Philosteten ferunt , ibique adhuc monumentum eius visitur ; & Herculis sagittæ in Apollinis templo , quæ fatum Troiæ fuere . Metapontini quoque in templo Minervæ ferramenta , quibus Epeus , à quo conditi sunt , equum Troianum fabricavit , ostentant : propter quod omnis illa pars Italiæ maior Græcia appellata est . Sed principio originum Metapontini cum Sybaritanis & Crotoniensibus pellere ceteros Græcos Italia statuerunt . Cum primum urbem Sirim cepissent , inexpugnatione



tionem eius , quinquaginta iuuenes amplexos Mineruæ simulacrum , sacerdotemque deæ velatum ornamentis , inter ipsa altaria trucidauerunt . Ob hæc cum peste & seditionibus vexarentur , priores Crotonienses Delphicum oraculum adierunt . Responsum his est , finem mali fore , si violatum Mineruæ numen , & interfectorum manes placassent . Itaque cum statuas iuuenibus iustæ magnitudinis , & in primis Mineruæ fabricare cœpissent , Metapontini cognito oraculo deorum , occupandam manum & deæ pacem rati , iuuenibus modica & lapidea simulacra ponunt , & deam panificijs placant . Atque ita pestis utrobique sedata est , cum alteri magnificentia , alteri velocitate certassent . Recuperata sanitate , non diu Crotonienses quiescere . Itaque indignantes in oppugnatione Siris auxilium contra se à Locrensis latuini , bellum his intulerunt . Quo metu territi Locrenses , ad Spartanos decurrunt , auxilium supplices deprecantur . Illi longinqua militia grauati , auxilium à Castore & Polluce petere eos iubent . Neque legati responsum sociæ urbis spreuerunt , profectique in proximum templum , facto sacrificio auxilium deorum implorant . litatis hostijs , obtentoque , ut rebantur , quod petebant , haud secus læti , quasi deos ipsos secum aduecturi essent , puluinaria ijs in naui componunt , faustisque profecti ominibus , solatia suis pro  
auxi-

auxilijs deportant . His cognitis , Crotonienses & ipsis legatos ad oraculum Delphos mittunt, victoriæ facultatem, bellicque prosperos euentus deprecantes : responsum, prius votis hostes , quam armis vincendos . Cum vouissent Apollini decimas prædæ , Locrenses & voto hostium , & responso dei cognito , nonas vouerunt ; tacitamque eam rem habuere , ne votis vincerentur . Itaque cum in aciem processissent , & Crotoniensium centum viginti millia armatorum constitissent, Locrenses paucitatem suam circumspicientes ( nam sola quindecim millia militum habebant ) omissa spe victoriæ in destinatam mortem conspirant ; tantusque ardor ex desperatione singulos cepit , vt victores se putarent , si non inulti morerentur . Sed dum mori honeste quarunt, feliciter vicerunt : nec alia causa, victoriæ fuit , quam quod desperauerunt . Pugnantibus Locris , aquila ab acie nunquam recessit , eosque tamdiu circumuolauit , quoad vincerent . In cornibus quoque duo iuuenes diuerso à cæteris armorum habitu , eximia magnitudine , & albis equis , & coccineis paludamentis pugnare visi sunt , nec vltra apparuerunt , quam pugnatum est . Hanc admirationem auxit incredibilis famæ velocitas . Nam eadem die qua in Italia pugnatum est , & Corintho & Athenis , & Lacedæmone nuntiata est victoria . Post hæc  
Croto-

Crotoniensibus nulla virtutis exercitatio , nulla armorum cura fuit . Oderant enim , quæ infelicitèr sumpserant ; mutassentque vitam luxuria , ni Pythagoras philosophus fuisset . Hic Sami Damarato locuplete negotiatore natus , magnisque sapientiæ incrementis ornatus , Ægyptum primo , mox Babyloniam ad perdiscendos siderum motus , originemque mundi spectandam profectus , summam scientiam consequutus erat . Inde regressus , Cretam & Lacedæmona ad cognoscendas Minois & Lycurgi inclytas ea tempestate leges contenderat . Quibus omnibus instructus , Crotonam venit , populumque in luxuriam lapsum , auctoritate sua ad vsum frugalitatis reuocauit . Laudabat quotidie virtutem , & vitia luxuriæ , casusque ciuitatum ea peste perditarum enumerabat , tantumque studium ad frugalitatem multitudinis prouocauit , vt aliquos ex his luxuriatos incredibile videretur . Matronarum quoque separatam à viris doctrinam , & puerorum à parentibus frequenter habuit . Docebat tunc has pudicitiam , & obsequia in viros ; nunc illos modestiam & literarum studium . Inter hæc velut **GENITRICEM** virtutum frugalitatem omnibus ingerebat , consequutusque disputationum assiduitate erat , vt matronæ auratas vestes , cæteraque dignitatis suæ ornamenta velut instrumenta luxuriæ deponerent , eaque omnia delata in Iunonis ædem ipsi

ipsi deæ consecrarent , præ se ferentes  
 V E R A ornamenta matronarum pudici-  
 tiam non vestes esse . In iuuentute quo-  
 que quantum profligatum sit , victi scēmi-  
 narum contumaces animi manifestant . Sed  
 C C C . ex iuuenibus cum sodalitij iure ,  
 sacramento quodam nexi separatam à cæ-  
 teris ciuibus vitam exercerent , quasi cœ-  
 tum clandestinæ coniurationis haberent , ci-  
 uitatem in se conuerterunt , quæ eos , cum  
 in vnā domum conuenissent , cremare  
 voluit . In quo tumultu L X . ferme per-  
 iere , cæteri in exilium profecti . Pytha-  
 goras autem , cum annos X X . Crotonæ  
 egisset , Metapontum migravit , ibique  
 decessit : cuius tanta admiratio fuit , vt  
 ex domo eius templum facerent , eumque  
 pro deo colerent . Igitur Dionysius tyran-  
 nus , quem supra à Sicilia exercitum in  
 Italiam traiecisse , bellumque Græcis in-  
 tulisse memorauimus , expugnatis Lo-  
 cris , Crotonienses vix vires longo otio ex  
 prioris belli clade resumentes , aggredi-  
 tur , qui fortius cum paucis tanto exerci-  
 tui eius , quam antea cum tot millibus  
 Locrensiū paucitati restiterunt . T A N-  
 T V M virtutis paupertas aduersus inso-  
 lentes diuitias habet , tantoque insperata  
 interdum sperata victoria certior est . Sed  
 Dionysium gerentem bellum , legati Gal-  
 lorum , qui ante menses Romam incende-  
 rant , societatem , amicitiamque peten-  
 tes adeunt ; gentem suam inter hostes eius  
 positam

positam esse , magnoque vsui ei futuram ,  
vel in acie bellanti , vel de tergo intentis in  
prælium hostibus affirmant . Grata lega-  
tio Dionysio fuit . Ita pacta societate , &  
auxilijs Gallorum auctus , bellum velut ex  
integrali restaurat . Ijs autem Gallis causa  
in Italiam veniendi , sedesque novas qua-  
rendi , intestina discordia , & assidua do-  
mi dissensiones fuere : quarum radio cum  
in Italiam venissent , sedibus Tuscos ex-  
pulerunt ; & Mediolanum , Comum ,  
Brixiam , Veronam , Bergomum , Tri-  
dentum , Vicentiam condiderunt . Tusci  
quoque , duce Rheto , auitis sedibus amif-  
sis , Alpes occupauere ; & ex nomine ducis  
gentes Rhetorum condiderunt . Sed Dio-  
nysium in Siciliam aduentus Carthaginien-  
sium reuocauit : qui reparato exercitu ,  
bellum , quod lue deseruerant , auctis vi-  
ribus repetebant . Dux belli Hanno Car-  
thaginienfis erat ; cuius inimicus Sunia-  
tus , potentissimus ea tempestate Pœno-  
rum , cum odio eius , Græcis literis ,  
Dionysio aduentum exercitus & segnitiam  
ducis familiariter prænuntiasset , compre-  
hensis epistolis , proditiōis damnatur :  
facto senatusconsulto , ne quis postea Car-  
thaginienfis , aut literis Græcis , aut ser-  
moni studeret ; ne aut loqui cum hoste ,  
aut scribere sine interprete posset . Nec  
multo post Dionysius , quem paulo ante  
non Sicilia , ( non Italia ) capiebat ,  
assiduis belli certaminibus victus , fra-  
ctusque ,

et usque, insidijs ad postremum suorum interficitur.

## LIBER XXI.

**E**Xtincto in Sicilia Dionysio tyranno, in locum eius milites maximum natu ex filijs eius, nomine Dionysium suffecere; & maturam aetatem eius sequuti, & quod firmitus futurum esse regnum, si penes vnum remansisset, quam si portionibus inter plures filios diuideretur, arbitrabantur. Sed Dionysius inter initia regni, auunculos fratrum suorum, velut æmulos imperij sui, hortatoresque puerorum ad diuisionem regni, tollere gestiebat. Quare paulisper dissimulatum animum prius ad fauorem popularium conciliandum intendit; excusatus facturus, quod statuerat, si probatus ante omnibus foret. Igitur nexorum tria millia è carcere dimittit; tributa populo per triennium remittit; & quibuscunque delinimentis potest, animos omnium sollicitat. Tunc ad destinatum facinus conuersus, non cognatos tantum fratrum, sed etiam ipsos fratres interficit: ut quibus consortium regni debebat, ne spiritus quidem consortium relinqueret, tyrannidem in suos prius quam in externos auspicatus. Sublatis deinde æmulis, in segnitiam lapsus, saginam corporis ex nimia luxuria, oculorumque valetudinem contraxit; adeo, ut non solem, non puluerem, non



non denique splendorem ferre lucis ipsius posset . Propter quæ dum contemni se putat , sæuitia grassatur ; nec vt pater carcerem nexis , sed cædibus ciuitatem replet : ob quæ non contemptior omnibus , quam inuisior fuit . Itaque cum bellum aduersus eum Syracusani decreuissent , diu dubitauit , imperium deponeret , an bello resisteret : sed à militibus prædam & vrbis direptionem sperantibus , descendere in prælium cogitur . Victus , cum iterato non felicius fortunam tentasset , legatos ad Syracusanos mittit ; spondens se depositurum tyrannidem , si mitterent ad eum , quibuscum sibi de pace conueniret . In quam rem missos primores , in carcere retinet ; atque ita incautis omnibus , nec quicquam hostile metuentibus , exercitum ad delendam ciuitatem mittit . Fit igitur in ipsa vrbe anceps prælium : in quo oppidanis multitudine superantibus , Dionysius pellitur : qui cum obsidionem arcis timeret , cum omni regio apparatu in Italiam profugit tacitus . Exul à Locrensis socijs exceptus , velut iure regnaret , arcem occupat , solitamque sibi sæuitiam exercet . Coniuges principum ad stuprum rapi iubebat ; virgines ante nuptias abducebat , stuprataeque sponsis reddebat ; locupletissimos quosque aut ciuitate pellebat , aut occidi imperabat , bonaque eorum inuadebat . Dein cum rapinæ occasio deesset , vniuersam ciuitatem callido commento circumuenit . Cum Rheginorum tyranni

K

Leo-

Leophronis bello Locrenses premerentur ,  
vouerant , si victores forent , die festo Ve-  
neris virgines suas prostituerent . Quo vo-  
to intermissio , cum aduersa bella cum Lu-  
canis gererent , in concionem eos Diony-  
sius vocat ; hortatur vt vxores filiasque suas  
in templum Veneris , quam possint orna-  
tissimas mittant : ex quibus sorte ductæ  
centum, voto publico fungantur, religionis-  
que gratia, vno stent in lupanari mense, om-  
nibus ante iuratis viris , ne qui vllam attā-  
minet . Quæ res ne virginibus , voto ci-  
uitatem soluentibus fraudi esset , decretum  
facerent, ne qua virgo nuberet, priusquam  
illæ maritis traderentur . Probato consilio ,  
quo & superstitioni & pudicitæ virginum  
confulebatur , certatim omnes feminae im-  
pensius exornatæ in templum Veneris con-  
ueniunt : quas omnes Dionysius immisis-  
s militibus spoliat, ornamentaq; matronarum  
in prædam suam vertit . Quarundam viros  
ditiores interficit , quasdam ad prodendas  
virorum pecunias torquet . Cum his arti-  
bus per annos sex regnasset , conspiratio-  
ne Locrorum ciuitate pulsus , in Siciliam  
redit . Ibi Syracusas , securis omnibus ,  
post longam intercapedinem pacis , per  
proditionem recepit . Dum hæc in Sicilia  
geruntur , interim in Africa princeps Car-  
thaginensium Hanno opes suas , quibus  
vires reipublicæ superabat , ad occupan-  
dam dominationem intendit , regnumque  
inuadere , interfecto senatu , conatus  
est .

est. Cui sceleri solennem nuptiarum diem  
 filiae suae legit, ut religione votorum ne-  
 fanda commenta facilius tegerentur. Ita-  
 que plebi epulas in publicis porticibus, se-  
 natui in domo sua parat, ut poculis vene-  
 no infectis, secretius senatum, & sine ar-  
 bitris interficeret, orbamque rempubli-  
 cam facilius inuaderet. Qua re magistra-  
 tibus per ministros prodita, scelus decli-  
 natum, non vindicatum est, ne in viro  
 tam potenti plus negotij faceret res cogni-  
 ta quam cogitata. Contenti itaque cohi-  
 buisse, decreto modum nuptiarum sum-  
 ptibus statuunt; idque obseruari non ab  
 vniuersis iubent, ne persona designata,  
 non vitia correcta viderentur. Hoc consi-  
 lio praeventus iterum seruitia concitat,  
 statutaque rursus caedium die, cum denuo  
 se proditum videret, timens iudicium,  
 munitum quoddam castellum cum viginti  
 millibus seruorum armatis occupat. Ibi  
 dum Afros, regemque Maurorum con-  
 citat, capitur, virgisque caesus, effossis  
 oculis, & manibus cruribusque fractis,  
 velut à singulis membris poenae exigeren-  
 tur, in conspectu populi occiditur; corpus  
 verberibus lacerum in crucem figitur. Filij  
 quoque, cognatique omnes, etiam inno-  
 xij, supplicio traduntur, ne quisquam aut  
 ad imitandum scelus, aut ad mortem vici-  
 scendam, ex tam nefaria domo superesset.  
 Interea Dionysius Syracusis receptis cum  
 grauior crudeliorque in dies ciuitati esset,

iterata conspiratione obsidetur . Tunc deposito imperio, arcem Syracusanis cum exercitu tradidit; receptoque priuato instrumento, Corinthum in exilium proficiscitur . Ibi humillima quæque tutissima existimans, in sordidissimum vitæ genus descendit : non contentus in publico vagari sed potare ; nec conspici in popinis , lupanaribusquè , sed totis diebus desidere ; cum perditissimo quoque de minimis rebus disceptare , pannosusque & squalidus incedere , risum libentius præbere, quam captare ; in macello per stare, quod emere non poterat , oculis deuorare ; apud ædiles aduersus lenones iurgari ; omniaque ita facere , vt contemnendus magis , quam metuendus videretur . Nouissime ludimagistrum professus , pueros in triuio docebat , vt aut à timentibus semper in publico videretur , aut à non timentibus facilius contemneretur . Nam licet tyrannicis vitijs semper abundaret , tamen simulatio hæc vitiorum , non naturæ erat ; magisque hæc arte , quam amisso regali pudore faciebat , expertus quam inuisa tyrannorum forent etiam sine opibus nomina . Laborabat itaque inuidiam præteritorum contemptu præsentium demere ; neque honesta , sed tuta consilia circumspiciebat . Interhas tamen dissimulationum artes , insimulatus est affectatæ tyrannidis ; nec aliter quam dum contemnitur liberatus est . Inter hæc Carthaginenses tanto successu rerum Alexandri Magni exterriti , verentes

tes

tes ne Persico regno & Africam vellet adiungere , mittunt ad speculandos eius animos Hamilcarem , cognomento Rhodanum , virum solertia facundiaque præter ceteros insignem . Augebant enim metum & Tyrus vrbs, auctor originis suæ , capta, & Alexandria æmula Carthaginis, in terminis Africæ & Ægypti condita , & felicitas regis , apud quem nec cupiditas , nec fortuna vlllo modo terminabantur. Igitur Hamilcar per Parmenionem aditu regis obtento , profugisse se ad regem expulsam patria fingit , militemque se expeditionis offert . Atque ita consilijs eius exploratis , in tabellis ligneis , vacua desuper cera inducta, ciuibus suis omnia perscribebat . Sed Carthaginenses post mortem regis reuersum in patriam , quasi urbem regi venditasset , non ingrato tantum , verumetiam crudeli animo necauerunt .

## LIBER XXII.

**A** Gathocles , Siciliæ tyrannus , qui magnitudini prioris Dionysij successit , ad regni maiestatem ex humili & sordido genere peruenit . Quippe in Sicilia patre figulo natus , non honestiorem pueritiam , quam principia originis habuit . Siquidem forma , & corporis pulchritudine egregius , diu vitam stupri patientia exhibuit . Annos deinde pubertatis egressus , libidinem à viris ad feminas traiecit .

K 3 Post-

Posthæc apud vtrunque sexum famosus , vitam latrocinij mutauit . Interiecto tempore, cum Syracusas concessisset, accitusque in ciuitatem inter incolas esset , diu sine fide fuit ; quoniam nec infortunis quod amitteret , nec in verecundia quod inquinaret , habere videbatur ; in summa , gregariam militiam fortitus, non minus tunc seditiosa , quam antea turpi vita , in omne facinus promptissimus erat . Nam & manu strenuus , & in concionibus perfacundus habebatur . Breui itaque centurio, ac deinceps tribunus militum factus est . Primo bello aduersus Ætneos magna experimenta [ sui Syracusanis dedit . Sequenti Campanorum , tantam de se spem omnibus fecit , vt in locum ] demortui ducis Damasconis sufficeretur . Cuius vxorem adulterio cognitam , post mortem viri in matrimonium recepit . Nec contentus , quod ex inopè repente diues factus esset , piraticam aduersus patriam exercuit . Salutē ei fuit , quod socij capti tortique , de illo negauerunt . Bis occupare imperium Syracusarum voluit ; bis in exilium actus est . A Murganti- nis , apud quos exulabat , odio Syracusanorum primo prætor , mox dux creatur . In eo bello & urbem Leontinorum capit , & patriam suam Syracusas obsidere cœpit : ad cuius auxilium Hamilcar dux Pœnorum imploratus, depositis hostilibus odijs præsidia militum mittit . Ita vno eodemque tempore Syracusæ, & ab hoste , ciuili amore defensæ ;

sensæ; & à ciue, hostili odio impugnate sunt.  
 Sed Agathocles, cum videret fortius defendi  
 urbem, quam oppugnari, precibus per  
 internuntios Hamilcarem exorat, ut inter se  
 & Syracusanos pacis arbitria suscipiat, pecu-  
 liaria in ipsum officia sua reponittens.  
 Qua spe impletus Hamilcar, societatem cum  
 eo metu potentia eius iungit: ut quantum  
 virium Agathocli aduersus Syracusanos de-  
 disset, tantum ipse ad incrementa domesticæ  
 potentia recipere. Igitur non pax tan-  
 tum Agathocli conciliatur, verumetiam  
 prætor Syracusis constituitur. Tunc Hamil-  
 cari expositis ignibus cereis tactisque, in ob-  
 sequia Pœnorum iurat. Deinde acceptis  
 ab eo quinque millibus Afrorum, poten-  
 tissimos quosque ex principibus interficit:  
 atque ita veluti reipublicæ statum forma-  
 turus, populum in theatrum ad concio-  
 nem vocari iubet, contracto in Gymna-  
 sio senatu, quasi quædam prius ordinatu-  
 rus. Sic compositis rebus, immixtis mi-  
 litibus populum obsidet; senatum truci-  
 dat: cuius peracta cæde, ex plebe quo-  
 que locupletissimos & promptissimos inter-  
 ficit. His ita gestis, militem legit, exer-  
 citumque conscribit: quo instructus,  
 finitimas ciuitates nihil hostile metuen-  
 tes ex improviso aggreditur. Pœnorum,  
 quoque socios, permittente Hamilca-  
 re, fœde vexat; propter quod que-  
 relas Carthaginem socij, non tam de Aga-  
 thocle, quam de Hamilcare detulerunt:



hunc ut dominum & tyrannum , illum ut proditorem arguentes: à quo infestissimo hosti, fortunæ sociorum, interposita pactione, donatæ sint ; sicut ab initio Syracusæ in pignus societatis sint traditæ , vrbs semper Pœnis infesta, & de imperio Siciliæ Carthaginis æmula ; nunc insuper ciuitates sociorum eidem titulo pacis addictas . Denuntiare igitur se hæc breui ad ipsos redundatura, ac propediem sensuros, quântum malum non Siciliæ magis, quam ipsi Africæ attulerint . His querelis senatus in Hamilcarem accenditur . Sed quoniam in imperio esset, tacita de eo suffragia tulerunt ; & sententias prius quam recitarentur, in urnam coniectas obsignari iusserunt, dum alter Hamilcar Gisgonis filius à Sicilia reuertetur . Sed hæc callida commenta Pœnorum & sententias inauditas mors Hamilcaris præuenit ; liberatusque est fati munere, quem sui per iniuriam ciues inauditum damnauerant . Quæ res Agathocli aduersus Pœnos occasionem, mouendi belli dedit . Prima igitur illi cum Hamilcare Gisgonis filio prælij congressio fuit : à quo victus, maiori mole reparaturus bellum , Syracusas concessit . Sed secundi certaminis eadem fortuna, quæ & peioris fuit . Cum igitur victores Pœni Syracusas obsidione cinxissent, Agathocles, cum se neque viribus parem, neque ad obsidionem ferendam instructum videret ; super hæc à socijs crudelitate, eius offensis, desertus esset, statuit bellum

in

in Africam transferre: mira prorsus audacia, ut quibus in solo urbis suæ par non erat, eorum urbi bellum inferret; & qui sua tueri non poterat, impugnaret aliena; victusque victoribus insultaret. Huius consilij non minus admirabile silentium, quam commentum fuit, populo hoc solum professus, inuenisse se victoriæ viam: animos illi tantum in breuem obsidionis patientiam firmarent, vel si cui status præsentis fortunæ displiceret, dare se ei discedendi liberam potestatem. Cum mille sexcenti discessissent, cæteros obsidionis necessitate frumento & stipendio instruit: quinquaginta tantum secum talenta ad præsentem usum aufert, cætera ex hoste melius quam ex socijs paraturus. Omnes deinde seruos, militaris ætatis, libertate donatos sacramento adegit, eosque & maiorem partem ferme militum nauibus imponit, ratus exæquata vtriusque ordinis conditione, mutuum inter eos virtutis æmulationem futuram; cæteros omnes ad tutelam patriæ reliquit. Septimo igitur imperij anno, comitibus duobus adultis filijs, Archagatho & Heraclida, nullo militum sciente quo reheretur, cursum in Africam dirigit. Cum omnes aut in Italiani prædatum se, aut in Sardiniani ituros crederent, tum primum, exposito in Africæ littore exercitu, consilium suum omnibus aperit. Quo in loco Syracusæ positi sint, ostendit: quibus aliud nullum auxilium superesset, quam ut hostibus faciant, quæ ipsi patiuntur. Quippe aliter domi, aliter

foris bella tractari. Domi ea sola auxilia esse, quæ patriæ vires subministrant, foris hostem etiam suis viribus vinci, deficientibus socijs, & odio diuturni imperij externa auxilia circumspicientibus. Huc accedere, quod vrbes, castellaque Africæ non muris cinctæ, non in montibus positæ sint, sed in planis campis, sine vllis munimentis iaceant: quas omnes metu excidij, facile ad belli societatem perlici posse. Maius igitur Carthaginiensibus ab ipsa Africa, quam ex Sicilia, exarsurum bellum, coituraq; auxilia omnium aduersus vnâ urbem, nomine quam opibus ampliorem, & quas non attulerit vires, inde sumpturû. Nec in repentino Pœnorum metu, modicum momentum victoriæ fore, qui tanta audacia hostium perculsi, trepidaturi sint. Accessura & villarum incendia, castellorum, urbiumque contumacium direptionem, tum ipsius Carthaginis obsidionem. Quibus omnibus non sibi tantum in alios, sed & alijs in se sentient patere bella. His non solum Pœnos vinci, sed & Siciliam liberari posse. Nec enim moraturos in eius obsidione hostes, cum sua vrgeantur. Nusquam igitur a libi facilius bellum, sed nec prædam vberior inueniri posse. Nam capta Carthagine omnem Africam Siciliamque præmium victorum fore. Gloriam certe tam honestæ militiæ tantam in omne æuum futuram, vt terminari nullo tempore obliuione possit; vt dicatur eos solos mortalium esse, qui bella, quæ domi ferre non poterant, ad hostes tran-

transfulerint, victique victores infecuti sunt, & obsessores urbis suæ obsederint. Omnibus igitur fortè ac læto animo bellum in-  
eundum, quo nullum aliud possit aut præ-  
mium victoribus vberius, aut victis monu-  
mentum illustrius dare. His quidem adhor-  
tationibus animi militum erigebantur; sed  
terrebat eos portentè religio, quod nauigan-  
tibus eis sol defecerat. Cuius rei rationem  
non minore cura rex quam belli reddebat,  
affirmans, si prius quam proficiscerentur, fa-  
ctum esset, crediturum aduersum profectu-  
ros prodigium esse: nunc quia egressis accide-  
rit, illis ad quos eatur portendere. Porro de-  
fectus naturalium siderum semper præsen-  
tem rerum statum mutare; certumque esse  
florentibus Carthaginiensium opibus, ad-  
uersisque rebus suis commutationem signifi-  
cari. Sic consolatis militibus, vniuersas naues  
consentiente exercitu incendi iubet, vt om-  
nes scirent, auxilio fugæ adempto, aut vin-  
cendum, aut moriendum esse. Deinde cum  
omnia, quacunque ingrederentur, prosterne-  
rent, villas castellaque incenderent, obuius  
eis fuit cum xxx. millibus Pœnorum Han-  
no; sed prælio commissò, duo de Siculis, tria  
millia de Pœnis cum ipso duce cecidere.  
Hac victoria & Siculorum animi eriguntur,  
& Pœnorum franguntur. Agathocles victis  
hostibus, vrbes castellaque expugnat, præ-  
das ingentes agit, hostium multa millia tru-  
cidat. Castra deinde quinto lapide à Cartha-  
gine statuit, vt damna carissimarum rerum,

vastitatemque agrorum, & incendia villarum, de muris ipsius vrbis specularentur. Interea ingens tota Africa deleti Pœnorum exercitus fama, occupatarumque vrbium, diuulgatur. Stupor itaque omnes & admiratio incescit, vnde tanto imperio tam subitum bellum, præsertim ab hoste iam victo: admiratio deinde paulatim in contemptum Pœnorum vertitur. Nec multo post non Afri tantum, verum etiam vrbes nobilissimæ nouitatem secutæ, ad Agathoclem defecere, frumentoq; & stipendio victorem instruxere. His Pœnorum malis etiam deletus in Sicilia cum imperatore exercitus, velut quidam grummarum cumulus accessit. Nam post profectionem à Sicilia Agathoclis, in obsidione Syracusarum Pœni segniores redditæ, ab Antandro fratre regis Agathoclis occisione cæsi nuntiabantur. Itaque cum domi forisque eadem fortuna Carthaginiensium esset, iam non tributariæ tantum ab his vrbes, verum etiam socij reges deficiebant, amicitiarum iura non fide, sed successu ponderantes. Erat inter cæteros rex Cyrenarum Aphellas, qui spe improba regnum totius Africæ amplexus, societatem cum Agathoele per legatos iunxerat, pactusque cum eo fuerat, vt Siciliæ illi, sibi Africæ imperium victis Carthaginiensibus, cederet. Itaque cum ad belli societatem cum ingenti exercitu ipse venisset, Agathocles blando alloquio, & humili adulatione, cum sæpius simul cœnassent, adoptatusque filius eius ab Aphella esset,

incautum interficit : occupatoque exercitu eius , iterato Carthaginienses omnibus viribus bellum cientes , magno vtriusque exercitus sanguine graui prelio superat. Hoc certaminis discrimine tanta desperatio illata Peni est, ut nisi in exercitu Agathoclis orta seditio fuisset, transiturus ad eum Bomilcar, rex Penorum, cum exercitu fuerit. Ob quam noxam in medio foro à Peni patibulo suffixus est: ut idem locus monumentum suppliciorum eius esset, qui ante fuerat ornamentum honorum. Sed Bomilcar magno animo crudelitatem ciuium tulit; adeo ut de summa cruce, veluti de tribunali, in Penorum scelera concionaretur: obiectas illis nunc Hannonem falsa affectati regni inuidia circumuentum; nunc Gisgonis innocentis exilium: nunc in Hamilcarem patrum suum tacita suffragia, quod Agathoclem focium illis facere, quam hostem maluerit. Hæc cum in maxima populi concione vociferatus esset, exspirauit. Interea Agathocles profligatis in Africa rebus, tradito Archagatho filio exercitu, in Siciliam recurrit; nihil actum in Africa existimans, si amplius Syracusæ obsiderentur. Nam post occisum Hamilcarem Gisgonis filium, nouus eo à Peni missus exercitus fuerat. Statim igitur primo aduentu eius omnes Siciliae vrbes, auditis rebus, quas in Africa gesserat, certatim se ei tradunt: atque ita pulsus è Sicilia Peni, totius insulae imperium occupauit. In Africam deinde reuersus, seditione militum

excipitur . Nam stipendiorum solutio in ad-  
 uentum patris dilata à filio fuerat . Igitur ad  
 concionem vocatos, blandis verbis permulsi-  
 stipendia illis non à se flagitanda esse , sed ab  
 hoste quærenda : communem victoriam ,  
 communem prædam futuram ; paulum mo-  
 do anniterentur, dum belli reliquæ peragun-  
 tur , cum sciant Carthaginem captam spes  
 omnium expleturam . Sedato militari tumultu,  
 interiectis diebus, ad castra hostium exer-  
 citum ducit : ibi inconsultius prælium com-  
 mittendo maiorem partem exercitus perdi-  
 dit . Cum itaque in castra fugisset, versamque  
 in se inuidiam temere commissi belli videret ,  
 pristinamque offensam non depensi sti-  
 pendij metueret , concubia nocte solus à ca-  
 stris cum Archagatho filio profugit . Quod v-  
 bi milites cognouere , haud secus quam si ab  
 hoste capti essent , trepidauere : Bis se à rege  
 suo in medijs hostibus relictos esse procla-  
 mantes, salutemque suam desertam ab eo esse ,  
 quorum ne sepultura quidem relinquen-  
 da fuerit . Cum persequi regem vellent , à  
 Numidis excepti, in castra reuertuntur ; com-  
 prehenso tamen , reductoque Archagatho ,  
 qui à patre noctis errore discesserat . Agathocles  
 autem nauibus , quibus reuersus à Sicilia  
 fuerat, cum custodibus earundem Syracu-  
 sas desertur . Exemplum flagitij singulare, rex  
 exercitus sui defector , filiorumque pater  
 proditor . Interim in Africa post fugam re-  
 gis, milites pactione cum hostibus facta , in-  
 terfectis Agathoclis liberis , Carthaginensibus



bus se tradidere. Archagathus cum occideretur ab Archesilao amico antea patris, rogauit eum, quidnam liberis eius facturum Agathoclem putet per quem ipse liberis careat? Tunc respondit, satis habere se, quod superstites eos esse Agathoclis liberis sciat. Post hæc Pœni ad persequendum belli reliquias, duces in Siciliam miserunt, cum quibus Agathocles pacem æquis conditionibus fecit.

## LIBER XXIII.

**A**gathocles rex Siciliæ pacificatus cum Carthaginienſibus, partem ciuitatum à se fiducia virium diſſidentem armis ſubegit. Dein quaſi anguſtis inſulæ terminis clauderetur, cuius imperij partem primis incrementis ne ſperauerat quidem, in Italiam tranſcendit; exemplum Dionyſij ſequutus, qui multas ciuitates Italiæ ſubegerat. Primi igitur hoſtes illi Bruttij fuere, qui & fortiſſimum & opulentiſſimum videbantur, ſimul & ad iniurias vicinorum prompti. Nam multas ciuitates Græci nominis Italia expulerant: auctores quoque ſuos Lucanos bello vicerant; & pacem cum his æquis legibus fecerant. Tanta feritas animorum erat, vt nec originem ſuam parcerent. Namque Lucani iſdem legibus liberos ſuos, quibus & Spartani inſtituere ſoliti erant. Quippe ab initio pubertatis, in ſiluis inter paſtores habebantur, ſine miniſterio ſeruili, ſine veſte quam induerent, vel cui incubarent; vt à primis annis duritiæ, parcimonizque ſine vilo uſu urbis aſluſcerent;

rent. Cibus his præda venatica, potus aut lactis, aut fontium liquor erat. Sic ad labores bellicos indurabantur. Horum igitur ex numero quinquaginta primo ex agris finitimorum prædari soliti, confluente deinde, multitudine, sollicitati præda, cum plures facti essent, infestas regiones reddebant. Itaque fatigatus querelis sociorum Dionysius Siciliæ tyrannus, sexcentos Afros ad compefcendos eos miserat, quorum castellum proditum sibi per Bruttiam mulierem, expugnauerunt; ibique ciuitatem, concurrentibus ad opinionem nouæ vrbis pastoribus, statuerunt: Bruttiosque se ex nomine mulieris vocauerunt. Primum illis cum Lucanis, originis suæ auctoribus, bellum fuit. Qua victoria erecti, cum pacem æquo iure fecissent, cæteros finitimos armis subegerunt, tantasque opes breui consequuti sunt, vt perniciosi etiam regibus haberentur. Denique Alexander rex Epiri, quum in auxilium Græcarum ciuitatum, cum magno exercitu, in Italiam venisset, eum omnibus copijs ab his deletus est. Quare feritas eorum successu felicitatis incensa diu terribilis finitimis fuit. Ad postremum imploratus Agathocles, spe ampliandi regni, à Sicilia in Italiam traiecit. Principio aduentus opinione eius concussi, legatos ad eum, societatemque amicitiamque petentes miserunt. Quos Agathocles ad cœnam inuitatos, ne exercitum transire viderent, in posterum statuta his die consensu nauibus frustratus est. Sed fraudis haud letus euen-

euentus fuit: siquidem reuerti eum in Si-  
 ciliam, interiectis paucis diebus, vis mor-  
 bi coegit, quo toto corpore comprehen-  
 sus, per omnes nervos articulosque humo-  
 re pestifero grassante, velut intestino sin-  
 gulorum membrorum bello impugnabatur.  
 Ex qua desperatione bellum inter filium,  
 nepotemque eius, regnum iam quasi mor-  
 tui vindicantibus oritur: occiso filio, re-  
 gnum nepos occupauit. Igitur Agathocles,  
 cum morbi cura, & ægritudo grauiores es-  
 sent, & inter se alterum alterius malo cre-  
 sceret, desperatis rebus, vxorem suam,  
 Texenam, genitosque ex ea duos paruulos,  
 cum omni pecunia, & familia, regalique  
 instrumento, quo præter illum nemo re-  
 gum ditior fuit, nauibus impositos in  
 Ægyptum, vnde vxorem acceperat, remit-  
 tit, timens, ne prædonem regni sui, hostem  
 paterentur. Quanquam vxor diu ne ab  
 ægro diuelleretur, deprecata est, ne disces-  
 sus suus adiungi nepotis parricidio posset; &  
 tam cruenta hæc deseruisse virum, quam  
 ille impugnasse auum videretur: NVBEN-  
 DO se non prosperæ tantum, sed omnis  
 fortunæ inisse societatem: nec inuitam peri-  
 culo spiritus sui empturam, vt extremos vi-  
 ri spiritus exciperet, & exequiarum offi-  
 cium, in quod profecta se, nemo sit succes-  
 surus, obsequio debitæ pietatis impleret. Di-  
 scedentes paruuli, flebili vlulatu amplexi  
 patrem tenebant. Ex altera parte vxor inari-  
 tum non amplius visura osculis fatigabat.

Nec

Nec minus senis lacrymæ miserabiles erant .  
Flebant ij morientem patrem , ille exules  
liberos ; hi discessu suo solitudinem patris  
agri senis ; ille in spem regni susceptos re-  
linqui in egestate lugebat . Inter hæc regia  
omnis assistentium fletibus tam crudelis di-  
scidij impleta resonabat . Tandem finem  
lacrymis necessitas profectionis imposuit ,  
& mors regis proficiscentes filios insequuta  
est . Dum hæc aguntur , Carthaginienses  
cognitis , quæ in Sicilia agebantur , occa-  
sionem totius insulæ occupandæ datam sibi  
existimantes , magnis viribus eo traiciunt ,  
multasque ciuitates subigunt . Eo tempore  
& Pyrrhus aduersus Romanos bellum gere-  
bat , qui imploratus à Siculis in auxilium ,  
sicuti dictum est , cum Syracusas venisset ,  
multasque ciuitates subegisset , rex Siciliae  
sicuti Epiri appellabatur . Quarum rerum  
felicitate lætus , Heleno filio Siciliae , velut  
auitum ( nam susceptus ex filia Agathoclis  
regis erat ) Alexandro autem Italiae regnum  
destinat . Post hæc multa secunda prælia  
cum Carthaginiensibus facit . Interiecto de-  
inde tempore legati ab Italicis sociis venire ,  
nuntiantes , Romanis resisti non posse , de-  
ditionemque futuram , nisi subueniat . An-  
xius tam ambiguo periculo , incertusque ,  
quid ageret , vel quibus primum subueni-  
ret , in vtrumque pronus consultabat .  
Quippe instantibus hinc Carthaginiensibus ,  
inde Romanis , periculofum videbatur ,  
exercitum in Italiam non traicere , pericu-  
losius

Iosius à Sicilia deducere ; ne aut illi non  
 lata ope, aut hi deserti amitterentur. In  
 hoc æstu periculorum, tutissimus portus  
 consiliorum visus est, omnibus viribus de-  
 cernere in Sicilia : & profligatis Carthagi-  
 niensibus, victorem exercitum transpone-  
 re in Italiam. Itaque conferto prælio,  
 quum superior fuisset, quoniam tamen  
 à Sicilia abiret, pro victo fugere visus est,  
 ac propterea socij ab eo defecerunt ; &  
 imperium Siciliæ tam cito amisit, quam  
 facile quæsierat. Sed nec in Italia meliore  
 felicitate usus, in Epirum reuertitur. Ad-  
 mirabilis vtriusque rei casus in exemplum  
 fuit. Nam sicut ante secunda fortuna, re-  
 bus supra vota fluentibus, Italiæ Siciliæ-  
 quæ imperium, & tot de Romanis victo-  
 rias adstruxerat ; ita nunc aduersa, velut  
 in ostentationem fragilitatis humanæ, de-  
 struens quæ cumulauerat, Siciliensi ruinæ  
 naufragium maris, & foedam aduersus Ro-  
 manos pugnam, turpemque ab Italia  
 discessum adiecit. Post profectionem a Si-  
 cilia Pyrrhi, magistratus Hiero creatur :  
 cuius tanta moderatio fuit, vt consentien-  
 te omnium ciuitatum fauore, dux aduer-  
 sus Carthaginienses primum, mox rex  
 crearetur. Huius futuræ maiestatis ipsa  
 infantis educatio quasi prænuntia fuit :  
 quippe genitus erat patre Hieroclyto, no-  
 bili viro, cuius origo à Gelo, antiquo Si-  
 ciliæ tyranno, manabat ; sed maternum il-  
 li genus sordidum, atque adeo pudibun-  
 dum

dum fuit: nam ex ancilla natus, ac propterea à patre, velut dehoneſtamentum, generis, expoſitus fuerat. Sed paruulum, & humanæ opis egentem, apes, congeſto circa iacentem melle, multis diebus aluerunt. Ob quam rem reſponſo aruſpicum admonitus pater, qui regnum infanti portendi caneſcant, paruulum recolligit, omnique ſtudio ad ſpem maiestatis, quæ promittebatur, inſtituit. Eidem in ludo inter coæquales diſcenti, lupus tabulam, in turba puerorum repente conſpectus, eripuit. Adoleſcenti quoque prima bella ineunti, aquila in clypeo, noctua in haſta conſedit. Quod oſtentum & conſilio cautum, & manu promptum, regemque futurum ſignificabat. Denique aduerſus prouocatores ſæpe pugnavit, ſemperque victoriam reportavit. A Pyrrho rege multis militaribus donis donatus eſt. Pulchritudo ei corporis inſignis, vires quoque in homine admirabiles fuere: In alloquio blandus, in negotio iuſtus, in imperio moderatus, prorſus vt nihil ei regium deſſe, præter regnum videretur.

## LIBER XXIV.

**D**Um hæc in Sicilia geruntur, interim in Græcia diſſidentibus inter ſe bello Ptolemæo Cerauno, & Antiocho, & Antigono regibus, omnes ferme Græciæ ciuitates ducibus Spartanis velut occasione

ne data, ad spem libertatis erectæ, missis inuicem legatis, per quos in societatis fœdera alligantur, in bellum prorumpunt: & ne cum Antigono. sub cuius regno erant, bellum cepisse viderentur, socios eius Ætolos aggrediuntur, causas belli prætendentes, quod consensu Græciæ sacratum Apollini Cirræum campum, per vim occupassent. Huic bello ducem deligunt Arean; qui adunato exercitu vrbes, fataque in his campis posita, depopulatur, quæ auferri non poterant, incendit. Quod cum è montibus conspicati Ætolorum pastores essent, congregati admodum quingenti, sparsos hostes, ignorantesque quanta manus esset, quoniam conspectum illis metus & incendiorum fumus abstulerat, consectantur, trucidatisque admodum nouem millibus, prædones in fugam verterunt. Reparantibus deinde Spartanis bellum, auxilium multæ ciuitates negauerunt, existimantes dominationem eos, non libertatem Græciæ, quærere. Interea inter reges bellum finitur: nam Ptolemæus, pulso Antigono, cum regnum totius Macedoniæ occupasset, pacem cum Antiocho facit; affinitatemque cum Pyrrho, data ei in matrimonium filia sua, iungit. Exinde externo metu deposito impium & facinorosum animum ad domestica scelera conuertit, insidiasque Arsinoe sorori suæ instruit: quibus & filios eius vitam, & ipsam Cassandreæ vrbis possessionem pri-



priuaret. Primus ei dolus fuit, simulato amore, sororis matrimonium petere: aliter enim ad sororis filios, quorum regnum occupauerat, quam concordiae fraude peruenire non poterat. Sed nota scelerata Ptolemæi voluntas sorori erat. Itaque non credenti, mandat velle se cum filijs eius regni consortium iungere: cum quibus non ideo se armis contendisse, quoniam eripere his regnum, sed quod id facere sui muneris vellet. In hoc mitteret arbitrum iurisiurandi: quo præsentē apud Deos patrios, quibus vellet obsecrationibus, se obligaret. Incerta Arsinoe quid ageret: si mitteret, decipi periurio; si non mitteret, prouocare rabiem fraternæ crudelitatis timebat. Itaque plus liberis, quam sibi timens, quos matrimonio suo protecturam se arbitrabatur, mittit ex amicis suis Chodionem: quo perducto in sanctissimum Iouis templum, veterrimæ Macedonum religionis, Ptolemæus sumptis in manus altaribus, contingens ipsa simulacra, & puluinaria deorum, inauditis, vltimisque execrationibus adiurat, se sincera fide matrimonium sororis petere; nuncupaturumque se eam reginam, neque in contumeliam eius se aliam vxorem, aliosue quam filios eius liberos habiturum. Arsinoe postquam & spe impleta est, & metu soluta, ipsa cum fratre colloquitur: cuius vultus, & blandientes oculi, cum fidem non minorem, quam iusiurandum promitterent, reclamante Ptolemæo filio

filio fraudem subesse, in matrimonium fratris concedit: Nuptiæ magno apparatu, lætitiæque omnium celebrantur. Ad concionem quoque vocato exercitu, capiti sororis diadema imponit, reginamque eam appellat. Quo nomine in lætitiâ effusa Arsinoe, quia quod morte Lyfimachi prioris mariti amiserat, recepisset, ultro virum in urbem suam Cassandream inuitat, cuius urbis cupiditate fraus struebatur. Prægressa igitur virum, diem festum urbi in aduentum eius indicit, domos, templa, cæteraque omnia exornari iubet, aras ubique, hostiasque disponi; filios quoque suos, Lyfimachum sexdecim annos natum, Philippum triennio minorem, vtrumque forma insignem, coronatos occurrere iubet. Quos Ptolemæus ad celandam fraudem, cupide, & ultra modum veræ affectionis amplexus, osculis diu fatigat. Vbi ad portam ventum est, occupari arcem iubet, pueros interfici. Qui cum ad matrem confugissent, in gremio eius inter ipsa oscula trucidantur. Proclamante Arsinoe, quod tantum nefas aut nubendo, aut post nuptias contraxisset, pro filiis sæpe se percussoribus obtulit; frequenter corpore suo puerorum corpora amplexata protexit, vulneraque excipere, quæ liberis intendebantur voluit. Ad postremum etiam spoliata funeribus filiorum, scissa veste, & crinibus sparsis, cum duobus seruulis ex urbe protracta, Samothraciam in exilium abiit, eo miserior, quod mori

cum

cum filijs ei non licuit . Sed nec Ptolemæo ,  
inulta scelera fuerunt . Quippe dijs immortalibus tot periuriâ , & tam cruenta parricidia vindicantibus , breui post à Gallis spoliatus regno captusque , vitam ferro , vt meruerat , amisit . Namque Galli , abundantimultitudine , cum eos non caperent terræ , quæ genuerant , trecenta millia hominum ad sedes nouas quærendas , velut ver sacrum miserunt . Ex his portio in Italia confedit , quæ & urbem Romanam captam incendit , & portio Illyricos sinus , ducibus auibus ( nam augurandi studio Galli præter cæteros callent ) per strages Barbarorum penetravit , & in Pannonia confedit : gens aspera , audax , bellicosa , quæ prima post Herculem , cui ea res virtutis admirationem , & immortalitatis fidem dedit , Alpium inuicta iuga , & frigore intractabilia loca , transcendit : ibi domitis Pannonijs per multos annos cum finitimis varia bella gesserunt . Hortante deinde successu , diuisis agminibus , alij Græciam , alij Macedoniam , omnia ferro proterentes , petiuere . Tantusque terror Gallici nominis erat , vt etiam reges non lacessiti ultro pacem ingenti pecunia mercarentur . Solus rex Macedoniae Ptolemæus aduentum Gallorum intrepidus audiuit : hisque cum paucis & incompositis , quasi bella non difficilius quam scelera patrarentur , parricidiorum furijs agitatus , occurrit . Dardanorum quoque legationem , viginti millia armatorum in  
auxi.

auxilium offerentem spreuit; addita insuper contumelia, actum de Macedonia dicens, si cum totum Orientem soli domuerint, nunc in vindictam finium Dardanis egeant; milites se habere filios eorum, qui sub Alexandro rege stipendia, toto orbe terrarum victores, fecerint. Quæ ubi Dardano regi nuntiata sunt, inclytum illud Macedonia regnum, breui immaturi iuuenis temeritate casurum dixit. Igitur Galli duce Belgio, ad tentandos Macedonum animos, legatos ad Ptolemæum mittunt, offerentes pacem, si emere velit: sed Ptolemæus inter suos, belli metu pacem Gallos petere gloriatus est; nec minus ferociter se legatis, quam inter amicos iactauit, aliter se pacem daturum negando, nisi principes suos obsides dederint, & arma tradiderint: non enim fidem se, nisi inermibus habiturum. Renuntiata legatione, risere Galli, undique acclamantes, breui sensurum, sibi an illi consulentes, pacem obtulerint. Interiectis diebus, prælium conferitur, victique Macedones cæduntur: Ptolemæus multis vulneribus saucius capitur; caput eius amputatum, & lancea fixum tota acie ad terrorem hostium circumfertur: Paucos ex Macedonibus fuga seruauit; cæteri aut capti, aut occisi. Hæc cum nuntiata per omnem Macedoniam essent, portæ urbium clauduntur; luctu omnia replentur: nunc orbitatem amissorum filiorum dolebant; nunc excidia urbium metuebant; nunc

L

Alc-

Alexandri, Philippique regum suorum nomina, sicuti numina, in auxilium vocabant; sub illis se non solum tutos, verumetiam victores orbis terrarum extitisse: ut tuerentur patriam suam, quam gloria rerum gestarum cœlo proximam reddidissent; ut opem afflictis ferrent, quos furor & temeritas Ptolemæi regis perdidisset, orabant. Desperantibus omnibus, non votis agendum Sosthenes vnus de Macedonum principibus ratus, contracta iuuentute, & Gallos victoria exultantes compescuit; & Macedoniam ab hostili populatione defendit. Ob quæ virtutis beneficia multis nobilibus regnum Macedoniæ affectantibus, ignobilis ipse præponitur: & cum rex ab exercitu appellatus esset, ipse non in regis, sed in ducis nomen iurare milites compulit. Interea Brennus, quo duce portio Gallorum in Græciam se effuderat, audita victoria suorum, qui Belgio duce Macedonas vicerant: indignatus parta victoria optimam prædam, & Orientis spolijs onustam, tam facile relictam esse, ipse adunatis C L. millibus peditum, & XV. millibus equitum, in Macedoniam irrumpit. Cum agros villasque popularetur, occurrit ei cum instructo exercitu Macedonum Sosthenes; sed pauci à pluribus, trepidi à valentibus facile vincuntur. Itaque cum victi se Macedones intra muros urbium condidissent, victor Brennus, nemine prohibente, totius Macedoniæ agros deprædatur. Inde quasi terrena iam spolia

spolia sorderent, animum ad deorum immortalium templa conuertit, scurriliter iocatus, locupletes deos largiri hominibus oportere. Statim igitur Delphos iter vertit, prædam religioni, aurum offensæ deorum immortalium præferens; quos nullis opibus egere, ut qui eas largiri hominibus soleant, affirmabat. Templum autem Apollinis Delphis positum est in monte Parnasso, in rupe [ vndique impendente: ibi ciuitatem frequentia hominum facit; qui ad affirmationem maiestatis ] vndique concurrentes, in eo saxo consedere: atque ita templum & ciuitatem non muri, sed præcipitia, nec manu facta, sed naturalia præsidia defendunt: prorsus ut incertum sit, vtrum munimentum loci, an maiestas Dei plus hic admirationis habeat. Media saxi rupes in formam theatri recessit. Quamobrem & hominum clamor, & si quando accedit tubarum sonus, personantibus & respondentibus inter se rupibus, multiplex audiri, ampliorque quam editur resonare solet. Quæ res maiorem maiestatis terrorem ignaris rei, & admirationem, stupentibus plerumque affert. In hoc rupis anfractu, media ferme montis altitudine, planicies exigua est, atque in ea profundum terræ foramen, quod in oracula patet: ex quo frigidus spiritus, vi quadam velut vento in sublime expulsus, mentes vatum in recordiam vertit; impletasque Deo responsa consulentibus dare cogit. Multa igitur ibi & opulenta re-

gum populorumque visuntur munera: quæque magnificentia sui, reddentium vota, gratam voluntatem, & decorum responsa, manifestant. Igitur Brennus, cum in conspectu haberet templum, diu deliberavit, an confestim rem aggrederetur, an vero fessis via militibus, noctis spatium ad resumendas vires daret. Emanus & Thessalorus duces, qui se ad prædæ societatem iunxerant, amputari moras iubent, dum imparati hostes & recens aduentus sui, terrori esset, interiecta nocte & animos hostibus, forsitan & auxilia accessura, & vias, quæ tunc pateant, obstructum iri. Sed Gallorum vulgus ex longa inopia ubi primum vino, cæterisque com meatibus referta rura inuenit, non minus abundantia, quam victoria lætum, per agros se sparserat; desertisque, signis ad occupanda omnia pro victoribus vagabantur. Quæ res dilationem Delphis dedit. Prima namque opinione aduentus Gallorum, prohibiti agrestes oraculis feruntur, messes, vinaque villis cfferre: cuius rei salutare præceptum non prius intellectum est, quam vini, cæterarumque copiarum abundantia velut mora Gallis obiecta, auxilia finitimorum conuenere. Prius itaque urbem suam Delphi, aucti viribus sociorum, permuniuere, quam Galli vino velut prædæ incubantes, ad signa reuoarentur. Habebat Brennus lecta ex omni exercitu peditum sexaginta quinque millia: Delphorum, sociorumque non nisi quatuor millia



millia militum erant : quorum contemptu Brennus ad acuendos suorum animos , prædæ vbertatem omnibus ostendebat , statuasque cum quadrigis , quarum ingens copia , procul visebatur , solido auro fusas esse , ; plusque in pondere , quam in specie , habere prædæ affirmabat . Hac asseueratione incitati Galli , simul & hesterno mero saucij , sine respectu periculorum , in bellum ruebant . Contra Delphi plus in Deo , quam in viribus reponentes , cum contemptu hostium resistebant ; scandentesque Gallos , è summo montis vertice , partim saxo , partim armis obruebant . In hoc partium certamine repente vniuersorum templorum , antistites , simul & ipsi vates , sparsis crinibus , cum insignibus atque infulis , pauidi , vecordesque in primam pugnantium aciem procurrunt : aduenisse Deum clamant ; eumque se vidisse desilientem in templum per culminis aperta fastigia . Dum omnes opem Dei suppliciter implorant , iuuenem supra humanum modum insignis pulchritudinis , comitesque ei duas armatas virgines , ex propinquis duabus Dianæ Mineræque ædibus occurrisse , nec oculis tantum hæc se perspexisse , audisse etiam stridorem arcus , ac strepitum armorum . Proinde ne cunctarentur , dijs antesignanis , hostem cedere , & victoriæ deorum fecios se adiungere , summis obsecrationibus monebant . Quibus vocibus incensi , omnes certatim in prælium prosiliunt . Præsentiam Dei & ipsi

statim sentire : nam & terræmotu portio montis abrupta Gallorum stravit exercitum , & confertissimi cunei non sine vulneribus hostium dissipari tuebant . Insecuta deinde tempestas est , quæ grandine & frigore saucios ex vulneribus absumpsit . Dux ipse Brennus , cum dolorem vulnerum ferre non posset , pugione vitam finiuit . Alter ex ducibus punitis belli authoribus , cum decem millibus sauciorum citato agmine Græcia excedit . Sed nec fugientibus fortuna commodior fuit : siquidem pauidis nulla sub tectis acta nox , nullus sine labore & periculo dies ; assidui imbres & gelu , nix concreta , & fames , & lassitudo , & super hæc maximum peruigiliæ malum , miseræ infelicitis belli reliquias obterebant . Gentes quoque nationesque , per quas iter habebant , palantes velut prædam sectabantur . Quo pacto euenit , ut nemo ex tanto exercitu , qui paulo ante fiducia virium , etiam aduersus deos contendebat , vel ad memoriam tantæ cladis superesset .

## LIBER XXV.

**I**Nter duos reges , Antigonum & Antiochum statuta pace , cum in Macedoniam Antigonus reuerteretur , nouus eidem repente hostis exortus est . Quippe Galli , qui à Brenno duce , cum in Græciam profisciscerentur , ad terminos gentis tuendos relictî fuerant , ne soli desides viderentur ,

tur, peditum quindecim millia, equitum tria millia armauerunt, fugatisque Geta-  
rum, Triballorumque copijs, Macedoniae imminentes, legatos ad regem miserunt, qui pacem ei venalem offerrent, simul & regis castra specularentur. Quos Antigonus pro regali munificentia, ingenti apparatu epularum ad cœnam inuitauit. Sed Galli expositum grande auri argentique pondus admirantes, atque prædæ vbertate sollicitati, infestiores quam venerant, reuertuntur. Quibus & elephantos ad terrorem, velut inuitatas Barbaris formas, rex ostendi iusserat, & naues onustus copijs demonstrari: ignarus, quod quibus ostentatione virium, metum se iniicere existimabat, eorum animos, vt ad opimam prædam, sollicitabat. Itaque legati ad suos reuersi, omnia in maius extollentes, opes pariter & negligentiam regis ostendunt, referta auro & argento castra, sed neque vallo, fossaue munita, & quasi satis munimenti in diuitijs haberent; ita eos omnia officia militaria intermisisse: prorsus quasi ferri auxilio non indigerent, quoniam abundarent auro. Hac relatione auidæ gentis animi satis ad prædam incitabantur. Accedebat tamen & exemplum, Belgij, qui non magno ante tempore Macedonum exercitum cum rege trucidauerat. Itaque consentientibus omnibus, nocte castra regis aggrediuntur: qui præsentiens tantam tempestatem, signum pridie dederat, vt omnibus rebus ablatis, in-

proxima filua taciti se occultarent . Neque aliter seruata castra , quam quod deserta sunt . Siquidem Galli vbi omnia vacantia , nec sine defensoribus modo , verum etiam sine custodibus vident , non fugam hostium , sed dolum arbitantes , diu intrare portas timuerunt . Ad postremum integris & intactis munimentis , scrutantes potius quam diripientes , castra occupauerunt . Tunc ablatis quæ inuenerant , ad littus conuertuntur . Ibi dum naues incautius diripiunt , à remigibus , & ab exercitus parte , quæ eo cum coniugibus & liberis confugerat , nihil tale metuentes trucidantur : tantaque cædes Gallorum fuit , vt Antigono pacem opinio huius victoriæ , non à Gallis tantum , verum etiam à finitimorum feritate præstiterit . Quanquam Gallorum ea tempestate tantæ fecunditatis iuuentus fuit , vt Asiam omnem velut examine aliquo implerent . Denique neque reges Orientis sine mercenario Gallorum exercitu vlla bella gesserunt , neque pulsi regno ad alios quam ad Gallos confugerunt . Tantus terror Gallici nominis , & armorum inuicta felicitas erat , vt aliter neque maiestatem suam tutam , neque amissam recuperare se posse sine Gallica virtute arbitrarentur . Itaque in auxilium à Bithyniæ rege inuocati , regnum cum eo parta victoria diuiserunt , eamque regionem Gallo-Graciam cognominarunt . Dum hæc in Asia geruntur , interim in Sicilia Pyrrhus à Pœnis nauali prælio victus ,

ctus, ab Antigono Macedoniae rege supplementum militum per legatos petit: denuntians ne mittat, redire se in regnum necesse habere, incrementa rerum, quae de Romanis voluerit, de ipso quaesitum. Quod ubi negatum legati retulerunt, dissimulatis causis repentinam fingit profectionem. Socios interim parare bellum iubet, arcis Tarentinae custodiam Heleno filio, & amico Miloni tradit. Reuersus in Epirum, statim fines Macedoniae inuadit: cui Antigonus cum exercitu occurrit; victusque proelio in fugam vertitur. Atque ita Pyrrhus Macedoniae in deditiorem accipit; & veluti damna amissae Siciliae Italiaeque acquisito Macedoniae regno pensasset, relictum Tarenti filium & amicum arcessit. Antigonus autem cum paucis equitibus, fugae comitibus, repente fortunae ornamentis destitutus, amissi regni speculaturus euentus, Thessalonicam se recepit; ut inde cum conducta Gallorum mercenaria manu bellum repararet. Rursus à Ptolemæo Pyrrhi filio funditus victus, cum septem comitibus fugiens, non iam recuperandi regni spem, sed salutis latebras, ac fugae solitudines captat. Igitur Pyrrhus in tanto fastigio regni collocatus, iam nec eo, ad quod votis perueniendum fuerat, contentus, Graeciae, Asiaeque regna meditatur; neque illi maior ex imperio, quam ex bello voluptas erat; nec quisquam Pyrrhum, quae tulisset impetum, sustinere valuit. Sed ut ad de-

L S vincen-

vincenda regna inuictus habebatur, ita deuictis acquisitisque celeriter carebat: tanto melius studebat acquirere imperia, quam retinere. Itaque cum copias Cherroneso transposuisset, legationibus Atheniensium, & Achæorum, Messeniorumque excipitur. Sed & Græcia omnis admiratione nominis eius, simul & rerum aduersus Romanos Penosque gestarum gloria attonita, aduentum eius expectabat. Primum illi bellum aduersus Spartanos fuit: vbi maiore mulierum, quam virorum virtute exceptus, Ptolemæum filium, & exercitus partem robustissimam amisit. Quippe oppugnanti urbem ad tutelam patriæ tanta multitudo feminarum concurrat, vt non fortius victus, quam verecundius recederet. Porro Ptolemæum filium, eius adeo strenuum, & manu fortem fuisse tradunt, vt urbem Corcyram cum sexaginta ceperit: item prælio nauali quinquennem ex scapha cum septem insiluerit, captamque tenuerit. In oppugnatione quoque Spartanorum vsque in mediam urbem equo procurrerit, ibique concursu multitudinis interfectus sit. Cuius corpus vt relatum patri est, dixisse Pyrrhum ferunt, aliquanto tardius eum, quam timuerit ipse, vel temeritas eius meruerit, occisum esse. Repulsus à Spartanis Pyrrhus, Argos petit: ibi dum Antigonus in vrbe clausum expugnare conatur, inter confertissimos violentissime dimicans, saxo de muris ictus occiditur. Caput eius  
Anti-

Antigono refertur: qui victoria mitius usus, filium eius Helenum cum Epirotis sibi deditum, in regnum remisit, eique insepulti patris ossa in patriam referenda tradidit. Satis constans inter omnes auctores fama est, nullum nec eius, nec superioris ætatis regem comparandum Pyrrho fuisse; raroque non inter reges tantum, verumetiam inter illustres viros, aut vitæ sanctioris, aut iustitiæ probatoris visum fuisse. Scientiam certe rei militaris in illo viro tantam fuisse, ut cum Lyfimacho, Demetrio, Antigono, tantis regibus bella gerens, inuictus semper fuerit. Illyriorum quoque Siculorum, Romanorumque, & Carthaginiensium bellis, nunquam inferior, plerumque etiam victor extiterit, qui patriam certe suam angustam, ignobilemque, fama rerum gestarum, & claritate nominis sui, toto orbe illustrem reddiderit.

## LIBER XXVI.

**P**ost mortem Pyrrhi, non in Mæcædonia tantum, verum etiam in Asia, Græciaque, magni bellorum motus fuere. Nam & Peloponnesij per prodicionem Antigono traditi; & variante hominum partim dolore, partim gaudio, prout singulæ ciuitates: aut auxilium de Pyrrho sperauerant, aut merus sustinuerant, ita aut cum Antigono societatem iungebant, aut mutuis inter se odijs in bellum ruebant. Inter

L. 6 hunc



hunc turbatarum prouinciarum motum ,  
Epirorum quoque vrbs ab Aristotimo prin-  
cipe per tyrannidem occupatur : à quo cum  
multi ex primoribus occisi, plures in exilium  
acti essent, Ætolis per legatos postulantis,  
coniuges liberosque exulum redderet, primo  
negauit: postea, quasi pœniteret, profiscen-  
di ad suos omnibus matronis potestatem  
dedit, diemque profectionis statuit . Illæ  
quasi in perpetuum cum viris exulaturæ ,  
pretiosissima quæque auferentes , cum ad  
portam quasi vno agmine profecturæ con-  
uenissent, omnibus rebus expoliatæ, in  
carcerem recluduntur : occisis prius in gre-  
mio matrum paruulis liberis , virginibus-  
que ad stuprum direptis . Ad tam fauam  
donationem stupentibus omnibus , prin-  
ceps eorum Hellanicus, senex & liberis or-  
bus , vt qui nec ætatis , nec pignoris re-  
spectu timeret , contractos domum fidissi-  
mos amicorum in vindictam patriæ horta-  
tur . Cunctantibus priuato periculo pu-  
blicum finire , & deliberandi spatium po-  
stulantibus , arcessitis seruis iubet obsera-  
ri fores ; tyrannoque nuntiari , mitteret  
qui coniuratos apud se comprehenderet :  
obiectans singulis , se quia liberandæ pa-  
trix auctor esse non possit , desertæ vlti-  
orem futurum . Tunc illi ancipiti pericu-  
lo circumuenti, honestiorem viam eligentes,  
coniurant in tyranni necem : atque ita Ari-  
stotimus, quinto postquam tyrannidem oc-  
cupauerat mense, opprimitur. Interea Anti-  
gonus

gonus cum multiplici bello, & Ptolemæi regis, & Spartanorum, premeretur, nouusque illi hostis Gallogræciæ exercitus affluxisset, in speciem castrorum parua manu aduersus cæteros relicta, aduersus Gallos totis viribus proficiscitur. Quibus cognitis, Galli cum & ipsi se prælio pararent, in auspicia pugnæ hostias cædunt: quarum extis cum magna cædes, interitusque omnium prædiceretur, non in timorem, sed in furorem versi, sperantesque deorum minas expiari cæde suorum posse, coniuges & liberos suos trucidant, auspicia belli à parricidio incipientes. Tanta rabies feros animos inuaserat, vt non parcerent ætati, cui etiam hostes pepercissent; bellumque internecium cum liberis, liberorumque matribus gererent, pro quibus bella suscipi solent. Itaque quasi scelere vitam, victoriamque redemissent, sicut erant cruenti ex recenti suorum cæde, in prælium non meliore euentu quam omine proficiscuntur. Siquidem pugnantes prius parricidiorum furia quam hostes circumuencire: obuersantibusque ante oculos manibus interemptorum, omnes occisione cæsi. Tanta strages fuit, vt pariter cum hominibus dii consensisse in exitium parricidarum viderentur. Post huius pugnæ euentum, Ptolemæus & Spartani, victorem hostium exercitum declinantes, in tutiora se recipiunt. Antigonus quoque, ubi eorum discessum videt, recenti adhuc ex prioris victoria militum ardo-

re,

re, bellum Atheniensibus infert. In quo cum occupatus esset, interim Alexander rex Epiri vlcisci mortem patris Pyrrhi cupiens, fines Macedoniae depopulatur. Aduersus quem cum reuersus à Græcia Antigonus esset, transitione militum destitutus, regnum Macedoniae cum exercitu amittit. Huius filius Demetrius, puer admodum, absente patre, reparato exercitu, non solum amissam Macedoniam recipit, verum etiam Epiri regno Alexandrum spoliatur. Tanta vel mobilitas militum, vel fortunæ varietas erat, ut vicissim reges, nunc exules, nunc reges viderentur. Igitur Alexander cum exul ad Acarnanas confugisset, non minore Epirotarum desiderio, quam sociorum auxilio, in regnum restituitur. Per idem tempus rex Cyrenarum Agas decedit: qui ante infirmitatem, Beronicen unicam filiam ad finiendam cum Ptolemæo fratre certamina, filio eius desponderat. Sed post mortem regis, mater virginis Arsinoe, ut inuita se contractum matrimonium solueretur, misit qui ad nuptias virginis, regnumque Cyrenarum, Demetrium fratrem regis Antigoni à Macedonia arcescerent: qui & ipse ex filia Ptolemæi procreatus erat. Sed nec Demetrius moram fecit. Itaque cum secundante vento celeriter Cyrenas aduolasset, fiducia pulchritudinis, qua nimis placere socruī ceperat, statim à principio superbus regiae familiae, militibusque impotens erat; studiumque placendi à virgine in matrem contulerat. Quæ res sus-  
specta.

specta primo virgini, dein popularibus militibusque inuisa fuit. Itaque versis omnium animis in Ptolemæi filium, insidiæ Demetrio comparantur, cui cum in lectum focrus concessisset, percussores immittuntur. Sed Arsinoe audita voce filia, ad fores stantis, & præcipientis, ut matri parceretur, adulterum paulisper corpore suo protexit. Quo interfecto, Beronice, & stupra matris, salua pietate, ulta est, & in matrimonio sortiundo, iudicium patris secuta.

## LIBER XXVII.

**M**Ortuo Syriæ rege Antiocho, cum in locum eius filius Seleucus successisset, hortante matre Laudice, quæ prohibere debuerat, auspicia regni à parricidio cepit. Quippe Beronice nouercam suam, sororem Ptolemæi regis Ægypti, cum paruulo fratre ex ea suscepto, interficit. Quo facinore perpetrato, & infamiae maculam subiit, & Ptolemæi bello se implicuit. Porro Beronice cum ad se interficiendam missos didicisset, Daphnæ se claudit. Vbi cum obsideri eam cum paruulo filio nuntiatum Asiæ ciuitatibus esset, recordatione paternæ maiorumque eius dignitatis, casum tam indignæ fortunæ miserantes, auxilia ei omnes mittere. Frater quoque Ptolemæus periculo sororis exterritus, relicto regno cum omnibus viribus aduolat. Sed Beronice ante aduentum auxiliorum, cum vi expugnari non

ri non posset, dolo circumuenta trucidatur. Indigna res omnibus visa. Itaque cum vniuersæ ciuitates, quæ defecerant, ingentem classem comparassent, repente exemplo crudelitatis exterritæ, simul & in ultionem eius, quam defensuri erant Ptolemæo se tradunt: qui nisi in Ægyptum domestica seditione reuocatus esset, totum regnum Seleuci occupasset: tantum vel illi odium parricidale scelus; vel huic fauorem indigne peremptæ mors sororis attulerat. Post discessum Ptolemæi, Seleucus cum aduersus ciuitates, quæ defecerant, ingentem classem comparasset, repente veluti dijs ipsis parricidium vindicantibus, orta tempestate, classem naufragio amittit; nec quicquam illi ex tanto apparatu, præter nudum corpus, & spiritum, & paucos naufragij comites residuos fortuna fecit. Misera quidem res, sed optanda Seleuco fuit: siquidem ciuitates, quæ odio eius ad Ptolemæum transierant, velut dijs arbitris satisfactum sibi esset, repentina animorum mutatione in naufragij misericordiam versæ, imperio se eius restitunt. Lætus igitur malis suis, & damnis ditior redditus, veluti par viribus, bellum Ptolemæo infert: sed quasi ad ludibrium tantum fortunæ natus esset, nec propter aliud opes regni recepisset, quam ut amitteret, victus prælio, non multo quam post naufragium comitior, trepidus Antiochiam confugit. Inde ad Antiochum fratrem literas facit: quibus auxilium

lium eius implorat, oblata ei Asia, inter fines Tauri montis, in præmium latæ opis. Antiochus autem cum esset annos 14. natus, supra ætatem regni avidus, occasionem non tam pio animo, quam offerebatur, arripuit. Sed latronis more totum fratri eripere cupiens, puer sceleratam, virilemque sumit audaciam. Vnde Hierax est cognominatus: quia non hominis, sed accipitris ritu, in alienis eripiendis vitam sectaretur. Interea Ptolemæus cum Antiochum in auxilium Seleuco venire cognovisset, ne cum duobus vno tempore dimicaret, in annos decem cum Seleuco pacem facit: sed pax ab hoste data interpellatur à fratre; qui conducto Gallorum mercenario exercitu, pro auxilio bellum, pro fratre hostem imploratus exhibuit. In eo prælio virtute Gallorum victor quidem Antiochus fuit; sed Galli arbitantes Seleucum in prælio cecidisse, in ipsum Antiochum arma vertere: liberius depopulaturi Asiam, si omnem stirpem regiam extinxissent. Quod ubi sensit Antiochus, velut à prædonibus, auro se redimit, societatemque cum mercenariis suis jungit. Intera rex Bithyniæ Eumenes, sparsis consumptisque fratribus bello intestinæ discordiæ, quasi vacantem Asiæ possessionem invasurus, victorem Antiochum Gallosque aggreditur: nec difficile faucios adhuc ex superiore congressione, integer ipse viribus superat. Ea namque tempestate omnia bella in exitium Asiæ gerebantur; ut quisque fortior fuisset, Asiam velut prædam occu-

occupabat. Seleucus & Antiochus fratres, bellum propter Asiam gerebant: Ptolemæus rex Ægypti, sub specie sororiæ ultionis, Asiæ inhæbat. Hinc Bithynus Eumenes, inde Galli (humiliorum semper mercenaria manus) Asiam depopulabantur, cum interea nemo defensor Asiæ inter tot prædones inueniebatur. Victo Antiocho, cum Eumenes maiorem partem Asiæ occupasset, ne tunc quidem fratres, perduto præmio, propter quod bellum gerebant, concordare potuerunt; sed omisso externo hoste, in mutuum exitium bellum reparant. In eo Antiochus denuo victus, multorum dierum fuga fatigatus, tandem ad focerum suum Artamenem regem Cappadociæ peruehitur. A quo cum primum benigne exceptus esset, interiectis diebus, cognito quod insidiæ sibi pararentur, salutem fuga quæsiuit. Igitur cum profugus nusquam tutus locus esset, ad Ptolemæum hostem, cuius fidem tutiorem quam fratris existimabat, decurrit; memor vel quæ facturus fratri esset, vel quæ meruisset à fratre. Sed Ptolemæus non tam amicus dedito, quam hostis factus, seruari eum artificissima custodia iubet. Hinc quoque Antiochus opera cuiusdam meretricis adiutus, quam familiarius nouerat, deceptis custodibus elabitur; fugiensque à latronibus interficitur. Seleucus quoque iisdem ferme diebus, amisso regno, equo præcipitatus finitur. Sic fratres, quasi & germanis casibus,



bus, exules ambo, post regna, scelerum  
suorum pœnas lucrunt.

## LIBER XXVIII.

**O**lympias Pyrrhi Epirotæ regis filia, amisso marito, eodemque germano fratre Alexandro, cum tutelam filiorum ex eo susceptorum Pyrrhi & Ptolemæi, regni-  
que administrationem in se recepisset, ab Ætolis partem Acarnaniæ, quam in portionem belli pater pupillorum acceperat, eripere volentibus, ad regem Macedoniæ Demetrium decurrit; eique habenti vxorem Antiochi regis Syriæ sororem, filiam suam Ptiam in matrimonium tradit: ut auxilium, quod misericordia non poterat, iure cognationis obtineret. Fiunt igitur nuptiæ, quibus & noui matrimonij gratia acquiritur, & veteris offensa contrahitur. Nam prior vxor velut matrimonio pulsa, sponte sua ad fratrem Antiochum discedit; eumque in mariti bellum impellit. Acarnanes quoque dissisi Epirotis, aduersus Ætolos auxilium Romanorum implorantes, obtinuerunt à Romano senatu, ut legati mitterentur, qui denuntiarent Ætolis, præsidia ab vrbibus Acarnaniæ deducerent, paterenturque esse liberos, qui soli quondam aduersus Troianos auctores originis suæ, auxilia Græcis non miserint. Sed Ætoli legationem Romanorum superbe audi-  
uere, Pœnos illis & Gallos à quibus tot bel-  
lis

lis occidione cæsi sint, exprobantes, dicētesque, prius illis portas adversus Carthaginienses aperiendas, quas clausurit metus Punici belli, quam in Græciam arma transferenda. Miminisse deinde jubent, qui quibus minentur: aduersus Gallos urbem eos suam tueri non potuisse, captamque non ferro defendisse, sed auro redemisse: Quam gentem se, aliquanto maiore manu Græciam ingressam, non solum nullis externis viribus, sed ne domesticis quidem totis adjutos, uniuersam delesse; sedemque sepulcris eorum præbuisse, quam illi viribus, imperioque suo proposuerant. Contra, Italiam, trepidis ex recenti urbis suæ incendio Romanis, uniuersam ferme à Gallis occupatam. Prius igitur illis Gallos Italia pellendos, quam minentur Ætolis, priusque sua defendenda. Quos autem homines Romanos esse, nempe pastores, qui latrocinio iustis dominis ademptum solum teneant: qui uxores cum propter originis dehonestamenta non inuenirent, vi publica rapuerint: qui denique urbem ipsam parricidio condiderint; murorumque fundamenta fraterno sanguine asperferint. Ætolos autem principes Græciæ semper fuisse, & sicut dignitate, ita & virtute cæteris præstitisse; solos denique esse, qui Macedonas, imperio terrarum florentes, semper contempserint; qui Philippum regem non timuerint; qui Alexandri Magni post Persas, Indosque devictos, cum omnes nomē ejus horrerent, edicta spreverint. Monere igitur se

Ro-

Romanos, contenti sint fortuna præfenti, nec provocent arma, quibus & Gallos cæfos, & Macedonas contemptos videant. Sic dimissa legatione Romanorum, ne fortius locuti, quam fecisse viderentur, fines Epiri regni & Acarnaniæ depopulantur. Iam Olympias filijs regna tradiderat; & in locum Pyrrhi fratris defuncti Ptolomæus successerat: qui cum hostibus instructo exercitu obvius processisset, infirmitate correptus, in itinere decedit, Olympias quoque non magno post tempore, gemitu funerum vulnere afflicta, ægrum spiritum trahens, non diu filijs supervixit. Cum ex gente regia sola Nereis virgo, cum Laudamia sorore superesset, Nereis nubit Geloni Siciliæ regis filio: Laudamia autem cum in aram Dianæ confugisset, concursu populi interficitur. Quod facinus dij immortales assiduis cladibus gentis, & prope interitu totius populi vindicaverunt. Nam sterilitatem famemque passi; & interna discordia vexati, externis ad postremum bellis pene consumpti sunt: Miloque Laudamiæ percussor in furorem versus, nunc ferro, nunc saxo, in summa dentibus lacertis visceribus, duodecima die interijt. His in Epiro gestis, interim in Macedonia Demetrius rex relicto filio Philippo, parvulo admodum, decedit. Cui Antigonus tutor datus, accepta in matrimonium matre pupilli, regem se constitui laborabat. Interjecto deinde tempore, cum seditione minaci Macedonum, clausus in regia teneretur, in publicum

fine

sine satellitibus procedit, proiectoque in vulgus diademate ac purpura, dare hæc eos alteri iubet; qui aut imperare illis nesciat, aut cui parere ipsi sciant, se adhuc inuidiosum illud regnum, non voluptatibus, sed laboribus ac periculis sentire. Commemorat deinde beneficia sua: vt defectionem sociorum vindicauerit; vt Dardanos, Thessalosque exultantes morte Demetrii regis compescuerit; vt denique dignitatem Macedonum non solum defenderit, verum etiam auxerit. Quorum si illos pœniteat, deponere imperium, & reddere illis munus suum; ipsi regem quærant, cui imperent. Cum populus pudore motus, recipere eum regnum iuberet, tandiu recusauit, quoad seditionis auctores supplicio traderentur. Post hæc bellum Spartanis infert, qui soli Philippi Alexandrique bellis, & imperium Macedonum, & omnibus metuenda arma contempserant. Inter duas nobilissimas gentes bellum summis vtrimque viribus fuit: cum hi pro vetere Macedonum gloria, illi non solum pro illibata libertate, sed etiam pro salute certarent. Victi Lacedæmonij, non ipsi tantum, sed etiam coniuges, liberique magno animo fortunam tulere. Nemo quippe in acie saluti pepercit, nulla amissum coniugem fleuit: filiorum mortem senes laudabant; patribus in acie cæsis filij gratulabantur, suam vicem omnes dolebant, quod non ipsi pro patriæ libertate cecidissent. Patentibus omnes domibus

mibus faucios excipiebant , vulnera curabant , lassos recipiebant . Inter hæc nullus in vrbe strepitus , nulla trepidatio , magisque omnes publicam quam priuatam fortunam lugebant . Inter hæc Cleomenes rex , post multas hostium cædes , toto corpore , suo pariter & hostium cruore madens , superuenit ; ingressusque urbem , non humi confedit , non cibum aut potum poposcit , non denique armorum onus deposuit : sed acclinis parieti , cum quatuor millia sola expugna superfuisse conspexisset , hortatur , vt se ad meliora reipublicæ tempora reseruent . Tum cum coniuge & liberis in Ægyptum ad Ptolemæum proficiscitur : à quo honorifice susceptus diu in summa dignatione regis vixit . Postremo post Ptolemæi mortem à filio eius cum omni familia interficitur . Antigonus autem , cæsis occidione Spartanis , fortunam tantæ vrhis miseratus , à direptione milites prohibuit ; veniamque his qui superfuerant dedit , præfatus bellum se cum Cleomene , non cum Spartanis habuisse : cuius fuga omnis ira eius finita sit : nec minori sibi gloriæ fore , si ab eo seruata Lacedæmon , à quo solo capta sit , prodertur . Parcere igitur se solo vrbis ac tectis , quoniam homines , quibus parceret , non superfuissent . Nec multo post ipse decedit , regnumque Philippo pupillo , annos xiv. nato , tradidit .

## L I B E R   X X I X .

**I**isdem ferme temporibus prope universi orbis imperia nova regum successione mutata sunt . Nam & in Macedonia Philippus, mortuo Antigono tutore, eodemque vitrico, annorum quatuordecim, regnum suscepit, & in Asia interfecto Seleuco, impubes adhuc rex Antiochus constitutus est : Cappadocię quoque regnum Ariarathi pueri admodum pater ipse tradiderat : Ægyptum, patre ac matre interfectis, occupaverat Ptolemæus, cui ex facinoris crimine, cognomentum Philopator fuit. Sed & Spartani in locum Cleomenis suffecerunt Lycurgum . Et ne qua temporibus mutatio deesset, apud Carthaginienses quoque ætate immatura dux Annibal constituitur, non penuria seniorum, sed odio Romanorum, quo imbutum eum à pueritia sciebant . Fatale non tam Romanis, quam ipsi Africę malum . His regibus pueris, etsi nulli senioris ætatis rectores erant, tamen in suorum quisque majorum vestigia intentis, magna indoles virtutis enituit . Solus Ptolemæus sicut scelestus in occupando regno, ita & segnis in administrando fuit . Philippum Dardani, ceterique omnes finitimi populi, quibus velut immortale odium cum Macedonum regibus erat, contemptu ætatis assidue laceßebant . Contra ille summotis hostibus, non contentus sua defendisse, ultro  
etiam

etiam Ætolis bellum inferre gestiebat. Quæ agitantem illum Demetrius rex Illyriorum, nuper à Paulo Romano consule victus, supplicibus precibus aggreditur, injuriam Romanorum querens, qui non contenti Italiæ terminis, imperium spe improba totius orbis amplexi, bellum cum omnibus regibus gerant: sic illos Siciliæ, sic Sardinia, Hispaniaque, sic denique totius Africæ imperium affectantes, bellum cum Pœnis, & Annibale suscepisse; sibi quoque non aliam ob causam, quam quod Italiæ finitimus videbatur, bellum illatum: quasi nefas esset, aliquem regem juxta imperii eorū terminos esse: sed & ipsi cavendum esse exemplum, cujus quanto promptius nobiliusque sit regnum, tanto sit Romanos acriores hostes habiturus. Super hæc cedere se illi regno, quod Romani occupaverint, profitetur gratus habiturus, si in possessione imperii sui socium potius, quam hostes videret. Hujusmodi oratione impulit Philippum, ut omissis Ætolis bellum Romanis inferret, minus negotii existimantem, quod jam victos ab Annibale apud Thrasimenum lacum audierat. Itaque ne eodem tempore multis bellis detineretur, pacem cum Ætolis facit, non quasi alio bellum translaturus, sed ut Graciæ quieti consulturus, quam nunquam in majori periculo fuisse affirmabat. Si quidem consurgentibus ab occidente novis Pœnorum & Romanorum imperiis, quibus vna hæc à Græcia atq; Asia sit mora, dum inter se bello discrimen impe-



rii faciunt : cæterum statim victoribus transitum in Orientem fore . Videre se itaque ait consurgentem in Italia nubem illam, trucidis & cruenti belli; videre tonantem ac fulminantem ab occasu procellam , quam in quascunque terrarum partes victoriæ tempestas detulerit , magno cruoris imbre omnia foedaturam . Frequenter Græciam ingentes motus passam, nunc Persarum, nunc Gallorum, nunc Macedonum bellis, sed omnia illa levia fuisse existimaturos , si ea quæ nunc in Italia concurrat manus, extra terram illam se effuderit . Cernere se quam cruenta & sanguinaria inter se bella , utrique populi, & viribus copiarum, & ducum artibus gerant : quæ rabies finire solo partis alterius interitu , sine ruina finitimorum non possit . Feros igitur animos victorum minus quidem Macedonia, quam Græciæ timendos , quia & remotior , & in vindictam sui robustior sit : scire tamen se eos , qui tantis viribus concurrant, non contentos hoc fine victoriæ fore, metuendumque sibi quoque certamen eorum, qui superiores extiterint . Hoc prætextu finito cum Ætolis bello , nihil aliud quam Pœnorum Romanorumque bella respiciens, singulorum vires perpendebat . Sed nec Romani, tametsi Pœni, & Annibal in cervicibus erant, soluti metu Macedonico videbantur ; quippe terrebat eos & vetus Macedonum devicti Orientis gloria, & Philippus studio Alexandri æmulationis incensus , quem promptum in bella industrum-

striumque cognouerant. Igitur Philippus cū iterato prælio victos à Pœnis Romanos didicisset, aperte hostem se his professus, naves, quibus in Italiam exercitum trajiceret, fabricare cœpit. Legatum deinde ad Annibalem, jungendæ societatis gratia, cum epistolis mittit, qui comprehensus, & ad senatum perductus, incolumis dimissus est, non in honorem regis, sed ne dubius adhuc, indubitatus hostis redderetur. Postea vero cum Romanis nunciatum esset, in Italiam Philippum copias trajecturum, Lævinum prætorem cum instructis navibus ad prohibendū transitum mittunt. Qui cum in Græciam trajecisset, multis promissis impellit Ætolos bellum adversus Philippum suscipere. Philippus quoque Achæos in Romanorum bella sollicitat. Interea & Dardani Macedoniæ fines vastare cœperunt: abductisque 20. milibus captivorum, Philippum à Romano bello ad tuendum regnum revocaverunt. Dū hæc aguntur, Lævinus Prætor iuncta cum Attalo rege societate, Græciam populatur. Quibus cladibus perculsæ civitates, auxilium petentes, Philippum legationibus fatigant; nec non & Illyriorum reges lateri ejus hærentes assiduis precibus promissa exigebant. Super hæc vastati Macedones, ultionem flagitabant. Quibus tot tantisque rebus obsessus, cui rei primum occurreret, ambigebat: omnibus tamen propediem auxilia semisurum pollicetur, non quia facere posset, quæ promittebat, sed ut spe impletos, in so-

cietatis jure retineret. Primam tamen illi expeditio adversus Dardanos fuit: qui absentiam ejus aucupantes, majore belli mole Macedoniæ imminebant. Cum Romanis quoque pacem facit, contentus interim bellum Macedonicum distulisse: Philopemeni Achæorum duci, quem ad Romanos sociorum animos sollicitare didicerat, insidias prætendit. Quibus ille cognitis, vitatisque, discedere ab eo Achæos auctoritate sua coegit.

### LIBER XXX.

**P**hilippo in Macedonia magnis rebus intento, in Ægypto Ptolemæi diuersi mores erant. Quippe regno parricidio parto, & ad necem utriusque parentis, cæde etiam fratris adjuncta, velut rebus feliciter gestis, luxuriæ se tradiderat; regisque mores omnis sequuta regia erat. Itaque non amici tantum, præfectique, verum etiam omnis exercitus depositis militiæ studiis, otio ac desidiosa corrupti marcebant. Quibus rebus cognitis Antiochus rex Syriæ, veteri inter se regnorum odio stimulante, repentino bello multas urbes ejus oppressit, ipsamque Ægyptum aggreditur. Trepidare igitur Ptolemæus; legationibus missis, quoad vires pararet, morari Antiochum. Magno deinde in Græcia exercitu conducto, secundum prælium facit; spolia setque regno Antiochum, si fortunam virtute juvisset. Sed contentus recuperatione urbium, quas amiserat, facta pace, auide

avidè materiam quietis arripuit; revolutusque in luxuriam, occisa Eurydice uxore, eademque sorore sua, Agathocliæ meretricis illecebris capitur. Atque ita omnem magnitudinem nominis, ac majestatis oblitus, noctes in stupris, dies in convivijis consumit. Adduntur INSTRUMENTA luxuriæ, tympana & crepundia: nec jam spectator rex, sed magister nequitix nervorum oblectamenta modulatur. Hæc primo laborantis regiæ tacitæ pestes, & occultæ fuere. Deinde crescente licentia, jam nec parietibus regiæ domus contineri meretricis audacia potest: quam proterviorem, sociata cum Agathocle fratre, ambitiosæ pulchritudinis scorto, quotidiana regis supra faciebant. Accedebat & mater Oenanthæ, quæ geminæ sobolis illecebris devinctum regem tenebat. Itaque non contentæ reges, iam etiam regnum possident; iam in publico visuntur, jam salutantur, iam comitantur. Agathocles regis lateri junctus, civitatem regebat; tribunatus, præfecturas, & ducatus mulieres ordinabant, nec quisquam in regno suo minus quam ipse rex poterat: cum interim, relicto quinquenni ex Eurydice sorore filio, moritur: sed mors eius, dum pecuniam regiam mulieres rapiunt, & imperium, inita cum perditissimis societate, occupare conantur, diu occultata fuit. Re tamen cognita, concursu multitudinis & Agathocles occiditur, & mulieres in ultionem Eurydices patibulis suffiguntur. Morte regis, supplicio meretricum ve-

lut expiata regni infamia, legatos Alexandrini ad Romanos misere, orantes, ut tutelam pupili susciperent, tuerenturque regnum Ægypti, quod iam Philippum & Antiochum, facta inter se pactione divisisse dicebant. Grata legatio Romanis fuit, causam belli adversus Philippum quærentibus, qui infidiatus eis temporibus Punici belli fuerat. Huc accedebat, quod Pœnis & Annibale superato, nullius magis arma metuebant, reputantibus quantum motum Pyrrhus parva manu Macedonum in Italia fecisset, quantasque res Macedones in Oriente gessissent. Mittuntur itaque legati, qui Antiocho & Philippo denuntient, regno Ægypti abstineant. Mittitur & M. Lepidus in Ægyptum, qui tutorio nomine regnum pupilli administret. Dum hæc aguntur, interim legationes Attali regis, & Rhodiorum, injurias Philippi querentes Romam venerunt. Quæ res omnem cunctationem Macedonici belli fenatui exemit. Statim igitur titulo ferendi sociis auxilii, bellum adversus Philippum, decernitur, legionesque cum consule in Macedoniam mittuntur. Nec multo post tempore, tota Græcia fiducia Romanorum, adversus Philippum, spe pristinae libertatis erecta, bellum ei intulit: Atque ita cum Rex undique urgeretur, pacem petere compellitur. Deinde cum expositæ conditiones pacis à Romanis essent, repetere sua & Attalus, & Rhodii, & Achæi, & Ætoli cœpere. Contra Philippus adduci se posse, ut Romanis pareat,

reat, concedebat; cæterum indignum esse, Græcos à Philippo & Alexandro majoribus suis victos, & sub jugum Macedonici imperii subactos, veluti victores leges pacis sibi dicere, quibus prius sit servitutis ratio reddenda quam libertas vindicanda. Ad postremum tamen petente eo, induciæ duorum mensium datæ, ut pax quæ in Macedonia nō conveniebat, Romæ à senatu peteretur. Eodem anno inter insulas Theramenem & Therasiam, medio utriusque ripæ & maris spatio, terræmotus fuit. In quo, cum admiratione navigantium, repente ex profundo cum calidis aquis insula emerfit. In Asia quoque eadem die idem motus terræ Rhodum, multasque alias civitates gravi ruinarū labe concussit; quasdam solidas absorbit. Quò prodigio territis omnibus, vates cecinere, oriens Romanorum imperium, vetus Græcorum ac Macedonum voraturum. Interim à senatu repudiata pace, Philippus in societatem belli Nabin tyrannum sollicitat. Atque ita, cum in aciem exercitum instructis è diuerso hostibus produxisset, hortari suos cepit, referendo Persas, Bactros Indosq; & omnem Asiam, Orientis finem, à Macedonibus perdomitam, tantoque fortius hoc bellum quam illis sustinendum, quanto sit libertas imperio carior. Sed & Flaminius Romanus consul relatione rerum recentissime gestarum, suos stinuabat in prælium, ostendendo hinc Carthaginem cum Sicilia, inde Italiani, & Hispaniam Romana virtute,

perdomitas: nec Annibalem quidem Alexandro Magno postponendum: quo Italia pulso, Africam ipsam tertiam partem mundi superaverint. Sed nec Macedonas veteri fama, sed præsentibus viribus æstimandos: quia non cum Alexandro Magno quem invictum audierant, nec cum exercitu ejus qui totum Orientem devicerat, bellum gerant; sed cum Philippo puero immaturæ ætatis, qui regni terminos adversus finitimos ægre defendat, & cum his Macedonibus qui non ita pridem prædæ Dardanis fuerunt. Illos majorum decora, se suorum militum commemorare. Non enim alio exercitu Annibalem & Pœnos, & totum ferme Occidentem, sed his ipsis, quos in acie habeat militibus subactos. His adhortationibus utrimque concitari milites, prælio concurrunt, alteri Orientis, alteri Occidentis imperio gloriantes; ferentesque in bellum, alii majorum suorum antiquam & obsoletam gloriâ, alii virentem recentibus experimentis virtutis florem. Sed Macedonas Romana fortuna vicit. Fractus itaque bello Philippus, pace à Flaminio consule petita, nomen quidem regium retinuit; sed omnibus Græciæ urbibus, velut regni membris extra terminos antiquæ possessionis amissis, solam Macedoniam retinuit. Offensi tamen Ætoli, quod non ex arbitrio eorum Macedonia quoque adempta regi, & data sibi in præmium belli esset, legatos ad Antiochum mittunt, qui eum adulatione magnitudinis in-

Ro-



Romana bella, spe societatis vniuersæ Græciæ, impellerent.

## LIBER XXXI.

**M**Ortuo Ptolemæo Philopatore rege, Ægypti, contemplataque paruuli filij eius ætate, qui in spem regni relictus, præda etiam domesticis erat, Antiochus rex Syriæ occupare Ægyptum statuit. Itaque Phœnicem, cæterasque Syriæ quidem, sed iuris Ægypti ciuitates cum inualisset, legatos ad eum senatus mittit, qui denuntiarent ei, abstineret regno pupilli, postremis patris præcibus fidei suæ traditi. Quibus spretis interiecto tempore alia legatio superuenit, quæ omiſſa pupilli persona, ciuitates, iure belli factas populi Romani, in integrum restituri iubebat. Abnuenti bellum denuntiatum: quod ille, facile susceptum infelicitè gessit. Eodem tempore & Nabis tyrannus multas Græciæ ciuitates occupauerat. Igitur senatus, ne vno tempore duplici bello Romanæ vires detinerentur, scripsit Flaminio, si ei videatur, sicuti Macedoniam à Philippo, ita Græciam à Nabide liberet. Ob quam causam imperium ei prorogatum est. Terribile quippe Antiochi bellum Annibalis nomen faciebat, quem æmuli eius occultis mandatis, cum Antiocho inſiſſe societatem apud Romanos criminabantur: negantes eum æquo ani-

mo sub legibus viuere, assuetum imperio, & immoderata licentia militari semperque tadio quietis vrbanae, nouas belli causas circumspicere: quæ etsi falsa nuntiata fuissent, apud timentes tamen, pro veris habebantur. Denique senatus metu percussus, ad speculandos actus Annibalis, legatum in Africam Cneum Seruiliū mittit: eique tacitis mandatis præcipit, si posset, eum per æmulos eius interficeret, metuque inuisi nominis, tandem, populum Romanum liberaret. Sed res Annibalem non diu latuit, virum ad prospicienda cauendaque pericula peritum; nec minus in secundis aduersa, quam in aduersis secunda cogitantem. Igitur cum tota die in oculis principum, legatique Romani, in foro Carthaginiensium obuersatus in supremum fuisset, appropinquante vespere, equum conscendit, & rus vrbani, quod propter littus maris habebat, ignaris seruis, iussisque ad portam reuertentem opperiri, contendit: Habebat ibi naues cum remigibus occulto sinu littoris absconditas: Erat & grandis pecunia, in eo agro præparata, vt cum res exegisset, nec facultas fugam, nec inopia, moraretur. Lecta igitur seruorum iuuentute, quorum copiam Italicorum numerus augebat, nauem conscendit, cursūque ad Antiochum dirigit. Postera die ciuitas principem suum, ac tum temporis consulem, in foro expectabat. Quem vt profectum

etum nuntiatum est, non aliter quam si  
 vrbs capta esset, omnes trepidauere, exitio-  
 samque sibi fugam eius ominati sunt. Le-  
 gatus vero Romanus, quasi bellum iam  
 illatum Italiæ ab Annibale esset, tacitus  
 Romam regreditur, trepidumque nuntium  
 refert. Interim in Græcia Flamininus,  
 iuncta cum ciuitatibus societate, Nabi-  
 dem tyrannum duobus continuis prælijs  
 subegit, & grauiter fractum, velut exsan-  
 guem in regno reliquit. Sed libertate Græ-  
 ciæ restituta, eductisque ab vrbibus præsi-  
 dijs, cum Romanus exercitus in Italiam  
 reportatus esset, velut vacua rursus posses-  
 sione sollicitatus, multas ciuitates repentino  
 bello inuasit. Quibus rebus exterriti Achæi,  
 ne vicinum malum etiam ad se serperet,  
 bellum aduersus Nabidem decernunt, du-  
 cemque prætorem suum Philopœmenem,  
 insignis industriæ virum, constituent: cu-  
 ius in eo bello tanta virtus enituit, vt opi-  
 nione omnium Flaminino Romano impera-  
 tori compararetur. Eodem tempore Anni-  
 bal cum ad Antiochum peruenisset, velut  
 deorum munus excipitur: tantusque eius  
 aduentu ardor animis regis accessit, vt non  
 tam de bello, quam de præmijs victoriæ  
 cogitaret. Sed Annibal, cui nota Romana  
 virtus erat, negabat opprimi Romanos nisi  
 in Italia posse. Ad hoc sibi centum naues,  
 & decem millia peditum, & mille equites  
 poscebat: promittens hac manu non minus  
 bellum, quam gesserit, Italiæ restauratu-

rum , & in Asiam regi sedenti , aut vī-  
ctoriam de Romanis , aut æquas pacis con-  
ditiones relaturum : quippe & Hispanis  
bello flagrantibus ducem tantum deesse ;  
& Italiam notiores sibi nunc , quam  
pridem fuisse ; sed nec Carthaginem quie-  
turam , sociamque se ei sine mora præbitu-  
ram . Cum regi consilia placuissent , mit-  
titur Carthaginem vnus ex comitibus An-  
nibalis , qui in bellum cupidos hortetur ,  
Annibalemque cum copijs affuturum nun-  
tiet ; nihil , dicat partibus , nisi animos  
Carthaginienſium deesse ; Asiam & vires  
belli , & sumptum præbituram . Hæc cum  
relata Carthaginem essent , nuntius ipse  
ab inimicis Annibalis comprehenditur , &  
perductus in senatum cum interrogaretur ,  
ad quem missus esset , Punico ingenio re-  
spondit se ad vniuersum senatum missum :  
Nec enim hoc opus singulorum , sed vni-  
uersorum esse . Dum multis diebus deli-  
berant , an eum Romam ad purgandam pu-  
blicam conscientiam mittant , tactus con-  
sensa naue ad Annibalem reuertitur : quo  
cognito , Carthaginienſes vltro rem Ro-  
mam per legatum deferunt . Romani quo-  
que ad Antiochum legatos misere , qui sub  
specie legationis & regis apparatus specu-  
larentur , & Annibalem aut Romanis mi-  
tigarent , aut assiduo colloquio suspectum  
inuisumque regi redderent . Itaque legati  
cum Ephesi conuenissent ad Antiochum ,  
mandata ei senatus tradunt . Dum res-  
pon-

ponsum expectant, omnibus diebus assidui circa Annibalem fuere, dicentes: timide eum à patria recessisse, cum pacem Romani non tam cum republica eius, quam cum eo factam, summa fide custodiant; nec bella cum Romanorum magis odio, quam patriæ amore gessisse, cui ab optimo quoque etiam spiritus ipse debeatur: has enim publicas inter populos, non priuatas inter duces, bellandi causas esse: inde res gestas eius laudare: Quorum sermone lætus, sapius, cupidiusque cum legatis colloquebatur, ignarus, quod familiaritate Romana, odium sibi apud regem crearet. Quippe Antiochus tam assiduo colloquio reconciliatam eius cum Romanis gratiam existimans, nihil ad eum, sicuti solebat, referre, expertemque totius consilij, veluti hostem proditoremque suum odisse cœpit. Quæ res tantum apparatus belli, cessante imperatoria arte corripuit. Senatus mandata fuerant, ut contentus terminis Asiæ esset, ne ipsis ingrediendi Asiam necessitatem imponeret: Quibus spretis, non accipiendum bellum statuit, sed inferendum. Dicitur cum frequenter de bello consilium habuisset, remoto Annibale, tandem eum vocari iussisse, non ut ex sententia eius aliquid ageret, sed ne per omnia eum spreuisse videretur: omnibusque perrogatis, postremum interrogasse. Quo ille animaduerso, intelligere se professus est, non quia egeat consilio, sed ad supplendum

nunc-

numerum sententiarum se vocatum ; tamen & odio Romanorum , & amore regis apud quem solum tutum sibi exilium relictum , fit , se viam gerendi belli edisseriturum . Veniam deinde libertati præfatus , nihil se , aut consiliorum , aut cœptorum præsentium probare ait , neque sedem belli Græciam sibi placere , cum Italia vberior materia sit : quippe Romanos vinci non nisi armis suis posse , nec Italiam aliter , quam Italicis viribus subigi : siquidem diuersum cæteris mortalibus esse illud & hominum & belligenus . Alijs bellis plurimum momenti habere , priorem aliquam cepisse occasionem loci , temporisque , agros diripiisse , vrbes aliquas expugnasse ; cum Romano seu occupaueris prior aliqua , seu viceris , tum etiam cum victo & iacente luctandum esse . Quamobrem , si quis eos in Italia lacestât , suis eos opibus , suis viribus , suis armis posse vincere , sicut ipse fecerit : Sin vero quis illis Italia velut fonte virium cesserit , perinde falli , ac si quis amnes non ab ipsis fontium primordijs deriuare , sed concretis iam aquarum molibus auertere vel exficcare velit . Hæc & secreto se censuisse , vltroque ministerium consilij sui obtulisse ; & nunc præsentibus amicis ideo repetisse , vt scirent omnes rationem cum Romanis gerendi belli , eosque foris inuictos , domi fragiles esse . Nam prius illos vrbe quam imperio , prius Italia quam prouincijs exui posse : quippe & à Gallis captos , & à se prope deletos esse ,  
neque

neque se vnquam victum prius, quam terris eorum cesserit. Reuerso Carthaginem, statim cum loco fortunam belli mutatam. Huic sententiæ obrectatores amici regis erant: non vtilitatem rei cogitantes, sed verentes, ne probato consilio eius, primum apud regem locum gratiæ occuparet. Et Antiocho non tam consilium, quam autor displicebat, ne gloria victoriæ Annibalis, non sua esset. Omnia igitur varijs assentionum adulationibus corrumpebantur: nihil consilio vel ratione agebatur. Rex ipse per hyemem in luxuriam lapsus, nouis quotidie nuptijs deditus erat. Contra Acilius Romanus consul, qui ad hoc bellum missus erat, copias; arma, cæteraque bello necessaria, summa industria parabat: ciuitates socias confirmabat, dubias illiciebat: nec alius exitus belli, quam apparatus vtriusque partis fuit. Itaque prima belli congressione, cum cedentes suos rex cerneret, non laborantibus auxilium tulit; sed fugientibus se ducem præbuit, castraque ditia victoribus reliquit. Deinde cum in Asiam, præda Romanis occupatis, fugiendo peruenisset, poenitere neglecti consilij cœpit; reuocatoque in amicitiam Annibale, omnia ex sententia eius agere. Interim nuntiatur Æmiliū ducem cum octoginta rostratis navibus, in bellum nauale à senatu missum, aduentare: quæ res illi spem restituendæ fortunæ dedit. Itaque priusquam ciuitates ad hostes deficerent, decernere nauali prælio statuit,



tuit, sperans cladem in Græcia acceptam, noua posse victoria aboleri. Tradita igitur Annibali classe prælium committitur: sed nec Afiani milites Romanis, neque naues eorum pares rostratis nauibus fuere; minor tamen clades ducis sollertia fuit. Romanum nondum opinio victoriæ venerat, & idcirco in consulibus creandis suspensa ciuitas erat. Sed aduersus Annibalem ducem quis melior quam Africani frater crearetur, cum vincere Pœnos opus Scipionum esset? Creatur igitur Consul, Lucius Scipio: eique datur legatus frater Africanus, vt intelligeret Antiochus, non maiorem fiduciam se in Annibale victo, quam Romanos in victore Scipione habere. Traijscentibus in Asiam Scipionibus exercitum, iam vtrobique profligatum bellum nuntiatum est, victumque Antiochum terrestri, Annibalem nauali bello inuenerunt. Primo igitur aduentu eorum, legatos pacem petentes ad eos Antiochus mittit, peculiare donum Africano ferentes ipsius filium, quem rex paruo nauigio traijscentem ceperat. Sed Africanus priuata beneficia à rebus publicis secreta esse dixit, aliaque esse patris officia, alia patriæ iura, quæ non liberis tantum, verum etiam vitæ ipsi præponantur: proinde gratum se munus accipere, priuatoque impendio munificentia regis responsurum. Quod ad bellum pacemque pertineat, nihil neque gratiæ dari; neque de iure patriæ decidi posse, respondit. Nam neque de redimendo

mendo filio vnquam tractauit , nec senatum de eo agere permisit, sed vt dignum maiestate eius erat, armis se recepturum filium dixerat. Post hæc leges pacis dicuntur, vt Asia Romanis cederet ; contentus Syriæ regno esset; naues vniuersas, captiuos & transfugas traderet ; sumptumque omnem belli Romanis restitueret . Quæ cum nuntiata Antiocho essent , nondum ita victum se esse respondit, vt spoliari se regno pateretur, bellique ea irritamenta, non pacis blandimenta esse . Igitur cum ab vtrisque bellum pararetur , ingressique Asiam Romani Ilion venissent , mutua gratulatio [ Iliensium ac Romanorum fuit : ] Iliensibus Æneam , cæterosque cum eo duces à se profectos , Romanis se ab his procreatos referentibus : Tantaque lætitia omnium fuit , quanta esset post longum tempus inter parentes & liberos solet. Iuuabat Ilienses nepotes suos , Occidente & Africa domita , Asiam vt autum regnum vindicare , optabilem Troiæ ruinam fuisse dicentes , vt tam feliciter nasceretur . Contra Romanos auitos lares , & incunabula maiorum , templaqua ac deorum simulacra , inexplebile desiderium videndi tenebat . Profectis ab Illo Romanis, Eumenes rex cum auxilijs occurrit : nec multo post prælium cum Antiocho commissum . Cum in dexteriore cornu pulsa legio Romana, maiore dedecore, quam periculo ad castra fugeret , M. Æmilius tribunus militum ad tutelam castrorum relictus,

ctus, armare se milites suos, & extra val-  
 lum progredi iubet, strictisque gladijs fu-  
 gientibus minari, morituros dicens, nisi  
 in prælium reuertantur, infestioraque  
 sua, quam hostium castra inuenturos. At-  
 ronita tam ambiguo periculo legio, comi-  
 tantibus commilitonibus, qui fugere eos  
 prohibuerant, in prælium reuertitur, ma-  
 gnaque cæde edita, initium victoriæ fuit.  
 Cæsa hostium quinquaginta millia, capta  
 x 1. Antiocho pacem petenti, nihil ad supe-  
 riores condiciones additum, Africano prædi-  
 cante, neque Romanis, si vincantur, animos  
 minui; neque si vincant, secundis rebus in-  
 solescere. Captas ciuitates inter socios di-  
 uisere Romani, aptiorem gloriam, quam  
 possessiones voluptarias iudicantes. Quip-  
 pe victoriæ gloriam Romano nomini vin-  
 dicandam, opum luxuriam socijs relin-  
 quendam.

## LIBER XXXII.

**Æ** Toli qui Antiochum in bella Roma-  
 na impulerant, victo eodem, soli  
 aduersus Romanos & viribus impares, &  
 omnia auxilio destituti remanserunt. Nec  
 multo post victi, libertatem, quam illi-  
 batam aduersus dominationem Athenien-  
 sium & Spartanorum, inter tot Græciæ ci-  
 uitates, soli retinuerant, amiserunt. Quæ  
 conditio tanto amarior illis, quanto serior  
 fuit, reputantibus tempora illa, quibus  
 tantis

tantis Persarum opibus, domesticis viribus restiterant, quibus Gallorum violentiam, Asiæ Italiæque terribilem, Delphico bello fregerant. Quæ gloriosa recordatio, maius desiderium libertatis augebat. Dum hæc aguntur, medio tempore inter Messenios & Achæos de principatu primo dissensio, mox bellum ortum est. In eo nobilis Achæorum Philopoemenes imperator capitur: non quia pugnando vitæ pepercerit, sed dum suos in prælium reuocat, in transitu fossæ equo præcipitatus, à multitudine hostium oppressus est. Quem iacentem Messenij seu metu virtutis, vel verecundia dignitatis, interficere ausi non fuerunt. Itaque velut in illo omne bellum confecissent, captiuum per vniuersam ciuitatem, in modum triumphi circumduxerunt, effuso obuiam populo, ac si suus, non hostium imperator aduentaret: nec victorem Achæi auidius vidissent, quam victum hostes viderunt. Igitur eundem in theatrum duci iusserunt, vt omnes contuerentur, quem potuisse capi incredibile singulis videbatur. Inde in carcerem ducto, verecundia magnitudinis eius, venenum dederunt: quod ille lætus, ac si vicisset, accepit; quæsito prius, an Ligortas præfectus Achæorum, quem secundum à se esse scientia rei militaris sciebat, incolumis effugisset. Quem vt accepit euasisse, non in totum dicens consultum male Achæis, exspirauit. Nec multo post reparato bello, Messenij vincuntur, poenasque

inter-

interfecti Philopemenis pependerunt . Interea in Syria rex Antiochus cum gravi tributo pacis à Romanis victus oneratusque esset, seu inopia pecuniæ compulsus, seu avaritia sollicitatus, qua sperabat se, sub specie tributariæ necessitatis, excusatus sacrilegia commissurum, adhibito exercitu, nocte templum Didymæi Iouis aggreditur . Quare prodita concursu incolarum, cum omni militia interficitur . Romæ cum multæ Græciæ ciuitates, questum de iniurijs Philippi regis Macedonum venissent, & disceptatio in senatu inter Demetrium Philippi filium, quem pater ad satisfaciendum senatui miserat, & legatos ciuitatum esset: turba querelarum confusus adolescens repente obticuit . Tunc senatus verecundiæ eius motus, quæ probata etiam antea, cum obses Romæ esset, omnibus fuerat, causam illi donauit : atque ita modestia sua Demetrius veniam patri, non iure defensionis, sed patrociniis pudoris obtinuit, quod ipsum decreto senatus significatum est : vt appareret non tam absolutum regem quam donatum filio patrem . Quæ res Demetrio non gratiam legationis, sed odium obrectationis comparauit . Nam apud fratrem Persecum æmulatio illi inuidiam contraxit; & apud patrem nota absolutionis causa offensæ fuit, indignante Philippo, plus momenti apud senatum personam filij, quam auctoritatem patris, ac dignitatem regiæ maiestatis habuisse. Igitur Perseus  
per-

perspecta patris ægritudine, quotidie absentem Demetrium apud eum criminari, & primo inuisum, post etiam suspectum reddere; nunc amicitiam Romanorum, nunc prodicionem ei patris obiectare. Ad postremum, insidias sibi ab eo paratas confingit: ad cuius rei probationem immittit indices, testes subornat, & facinus quod obijcit admittit. Quibus rebus compulso ad parricidium patre, funestam omnem regiam facit. Occiso Demetrio, sublatoque æmulo, non negligentior tantum Perseus in patrem, verum etiam contumacior erat; nec heredem regni, sed regem se gerebat. His rebus offensus Philippus, impatientius in dies mortem Demetrii dolebat, tunc & insidijs circumuentum suspicari, testes indicesque torquere. Atque ita cognita fraude, non minus scelere Persei quam innoxia Demetrii morte cruciabatur, peregissetque ultionem, nisi morte præuentus fuisset. Nam breui post tempore, morbo ex ægritudine animi contracto, decessit, relicto magno belli apparatu aduersus Romanos: quo postea Perseus usus est: nam & Gallos Scordiscos ad belli societatem perpulerat: fecissetque Romanis graue bellum, nisi decessisset. Namque Galli bello aduersus Delphos infelicitè gesto, in quo maiorem vim numinis, quam hostium senserant, amisso Brenno ducē, pars in Asiam, pars in Thraciam extorres fugerant. Inde per eadem vestigia, quæ venerant, antiquam patriam repetiuere.

Ex

Ex his manus quædam in confluente Danubij & Sabi confedit, Scordiscosque se appellari voluit. Tectosagi autem cum in antiquam patriam Tolosanam venissent, comprehensique pestifera lue essent, non prius sanitatem reciperauerunt, quam aruspicum responsis moniti, aurum argentumque bellis sacrilegiisque quæsitum, in Tolosensem lacum mergerent. Quod omne magno post tempore Cæpio Romanus consul abstulit. Fuere autem argenti pondo centum decem millia; auri pondo quinquies decies centum millia. Quod sacrilegium causa excidij Cæpioni exercituique eius postea fuit. Romanos quoque Cimbrici belli tumultus, velut ultor sacræ pecuniæ insequutus est. Ex gente Tectosagorum non mediocris populus præ æ dulcedine Illyricum repetiuit, spoliatisque Istris, in Pannonia confedit. Istrorum gentem fama est originem à Colchis ducere, missos ab Æta rege ad Argonautas, raptoreque filia persequendos: qui ut à Ponto intrauerunt Istrum, alueo Sabi fluminis penitus inuecti, vestigia Argonautarum insequentes, naues suas humeris per iuga montium, usque ad littus Adriatici maris transtulerunt, cognito quod Argonautæ idem propter magnitudinem navis priores fecissent: quos ut auctos Colchi non reperiunt, siue metu regis, siue tædio longæ nauigationis; iuxta Aquileiam confedere; Istrique ex vocabulo amnis,



nis, quo à mari concesserant, appellati. Daci quoque suboles Getarum sunt, qui, cum, Orole rege, aduersus Bastarnas male pugnassent, ad ultionem segnitiae, capturi somnum, capita loco pedum ponere iussu regis cogeantur, ministeriaque vxoribus, quæ ipsis antea fieri solebant, facere. Neque hæc ante mutata sunt, quam ignominiam bello acceptam virtute delerent. Igitur Perseus, cum imperio Philippi patris successisset, omnes has gentes aduersus Romanos in societatem belli sollicitabat. Interim inter Prusiam regem, ad quem Annibal post pacem Antiocho à Romanis datam, profugerat, & Eumenum, bellum ortum est, quod Prusias Annibalis fiducia rupto fœdere, prior intulit. Namque Annibal, cum ab Antiocho Romani inter cæteras condiciones pacis, dedicationem eius deposcerent, admonitus à rege, in fugam versus, Cretam defertur: Ibi cum diu quietam vitam egisset, inuidiosumque se propter nimias opes videret, amphoras plumbo repletas in templo Dianæ, quasi fortunæ suæ præsidia deponit: atque ideo nihil de illo sollicita ciuitate, quoniam velut pignus opes eius tenebat, ad Prusiam contendit, auro suo in statuis, quas secum portabat, infuso, ne conspectæ opes vitæ nocerent. Dein cum Prusias terrestri bello ab Eumene victus esset, & prælium in mare transtulisset, Annibal nouo commento auctor victoriæ fuit. Quippe

pe omne serpentium genus in fictiles lagenas conijci iussit, medioque prælio in naues hostium mittit. Id primum Ponticis ridiculum visum, fictilibus dimicare, qui ferro nequeant. Sed ubi serpentibus repleti naues cepere, ancipiti periculo circumuenti, hosti victoriam cessere. Quæ ubi Romam nuntiata sunt, missi à senatu legati sunt, qui vtrumque regem in pacem rogerent, Annibalemque deposcerent. Sed Annibal re cognita, sumpto veneno, legationem morte præuenit. Insignis hic annustrium toto orbe maximorum imperatorum mortibus fuit, Annibalis, & Philopemenis, & Scipionis Africani. Ex quibus constat Annibalem, nec tum cum Romano tonantem bello Italia contremuit, nec cum reuersus Carthaginem summum imperium tenuit, accubantem cenasse, aut plus quam sextario vini indulgisse, pudicitiamque eum tantam inter tot captiuas habuisse, vt in Africa natum quiuis negaret. Moderationis certe eius fuit, vt cum diuersarum gentium exercitus rexit, neque insidijs suorum militum sit petitus vnquam, neque fraude proditus, cum vtrumque hostes sæpe tentassent.

### LIBER XXXIII.

**M**Inore quidem rerum motu Romani Macedonicum, quam Punicum bellum gesserunt, sed tanto clarius, quanto

quanto nobilitate Macedones Pœnos antecesserunt . Quippe cum gloria Orientis domiti , tum & auxilijs omnium regum iuuabantur . Itaque Romani & legiones plures numero conscripserunt ; & auxilia à Masinissa rege Numidarum , cæterisque socijs omnibus acciuerunt , & Eumeni regi Bithyniæ denuntiaturum , ut bellum summis viribus iuaret . Perseo , præter Macedonicum inuictæ opinionis exercitum , decennis belli sumptus , à patre paratus in thesauris & horreis erat : quibus rebus inflatus , oblitus fortunæ paternæ , veterem Alexandri gloriam considerare suos iubebat . Prima equitum congressio fuit , qua victor Perseus suspensam omnium expectationem in fauorem sui traxit : misit tamen legatos ad consulem , qui pacem peterent , quam patri suo Romani etiam victo dedissent , impensas belli lege victi suscepturus . Sed consul Sulpitius non minus graues quam victo leges dixit . Dum hæc aguntur , metu tam periculosi belli , Romani Æmilium Paulum consulem creant , eique extra ordinem Macedonicum bellum decernunt : qui cum ad exercitum venisset , non magnam moram pugnæ fecit . Pridie quam prælium confereretur , luna nocte defecit : triste id ostentum Perseo omnibus præfagientibus , finemque Macedonici regni portendi vaticinantibus . In ea pugna M. Cato , Catonis oratoris filius , dum inter confertissimos hostes insigniter

N                      dimi-

dimicat ; equo delapsus , pedestre prœlium aggreditur . Nam cadentem manipulus hostium cum horrido clamore, veluti iacentem obtruncaturus circumsteterat; at ille citius corpore collecto , magnas strages edidit. Quum ad vnum opprimendum vndique hostes conuolarent , dum procerum quendam petit , gladius ei è manu elapsus , in mediam cohortem hostium decidit : ad quem recipiendum vmbone se protegens , inspectante vtroque exercitu , inter mucrones se hostium immersit ; recollectoque gladio , multis vulneribus exceptis , ad socios cum clamore hostium reuertitur. Huius audaciam cæteri imitati , victoriam peperere . Perseus rex fuga cum decem millibus talentum Samothraciam defertur : quem Cneus Octavius, ad persequendum missus à consule, cum duobus filiis, Alexandro & Philippo, cepit, captumque ad consulem duxit. Macedonia à Carano, qui primus in ea regnavit , vsque ad Perseum triginta reges habuit . Quorum sub regno fuit quidem annis noningentis & viginti tribus; sed rerum non nisi centum nonaginta duobus annis potita . Ita cum in ditionem Romanorum cessisset , magistratibus per singulas ciuitates constitutis, libera facta est; legesque quibus adhuc vtitur, à Paulo accepit. Ætolorum vniuersarum vrbiū senatus , cum coniugibus & liberis, qui dubia fide fuerant, Romam missus, ibique ne in patria aliquid nouaret , diu detentus, ægreque per multos annos legationibus

būs ciuitatum senatu fatigato, in patriam quisque suam remissus est.

## LIBER XXXIV.

**P**Oenis à Macedonibus subactis, Ætolorumque viribus principum captiuitate debilitatis, soli adhuc ex Græcia vniuersa, Achæi nimis potentes tunc temporis Romanis videbantur, non propter singularum ciuitatum nimias opes, se propter conspirationem vniuersarum. Namque Achæi, licet per ciuitates veluti per membra diuisi sint, vnum tamen corpus & vnum imperium habent; singularumque vrbiū pericula mutuis viribus propulsant. Quærentibus igitur Romanis causas belli, tempestiue fortuna querelâ Spartanorum obtulit, quorum agros Achæi propter mutuum odium populabantur. Spartanis à senatu responsum est, legatos se ad inspiciendas res sociorum, & ad iniuriam demendam in Græciam missuros: sed legatis occulta mandata data sunt, vt corpus Achæorum dissoluerent, singulasque vrbes proprii iuris facerent, quo facilius ad obsequia cogerentur, & si quæ vrbes contumaces essent, frangerentur. Igitur legati, omnium ciuitatum principibus Corinthum euocatis, decretum senatus recitant; quid consilij habeant, aperiunt. Expedire omnibus dicunt, vt singulæ ciuitates sua iura & suas leges habeant. Quod vbi omnibus innotuit, velut in furorem versi, vniuersum peregrinum

N 2 popu-

populum trucidant ; legatos quoque ipsos Romanorum violassent , nisi audito tumultu trepidi fugissent . Hæc vbi Romæ nuntiata sunt , statim senatus Mummio consuli bellum Achaicum decernit : qui extemplo exercitu deportato , & omnibus strenue prouisis , pugnandi copiam hostibus fecit . Sed Achæi , velut nihil negotij Romano bello suscepissent , ita apud eos neglecta omnia & soluta fuere . Itaque prædam non prælium cogitantes , & velicula ad spolia hostium reportanda duxerunt ; & coniuges liberosque suos , ad spectaculum certaminis , in montibus posuerunt . Sed prælio commisso , ante oculos suorum cæsi , lugubre his spectaculum & grauem luctus memoriam reliquerunt . Coniuges quoque liberique eorum , de spectatoribus captiui facti præda hostium fuere . Vrbs ipsa Corinthus diruitur ; populus omnis sub corona venditur ; vt hoc exemplo cæteris ciuitatibus metus nouarum rerum imponeretur . Dum hæc aguntur , Rex Syriæ Antiochus Ptolemæo , maioris sororis suæ filio , regi Ægypti , bellum infert , segni admodum , & quotidiana luxuria ita marcenti , vt non solum regiae maiestatis officia intermitteret , verum etiam sensu hominis nimia sagina careret . Pulsus igitur regno , ad fratrem minorem Ptolemæum Alexandriam confugit : participatoque cum eo regno , legatos Romanam ad senatum mittunt ; auxilia petunt ; fidem societatis implorant . Mouere  
senat-

senatum preces fratrum. Mittitur itaque legatus Popilius ad Antiochum : qui abstinere illum Ægypto , aut si iam incessisset , excedere iuberet. Cum in Ægypto eum inuenisset, osculumque ei rex obtulisset ( nam coluerat inter cæteros Popilium Antiochus , cum Romæ obses esset ) tunc Popilius facessere interim priuatam amicitiam iubet , cum mandata patriæ intercedant , prolatoque senatus decreto, & tradito, cum cunctari eum videret, consultationemque ad amicos referre ; ibi Popilius virga quam in manu gerebat , amplo circulo inclusum , vt & amicos caperet , consulere iubet , nec prius inde exire , quam responsum senatui daret , aut pacem aut bellum cum Romanis habiturum ; Adeoque hæc austeritas animum regis fregit , vt parituum se senatui responderet . Reuersus in regnum Antiochus decedit , relicto paruulo admodum filio : cui cum tutores dati à populo essent , patruus eius Demetrius , qui obses Romæ erat, cognita morte Antiochi fratris , senatum adiit , obsidemque se viuo fratre venisse , quo mortuo , cuius obses sit , se ignorare . Dimitti igitur se ad regnum petendum æquum esse, quod sicuti iure gentium maiori fratri cesserit , ita nunc sibi, qui pupillum ætate antecedit , deberi . Cum se non dimitti animaduerneret à senatu, tacito iudicio , tutius apud pupillum , quam apud eum regnum futurum arbitrante, specie venandi ab vrbe profectus, Hostiæ tacitus, cum



fugæ comitibus nauem conscendit . Delatus in Syriam secundo fauore omnium excipitur ; regnumque ei , occiso popillo , à tutoribus traditur . Eodem fere tempore Prusias rex Bithyniæ , consilium cepit interficiendi Nicomedis filij , dum consulere studet minoribus filijs , quos ex nouerca eius susceperat , [ & Romæ habebat . Sed res adolescenti ab his , qui facinus susceperant , ] proditur : hortatique sunt , vt crudelitate patris prouocatus , occupet insidias , & in auctorem retorqueat scelus : nec difficilis persuasio fuit . Igitur cum accitus in patris regnum venisset , statim rex appellatur . Prusias regno spoliatus à filio , priuatusque redditus , etiam à seruis deferitur . Cum in latebris ageret , non minori scelere , quam filium occidi iusserat , à filio interficitur .

## LIBER XXXV.

**D**emetrius occupato Syriæ regno nouitati suæ otium periculosum ratus , ampliare fines regni , & opes augere finitimorum bellis statuit . Itaque Ariarathi regi Cappadociæ propter fastiditas sororis nuptias infestus ; fratrem eius Orofernem , per iniuriam regno pulsum , supplicem recepit ; datumque sibi honestum belli titulum gratulatus , restituere eum in regnum statuit . Sed Orofernes ingrato animo inita cum Antiochen-  
chensi-

chenſibus paſſione offeſſis tunc Demetrio, pellere ipſum regno, à quo reſtituebatur, conſilium cepit. Quo cognito, Demetrius vitæ quidem eius, ne Ariarathes metu fraterni belli liberaretur, pepercit; ipſum autem comprehenſum, vinctum, Seleuciæ cuſtodiri iubet. Nec Antiochenſes indicio territi, defectione deſtiterunt. Itaque adiuuantibus & Ptolemæo rege, Ægypti, & Attalo rege Aſiæ, & Ariarathe Cappadociæ, bello à Demetrio laceſſiti, ſubornant propalam quendam fortis extremæ iuuenem, qui Syriæ regnum velut paternum armis repeteret: & ne quid contumeliæ deeſſet, nomen ei Alexandri inditur, genitusque ab Antiocho rege dicitur. Tantum odium Demetrii apud omnes erat, vt æmulo eius non vires regiæ tantum, verum etiam generis nobilitas conſenſu omnium tribueretur. Igitur Alexander admirabili rerum varietate, priſtinarum ſordium oblitus, totius ferme Orientis viribus ſuccinctus, bellum Demetrio infert, victumque vita pariter ac regno ſpoliat: quanquam nec Demetrio animus in propulſando bello deſuit. Nam & primo prælio hoſtem fugauit, & regibus bellum reſtituentibus multa milia in acie cecidit. Ad poſtremum tamen inuicto animo inter conſertiffimos fortiffime dimicans cecidit. Initio belli Demetrius duos filios apud Gnidium hoſpitem ſuum, cum magno auri pondere, com-

mendauerat , vt belli periculis eximerentur , & si ita fors tulisset , paternæ vltioni seruarentur . Ex his maior Demetrius annos pubertatis egressus , audita Alexandri luxuria, quem insperatæ opes, & alienæ felicitatis ornamenta, velut captum, inter scortorum greges desidem in regia tenebant, auxiliantibus Cretentibus , securum , ac nihil hostile metuentem, aggreditur. Antiochenes quoque veterem patris offensam nouis meritis correcturi , se ei tradunt : sed & milites paterni , fauore iuuenis accensi , prioris sacramenti religionem noui regis superbix præferentes , signa ad Demetrium transferunt: atque ita Alexander non minori impetu fortunæ destructus , quam elatus , primo proelio victus interficitur: deditque penas, & Demetrio , quem occiderat , & Antiocho , cuius mentitus originem fuerat .

## LIBER XXXVI.

**R**eciperato paterno regno, Demetrius & ipse rerum successu corruptus , vitij adolescentiæ in segnitiam labitur ; tantumque contemptum apud omnes inertie, quantum odium ex superbia pater habuerat, contraxit . Itaque cum ab imperio eius passim ciuitates deficerent , ad abolendam segnitix maculam , bellum Parthis inferre statuit : cuius aduentum non inuiti Orientis populi videre ; & propter Arfacidæ regis Parthorum crudelitatem , & quod veteri Macedonum

donum imperio assueti, noui populi superbiam indigne ferebant. Itaque cum & Persarum & Elimæorum, Bactrianorumq; auxilijs iuaretur, multis præliis Parthos fudit. Ad postremum tamen pacis simulatione deceptus, capitur; traductusque per ora ciuitatum populis, qui descuerant, in ludibrium fauoris ostenditur. Missus deinde in Hyrcaniam, benigne & iuxta cultum pristinae fortunæ habetur. Dum hæc aguntur, interim in Syria Trypho, qui se tutorem Antiocho Demetrii priuigno substitui à populo laborauerat, occiso pupillo, regnum Syriæ inuadit. Quo diu potitus, tandem exolescente fauore recentis imperij, ab Antiocho puero admodum, Demetrii fratre, qui in Asia educabatur, bello vincitur; rursusq; regnum Syriæ ad sobolem Demetrii reuertitur. Igitur Antiochus memor, quod & pater propter superbiam inuisus, & frater propter segnitiam, contemptus fuisset, ne in eadem uitia incidere, recepta in matrimonium Cleopatra uxore fratris, ciuitates, quæ initio fraterni imperij defecerant, summa industria persequitur, domitasque rursus regni terminis adiicit. Iudæosque qui in Macedonico imperio sub Demetrio patre armis se in libertatem vindicauerant, subigit. Quorum vires tantæ fuere, vt post hunc nullum Macedonum regem tulerint, domesticisque imperijs vsi Syriam magnis bellis infestauerint. Nāque Iudæis origo Damascena, Syriæ nobilissima ciuitas; vnde & Assyrijs regibus genus, ex regina

Semiramis, fuit. Nomen urbi à Damasco rege inditum: in cuius honorem Syrii sepulchrum Arathis uxoris ejus pro templo coluere, deamque exinde sanctissimæ religionis habent. Post Damascum Azelus, mox Adores & Abraham & Israhel reges fuere. Sed Israhel felix decem filiorum prouentus maioribus suis clariorem fecit. Itaque populum in decem regna diuisum filiis tradidit: omnesque ex nomine Iudæ, qui post diuisionem decesserat. Iudæos appellauit; colique eius memoriam ab omnibus iussit. Eius portio omnibus accesserat. Minimus ætate inter fratres Ioseph fuit: cuius excellens ingenium veriti fratres, clam interceptum peregrinis mercatoribus vendiderunt. A quibus deportatus in Ægyptum, cum magicas ibi artes solerti ingenio percepisset, breui ipsi regi percharus fuit. Nam & prodigiorum sagacissimus erat, & somniorum primus intelligentiam condidit, nihilque diuini iuris humanique ei incognitum videbatur, adeo ut etiam sterilitatem agrorum ante multos annos prouiderit: perissetque omnis Ægyptus fame nisi monitu eius rex edicto seruari per multos annos fruges iussisset: tantaque experimenta eius fuerunt, ut non ab homine sed à Deo responsa dari viderentur. Filius eius Moses fuit, quem præter paternæ scientiæ hereditatem etiam formæ pulchritudo commendabat. Sed Ægyptij cum scabiem & vitiliginem paterentur, responso moniti, cum cum agris, ne pestis ad plures serperet,

ter-

terminis Ægypti pellunt. Dux igitur exulum factus, sacra Ægyptiorum furto abstulit: quæ repetētes armis Ægyptij, domum redire tempestatibus compulsi sunt. Itaque, Moses Damascena antiqua patria repetita, montem Synan occupat: quo, septem dierū ieiunio per deserta Arabiæ, cum populo suo fatigatus cum tandem venisset, septimum, diem more gentis Sabbatum appellatum, in omne æuum ieiunio sacrauit: quoniam illa dies famem illis erroremque finierat. Et quoniam metu contagionis pullos se ab Ægypto meminerant, ne eadem causa inuisi apud incolas forent, cauerunt, ne cum peregrinis communicarēt: quod ex causa factum, paulatim in disciplinam religionemque conuertit. Post Mosē etiam filius eius Aruas, sacerdos sacris Ægyptijs, mox rex creatur; semperque exinde hic mos apud Iudæos fuit, ut eosdem reges & sacerdotes haberent: quorum iustitia religione permixta, incredibile quantum coaluere. Opes genti ex vegetalibus opobalsami creuere, quod in his tantum regionibus gignitur. Est namque, vallis, quæ continuis montibus, velut muro quodam ad instar castrorum clauditur. Spatium loci ducenta iugera, nomine Arcus dicitur. In ea silua est & vbertate, & amenitate insignis: siquidem palmeto & opobalsamo distinguitur. Arbores opobalsami formam similem piceis arboribus habent nisi quod sunt humiles magis, & in vinearum morem excoluntur. Hæ certo anni tempore balsa-

num sudant. Sed non minor, loci eius opacitatis, quam vbertatis admiratio est: quippe cum toto orbe regionis eius ardētissimus sol sit, ibi tepidi aeris naturalis quædā ac perpetua opacitas incst. In ea regione lacus est, qui propter magnitudinem & aquæ immobilitatem, mortuum mare dicitur. Nam neque ventis mouetur, resistente turbinibus bitumine, quo aqua omnis stagnatur; neque nauigationis patiens est, quoniam omnia vita carentia in profundum merguntur; nec materiam vllam sustinet, nisi quæ alumine illinatur. Primum Xerxes rex Persarum Iudæos domuit: postea cum ipsis Persis in ditionem Alexandri Magni venere, diuque in potestate Macedonici imperij subiecti Syriæ regno fuere. A Demetrio cum descuiissent, amicitia Romanorum petita, primi omnium ex Orientalibus libertatem receperunt, facile tūc Romanis de alieno largientibus. Per eadem tempora, quibus in Syria regni mutatio inter novos reges alternabatur, in Asia rex Attalus florentissimum, & ab Eumene patruo acceptum regnum, cædibus amicorū, & cognatorum supplicijs foedabat, nunc matrem anum, nunc Beronicem sponsam maleficijs eorum necatas confingens. Post hanc scelestam violentiæ rabiem, squalidam vestem sumit; barbam capillumque in modum reorum summittit: nō in publicum prodire, non populo se ostendere, non domi latiora conuiuia inire, aut aliquod signum sani hominis habere, prorsus vt penas pendere manibus



nibus interfectorum videretur. Omissa deinde regni administratione hortos fodiebat, gramina seminabat, & noxia innoxijs permiscebat, eaque omnia veneni succo infecta, velut peculiare munus, amicis mittebat. Ab hoc studio arariæ artis fabricæ se tradit, cerisque fingendis, & ære fundendo, procudendoque oblectabatur. Matri deinde sepulchrum facere instituit: cui operi intentus, morbum ex solis feruore contraxit, & septima die decessit: huius testamento heres populus Rom. tunc instituitur. Sed erat ex Eumene Aristonicus, non iusto matrimonio, sed ex pellice Ephesia citharistæ cuiusdam filia genitus, qui post mortem Attali, velut paternum regnum, Asiam inuasit. Cum multa secunda prælia aduersus ciuitates, quæ metu Romanorum tradere se ei nolebant, fecisset, iustusque rex iam videretur, Asia Licinio Crasso consuli decernitur: qui intetior Attalicæ prædæ, quam bello, quum extremo anni tempore inordinata acie præliū conseruisset, victus poenas inconsultæ auaritiæ sanguine dedit. In huius locum missus Perpennas Consul, prima congressione Aristonicum superatum in potestatem suam redegit, Attalicasq; gazas hereditarias populi Romani, nauibus impositas Romam deportauit. Quod ægre ferens successor eius Marcus Aquilius Consul, ad eripiendum Aristonicum Perpennæ, veluti sui potius triūphi munus esse deberet, festinata velocitate contendit. Sed contentione Consulū mors Perpennæ diremit. Sic Asia Ro-

ma-

manorum facta, cum opibus suis, vitia quoque Romam transmissit.

## LIBER XXXVII.

**C**apto Ariftonico, Massilienses pro Phocenibus conditoribus suis, quorum urbem Senatus, & omne nomen, quod & tunc & antea Antiochi bello, infesta contra populum Romanum arma tulerant, deleri iussit, legatos Romam deprecatum misere, veniamque his à Senatu obtinere. Post hæc regibus, qui aduersos Ariftonicum auxilia tulerunt, præmia persoluta: Mithridati Pontico Syria maior; filiis Ariarathis regis Cappadociæ, qui eodem bello occiderat, Lycæonia & Cilicia datæ: fideliorque populus Romanus socij filios, quam mater in liberos fuit; Quippe hinc paruulis auctum regnum, inde vita adempta. Namque Laudice, ex numero sex filiorum, quos virilis sexus ex Ariarathe rege susceperat, timens, ne non diutina regni administrationem adultis quibusdam potiretur, quinque parricidialiveneno necavit; vnum paruulum sceleri matris cognatorum custodia eripuit, qui post necem Laudices (nam propter crudelitatem eam populus extinxerat) solus regno potitus est. Mitridates quoque repentina morte interceptus, filium, qui & ipse Mithridates dictus est, reliquit. Cuius ea postea magnitudo fuit, ut non sui tantum temporis, verum etiam superioris ætatis omnes reges maiestate superauerit bellaque;

bellaq; cum Romanis per XLVI. annos varia  
 victoria gesserit: Cum eum summi impera-  
 tores Sylla, Lucullus, cæterique, in summa  
 Cneus Pompeius ita vicerint, vt maior cla-  
 riorq; in restaurando bello resurgeret, dam-  
 nisque suis terribilior redderetur. Denique  
 ad postremum non vi hostili victus, sed vo-  
 luntaria morte, in auito regno senex herede  
 filio decessit. Huius futuram magnitudinem  
 etiam cælestia ostenta prædixerant. Nam &  
 quo genitus est anno, & eo quo regnare pri-  
 mum cepit, stella cometes per vtrumq; tem-  
 pus septuaginta diebus ita luxit, vt cælum  
 omne conflagrare videretur. Nam & magni-  
 tudine sui quartam partem cœli occupaue-  
 rat; & fulgore sui solis nitorem vicerat; & cū  
 oriretur occumberetque quatuor spatiū ho-  
 rarum consumebat. Puer tutorum insidias  
 passus est, qui eum fero equo impositū, equi-  
 tare, iacularique cogeant, qui conatus cum  
 eos fefellissent, supra ætatem regente equum  
 Mithridate, veneno eum appetuere. Quod  
 metuens, antidota sæpius bibit, & ita se ad-  
 uersus insidias exquisitis tutioribus remedijs  
 stagnauit, vt ne volens quidem senex veneno  
 mori potuerit. Timēs deinde ne inimici, quod  
 veneno non potuerant, ferro peragerent, ve-  
 nandi studium finxit: quo per septem annos  
 neq; vrbs, neq; ruris tecto vsus est: sed per  
 siluas vagatus, diuersis montium regionibus  
 pernoctabat, ignaris omnibus, quibus esset  
 locis: assuetus feras cursu aut fugare aut per-  
 sequi, cum quibusdā etiam viribus cōgredi.

Qui-

Quibus rebus, & infidias vitauit, & corpus ad omnem virtutis patientiam durauit. Ad regni deinde administrationem cum accessisset, statim non de regendo, sed de augendo regno cogitauit. Itaque Scythas inuictos antea, qui Sopyriona, Alexātri Magni ducem, cum triginta millibus armatorum deleuerant; qui Cyrum Persarum regem cum ducentis millibus trucidauerant; qui Philippū Macedonum regem fugauerant, ingenti felicitate perdomuit. Auctus igitur viribus, Pōtum quoq; ac deinceps Cappadociam occupauit. Cum de Asia tractaret, tacitus cū quibusdam amicis regno profectus, vniuersam nemine sciēte peruagatus est, omniumq; urbium sitū ac regiones cognouit. Inde Bithyniam transcendit, & quasi dominus Asiæ opportuna quæque victoriæ suæ metatus est. Post hæc in regnum, cum iam perisse crederetur, reuersus est, inuento paruulo filio, quē per absentiam eius Laudice soror vxorque enixa fuerat: sed inter gratulationem aduentus sui, & filij geniti, veneno periclitatus est. Siquidem Laudice soror, cum perisse eum crederet, in concubitus amicorum proiecta, quasi admissum facinus maiore scelere tegere posset, venenū aduenienti parauit. Quod eum ex ancilla Mithridates cognouisset, facinus in auctores vindicauit. Hyeme deinde imminente, non in conuiuio, sed in campo, nō in aduocationibus, (sed in exercitationibus) nec inter sodales, sed inter coæquales, aut equo aut cursu, aut viribus cōtendebat.

Exer-

Exercitum quoque suum ad parem laboris patientiam quotidiana exercitatione durabat, atque ita inuictus ipse inexpugnabilem exercitum fecerat. Inita deinde cum Nicomede societate, Paphlagoniam inuadit, victamque cum socio diuidit. Quam cum teneri à regibus senatui nuntiatum esset, legatos ad vtrumque misit, qui gentem restitui in pristinum statum iuberent. Mithridates cum se iam parem magnitudini Romanorum crederet, superbo responso, hereditarium patri suo regnum obuénisse, respondit: mirarique se, quod ei relata controuersia non fuerit, sibi referatur. Nec territus minis, Galatiam quoque occupat. Nicomedes quoniam se tueri iure non potuerat, iusto regi redditurum respondit. Atque ita filium suum mutato nomine, Philiamenem Paphlagonum regum nomine appellat, & quasi stirpi regis reddidisset, regnum, falso nomine tenet. Sic ludibrio habiti legati, Romam reuertuntur.

## LIBER XXXVIII.

**M**ithridates patricidia nece vxoris auspicatus, sororis alterius Laudices filios, cuius virum Ariarathem regem Cappadociæ per Gordium insidijs occiderat, tollendo statuit, nihil actum, morte patris existimans, si adolescentes paternum regnum, cuius ille cupiditate flagrabat, occupassent. Igitur dum in his cogitationibus versatur, interim Nicomedes

des rex Bithyniæ, vacuum morte regis Cappadociam inuadit. Quod cum nuntiatum Mithridati fuisset, per simulationem pietatis auxilia sorori ad expellendum Cappadocia Nicomedem mittit. Sed iam Laudice per pactiōem se Nicomedi in matrimonium tradiderat. Quod ægre ferens Mithridates, præsidia Nicomedis Cappadocia expellit, regnumque sororis filio restituit: egregium prorsus factum, ni subsequuta, fraus esset. Siquidem interiectis mensibus simulat se Gordium, quo ministro usus in Ariarathe interficiendo fuerat, restituere in patriam velle, sperans, si obsisteret adulescens, causas belli futuras; aut si permetteret, per eundem filium tolli posse, per quem interfecerat patrem. Quod ubi Ariarathes iunior moliri cognouit, grauiter ferens interfectorem patris per auunculum, potissimum ab exilio reuocari, ingentem exercitum contrahit. Igitur cum in aciem eduxisset Mithridates peditum octoginta millia, equitum decem millia, currus falcatos DC; nec Ariarathi auxiliantibus finitimis regibus minores copiae essent, incertum belli timens, consilia ad insidias transfert: sollicitatoque iuvene ad colloquium, cum ferrum occultatum inter fascias gereret, scrutatori ab Ariarathe regio more missa, curiosius inuim ventrem pertractanti, ait, caueret, ne aliud telum inueniret, quam quæreretur. Atque ita risu protectis insidijs, euocatum ab amicis velut ad secretum

tum sermonem, inspectante utroque exercitu, interficit: regnum Cappadociae octo annorum filio, imposito Ariarathis nomine, additoque ei rectore Gordio tradidit. Sed Cappadoces crudelitate ac libidine praefectorum vexati, à Mithridate deficiunt, fratremque regis, & ipsum Ariarathem nomine, ab Asia, ubi educabatur, reuocant: cum quo Mithridates proelium renouat, victumque Cappadociae regno expellit. Nec multo post adolescens ex ægritudine collecta infirmitate decedit. Post huius mortem Nicomedes timens, ne Mithridates accessione Cappadociae etiam Bithyniam finitimam inuaderet, subornat puerum, eximia pulchritudinis, quasi Ariarathes tres non duos filios genuisset, qui à senatu Romano paternum regnum peteret. Vxorem quoque Laudicen Romam mittit, ad testimonium trium ex Ariarathe susceptorum filiorum. Quod ubi Mithridates cognouit, & ipse pari impudentia Gordium Romam mittit, qui senatui assereret, puerum, cui Cappadociae regnum tradiderat, ex eo Ariarathe genitum, qui bello Aristonici auxilia Romanis ferens occidisset. Sed senatus studio regum intellecto, aliena regna falsis nominibus furantium, & Mithridati Cappadociam, & Nicomedi ad solatium eius Paphlagoniam ademit. Ac ne contumelia regum foret ademptum illis, quod daretur alijs, uterque populus libertate donatus est. Sed Cappadoces munus  
liber-



libertatis abnuentes , negant viuere gentem  
sine rege posse . Atque ita rex illis à senatu  
Ariobarzanes constituitur . Erat eo tempo-  
re Tigranes rex Armeniæ , obses Parthis  
ante multum temporis datus , sed olim ab  
ijsdem in regnum paternum remissus . Hunc  
Mithridates mire ad societatem Romani  
belli , quod olim meditabatur , pellicere  
cupiebat . Nihil igitur de offensa Romano-  
rum sentientem , per Gordium impellit , vt  
Ariobarzani segni admodum bellum infe-  
rat : & ne quis dolus subesse videretur , fi-  
liam suam ei Cleopatram in matrimonium  
tradit . Primo igitur aduentu Tigranis ,  
Ariobarzanes sublatis rebus suis Romam  
contendit . Atque ita per Tigranem rursus  
Cappadocia iuris esse Mithridatis cœpit .  
Eodem tempore mortuo Nicomede , etiam  
filius eius , & ipse Nicomedes , regno à Mi-  
thridate pellitur , qui cum supplex Romam  
venisset , decernitur in senatu , vt vterque in  
regnum restituantur : in quod tum missi  
Aquilus & Manlius Maltinus legati . His  
cognitis , Mithridates societatem cum Ti-  
grane , bellum aduersus Romanos gesturus ,  
iungit : pactique inter se sunt , vt vrbes agri-  
que Mithridati , homines vero , & quæcun-  
que auferri possent , Tigrani cederent . Post  
hac Mithridates intelligens , quantum bel-  
lum suscitaret , legatos ad Cimbros , alios ad  
Gallogræcos , & Sarmatas , Bastarnasque au-  
xilium petitum mittit . Nam omnes has gen-  
tes Romanum meditabundus bellum , varijs  
benefi-

beneficiorum muneribus iam ante illexerat. Ab Scythiis quoque exercitum venire iubet, omnemq; Orientem aduersus Romanos armat. Non magno igitur labore Aquilium & Maltinum Aliano exercitu instructos vincit: quibus simul cum Nicomede pulsus ingenti fauore ciuitatum excipitur: multum ibi auri argentique, studio veterum regum, magnumque belli apparatus inuenit: quibus instructus debita ciuitatibus publica, priuataque remittit, & vacationem quinquennij concedit. Tunc ad concionem milites vocat, eosque varijs exhortationibus ad Romana bella siue Asiana incitat. Quam orationem dignam duxi, cuius exemplū breuitati huius operis insererem, quam obliquam Pompeius Trogus exposuit: quoniam in Liuiο & in Sallustio reprehendit, quod conciones directas pro sua oratione operi suo inferendo, historię modum exceßerint. OPTANDVM sibi fuisse ait, vt de eo liceret consulere, bellumne sit cum Romanis, an pax habenda; quin vero sit resistendum impugnantibus, nec eos quidem dubitare, qui spe victorię carcant: quippe aduersus latronem, si nequeant pro salute, pro vltione tamen sua omnes ferrum stringere. Cæterum quia non id agitur, an liceat quiescere, non tantum animo hostiliter, sed etiam proelio congressis, consulendum, qua ratione ac spe cœpta bella sustineant. Esse autem sibi victorię fiduciam, si sit illis animus; Romanosque vinci posse cognitum non sibi magis, quam

quam ipsis militibus, qui & in Bithynia, Aquilium, & Malcinum in Cappadocia, fuderint. At si quem aliena magis exempla, quam sua experimenta moueant, audire se à Pyrrho rege Epiri, non amplius quam quinque millibus Macedonum instructo, fusos tribus prælijs Romanos. Audire Annibalem sexdecim annis Italiae victorem immoratum, & quin ipsam caperet urbem, non Romanorum illi vires obstitisse, sed domesticæ æmulationis atque inuidiæ studium. Audire populos Transalpinæ Gallia Italianam ingressos, maximis eam, plurimisque urbibus possidere; & latius aliquanto solum finium, quam in Asia, quæ dicatur inbellis, eosdem Gallos occupasse; nec victam solum dici sibi Romam à Gallis, sed etiam captam, ita vt vnius illis montis tantum cacumen relinqueretur; nec bello hostem, sed pretio remotum: Gallorum autem nomen, quod semper Romanos terruit, in partem virium suarum ipse numeret. Nam hos qui Asiam incolunt Gallos, ab illis, qui Italianam occupauerant, sedibus tantum distare: originem quidem ac virtutem, genusque pugnae idem habere, tantoque his sagaciora esse quam illis ingenia, quanto longiori ac difficiliori spatio per Illyricum, Thraciamque prodierint, pene operosius transitis eorum finibus, quam vbi confedere possent. Iam ipsam Italianam audire se nunquam, vt Roma condita sit, satis illi pacatam, sed assidue per omnes an-

nos

nos pro libertate alios, contra quosdam etiam pro iure imperij bellis continuis perseverasse; & à multis ciuitatibus Italiæ deletos Romanorum exercitus ferro, à quibusdam nouo contumeliæ more sub iugum missos. Ac ne veteribus immoremur exemplis, hoc ipso tempore vniuersam Italiam bello Marfico consurrexisse, non iam libertatem, sed consortium imperij, ciuitatisque poscentem: Nec grauius vicino Italiæ bello, quam domesticis principum factionibus urbem premi, multoque periculosius esse Italico ciuile bellum, simul à Germania Cimbros, immensa millia ferorum atque immitium populorum, more procellæ inundasse Italiam: quorum tametsi singula bella sustinere Romani possent, vniuersis tamen obruantur, vt ne vacaturos quidem bello suo putet. Utendum igitur occasione, & rapienda incrementa virium, ne si illis occupatis quieuerint, mox aduersus vacuos, & quietos maius negotium habeant. Non enim quæri, an capienda sint arma, sed vtrum sua potius occasione, an illorum. Nam bellum equidem iam tunc secum ab illis geri cœptum, cum sibi pupillo maiorem Phrygiam ademerint, quam patri suo præmiū dati aduersus Aristonicum auxilij concesserant, gentem, quam & proauo suo Mithridati, Seleucus Callinicus in dotem dedisset. Quid cum Paphlagonia se decedere iusserunt, non alterum illud genus belli fuisse? quæ non vi, non armis, sed adoptione

ptione testamenti & regum domesticorum interitu, hereditaria patri suo obuenisset: cum inter hanc decretorum amaritudinem parendo, non tamen eos mitigaret, quin acerbius se indies gerant, non obtinuisse. Quod enim à se non præbitum illis obsequium? non Phrygiam, Paphlagoniamque dimissas? non Cappadocia filium eductum, quam iure gentium victor occupauerat? Raptam tamen sibi esse victoriam eius ab illis, quorum nihil est nisi bello quæsitum. Non regem Bithyniæ Chreston, in quem senatus arma decreuerat, à se in gratiam illorum occisum? tamen nihilominus impulari sibi si qua Gordius aut Tigranes faciat: libertatem etiam in contumeliam sui à senatu ultro delatam Cappadociæ, quam reliquis gentibus abstulerunt: deinde populo Cappadocum pro libertate oblata, Gordium regem orante, ideo tantum quoniam amicus suus esset, non obtinuisse. Nicomedem præcepto illorum bellum sibi intulisse: quia ultum ierit se, ab ipsis ventum obuiani in eo, & nunc eam secum bellandi illis causam fore, quod non impune se Nicomedi lacerandum saltatricis filio præbuerit. Quippe non delicta regum eos, sed vires ac maiestatem insequi: neque in se vno, sed in alijs quoque omnibus hac semper arte grassatos. Sic & auum suum Pharnacem, per cognationum arbitria, succedaneum regi Pergameno Eumeni datum: sic rursus Eumenem, cuius classibus primum in Asiam fuere transuecti:

uesti: cuius exercitu magis quam suo, & magnum Antiochum, & Gallos in Asia, & mox in Macedonia regem Persen domuerant; & ipsum pro hoste habitum, eique interdictum Italia: & quod cum ipso deforme sibi putauerant, cum filio eius Aristonico bellum gessisse. Nullius apud eos maiora, quam Masinissæ regis Numidarum haberi merita. Huic imputari victum Annibalem, huic captum Syphacem, huic Carthaginem deletam, hunc inter duos illos Africanos tertium seruatores urbis referri: tamen, cum huius nepote bellum modo in Africa gestum adeo inexpiabile, ut ne victum quidem memoriæ patris donarent, quin carcerem ac triumphum spectaculum experiretur. Hanc illos regibus omnibus legem odiorum dixisse, scilicet, quia ipsi tales reges haberint, quorum etiam nominibus erubescant, aut pastores Aboriginum, aut aruspices Sabinorum, aut exules Corinthiorum, aut seruos vernaſque Thuscorum, aut, quod honoratissimum nomen fuit inter hæc, Superbos: atque, ut ipsi ferunt, conditores suos lupæ vberibus altos; sic omnem illum populum luporum animos, inexplebiles sanguinis atque imperij, diuitiarumque auidos ac ieiunos habere. Se autem seu nobilitate illis comparetur, clariorem illa colluie conuenarum esse, qui paternos maiores suos à Cyro Darioque conditoribus Persici regni, maternos à Magno Alexandro, ac Nicatori Seleuco, conditoribus imperij Ma-

O

cedoni-

cedonici , referat : seu populus illorum ,  
conferatur suo , earum se gentium esse ,  
quæ non modo Romano imperio sint pares ,  
sed Macedonico quoque obstiterint . Nul-  
lam subjectarum sibi gentium expertam pe-  
regrina imperia ; nullis vnquam nisi dome-  
sticis regibus paruisse . Cappadociam ve-  
lint an Paphlagoniam recensere , rursus  
Pontum , an Bithyniam ; itemque Arme-  
niam maiorem minoremque ; quarum gen-  
tium nullam neque Alexander ille , qui to-  
tam pacauit Asiam , nec quisquam succes-  
sorum eius , aut posterorum attigisset . Scy-  
thiam duos vnquam ante se reges non pacare ,  
sed tantum intrare ausos , Darium &  
Philippum , ægre inde fugam sibi expedisse ,  
vnde ipse magnam partem aduersus Roma-  
nos virium haberet . Multoque se timidius  
ac diffidentius bella Pontica ingressum ,  
cum ipse rudis ac tyro esset : Scythiæ , præ-  
ter arma virtutemque animi , locorum quo-  
que solitudinibus , vel frigoribus instructæ ,  
per quæ denuntiaretur ingens militiæ la-  
bor ac periculum . Inter quas difficultates  
ne spes quidem præmij foret , ex hoste va-  
go , nec tantum pecuniæ , sed etiam sedis  
inope . Nunc se diuersam belli conditio-  
nem ingredi . Nam neque cœlo Asiæ esse  
temperatius aliud , nec solo fertilius ; nec  
vrbium multitudine aincenius ; magnam-  
que temporis partem non vt militiam ,  
sed vt festum diem acturos , bello dubium  
facili magis , au vberi , si modo aut proxi-  
mas



mas regni Attalici opes, aut veteres Lydiæ Ionixque audierint, quas non expugnatum eant, sed possessum : tantumque se auida expectat Asia, ut etiam vocibus vocet : adeo illis odium Romanorum incussit rapacitas Proconsulum, sectio publicanorum, calumniæ litium. Sequantur se modo fortiter, & colligant, quid se duce possit efficere tantus exercitus, quem sine cuiusquam militum auxilio, suamet unius opera viderint Cappadociam cæso rege cepisse, qui solus mortalium Pontum omnem, Scythiamque pacauerit, quam nemo ante transire tuto, atque adire potuerit. Nam iustitiæ atque liberalitatis suæ, nec ipsos milites, qui experiantur, testes refugere : & illa indicia habere, quod solus regum omnium non paterna solum, verum etiam externa regna hereditatibus propter munificentiam acquisita possideat. Colchos, Paphlagoniam, Bosphorum. Sic excitatis militibus, post annos tres & viginti sumpti regni, in Romana bella descendit. At in Ægypto mortuo rege Ptolemæo, ei, qui Cyrenis regnabat, Ptolemæo per legatos regnum, & vxor Cleopatra regina soror ipsius defertur. Latus igitur hoc solo Ptolemæus, quod sine certamine fraternaliter regnum recepisset, in quod subornari, & à matre Cleopatra & fauore principum, fratris filium cognouerat. Cæterum infestis omnibus, statim ubi Alexandriam ingressus est, fautores

O 2

pueri

pueri trucidari iussit . Ipsum quoque die nuptiarum , quibus matrem eius in matrimonium recipiebat , inter apparatus epularum , & solemnia religionum , in complexu matris interficit : atque ita thorum sororis , cæde filij eius cruentus , ascendit . Post quod non mitior in populares , qui eum in regnum vocauerant , fuit . Siquidem peregrinis militibus licentia cædis data , omnia sanguine quotidie manabant : ipsam quoque sororem , filia eius virgine per vim stuprata , & in matrimonium adscita , repudiat . Quibus rebus territus populus in diuersa labitur , patriamque metu mortis , exul reliquit . Solus igitur in tanta vrbe cum suis relictus Ptolemæus , cum regem se non hominum , sed vacuarum ædium videret , edicto peregrinos sollicitat . Quibus confluentibus , obuius legatis Romanorum Scipioni Africano , & Spurio Mummio , & L. Metello , qui ad inspicienda sociorum regna veniebant , procedit . Sed quam cruentus ciuibus tam ridiculus Romanis fuit . Erat enim & vultu deformis , & statura brevis , & sagina ventris non homini , sed belluæ similis . Quam foeditatem nimia subtilitas perlucidæ vestis augebat , prorsus quasi astu inspicienda præberentur , quæ omni studio occultanda pudibundo viro erant . Post discessum deinde legatorum , ( quorum Africanus dum inspicit urbem , spectaculo Alexandrinis fuit ) iam etiam populo peregrino inuisus , cum

cum filio, quem ex sorore susceperat, & cum vxore matris pellice, metu insidiarum, tacitus in exilium proficiscitur: contractoque mercenario exercitu, bellum, forori pariter ac patriæ infert. Arcessitum maximum deinde à Cyrenis filium, ne eum Alexandrini contra se regem crearent, interficit. Tunc populus statuas & imagines eius detrahit. Quod factum studio sororis existimans, filium quem ex ea susceperat, interficit, corpusque in membra diuisum, & in cista compositum matri die natalis eius, inter epulas offerri curat. Quæ res non reginæ tantum, verumetiam vniuersæ ciuitati acerba, & luctuosa fuit: tantumque mœrorem festiuissimo conuiuio intulit, vt regia omnis repentino luctu incenderetur. Verso igitur studio principum ab epulis in exsequias, membra lacera populo ostendunt, & quid sperare de rege suo debeant, filij cæde demonstrant. Finito luctu orbitatis. Cleopatra cum vrgeri se fraterno bello videret; auxilium à Demetrio rege Syriæ, per legatos petit: cuius ipsius varij & memorabiles casus fuere. Namque Demetrius, vt supra dictum est, cum bellum Parthis intulisset, & multis congressionibus victor fuisset, repente insidijs circumuentus, amisso exercitu capitur. Cui Arfacides Parthorum rex, magno & regio animo misso in Hyrcaniam, non cultum tantum regum præstitit, sed & filiam in matrimo-

nium dedit, regnumque Syriae, quod per absentiam eius Trypho occupauerat, restitutum promittit: Post huius mortem desperato reditu, non ferens captiuitatem Demetrius, priuatam etsi opulentam vitam pertæsus, tacitus in regnum fugam meditatatur. Hortator illi & comes Gallimander amicus erat: qui post captiuitatem eius, à Syria per Arabiae deserta, ducibus pecunia comparatis, Parthico habitu Babylonem peruenerat. Sed fugientem Phrahates, qui Arsacidæ successerat, equitum celeritate, per compendiosos tramites occupatum, retrahit. Vt est deductus ad regem, Gallimandro quidem non tantum venia, verum etiam præmium fidei datum. Demetrium autem & grauiter castigatum ad coniugem in Hyrcaniam remittit, artioribusque custodijs obseruari iubet. Interiecto deinde tempore, cum fidem illi etiam suscepti liberi facerent, eodem amico comite repetita, fuga est: sed pari infelicitate prope fines regni sui deprehenditur, ac denuo perductus ad regem, vt inuisus à conspectu summouetur. Tunc quoque vxori & liberis donatus, in Hyrcaniam poenalem sibi ciuitatem remittitur, talisque aureis ad exprobationem puerilis leuitatis donatur. Sed hanc Parthorum tam mitem in Demetrium clementiam non misericordia gentis faciebat, nec respectus cognationis, sed quod Syriae regnum affectabant, vsuri Demetrio aduersus Antiochum fratrem, prout res, vel tempus,

pus, vel fortuna belli exegisset. His auditis, Antiochus occupandum bellum ratus, exercitum, quem multis finitimorum bellis indurauerat, aduersus Parthos ducit. Sed luxuriæ non minor apparatus, quam militiæ fuit: quippe LXX. millia armatorum sequuta sunt CCC. millia lixarum, ex quibus coquorum, pistorum, scenicorumque maior numerus fuit. Argenti certe atque tantum, ut etiam gregarij milites caligas auro figerent, proculcarentque materiam, cuius amore populi ferro dimicant. Culinarum quoque argentea, instrumenta fuere, prorsus quasi ad epulas, non ad bella pergerent. Aduenienti Antiocho multi Orientales reges occurrere, tradentes se, regnaque sua, cum execratione superbiæ Parthicæ. Nec mora congressioni fuit. Antiochus tribus prælijs victor, cum Babyloniam occupasset, magnus haberi cœpit. Itaque omnibus ad eum populis deficientibus, nihil Parthis reliqui præter patrios fines fuit. Tunc Phrahates Demetrium in Syriam ad occupandum regnum cum Parthico præsidio mittit, ut eo pacto Antiochus ad sua tuenda à Parthia reuocaretur. Interim quoniam viribus non poterat, insidijs Antiochum ubique tentabat. Propter multitudinem hominum, exercitum suum Antiochus per ciuitates in hyberna diuiserat, quæ res exitij causa fuit. Nam cum grauari se copiarum præbitione, & iniurijs militum ciuitates viderent, ad Par-

thos deficiunt; & die statuta omnes apud se diuifum exercitum per infidias, ne inuicem ferre auxilia poffent, aggrediuntur. Quæ cum nuntiata Antiocho effent, auxilium proximis laturus cum ea manu, quæ fecum hiemabat, progreditur. In itinere obuium regem Parthorum habuit, aduerfus quem fortius, quam exercitus eius dimicauit. Ad postremum tamen cum virtute hoftes vincerent, metu fuorum desertus, occiditur: cui Phrahates exfequias regio more fecit, filiamque Demetrii, quam fecum Antiochus adduxerat, captus amore virginis, vxorem duxit. Pœnitere deinde dimiffi Demetrii cœpit: ad quem retrahendum cum turmas equitum feftinato miffiffet, Demetrium hoc ipfum metuentem, iam in regno miffi inuenerunt: fruftraque omnia conati, ad regem fuum reuerfi funt.

## L I B E R XXXIX.

**A**ntiocho in Parthia cum exercitu deletto, frater eius Demetrius obfidione, Parthorum liberatus, ac reftitutus in regnū, cum omnis Syria in luctu propter amiffum exercitum effet, quafi Parthica ipfius ac fratris bella, quibus alter captus, alter occifus erat, profpere ceffiffent, ita Ægypto bellum inferre ftatuit, regnum Ægypti Cleopatra focru, pretium auxilij aduerfus fratrem fuū, pollicente. Sed dum aliena affeetat, vt affolet fieri, propria per defectionem Syria amiffa.

Siqui-

Siquidem Antiochenſes primi duce Typho-  
ne execrantes ſuperbiam regis, quæ conuer-  
ſatione Parthicæ crudelitatis intolerabilis  
facta erat, mox Apamenij, cæteræque  
ciuitates exemplum ſecutæ, per abſentiam  
regis, à Demetrio deſecere. Ptolemæus quo-  
que rex Ægypti, bello ab eodem petitus,  
cum cognouiſſet Cleopatram ſororem ſuam,  
opibus Ægypti nauibus impositis, ad filiam  
& Demetrium generum in Syriam profugiſ-  
ſe, immittit iuuenem quendam Ægyptium,  
Protarchi negotiatoris filium, qui regnum  
Syriæ armis peteret. Et compoſita fabu-  
la, quaſi per adoptionem Antiochi regis re-  
ceptus in familiam regiam eſſet, nec Syrijs  
quemlibet regem aſpernantibus, ne Deme-  
trij paterentur ſuperbiam: nomen iuueni A-  
lexandri imponitur, auxiliaque ab Ægypto  
ingentia mittuntur. Interea corpus Antiochi  
interfecti à rege Parthorum, in loculo ar-  
genteo ad ſepulturam in Syriam remiſſum  
peruenit: quod cum ingenti ſtudio ciuitatum  
& regis Alexandri ad firmandam fabulæ fi-  
dem excipitur: quæ res illi magnum fauo-  
rem popularium conciliauit, omnibus non fi-  
ctas in eo, ſed veras lacrymas exiſtimanti-  
bus. Demetrius autem victus ab Alexandro  
cum vndique circumſtantibus malis preme-  
retur, ad poſtremum etiam ab vxore filijsque  
deſeritur. Relictus igitur cum paucis ſeruu-  
lis cum Tyrum religione templi ſc defende-  
rus petiſſet, naui egrediens præfecti iuſſu in-  
terficitur. Alter ex filijs Seleucus, quoniã ſi-



ne matris auctoritate diadema sumisset, ab eadem interficitur; alter cui propter nasci magnitudinem, cognomen Grypo fuit, rex à matre hæcenus constituitur, ut nomen regis penes filium, ius autem omnis imperij penes matrem esset. Sed Alexander occupato Syriæ regno, tumens successu rerum, spernere iam etiam ipsum Ptolemæum, à quo fuerat subornatus in regnum, superba insolentia cœpit. Itaque Ptolemæus reconciliata, sororis gratia, destruere Alexandri regnum, quod odio Demetrii, viribus suis acquisierat, summis opibus instituit. Mittit igitur ingentia Grypo auxilia, & filiam Tryphenam Grypo nupturam, ut populos in auxilium nepotis, non societate tantum belli, verum & affinitate sua sollicitaret. Nec res frustra fuit: nam cum omnes Grypum instructum Ægypti viribus viderent, paulatim ab Alexandro deficere cœpere. Fit deinde inter reges prælium, quo victus Alexander, Antiochiam profugit: ibi inops pecuniæ, cum stipendia militibus deessent, templo Iouis solidum ex auro Victoriæ signum tolli iubet, facietis iocis sacrilegium, circumscribens: nam Victoriæ commodatam sibi ab Ioue esse dicebat. Interiectis deinde diebus, cum ipsius Iouis aureum simulacrum infiniti ponderis tacite euelli iussisset, deprehensusque in sacrilegio, concursu multitudinis esset in fugam versus, magna vi tempestatis oppressus ac desertus à suis, à latronibus capitur, perductusque ad Grypum,

pum, interficitur. Grypus porro recuperato patrio regno, externis que periculis liberatus, infidijs matris appetitur. Quæ cum cupiditate dominationis prodito marito Demetrio, & altero filio interfecto, huius quoque victoria inferiorem dignitatem suam, factam doleret, venienti ab exercitatione poculum veneni obtulit. Sed Grypus prædictis iam ante infidijs, veluti pietate cum matre certaret, bibere ipsam iubet, abnuenti instat. Postremum prolato indice eam arguit, solam defensionem sceleris superesse affirmans, si bibat, quod filio obtulit. Sic victa, regina scelere in se verso, veneno, quod alij parauerat, extinguitur. Parta igitur regni securitate, Grypus octo annis quietem & ipse habuit, & regno præstitit: Natus deinde illi est æmulus regni, frater ipsius Cyzicenus, eadem matre genitus, sed ex Antiocho patreuo susceptus: quem cum veneno tollere, voluisset, ut maturius armis cum eo de regno contenderet, excitauit. Inter has regni Syriæ parriçidiales discordias moritur rex Ægypti Ptolemæus, regno Ægypti vxori, & alteri ex filijs, quem illa legisset, relicto: videlicet quasi quietior Ægypti status, quam Syriæ regnum esset, cum mater altero ex filijs electo, alterum hostem esset habitura. Igitur cum pronior in minorem filium esset, à populo compellitur maiorem eligere: cui prius quam regnum daret, vxorem ademit; compulsusque repudiare carissimam sibi sororem Cleop-

O 6 ram,

tram, minorem sororem Selenem, ducere iubet, non materno inter filias iudicio, cum alteri maritum eriperet, alteri daret. Sed Cleopatra non tam à viro repudiata, quam à matre diuortio viri dimissa, Cyziceno in Syria nubit, eique ne nudum vxoris nomen afferret, exercitum Cypri sollicitatum, velut dotalem, ad maritum deducit. Par igitur viribus fratris Cyzicenus proelium committit; ac victus in fugam vertitur, Antiochiamque venit. Tunc Anochiam Grypus, in quo erat Cyziceni vxor Cleopatra; obsidere cœpit: qua capta, Tryphena vxor Grypi nihil antiquius, quam sororem Cleopatram requiri iussit: non vt captivæ opem ferret, sed ne efugere captiuitatis mala posset, quæ sui emulatione in hoc potissimum regnum inuaserit, hostique sororis nubendo hostem se eius effecerit. Tum peregrinos exercitus in certamina fratrum adductos, tum repudiatam à fratre, contra matris voluntatem, extra Ægyptum nuptam accusat. Contra Grypus orare, ne tam fœdum facinus facere cogatur: à nullo vnquam maiorum suorum, inter tot domestica, tot externa bella, post victoriam, in feminas sæuitum, quas fœxus ipse & periculis bellorum, & sæuitiæ victorum exinat: in hac vero præter commune bellantium fas, accedere necessitudinem sanguinis: quippe ipsius quæ tam cruenta sæuiat sororem equidem gerinam esse; suam vero consobrinam; liberorum deinde communium materteram.

His

His tot necessitudinibus sanguinis adijcit  
superstitionem templi, quo abdita profuge-  
rit, tantoque religiosius colendos sibi deos,  
quo magis his propitijs ac fauentibus vicif-  
set: tum neque occisa illa se virium quic-  
quam Cyziceno dempturum, nec seruatu-  
rum, reddita. Sed quanto Grypus abnu-  
it, tanto soror muliebri pertinacia accenditur,  
rata non misericordiae hæc verba, sed amo-  
ris esse. Itaque vocatis ipsa militibus, mittit  
qui sororem confoderent. Qui vt in templo  
intrauerunt, cum euellere eam non possent,  
manus amplexantis deæ simulacrum præ-  
ciderunt. Tunc Cleopatra execratione par-  
ricidarum, mandata violatis numinibus vl-  
tione sui, decedit. Nec multo post repetita  
proelii congressione, victor Cyzicenus vxor-  
em Grypi Tryphenam, quæ paulo ante  
sororem interfecerat, capit; eiusque suppli-  
cio vxoris manibus parentauit. At in Ægy-  
pto Cleopatra cum grauaretur socio regni,  
filio Ptolemæo, populum in eum incitat;  
abductaque ei Selene vxore, eo indignius,  
quod ex Selene iam duos filios habebat,  
exulare cogit, arcessito minore filio Ale-  
xandro, & rege in locum fratris constituto:  
nec filium regno expulisse contenta, bel-  
lo Cypri exulantem persequitur. Vnde  
pulso, interficit ducenti exercitus sui,  
quod viuum eum è manibus dimisisset:  
quanquam Ptolemæus verecundia materni  
belli, non viribus minor ab insula recessisset.  
Igitur Alexander territus hac matris cru-  
delita.

delitate, & ipse eam reliquit, periculoso regno securam ac tutam vitam anteponens. Cleopatra vero timens, ne maior filius Ptolemæus ab Cyziceno ad recipiendam Ægyptum auxilijs iuuaretur, ingentia Grypo auxilia, & Selenen uxorem nupturam hosti prioris mariti, mittit, Alexandrumque filium per legatos in regnum reuocat: cui eum occultis insidijs exitium machinaretur, occupata ab eodem interficitur, spiritumque non fato, sed parricidio dedit: dignam prorsus hac mortis infamia, quæ etiam matrem thoro expulit, & duas filias viduas, alterno fratrum matrimonio, fecit; & filio alteri in exilium acto, bellum intulit, alteri erepto regno exitium per insidias machinata est. Sed nec Alexandro cædes tam nefanda inulta fuit. Nam ubi primum compertum est, scelere filij matrem interfectam, concursu populi in exilium agitur, reuocatoque Ptolemæo regnum redditur: qui neque cum matre bellum gerere voluisset, nec à fratre armis repetere, quod prior possedisset. Dum hæc aguntur, frater eius ex pellice susceptus, cui pater Cyrenarum regnum testamento reliquerat, herede populo Romano instituto, decedit. Iam enim fortuna Romana porrigere se ad Orientalia regna, non contenta Italiæ terminis, coepit. Itaque & ea pars Lybiæ provincia facta est: postea Creta, Ciliciaque piratico bello perdomita, in formam prouinciæ rediguntur. Quo facto, & Syriæ & Ægypti

gypti regna Romana vicinitate artata, quæ incrementa de finitimis bellis quærere solebant, adempto vagandi arbitrio, vires suas in perniciem mutuam conuerterunt: adeo, ut assiduis prælijs consumpti, in contemptum finitimorum venerint, prædæque Arabum genti, imbelli antea, fuerint. Quorum rex Erotimus, fiducia septingentorum filiorum, quos pellicibus susceperat, diuisis exercitibus nunc Ægyptum, nunc Syriam infestabat: magnumque nomen Arabum, viribus finitimorum ex sanguibus, fecerat.

## LIBER XL.

**M**Utuis fratrum odijs, & mox filijs inimicitijs parentum succedentibus, cum inexpiabili bello & reges, & regnum Syriæ consumptum esset, ad externa populus auxilia concurrit, peregrinosque sibi reges circumspicere cœpit. Itaque cum pars Mithridatem Ponticum, pars Ptolemæum ab Ægypto arcessendum censeret: occurreretque quod Mithridates implicitus bello Romano esset, Ptolemæus quoque semper hostis fuisset Syriæ, omnes in Tigranem regem Armeniæ consensere, instructum præter domesticas vires, & Parthica societate, & Mithridatis affinitate. Igitur accitus in regnum Syriæ, per xvii. annos tranquillissimo regno potitus est: neque bello alium laceßere, neque laceßitus inferre alli bellum necesse habuit. Sed sicut ab hostibus tuta  
Syria

Syria fuit, ita terramotu vastata est, quocentum septuaginta millia hominum, & multæ vrbes perierunt. Quod prodigium mutationem rerum portendere aruspices responderunt. Igitur Tigrane à Lucullo victo, rex Syriæ Antiochus, Cyziceni filius, ab eodem Lucullo appellatur. Sed quod Lucullus dederat, postea ademit Pompeius: qui poscenti regnum respondit, ne volenti quidem Syriæ, nedum recusanti daturum se regem, qui x v i i i. annos quibus Tigranes Syriam tenuit, in angulo Ciliciæ latuerit, victo autem eodem Tigra- ne à Romanis, alieni operis præmia postulet. Igitur vt habenti regnum non ademerit, ita quo cesserit Tigrani non daturum, quod tueri nesciat, ne rursus Syriam Iudæorum & Arabum latrocinij infestam, reddat. Atque ita Syriam in prouinciæ formam redigit: paulatimque Oriens Romanorum, discordia consanguineorum regum, factus est.

## L I B E R X L I.

**P**Arthi, penes quos velut diuisione orbis cum Romanis facta, nunc Orientis imperium est, Scytharum, exules fuere. Hoc etiam ipforum vocabulo manifestatur: nam Scythico sermone Parthi exules dicuntur. Hi & Afsyriorum & Medorum temporibus, inter Orientis populos obscurissimi fuere. Postea quoque cum imperium Orientis à Medis,



Medis ad Persas translatum est, veluti vulgus sine nomine, præda victorum fuere. Postremo Macedonibus triumphato Oriente, seruiuerunt: vt cuius mirum videatur, ad tantam eos felicitatē per virtutem prouectos, vt imperent gentibus, sub quarum imperio veluti seruile vulgus fuere. A Romanis quoq; trinis bellis per maximos duces florentissimis temporibus laceßiti, soli ex omnibus gentibus non pares solum, verum etiam victores fuere: quamquam plus gloriæ sit, inter Assyria, & Medica, Persicaque memorata olim, regna, & opulentissimum mille urbium Bactrianum imperium emergere potuisse, quā longinqua bella vicisse; præterea cum grauib; Scythicis, & vicinalibus bellis assidue vexati, varijs periculorum certaminibus vrgerentur. Hi domesticis seditionibus Scythia pulsi, solitudines inter Hyrcaniam, & Dalias, & Areos, & Spartanos, & Maggianos furtim occupauere. Fines deinde non intercedentibus primo finitimis, postea etiam prohibentibus, in tantum protulere, vt non immensa tantum, ac profunda camporum, verum etiam prærupta collium, montiumq; ardua occupauerint. Ex quo fit, vt Parthiæ pleraque finium aut æstus, aut frigoris magnitudo possideat, quippe cum mōtes [ nix ] & campos æstus infestet. Administratio gentis post defectionem Macedonici imperij sub regibus fuit. Proximus maiestati regum, populorum ordo est: ex hoc duces in bello, ex hoc rectores in pace habent. Sermo his  
inter

inter Scythicum Medumque medius, & vtriusque mixtus. Vestis olim sui moris, posteaquam accessere opes, ut Medis perlucida, ac fluida. Armorum patrius ac Scythicus mos. Exercitum non ut aliæ gentes liberorum, sed maiorem partem feruorum habent: Quorum vulgus, nulli manumittendi potestate permessa, ac per hoc omnibus feruis nascentibus, in dies crescit: Hos pari ac liberos suos cura habent; & equitare & sagittare magna industria docent. Locupletissimus ut quisque est, ita plures in bello equites regi suo præbet. Denique Antonio bellum Parthis inferenti cum quinquaginta millia equitum occurrerent, soli ccc. liberi fuere. Cominus in acie præliari, aut obseffas expugnare vrbes nesciunt. Pugnant autem procurrentibus equis, aut terga, aut antibus: sæpe etiam fugam simulant, ut incautiores aduersus vulnera insequentes habeant. Signum his in prælio non tuba, sed tympano datur: Nec pugnare diu possunt: ceterum intolerandi forent, si quantus his impetus est, vis tanta & perseverantia esset. Plerumque in ipso ardore certaminis prælia deserunt, ac paulo post pugnam ex fuga repetunt: ut cum maxime vicisse te putes, tunc tibi discrimen subeundum sit. Munimentum ipsis equisque, loricae plumatae sunt, quæ vtrumque toto corpore tegunt. Auri argentique nullus nisi in armis usus. Vxores dulcedine variæ libidinis singuli plures habent: nec vlla delicta adulterio grauius

uius

uius vindicant. Quamobrem feminis non conuiuia tantum virorum, verum etiam conspectum interdicunt. Carne non nisi venatibus quæsitæ vescuntur. Equis omni tempore vectantur; illis bella, illis conuiuia, illis publica ac priuata officia obeunt, super illos ire, consistere, mercari, colloqui. Hoc denique discrimen inter seruos liberosque est, quod serui pedibus liberi non nisi equis incedunt. Sepultura vulgo aut auium, aut canum laniatus est. Nuda demum ossa terra obruunt. In superstitionibus atque cura deorum, præcipua omnibus veneratio est. Ingenia genti tumida, seditiosa, fraudulenta, procacia, quippe violentiam viris, mansuetudinem mulieribus assignant. Semper aut in externos, aut in domesticos motus inquieti; natura taciti: ad faciendum, quam ad dicendum promptiores proinde secunda, ad versaque silentio tegunt. Principibus metu, non pudore parent. In libidinem proiecti, in cibum parci: fides dictis promissisque nulla, nisi quatenus expedit. Post mortem Alexandri Magni, cum inter successores eius Orientis regna diuiderentur, nullo Macedonum dignante Parthorum imperium, Stagnori externo socio traditur. Hi postea deductis Macedonibus in bellum ciuile, cum cæteris superioris Asiæ populis Eumenem sequuti sunt: quo victo, ad Antigonom transiere. Post hunc à Nicatore Seleuco, ac mox ab Antiocho, & successoribus eius possessi; à cuius pronepote Seleuco pri-

primum defecere, primo Punico bello, L. Manlio Vulsone, M. Attilio Regulo consulibus. Huius defectionis impunitatem illis duorum fratrum regum, Seleuci & Antiochi discordia dedit: qui dum sibi inuicem eripere regnum volunt, persequi defectores omiserunt. Eodem tempore etiam Theodorus mille urbium Bactrianarum praefectus, defecit; regemque se appellari iussit: quod exemplum sequuti totius Orientis populi, à Macedonibus defecere. Erat eo tempore Arsaces vir, sicut incertae originis, ita virtutis expertae. Hic solitus latrocinij, & rapto vivere, accepta opinione Seleucum à Gallis in Asia victum, solutus regis metu, cum praedonum manu Parthos ingressus, praefectum eorum Andragoram oppressit, sublatoque eo, imperium gentis inuasit. Non magno deinde post tempore, Hyrcanorum quoque regnum occupavit: atque ita duarum ciuitatum imperio praeditus, grandem exercitum parat, metu Seleuci & Theodoti Bactrianorum regis. Sed cito, morte Theodoti, metu liberatus, cum filio eius, & ipso Theodoto, foedus ac pacem fecit: nec multo post, cum Seleuco rege, ad defectores persequendos veniente, congressus, victor fuit: quem diem Parthi exinde solennem, velut initium libertatis, obseruant. Reuocato deinde Seleuco nouis motibus in Asiam, dato laxamento, regnum Parthicum format, militem legit, castella munit, ciuitates firmat, urbem quoque nomine Daram, in monte

Za-

Zapaorte non condit : cuius loci ea conditio est, vt neque munitius quicquam esse, neque amœnius possit : ita enim & præruptis rupibus vndique cingitur, vt tutela loci nullis defensoribus egeat ; & soli circumiacentis tanta vbertas est, vt proprijs opibus expleatur . Iam fontium ac siluarum ea copia est, vt & aquarum abundantia irrigetur, & venationum voluptatibus exornetur . Sic Arsaces quæsito simul constitutoque regno, non minus memorabilis Parthis, quam Persis Cyrus, Macedonibus Alexander, Romanis Romulus, matura senectute decedit . Cuius memoriæ hunc honorem Parthi tribuerunt, vt omnes exinde reges suos Arsacis nomine nuncupent . Huius filius & successor regni, Arsaces & ipse nomine, aduersus Antiochum Seleuci filium, centum millibus peditum, & xx. millibus equitum instructum mira virtute pugnavit : ad postremum in societatem eius assumptus est . Tertius Parthis rex Priapatius fuit, sed & ipse Arsaces dictus : nam, sicut supra dictum est, omnes reges suos hoc nomine, sicuti Romani Cæsares, Augustosque cognominauere . Hic actis in regno quindecim annis decessit, relictis duobus filijs, Mithridate & Phrahate . quorum maior Phrahates more gentis, heres regis, Mardos validam genrem bello domuit ; nee multo post decessit, multis filijs relictis : quibus præteritis, fratri potissimum Mithridati, insignis virtutis viro, reliquit imperium : plus regio quam

pa-

patrio deberi nomini ratus , potiusque patriæ, quam liberis consulendum. Eodem ferme tempore, sicuti in Parthis Mithridates, ita in Bactris Eucratides magni vterque viri regna ineunt . Sed Parthorum fortuna felicior, ad summum hoc duce imperij fastigium eius perduxit . Bactriani autem per varia bella iactati, non regnum tantum, verum etiam libertatem amiserunt : siquidem Sogdianorum & Drangaritanorum, Indorumque bellis fatigati, ad postremum ab invalidioribus Parthis, velut exsangues, oppressi sunt . Multa tamen Eucratides bella magna virtute gessit : quibus attritus, cum obsidionem Demetrii regis Indorum pateretur, cum C C C. militibus, LX. millia hostium assiduâ eruptionibus vicit . Quinto itaque mense liberatus, Indiam in potestatem redegit . Vnde cum se reciperet, à filio quem socium regni fecerat, in itinere interficitur : qui non dissimulato parricidio, velut hostem, non patrem interfecisset, & per sanguinem eius currum egit ; & corpus abijci insepultum iussit. Dum hæc apud Bactros geruntur, interim inter Parthos, & Medos bellum oritur : cum variis vtriusque populi casus fuisset, ad postremum victoria penes Parthos fuit . His viribus auctus Mithridates, Mediæ Bactriæ præponit ; ipse in Hyrcaniam proficiscitur . Vnde reuersus, bellum cum Elimæorum rege gessit : quo victo, hanc quoque gentem regno adiecit ; imperiumque Parthorum à monte Caucas-

caso,

caso, multis populis in ditionem redactis, usque ad flumen Euphratem protulit. Atque ita aduersa valetudine arreptus, non minor Arface proauo, gloriosa senectute decedit.

## LIBER XLII.

Post necem Mithridatis, Parthorum regis Phrahates filius eius, rex constituitur: qui cum inferre bellum, in ultionem tentati ab Antiocho Parthici regni, Syria statuisset, Scytharum motibus ad sua defendenda reuocatur. Namque Scythæ in auxilium Parthorum aduersus Antiochum Syriæ regem, mercede sollicitati, cum confecto iam bello superuenissent, & calumniæ tardius lati auxilij mercede fraudarentur, dolentes tantum ijs itineris frustra emensum, quum vel stipendium pro vexatione, vel alium hostem dari sibi poscerent, superbo responso offensi, fines Parthorum vastare cœperunt: Igitur Phrahates cum aduersus eos proficisceretur, ad tutelam regni reliquit Hymerum quendam, pueritiæ sibi flore conciliatum, qui tyrannica crudelitate, oblitus & vitæ præteritæ, & vicarij officij, Babylonios multasque alias ciuitates importune vexauit. Ipse autem Phrahates exercitum Græcorum, quem bello Antiochi captum superbe crudeliterque tractauerat, in bellum secum ducit: immemor prorsus quod hostiles eorum animos nec captiuitas



uitas minuerat, & insuper iniuriarum indignitas exacerbauerat. Itaque cum inclinatam Parthorum aciem vidissent, arma ad hostes transtulere; & diu cupitam captiuitatis ultionem, exercitus Parthici, & ipsius Phrahatis regis cruenta corde exsecuti sunt. In huius locum Artabanus, patruus eius, rex substituitur; Scythæ autem contenti victoriâ, depopulata Parthia, in patriam reuertuntur. Sed Artabanus bello Thogarijs illato, in brachio vulneratus, statim decedit. Huic Mithridates filius succedit: cui res gestæ Magni cognomen dedere: quippe claritatem parentum, æmulatione virtutis accensus, animi magnitudine supergreditur. Multa igitur bella cum finitimis magna virtute gessit, multosque populos Parthico regno addidit. Sed & cum Scythis prospere aliquoties dimicauit, ultorque iniuriæ parentum fuit. Ad postremum Ortoadisti Armeniorum regi bellum intulit. Sed quoniam in Armeniam transitum facimus, origo eius paulo altius repetenda est. Neque enim silentio præteriri tantum regnum fas est, cum fines eius post Parthiam omnium regnorum magnitudinem superent. Siquidem Armenia à Cappadocia vsque mare Caspium vndecies centum millia patet; sed in latitudinem millia passuum septingenta porrigitur. Condita est autem ab Armenio Iasonis Thessali comite: quem cum perditum propter insignem periculosoque regno suo virtutem Pelias

rex

rex cuperet, denuntiata militia, in Colchos eum abire iubet; pellemque arietis memorabilem gentibus reportare: sperans interitum viri, aut ex periculis tam longæ nauigationis, aut ex bello tam profundæ barbariæ. Igitur Iason diuulgata, opinione tam gloriosæ expeditionis, cum ad eum certatim principes iuuentutis totius ferme orbis concurrerent, exercitum fortissimorum virorum, qui Argonautæ cognominati sunt, comparauit, quem cum magnis rebus gestis incolumem reduxisset, rursus à Pelæ filijs Thessalia, pulsus, magna vi cum ingenti multitudine, quæ ad famam virtutis eius ex omnibus gentibus quotidie confluebat, comite Medea vxore; quam repudiatam miseratione exilij rursus receperat, & Medio priuigno ab Ægeio rege Atheniensium genito, Colchos repetiuit, socerumque etiam regno pulsum restituit. Magna, deinde bella cum finitimis gessit, captasque ciuitates partim regno soceri, ad abolendam superioris militiæ iniuriam, quæ & filiam eius Medeam abduxerat, & filium Ægialium interfecerat, adiunxit, partim populis, quos secum adduxerat, assignauit. Primusque humanorum, post Herculem & Liberum, qui reges Orientis fuisse traduntur, eam cœli plagam domuisse dicitur. Populis quibusdam Frudium & Amphistratum, aurigas Castor

P ris

tis & Pollucis, duces assignauit; cum Albanis fœdus percussit: qui Herculem ex Italia ab Albano monte, cum Geryone extincto, armenta eius per Italiam duceret, secuti dicuntur; quique memores Italicæ originis, exercitum Cn. Pompeij bello Mithridatico fratres salutauere. Itaque Iasoni totus ferme Oriens, vt conditori, diuinos honores templaque constituit: quæ Parmenion, dux Alexandri Magni, post multos annos dirui iussit, ne cuiusquam nomen in Oriente venerabilius, quam Alexandri esset. Post mortem Iasonis, Medius æmulus virtutis eius, in honorem matris Medeam urbem condidit; regnumque ex nomine suo Medorum constituit, sub cuius maiestate Orientis postea imperium fuit. Albanis vicinæ Amazones sunt; quarum reginam Thalestrem concubitum Alexandri petisse, multi auctores prodidere. Armenius quoque & ipse Thessalus, vnus de numero ducum Iasonis, recollecta multitudine, quæ amisso Iasone rege passim vagabatur, Armeniam condit: à cuius montibus Tigris fluuius modicis primo incrementis nascitur; interiecto deinde aliquanto spatio sub terras mergitur; atque ita post quinque & viginti millia passuum grande iam flumen in regione Sophene emergit; ac sic in paludes Euphratis recipitur. Igitur Mithridates rex Parthorum, post bellum Armeniæ,

menia, propter crudelitatem, à senatu Parthico regno pellitur. Frater eius Orodes, cum regnum vacans occupasset, Babylo-  
niam, quo Mithridates confugerat, diu  
obsidet, & fame coactos in deditionem  
oppidanos compellit. Mithridates autem  
fiducia cognationis ultro se in potestatem  
Orodis tradit. Sed Orodes plus hostem,  
quam fratrem cogitans, in conspectu suo  
trucidari eum iussit, & post hæc bellum  
cum Romanis gessit. Crassumque impe-  
ratorem cum filio, & omni exercitu Ro-  
mano deleuit. Huius filius Pacorus mis-  
sus ad persequendas Romani belli reliquias,  
magnis rebus in Syria gestis, in Parthiam  
patri suspectus reuocatur: quo absente,  
exercitus Parthorum relictus in Syria,  
à Cassio quæstore Crassi, cum omnibus  
ducibus trucidatur. Hjs ita gestis, non  
magno post tempore Romanis inter Cæ-  
sarem Pompeiumque ciuile bellum ori-  
tur: in quo Parthi Pompeianarum partium  
fuere, & propter amicitiam cum Pompeio  
bello Mithridatico iunctam, & propter  
Crassi necem, cuius filium in partibus  
Cæsaris esse audierant, quem ultorem pa-  
tris victore Cæsare futurum non dubita-  
bant. Itaque victis partibus Pompeianis,  
& Cassio & Bruto auxilia aduersus Au-  
gustum & Antonium misere; & post belli  
finem rursus Pacoro duce, inita cum  
Labieno societate, Syriam & Asiam va-  
P 2 sta-

stare; castraque Ventidij, qui post Cas-  
sum absente Pacoro exercitum Parthicum  
fuderat, magna mole aggrediuntur: sed  
illie simulato timore diu continuit se, &  
insultare Parthos aliquantisper passus est.  
Ad postremum in securos latosque par-  
tem legionum emisit: quatum impetu fusi  
Parthi in diuersa abiere. Pacorus cum fu-  
gientes suos abduxisse secum legiones Ro-  
manas putaret, castra Ventidij, veluti  
sine defensoribus, aggreditur. Tum Ven-  
tidius reliqua parte legionum emissa,  
vniuersam Parthorum manum cum rege  
ipso Pacoro interficit: nec vilo bello Par-  
thi vnquam maius vulnus acceperunt.  
Hæc cum in Parthia nuntiata essent, Oro-  
des pater Pacori, qui paulo ante vasta-  
ram Syriam, occupatam Asiam à Parthis  
audierat, victoremque Pacorum Roma-  
norum gloriabatur, repente filij morte, &  
exercitus clade audita, ex dolore in furo-  
rem vertitur. Multis diebus non alloqui  
quemquam, non cibum sumere, non  
vocem mittere, ita vt etiam mutus factus  
videretur. Post multos deinde dies, vbi  
dolor vocem laxauerat, nihil aliud quam  
Pacorum vocabat: Pacorus illi videri,  
Pacorus audiri videbatur; cum illo loqui,  
cum illo consistere; interdum quasi amif-  
sum flebiliter dolebat. post longum dein-  
de luctum, alia sollicitudo miserandum se-  
nem inuadit, quem ex numero xxx. filio-  
rum

rum in locum Pacri regem destinet. Multæ pellices, ex quibus generata tanta iuuentus erat, pro suis quæque sollicitæ, animum senis obfidebant. Sed fatum Parthiæ fecit, in qua iam quasi solemne est reges parricidas haberi, ut sceleratissimus omnium, & ipse Phrahates nomine, rex statueretur. Itaque statim quasi nollet mori, patrem interfecit; fratres quoque xxx. trucidat: sed nec in filiis cessant parricidia. Nam cum infestos sibi optimates propter assidua scelera videret, ne esset qui nominari rex posset, adultum filium interfici iubet. Huic Antonius propter auxilium aduersus se, & Cæsarem latum, bellum cum sedecim validissimis legionibus intulit; sed grauitè multis præliis vexatus, à Parthia refugit: qua victoria insolentior Phrahates redditus, cum multa crudeliter consuleret, in exilium à populo suo pellitur. Itaque cum magno tempore finitimas ciuitates, ad postremum Scythas precibus fatigasset, Scytharum maximo auxilio in regnum restituitur. Hoc absente, regem Parthi Tyridatem quendam constituerant: qui audito aduentu Scytharum, cum magna amicorum manu, ad Cæsarem in Hispaniam, bellum tunc temporis gerentem, profugit, obsidem Cæsari minimum filium Phrahatis ferens: quem negligentius custoditum rapuerat. Quo cognito, Phrahates legatos statim ad

Cæsarem mittit, seruum suum Tyridatem, & filium remitti sibi postulat. Cæsar & legatione Phrahatis audita, & Tyridatis postulatis cognitis (nam & ipse restitui in regnum desiderabat, iuris Romanorum futuram Parthiam affirmans, si eius regnum muneris eorum fuisset) neque Tyridatem dediturum se Parthis dixit, neque aduersus Parthos Tyridati auxilia daturum. Ne tamen per omnia, nihil à Cæsare obtentum videretur, Phrahati filium sine pretio remisit, & Tyridati, quod manere apud Romanos vellet, opulentum sumptum præberi iussit. Post hæc finito Hispaniensi bello, cum in Syriam ad componendum Orientis statum venisset, metum Phrahati incussit, ne bellum Parthiæ vellet inferre. Itaque tota Parthia captiui ex Crassiano, siue Antonij exercitu recollecti: signaque cum his militaria Augusto remissa. Sed & filij nepotesque Phrahatis obsides Augusto dati: plusque Cæsar magnitudine nominis sui fecit, quam armis alius imperator facere potuisset.



## LIBER XLIII.

**P**Arthicis Orientalibusque, ac totius propemodum orbis rebus explicitis, ad initia Romanæ vrbis Trogus, velut post longam peregrinationem domum reuertitur: ingrati ciuis officium existimans, si cum omnium gentium res gestas illustrauerit, de sola tantum patria taceat. Breuiter igitur initia Romani imperij perstringit, vt nec modum propositi operis excedat, nec vtique originem vrbis, quæ est caput totius orbis, silentio prætermittat. Italiæ cultores primi Aborigines fuisse: quorum rex Saturnus tantæ iustitiæ fuisse traditur, vt neque seruiet sub illo quisquam, nec quicquam priuatæ rei habuerit: sed omnia communia, & indiuisa omnibus fuerint, veluti vnum cunctis patrimonium esset. Ob cuius exempli memoriam cautum est, vt Saturnalibus, exequato omnium iure, passim in conuiujs serui cum dominis recumbant. Itaque Italia regis nomine, Saturnia appellata est: & mons, in quo habitabat, Saturnius; in quo nunc, veluti à Ioue pulso sedibus suis Saturno, Capitolium est. Post hunc tertio loco regnasse Faunum ferunt; sub quo Euander ab Arcadiæ vrbe Pallanteo, in Italiam cum mediocri turba popularium venit: cui Faunus & agros, & montem, quem ille postea Palatinum appellauit, benigne

nigne assignauit . In huius radicibus templum Lycæo , quem Græci Pana , Romani Lupercum appellant, constituit : ipsum Dei simulacrum nudum caprina pelle amictum est , quod habitu nunc Romæ Lupercalibus decurritur . Fauno fuit vxor nomine Fatua , quæ assidue diuino spiritu impleta , velut per furorem , futura præmonebat . Vnde adhuc qui inspirari solent , fatuari dicuntur . Ex filia Fauni & Hercule , qui eodem tempore , extincto Geryone , armenta victoriæ præmia per Italiam ducebat , stupro conceptus Latinus procreatur . Quo tenente regnum , Æneas ab Illo , Troia à Græcis expugnata , in Italiam venit : statimque bello exceptus , cum in aciem exercitum eduxisset , ad colloquium vocatus , tantam admirationem sui Latino præbuit , vt & in societatem regni reciperetur ; & Lauiniam in matrimonium ei data , gener ascisceretur . Post hæc commune vtriusque bellum aduersus Turnum Rutulorum regem , propter fraudatas Lauiniæ nuptias , fuit : in quo & Thurnus & Latinus interierunt . Igitur cum Æneas iure victoriæ utroque populo potiretur , urbem ex nomine vxoris , Lauinium condidit . Bellum deinde aduersus Mazentium regem Ethruscorum gessit : in quo cum ipse occidisset , in locum eius Ascanius filius successit , qui Lauinio relicto , longam Albam condidit , quæ trecentis annis caput regni fuit . Post multos deinde urbis

his huius reges ad postremum Numitor & Amulius regno potiti sunt. Sed Amulius cum ætate potiorē Numitorem oppressisset, filiam eius Rheam in perpetuam virginitatem, ne quis vindex regni sexus virilis ex gente Numitoris oriretur, demersit; addita iniuriæ specie honoris, ut non damnata, sed sacerdos electa videretur. Igitur clausa in lūco Marti sacro, duos pueros, incertum stupro, an ex Marte conceptos, enixa est. Quo cognito, Amulius multiplicato metu proventu duorum, pueros exponi iubet; & puellam vinculis onerat, ex quorum iniuria decessit. Sed fortuna origini Romanæ prospiciens, pueros lupæ alendos obtulit, quæ amissis catulis, distenta vbera exinanire cupiens, nutricem se infantibus præbuit: cum sæpius ad paruulos veluti ad catulos reuerteretur, rem Faustulus pastor animaduertit, subtrahereque feræ, inter greges pecorum agrestis vita nutriuit. Martis pueros fuisse, siue quod in lūco Martis enixi sunt, siue quod à lupa, quæ in tutela Martis est, nutriti, velut manifestis argumentis creditum. Nomina pueris, alteri Remo, alteri Romulo fuisse. Adultis inter pastores de virtute quotidiana certamina, & vires, & pernecitatem auxere. Igitur cum latrones à rapina pecorum industrie frequenterque summo-uerent, Remus ab iisdem latronibus captus, veluti ipse esset, quod in alijs pro-

P s habebat,

hibebat, regi offertur; crimini datur, quasi greges Numitoris infestare solitus esset. Tunc à rege Numitori in ultionem traditur. Sed Numitor adolescentia iuuenis permotus, & in suspicionem expositi nepotis adductus, cum eum nunc lineamentorum filiae similitudo, nunc ætas expositionis temporibus congruens, auxilium tenerent, repente Faustus cum Romulo superuenit: à quo cognita origine puerorum, facta conspiratione, & adolescentes in ultionem maternæ necis, & Numitor in vindictam erepti regni armantur. Occiso Amulio, regnum Numitori restituitur; & vrbs Romana ab adolescentibus conditur. Tunc & senatus centum seniorum, qui patres dicti sunt, constituitur: tunc & vicinis connubia pastorum dedignantibus virgines Sabinae rapiuntur; finitimisque populis armis subiectis, primum Italiae, & mox orbis imperium quæsitum. Per ea adhuc tempora reges hastas pro diademate habebant, quas Græci sceptrâ dixere. Nam & ab origine rerum pro dijs immortalibus veteres hastas coluere: ob cuius religionis memoriam adhuc deorum simulacris hastæ adduntur. Temporibus Tarquinij regis, ex Asia Phœnensium iuuentus, ostio Tyberis inuecta, amicitiam cum Romanis iunxit: inde in ultimos Galliaë sinus nauibus profecta, Massiliam inter Ligures, & feras gentes Gallorum condidit: magnasque res, siue dum armis

armis se aduersus Gallicam feritatem tuentur, siue dum ultro laceſſunt, à quibus fuerant ante laceſſiti, geſſerunt. Namque Phocenses exiguitate ac macie terræ coacti, studiosius mare quam terras exercuere, piſcando, mercando, plerumque etiam latrocinio maris ( quod illis temporibus gloriæ habebatur ) vitam tolerabant. Itaque in ultimam Oceani oram procedere auſi, in finum Gallicum ostio Rhodani amnis deuenire. Cuius loci amœnitate capti reuerſi domum, referentes, quæ viderant, plures ſolicitauere. Duces classiſſi Simos & Protis fuere. Itaque regem Segobrigiorum, Nannum nomine, in cuius finibus urbem condere geſtiebant, amicitiam petentes conueniunt. Forte eo die rex occupatus in apparatu nuptiarum Gyptis filiæ erat: quam morte gentis electo inter epulas genero, nuptum tradere illic parabat. Itaque cum ad nuptias inuitati omnes proceſſiſſent, rogantur etiam Græci hospites ad conuiuium. Introducta deinde virgo, cum iuberetur à patre aquam porrigere ei, quem virum eligeret, tunc omiſſis omnibus ad Græcos conuerſa, aquam Proti porrigit: qui factus ex hospite gener locum condendæ urbis à ſocero accepit. Condita igitur Maſſilia eſt prope ostia Rhodani amnis, in remoto finu, veluti in angulo maris. Sed Ligures incrementis urbis inuidentes, Græcos aſſiduis bellis fatigabant. Qui pericula propulſando in

tantum enituerunt, ut victis hostibus, in captiuis agris multas colonias constituerent. Ab his igitur Galli & usum vitæ cultioris, deposita & mansuefacta barbaria, & agrorum cultus, & vrbes mœnibus cingere didicerunt. Tunc & legibus, non armis viuere, tunc & vitem putare, tunc oliuam ferere consueuerunt: adeoque magnus & hominibus & rebus impositus est nitor, ut non Græcia in Galliam emigrasse, sed Gallia in Græciam translata videretur. Mortuo rege Nanno Segobrigiorum, à quo locus acceptus condendæ vrbis fuerat, cum regno filius eius Comanus successisset, affirmante regulo quodam, quandoque Massiliam exitio finitimis populis futuram, opprimendamque in ipso ortu, ne mox validior ipsum obrueret, subnectit & illam fabulam: Canem aliquando partu grauidam locum à pastore precario petisse, in quo pareret: quo obtento, iterato petisse, ut sibi educare eodem in loco catulos liceret: ad postremum adultis catulis, sultam domestico præsidio, proprietatem loci sibi vindicasse. Non aliter Massilienses, qui nunc inquilini videantur, quandoque dominos regionum futuros. His incitatus rex, insidias Massiliensibus extruit. Itaque solemnibus Florariorum die multos fortes ac strenuos viros hospitij iure in urbem misit: plures scirpis latentes, frondibusq; supertectos induci vehiculis iubet, & ipse cum exercitu in proximis montibus delitescit: ut quâ nocte à prædictis aper-

tæ portæ forent, tempestiue ad insidias adef-  
 fet: urbemq; somno ac vino sepultam arma-  
 tis inuaderet. Sed has insidias mulier quædā,  
 regis cognata prodidit, quæ adulterare cum  
 Græco adolescente solita, in amplexu iuenis  
 miserata formæ eius, insidias aperuit, pericu-  
 lumq; declinare iubet. Ille rem statim ad ma-  
 gistratus deferret: atque ita patefactis insidijs,  
 cuncti Ligures comprehenduntur, latantesq;  
 de scirpis protrahuntur. Quibus omnibus in-  
 terfectis, insidianti regi insidiæ tenduntur.  
 Cæsa sunt cum ipso rege hostium septē mil-  
 lia. Exinde Massilienses festis diebus portas  
 claudere, vigilias agere, stationem in muris  
 obseruare, peregrinos recognoscere, curas ha-  
 bere, ac veluti bellum habeant, sic urbem pa-  
 cis temporibus custodire: adeo illic bene in-  
 stituta non temporum necessitate, sed recte  
 faciendi consuetudine seruantur. Post hæc  
 magna illis cum Liguribus, magna cum Gal-  
 lis fuere bella: quæ res & urbis gloriam au-  
 xit, & virtutem Græcorum, multiplicata vi-  
 ctoria, celebrem inter finitimos reddidit. Car-  
 thaginiensium quoque exercitus, cū bellum  
 captis piscatorum nauibus ortum esset, sæpe  
 fuderunt, pacemq; victis dederunt: cum His-  
 panis amicitia iunxerunt, cum Romanis pro-  
 pe ab initio conditæ urbis, fœdus summa fide  
 custodierunt, auxilijsq; in omnibus bellis in-  
 dustrie socios iuuerunt: quæ res illis & virium  
 fiducia auxit, & pacem ab hostibus præstitit.  
 Cum igitur Massilia fama rerum gestarum,

&



& abundantia opum, & virium gloria vi-  
 rente floreret, repente finitimi populi ad  
 nomen Massiliensium delendum, veluti ad  
 commune extinguendum incendium, con-  
 currunt. Dux consensu omnium Catuman-  
 dus regulus eligitur: qui cum magno exer-  
 citu lectissimorum virorum urbem hostium  
 obsideret, per quietem specie toruæ mulie-  
 ris, quæ se deam dicebat, exterritus, ultro  
 pacem cum Massiliensibus fecit: petitoque,  
 ut intrare illi urbem, & deos eorum adorare  
 liceret, cum in arcem Mineruæ venisset,  
 conspecto in porticibus simulacro deæ,  
 quam per quietem viderat, repente exclam-  
 at, illam esse, quæ se nocte exterruisset,  
 illam, quæ recedere ab obsidione iussisset.  
 Gratulatusque Massiliensibus, quod ani-  
 maduerteret eos ad curam deorum immor-  
 talium pertinere, torque aureo donata dea,  
 in perpetuum amicitiam cum Massiliensi-  
 bus iunxit. Parta pace, & securitate fun-  
 data, reuertentes à Delphis Massiliensium  
 legati, quo missi munera Apollini tulerant,  
 audierunt urbem Romanam à Gallis cap-  
 tam incensamque. Quam rem domi nun-  
 tiatam publico funere Massilienses prose-  
 quuti sunt: aurumque & argentum publi-  
 cum priuatumque contulerunt, ad explen-  
 dum pondus Gallis, à quibus redemptam  
 pacem cognouerant. Ob quod meritum &  
 immunitas illis decreta, & locus spectaculo-  
 rum in senatu datus, & foedus æquo iure  
 per-

percussum. In postremo libro Trogus maiores suos à Vocontijs originem ducere; auum suum Trogum Pompeium, Sertoriano bello, ciuitatem à Cn. Pompeio percepisse dicit; patrum Mithridatico bello turmas equitum sub eodem Pompeio duxisse, patrem quoque sub Caio Cæsare militasse, epistolarumq; & legationum, simul & anuli curam habuisse.

## LIBER XLIV.

**H**ispania, sicuti Europæ terminos claudit, ita & huius operis finis futura est. Hanc veteres ab Ibero. amne primum Iberiam, postea ab Hispano Hispaniam cognominauerunt. Hæc inter Africam & Galliam posita, Oceani freto, & Pyrenæis montibus clauditur. Sicut minor vtraque terra, ita vtraque fertilior. Nam neque vt Africa violento sole torretur, neque vt Gallia assidujs ventis fatigatur, sed media inter vtramque, hinc temperato calore, inde felicibus & tempestiuis imbribus, in omnia frugum genera fecunda est, adeo vt non ipsis tantum incolis, verum etiam Italiæ, vrbique Romanæ, cunctarum rerum abundantia sufficiat. Hinc enim non frumenti tantum magna copia est, verum & vini, mellis, oleique; nec ferri solum materia præcipua est, sed & equorum, pernices greges; nec summa tantum terræ laudanda bona, verum & abstrusorum metallorum felices diuitiæ; iam lini, spartique

vis

vis ingens : minij certe nulla feracior terra .  
 In hac cursus amnium non torrentes , rapidi-  
 que , vt noceant , sed lenes , & vineis campif-  
 que irriguis , æstuarijsque Oceani affatim pi-  
 fcosi : plerique etiam diuites auro , quod in  
 paludibus vehunt . Vno tantum Pyrenæi  
 montis dorso adhæret Galliæ ; reliquis parti-  
 bus vndique in orbem mari cingitur . For-  
 ma terræ prope quadrata , nisi quod artanti-  
 bus freti littoribus in Pyrenæum coit . Porro  
 Pyrenæi montis spatium sexcenta millia pas-  
 suum efficit . Salubritas cœli per omnem His-  
 paniam æqualis , quia aeris spiritus nulla pa-  
 ludum graui nebula inficitur . Huc acce-  
 dunt & marinæ auræ , vndique versus assi-  
 duus flatus , quibus omnem prouinciam pene-  
 trantibus , euentilato terrestri spiritu , præci-  
 pua hominibus sanitas redditur . Corpora ho-  
 minum ad inediam , laboremque , animi ad  
 mortem parati . Dura omnibus & adstricta  
 parsimonia . Bellum quam otium malunt : si  
 extraneus deest , domi hostem quærunt . Sæ-  
 pe tormentis pro silentio rerum creditarum  
 immortui : adeo illis fortior taciturnitatis cu-  
 ra , quam vitæ . Celebratur etiam bello Pu-  
 nico serui illius patientia , qui vltus domi-  
 num , inter tormenta risu exultauit , serena-  
 que lætitia crudelitatem torquentium vicit .  
 Velocitas genti pernix , inquies animus : plu-  
 rimis militares equi , & arma , sanguine ipso-  
 rum cariora . Nullus in festos dies epularum  
 apparatus . Aqua calida lauari post secundum  
 bellum

bellum Punicum à Romanis didicere . In tanta seculorum serie nullus illis dux magnus præter Viriatum fuit : qui annis decem Romanos varia victoria fatigauit ( adeo feris propiora , quam hominibus ingenia gerunt ) quem ipsum non iudicio populi electum , sed vt cauendi scientem , declinandorumque periculorum peritum , sequuti sunt : Cuius ea virtus continentiaque fuit , vt cum consulares exercitus frequenter vicerit , tantis rebus gestis , non armorum , non vestis cultum , non denique victum mutauerit ; sed in eo habitu , quo primum bellare cœpit , perseuerauerit , vt quiuus gregarius miles ipso imperatore opulentior videretur . In Lusitanis iuxta fluuium Tagum , vento equas fœtus concipere , multi auctores prodidere : quæ fabulæ ex equarum fœcunditate , & gregum multitudine natæ sunt : qui tantî in Gallecia & Lusitania , ac tam pernices visuntur , vt non immerito vento ipso concepit videantur . Galleci autem Græcam sibi originem asserunt . Siquidem post finem Troiani belli , Teucrum morte Aiædis fratris inuisum patri Telamoni , quum non reciperetur in regnum , Cyprum concessit , atque ibi urbem nomine antiquæ patriæ Salaminam condidisse . Inde accepta opinione paternæ mortis , patriam repetisse . Sed cum ab Euryface Aiædis filio , accessu prohiberetur , Hispaniæ littoribus

bus appulsum , loca , vbi nunc est Carthago noua , occupasse , inde Galleciam transisse , & positis sedibus genti nomen dedisse . Galleciæ autem portio , Amphilocho dicuntur . Regio cum æris ac plumbi vberima , tum & minio , quod etiam vicino flumini nomen dedit . Auro quoque ditissima , adeo vt etiam aratro frequenter glebas aureas exseindant . In huius gentis finibus sacer mons est , quem ferro violari nefas habetur : sed si quando fulgure terra profcissa est , quæ in his locis assidua res est , detectum aurum , velut Dei munus , colligere permittitur . Feminae res domesticas , agrorumque culturas administrant ; ipsi armis , & rapinis seruiunt . Præcipua his quidem ferri materia , sed aqua ipso ferro violentior : quippe temperamento eius ferrum acrius redditur : nec vllum apud eos telum probatur , quod non aut Bilbili fluuiio , aut Chalybe tingatur . Vnde etiam Chalybes , fluuij huius finitimi appellati , ferroque cæteris præstare dicuntur . Saltus vero Tartesiorum , in quibus Titanas bellum aduersus deos gessisse proditur , incolere Curetes : quorum rex verustissimus Gargoris , mellis colligendi vsum primus inuenit . Huic cum ex filia stupro nepos prouenisset , pudore flagitij , varijs generibus extinguere parvulum voluit : sed per omnes casus fortuna quâdam

quadam seruatus , ad postremum ad regnum tot periculorum miseratione peruenit . Primum omnium cum eum exponi iussisset , & post dies ad corpus expositi requirendum misisset , inuentus est vario ferarum lacte nutritus . Deinde relatum domum , tramite angusto , per quem armenta commeare consueuerant , proijci iubet : crudelis prorsus , qui proculcari nepotem , quam simplici morte interfici maluit . Ibi quoque cum inuiolatus esset , nec alimentis egeret , canibus primo ieiunis , & multorum dierum abstinentia cruciatis , mox etiam suis obiecit . Itaque cum non solum non noceretur , verum etiam quarundam vberibus aleretur , ad vltimum in Oceanum abijci iussit . Tum plane manifesto quodam numine , interfurentes æstus , ac reciprocantes vndas , velut naue non fluctu veleretur , leni salo in littore exponitur : nec multo post cerua affuit , quæ vbera paruulo offerret . Inde denique conuersatione nutricis eximia , puero pernicitas fuit ; interque ceruorum greges diu montes saltusque , haud inferior velocitate , peragrauit . Ad postremum laqueo captus , regi dono datus est . Tunc & lineamentorum similitudine , & notis corporis , quæ iniustæ paruulo fuerant , nepos agnitus . Admiratione deinde tot casuum periculorumque , ab eodem successor regni destinatur . Nomen illi imposi-

impositum Habidis : qui vt regnum accepit , tantæ magnitudinis fuit , vt non frustra deorum maiestate tot periculis ereptus videretur : quippe barbarum populum legibus iunxit ; & boves primus aratro domari , frumenta-que sulco quærere docuit ; & ex agresti cibo mitiore vesci , odio eorum quæ ipse passus fuerat , homines coegit . Huius casus fabulosi viderentur , nisi & Romanorum conditores lupa nutriti , & Cyrus rex Persarum cane alitus prodere-  
tur . Ab hoc & ministeria seruilia populo interdicta , & plebs in septem vrbes diuisa . Mortuo Habide regnum per multa-  
saecula à successoribus eius retentum est . In alia parte Hispaniæ , & quæ ex insulis constat , regnum penes Geryonem fuit . In hac tanta pabuli lætitia est , vt nisi ab-  
stinencia interpellata sagina fucrit , pecora rumpantur . Inde denique armenta Geryonis , quæ illis temporibus solæ opes habebantur , tantæ famæ fuere , vt Herculem ex Asia prædæ magnitudine illexerint . Porro Geryonem ipsum non triplicis naturæ , vt fabulis proditur , fuisse ferunt , sed tres fratres tantæ concordie extitisse , vt vno animo omnes regi viderentur , nec bellum Herculi sua sponte intulisse ; sed quum armenta sua rapi vidissent , amissa bello repetisse . Post regna deinde Hispaniæ primi Carthaginenses imperium pro-  
uinciæ



uinciæ occupauere . Nam cum Gaditanī  
 à Tyro , vnde & Carthaginiensibus ori-  
 go est , sacra Herculis , per quietem ius-  
 si , in Hispaniam transtulissent , urbem-  
 que ibi condidissent , inuidentibus in-  
 crementis nouæ vrbis finitimis Hispaniæ  
 populis , ac propterea Gaditanos bel-  
 lo laceissentibus , auxilium consanguineis  
 Carthaginienses misere . Ibi felici ex-  
 peditione , & Gaditanos ab iniuria vin-  
 dicauerunt , & maiorem partem prouin-  
 ciæ imperio suo adiecerunt . Postea  
 quoque hortantibus primæ expeditionis  
 auspicijs , Hamilcarem imperatorem cum  
 magna manu ad occupandam prouinciam  
 misere : qui magnis rebus gestis , dum  
 fortunam inconsultius sequitur , in in-  
 sidias deductus , occiditur . In huius lo-  
 cum gener ipsius Hasdrubal mittitur :  
 qui & ipse à seruo Hispani cuiusdam ,  
 vlciscente domini iniustam necem , in-  
 terfectus est . Maior utroque Annibal  
 imperator Hamilcaris filius succedit . Si-  
 quidem vtriusque res gestas supergres-  
 sus , vniuersam Hispaniam domuit :  
 inde Romanis illato bello , Italiam  
 per annos sexdecim varijs cladibus fati-  
 gavit : cum interea Romani , missis in  
 Hispaniam Scipionibus , primo Pœnos  
 prouincia expulerunt : postea cum ipsis  
 Hispanis grauius bella gesserunt : nec  
 prius perdomita prouincia iugum  
 Hispa-

Hispaniæ accipere potuerunt , quam Cæ-  
 sar Augustus perdomito orbe , victricia  
 ad eos arma transtulit , populum-  
 que barbarum ac ferum , legi-  
 bus ad cultiorem vitæ vsum  
 traductum , in for-  
 mam prouin-  
 ciæ rede-  
 git.

**F I N I S.**

**D E**

D E

## TROGO POMPEIO

E T

## I V S T I N O.

Ex Iacobo Bongarsio.

**D**E Trogi Pompeij genere, hac Iustinus ipse, ad finem lib. 43. In ultimo libro Trogius maiores suos à Vocotijs ( ita MSS. omnes, non ut vulgo Volsis ) originem ducere; autem suum Trogi Pompeium Sertoriano bello à Cn. Pompeio ciuitatem percepisse dicit: patrum Mithridatico bello turmas equitum sub eodem Pompeio duxisse. patrem quoque sub Caio Cæsare militasse; epistolarumque & legationum simul & annali curam habuisse. Caium Cæsarem intelligit, illum qui superato Pompeio Remptenuit, ut loquitur in epistolis Seneca; non eum qui post Tiberium imperio potitus. Dubitanter hoc scribo, & mihi ipse pene diffidens, quum sciam aliter videri doctissimo historiarum, omnisque antiquitatis prudentissimo viro: quem quominus possim hoc tempore consulere, eiusque colloquio atque familiaritate doctior fieri, facit hac-clades noua pestilitasque: propter

pter quam hic & Musa abumnis suis spoliata conticuerunt ; & mœsti , tot tantasque intuentur vastitates funerum : ut merito dixerit M. Varro , nasci nos spissius quam emori . Vix duo homines , inquit , decem mensibus edolatum vnum reddunt puerum : contra , vna pestilentia , hostica acies , puncto temporis ; immanes acervos facit . Itaque si quid in his notis est , aut non notatum , aut male notatum , id adscribes , Lector , doctorum virorum , quos ut oracula consulebam , absentia ; & mea tot imminentibus periculis sollicitudini . Sed , ut eo unde excessit , redeat oratio , à Mithridatico bello , quo Trogi nostri patrem iam fuisse , nemo negauerit , ad Casarem Caligulam , sunt ut minimum anni centum . Vixisse ergo Trogum iudico , Augusti & Tiberij temporibus : quibus floruisse & Q. Curtium Rufum , ut ab humanissimo & scriptorum veterum peritissimo P. Pithæo didici , ita docebo ad eius historias . Trogus autem noster , quum forte Sallustio & Livio res Pomp. Rom. memoratas videret , ad Græcam & peregrinam historiam scribendam aggressus est . Trogi nomen , arbitror , barbarum , Pompeij ab avo est . Solebant enim peregrini in eorum nomina transire , quorum beneficio ciues Rom. erant . M. Cicero ad Acilium , de Demetrio Mega , ei Dolabella , inquit , rogatu meo civitatem à Cæsare impe-

impetrauit: qua in re, ego interfui: Ita-  
que nunc P. Cornelius vocatur. M. Varro  
lib. 5. de L. L. meminit cuiusdam T. Quin-  
tij Trogi: & Tacitus 11. Annal. Saufel-  
lum (velut is cui magnam partem salu-  
tem debet Tacitus; Saufeium.) Trogum  
commemorant, qui fortasse Seneca est. M.  
Heluius Trogus.

Iustinus Trogi abbreviator, quo tempore  
vixerit, non habeo dicere: fortasse quis  
eum imperio Constantinopolim translato flo-  
ruisse colliget ex eius libro 8. quum inquit,  
Graciam etiam nunc, & viribus & digni-  
tate, orbis terrarum principem: qua ta-  
men coniectura levis est nimis. Nam quod  
quidam Methodici claruisse eum anno Chri-  
sti centesimo quinquagesimo scripserunt,  
nullo auctore scripserunt: In errorem indu-  
cti, quod hac epitoma, in vulgo editis li-  
bris, Antonino Imper. inscribatur, contra  
veterum codicum fidem. Vixit quidem sub  
Antonino Iustinus martyr & philosophus,  
cuius extant opera Græca, & qui anno  
143. librum pro nostra religione compo-  
situm, Antonino tradidit, ut est in Chroni-  
co Eusebij. Hunc illi eundem cum nostro fa-  
cere videntur & ante eos nescio quis Marti-  
nus Polonus, nulla probabili ratione. Iu-  
stinum, cuius hac est epitoma, nemo D.  
Hieronymo antiquior commemorat: eius mi-  
hi locum, ex præfatione in Daniele, no-  
tauit doctissimus P. Pitæus. Pane præ-  
terieram

362 VITA TROGO POMP. ET IVST.

*terieram in bibliotheca Medicaa vidisse me*  
*beneficio Fr. Victorij, Petri nepotis Iustini*  
*codicem litteris Longobardicis, in quo*  
*hic auctor, M. Iunianus Iusti-*  
*nus dicitur: qui & in Ant.*  
*Arnaldi amplissimi*  
*viri ms. Iusti-*  
*nus Fronti-*  
*nus.*



TROGI

# TROGI POMPEII FRAGMENTA.

DE EODEM, & IVSTINO

*veterum auctorum loca.*

## PRISCIANVS LIB. VI.

Trogus Pompeius lib. 6. Inde Scepsim petiit, quo se media interfecta focru contulerat, is ab Herculide petito colloquio.

*Idem lib. 5.* Trogus historicus in xxi. foemininum à flamine, protulit hæc flaminea. Papicio propterea mortem flaminæ, flaminio obijt.

VETVS INTERPRES Virgilij,  
qui est apud P. Danielelem, in  
illud tertij Æneid.

*Teucrus Rhæteas primum est aduectus in  
oras.*

*Teucrus.* de hoc fabula duplex est: Nam & de parentibus eius dupliciter traditur. Alij enim Cureas & Idæ Nymphæ; alij inter quos & Trogus, Scamandri filium tradunt: qui *Scamander*, cum *Creta* frugum inopia laboraret, cum parte tertia populi, ad exteras sedes quærendas profectus est, ab Apolline monitus, ibi eum habiturum sedes, vbi noctu à terrigenis oppugnatus esset:

Q 2 Cum



Cum Ad Phrygiam venisset , & castra posuisset , noctu mures arcuum nervos & loramenta armorum adroserunt. Scemander hos interpretatus hostes esse terrigenas , in Idæ montis radicibus ædificia collocavit : qui cum aduersus finitimos bellum gereret , victor in Xanto flumine lapsus non comparuit , qui post à Cretensibus in honorem regis sui Scamander appellatus est ; filioque eius *Teucro* regnum traditum , qui viros e suo nomine *Teucros* appellauit , qui post à rege *Troo* Troiani dicti sunt , & templum *Apollini* constituit , quem *Sinythium* appellauit ; Cretenses enim murem *Smythicem* dicunt , &c.

Idem ad illud 4. *Æneid.*

*Ductoresq; alijs quos Africa terra triumphis Dines alit.* —

*Triumphis diues*, id est, bellicosa, & quidam dicunt Afros numquam triumphasse. Plinius autem secundo historiæ naturalis , & Pompeius Trogus Afros dicunt pompam triumphi primos inuenisse , quam sibi Romani postea vindicauerunt . Libius autem Andronicus refert , eos de Romanis sapius triumphasse, suosque porticus Romanis spolijs adornasse, merito ergo *dines triumphis*.

**PLINIVS** in indice *Historia Naturalis*, Trogum auctorem multis locis laudat , ut lib. 7. 8. 9. 10. 11. 12. 13. 14. 15. 16. 17. 18. 31. *Qua ex eo transtulit, non arbitror, esse ex libris historiarum.*

Lib.

*Lib. 7. Cap. 3.* Et in Ægypto septenos vno vtero simul gigni, auctor est Trogus, *Eadem fere totidem verbis, Solinus cap. 3.*

*Lib. 11. Cap. 39.* Pili à cute exeunt crassa, hirti: foeminis tenuiores, equis in iuba largi, in armis Leoni: dasypodi & in buccis intus & in pedibus: quæ vtraque Trogus & in lepore tradit, hoc exemplo libidino flores hominum quoque colligens.

*Cap. 52.* Addidit morum quoque aspectus simili modo apud nos Trogus, & ipse auctor seuerissimus, quos verbis eius subijciam. Fons ubi est magna, segnem animum subesse significat, quibus parua, mobilem; quibus rotunda, iracundum, velut hoc vestigio tumoris apparente. Supercilia quibus porriguntur in rectum, molles significant; quibus iuxta nasum flexa sunt, austeros; quibus iuxta tempora inflexa, derisores, quibus in totum deflexa, maleuolos & inuidos. Oculi quibuscunque sunt longi, maleficos esse iudicant; qui carnosos à naribus angulos habent, malitiæ notam præbent; candidi pars extenta, notam impudentiæ habet; qui identidem operire solent, inconstantia. Auricularum magnitudo, loquacitatis & stultitiæ nota est. Hactenus Trogus.

*Lib. 17. Cap. 10.* Nam folia palmarum apud Babylonios feri, atque ita arborena prouenire, Trogum credidisse demitor.

*Lib. 31. Cap. ult.* Trogus auctor est, circa

Q 3 Ly-

## 366 FRAGMENTA.

Lyciam penicillos mollissimos nasci in alto,  
unde ablatae sint spongiae.

## CHARISIVS LIB. I.

Sed & Valgius, & Verrius, & Trogus de  
animalibus: hæ res lacte dicuntur; at con-  
suetudo tamen aliud sequitur.

*Leg. fortasse. hi tres lacte dicunt.*

## FL. VOPISCVS IN AVRELIANO.

Neminem scriptorum, quantum ad hi-  
storiam pertinet, non aliquid esse menti-  
tum: prodente quinetiam, in quo Livius, in  
quo Sallustius, in quo Cornelius Tacitus, in  
quo denique Trogus manifestis testibus con-  
vincerentur.

*Idem in Probo.* Et mihi quidem id animi  
fuit, non ut Sallustios, Livios, Tacitos, Tro-  
gos atque omnes disertissimos imitarer vi-  
ros in vita principum & temporibus disce-  
rendis.

## HIERONYMVS PROOEMIO.

*In Daniele.*

Ad intelligendas autem extremas partes  
Danielis, multiplex Græcorum historia,  
necessaria est, &c. præcipueque nostri Livij  
& Pompeij Trogi, & Iustini, qui omnem ex-  
tremæ visionis narrant historiam; & post  
Ale-

Alexandrum vsque ad Cæsarem Augustum, Syriae & Ægypti, id est Seleuci & Antiochi, & Ptolemæorum bella describunt.

*Idem in cap. 5. Danielis.* Quo (de Balthazare loquitur) interfecto, à Dario rege Medorum, qui Cyri regis Persarum autunculus fuit, & Cyro Persa, quæ duo regna Esaias ascensorem bigæ cameli & asini vocat, destructum esse imperium Chaldæorum. Quod quidem & Xenophon in Cyri maioris scribit infantia, & Pompeius Trogus, & multi alij, qui barbaras scripsere historias.

## AUGUSTINVS LIB. IV.

### *De ciuitate Dei, cap. 5.*

Iustinus qui Græcam, vel potius peregrinam, Trogum Pompeium sequutus, non Latine tantum, sicut ille, verum etiam breuiter scripsit historiam, opus librorum suorum sic incipit: Principio rerum, &c.

*Paulo post.* Qualibet autem fide rerum, vel iste, vel Trogus scripserit: nam quædam illos fuisse mentitos, aliæ fideliores literæ ostendunt: constat tamen, & inter alios scriptores, regnum Assyriorum à Nino rege fuisse longe lateq; porrectum.

## OROSIUS LIB. I. C. VIII.

*De fame Ægypti, cui Ioseph subuenit.*

Pompeius historicus, eiusque breuiator Iustinus docet.

*Et cap. 10. Ait enim Pompeius, siue Iustinus hoc modo, Ægyptij cum scabiem & vitiliginem, &c. quæ exstant lib. 36. Iustini.*

*Transcripsit autem Orosius ad verbum, pleraque ex Iustino in suam Ormestam mutata enim in Mss. inscribitur ipsius historia.*

## ISIDORVS LIBRO DE NATVRA

*Rerum, quæ in Mss. P. Pithæi inscribitur de Astronomia.*

De monte Æthna Iustinus in libro historiarum ita scripsit. Siciliæ tellus tenuis ac fragilis & cauernis quibusdam fistulisque ita penetrabilis, &c. quæ exstant lib. 4.

## IORNANDES LIBRO.

*De rebus Gothicis.*

Ex quorum (Gothorum) nomine vel genere Trogi Pompeius, Parthorum dicitur extitisse profapia.

*Idem*

*Idem.* Tunc Cyrus rex Persarum, post grande interuallum, & pene post sexcentorum triginta annorum tempora, Pompeio Trogo testante, Getarum reginæ Thamiri, sibi exitiale intulit bellum.

## MARTINVS POLONVS

*sub Antonino Pio.*

Eo tempore, floruit Pompeius Trogus, natione Hispanus, qui totius orbis historias à tempore Nini regis Assyriorum, vsque ad Monarchiam Cæsaris Latino sermone deduxit, distinguens per libros XLIV. quorum abbreviationem fecit Iustinus eius discipulus: Qui Iustinus philosophus Antonino Pio librum de Christiana religione compositum tradidit, & benignum eum Christianis fecit.

Sarisberiensis in *Policratico*, Iustinum saepe citat.















